





12

12
2
5
4



già ~~usata~~ ~~usata~~ ~~usata~~ 94



CHRISTOPHORI
A VEGA COMMEN-
TARIA IN LIBRVM
APHORISMORVM
HIPPOCRATIS.



LUGDVNI,
APVD CLEMENTEM BAVDIN.
M. D. LXX.

*Cum Catholice Maiestatis privilegio
ad decennium.*

mor.



35

EL REY.



O R quanto por parte de vos el doctór Vega medico del serenissimo Principe don Carlos nuestro muy caro y muy amado hijo nos asydo fecha relation, quetemades vn libro que se intitulaua, Christophori à Vega Commentaria in librum Aphorismorum Hippocratis. el qual era muy util y prouechoso, e nos supplicastes vos diessemos licencia y facultad para que lo pudieessedes ymprimir e vender, mandando que por el tiempo que nuestra merced e voluntad fuesse otra ninguna persona la pudieesse ymprimir e vender so graues penas, o como la nuestra merced fuesse. Lo qual visto por los del nuestro Consejo juntamente con el dicho libro que de suso se haze mencion que por nuestro mandado fue visto y examinado por el Licenciado Galbez nuestro medico, fue accordado que deuiamos mandar dar esta nuestra Cedula en la dicha razon por la qual por hazer bien y merced à vos el dicho doctór Vega vos damos licencia y facultad para que por tiempo de dies años primeros següientes contados desde el dia de la data desta nuestra carta en adelante vos o qui en vuestro poder hubiere, podays ymprimir e vender en estos nuestros reynos dela Corona de Castilla el dicho libro que de suso se haze mencion siendo primeramente tassado el molde del por los del nuestro Consejo, e poniendose el traslado desta nuestra Cedula con la tassacio al principio del dicho libro, e no en otra manera e mandamos que durante el dicho tiempo de los dichos dies años ninguna

otra persona lo pueda ymprimir e vender syn el
vuestro poder so pena que pierda la ympression que
ansy hiziere. y mas incurra en pena de dies mil
marcs, los quales se repartan, la tertia parte para
nuestra camera, e la otra tertia parte para el que lo
acusare: e la otra tertia parte para el Iuez que lo sen
tentiare. e por esta nuestra cedula mādamos à todas
e qualesquier nuestras Iusticias à cada vno en su
Jurisdiction que garden, complan y executen lo en
ella contenido, e contra el tenor dello no vayan ny
passen ny consientan ir ny passar por alguna manera
so pena de la nuestra merced y de dies marcs pa
ra la nuestra Camera à cada vno que lo contrario
hiziere. Fecha en Madrid à xxxj. dias del mes de
Julio a^o del Señor de milequinientos e sensenta e
tres años.

Yo el Rey.

Por mandado de su Magestad.

Francisco de Erasso.





A D C A R O L V M
H I S P A N I A R V M
P R I N C I P E M
Maximum.

POST peractum
librum de Arte
medendi tribus fe-
re annis occupatus
in curanda quar-
tana, quam tua
Celsitudo patiebatur, animo & cor-
pore vehementer afflictus, nihil me-
moriam dignum potui operibus meis
adiicere: Verum iam finita quar-
tana decreui librum Aphor. Hippoc.
interpretari, & eundem commen-

EPISTOLA.

tariis elucidare. Quod opus multi
 prater Galenum aggressi sunt, quis-
 que pro suo ingenio & eruditione,
 quibuscum annumerari non erit
 indecerum. Inceperam id elabora-
 re, cum nostro omnium infortunio
 cadens ab scala Celsitudo tua, ca-
 pite vulneratus, reuocauit nos ab
 instituto grauis illa necessitas. Suc-
 cessit sane feliciter, diuino praefer-
 tim auxilio, quo summa prouiden-
 tia cauit mala futura, si te ipsum
 de medio tolleret, quem singula-
 rem praefecit patronum seruandae
 Christianae rei publicae. Quod &
 modo facis & in posterum te factu-
 rum speramus vigente etate, simul
 & potestate. Ea enim est in te vir-
 tus, is est clementiae, humanitatis,
 &

EPISTOLA.

Et religionis splendor, ut possis
 cum tuis prædecessoribus Impera-
 toribus Et Regibus summe Catho-
 licis Et Christianissimis contende-
 re. Trepidant Turcæ, terrentur
 Sarraceni, formidant Apostata,
 cum tuum animum spectant: Re-
 uerentur Et suspiciunt Hispani,
 Flandri, Itali, Et Indi qui trans
 Oceanum sunt, Caroli Principis
 nomen. Prætermitto modo dicere
 multa de tui animi præstantia, vir-
 tute, Et celsitudine, quòd Histo-
 ria potius quàm Epistola debean-
 tur. Tibi igitur Princeps maxime,
 cuius liberalitatem ex beneficio-
 rum amplitudine quotidie experior,
 librum hunc dicaui, ut tutus ad
 Indos usque tuo favore munitus

EPISTOLA.

*peregrinetur, & ubique benigne re-
cipiatur.*

*Vale Christiana religionis acer-
rimus propugnator. Antigola Ka-
lendis Iunij, 1563.*





CHRISTOPHORI

à Vega Commentaria in li-
brum Aphorismorum
Hippocratis.



Notuimus quàm plu-
rimos disciplina-
rum studiosos, quí-
que non paruum
in eisdem fecerunt
accessionem, diuer-
sos admodum scopos sequentes scri-
psisse libros: omnes tamen ad vnum
conati sunt easdem, in quibus versa-
bantur disciplinas augere, aliis pro-
desse, & se ipsos honestis titulis con-
decorare. Cæterum quidem anti-
quorum sententias exposuerunt, eas-

P R A E F A T I O.

dem patefacientes , dilatantes , & roborantes: nonnulli causas eorum, quæ ab autoribus dicebantur apponentes , aduersariis contradicentes, & sapientissimos viros omni via & ratione ab imperitorum calumniis vindicantes. Alij aliorum sententias collegerunt, quibusdam mutatis, aut additis. Alij suas adinuenere vias, quibus artes docerent , & addiscentes minori assequerentur labore, addentes multa tam in generalibus, quàm in singularibus artium documentis. Hos verò alios maleuolentia motos, accusare nouimus, vt rerum nouatores , quibus ea tantum placent , quæ ab autoribus suis , aut præceptoribus probata receperunt, eisdem se totos tradentes, ac mancipantes. Placuit sane nobis olim librum Prognost. Hippoc. exponere.

Placuit

P R A E F A T I O.

Placuit etiam lib. Galen. De diffe. fe.
 Commentariis illustrare. Sed tamen
 visum est mihi aliquando de vrinis
 propria docere, & rursus maiorem
 subire prouinciam, & magnam to-
 tius artis medicæ partem, vno volu-
 mine comprehendere, meliori qua
 potui via, non sine commodo eo-
 rum, qui deinceps artem ordine do-
 cere instituerint, atque eorum, qui
 eandem adiscere voluerint. Curaui
 mehercule id ante quinquagesi-
 mum annum peragere, ne morte
 præuentus frustrarer sine, aut mor-
 bis correptus ille meus ardor iuuan-
 di studiosos restingeretur. Cæte-
 rum quinquaginta iam annos na-
 tus, adhuc valens & constans, si Deo
 placet, neque id reliquum, quod vi-
 tæ superest, in silentio transigere, æ-
 quum duxi. Nec tamen puter aliquis
 me

PRAEFATIO.

me alioqui à docendi munere exoneratum à laboribus omnino liberum fuisse superstitem, qui Caroli Hispaniarum principis maximi salutem seruandam suscepi, mandato Regis Philippi patris sui, cuius Maiestati sumus semper obnoxij. Accessit etiam non contemnendus labor in curandis morbis magnatum multorum, & aliorum, qui se nobis quotidie committunt, quibus nostrum auxilium denegare non foret honestum, licet tamen interim nonnullas horas ad scribendum eligere, quas in exponendis, dilatandis, & ubi opus fuerit defendendis Hippo. aphorismis, locare decreui. Cum quòd singuli singulares contineant sententias, breues ac memoria dignas, quas Laconicas esse dixit Plato: tum quòd in diuersis admodum
senten

P R A E F A T I O.

sententiis, diagnosticis, prognosticis
 & curatiuis, in quibus tot annos la-
 borauimus, modo versari, non pa-
 rum nobis sit allaturū oblectamen-
 tum, & animo recreationem. Est li-
 bri titulus, Hippocratis aphorismi, *Apho-*
 hoc est, sententiæ separatae, à verbo *rismus.*
ἀπορρίστω, quod est, separo & segrego:
 sunt etenim huius libri sententiæ
 seiunctæ, & raro inter se connexæ,
 quamuis aliquando inuenias non-
 nullos aphorismos de eadem artis
 parte scriptos, vt sectione prima de
 victus institutione, & quarta de fe-
 bribus, & de vrinis. Sunt præterea
 aphoristicae sententiæ breues, paucis
 summam rei, de qua traduntur, attin-
 gentes, quod ad multorum dogma-
 tum comprehensionem, & memo-
 riam summe conducit. Possemus pa-
 riter eas, quæ in Prognostico scri-
 buntur,

P R A E F A T I O.

buntur, sententias aphoristicas appellare, sicuti & eas, quæ in libro de Medici officina, & multas earum, quæ in libris de morbis popularibus. Placuit tamen Hippocrati, huic tantum libro aphorismorum titulum facere, & sententias ipsas aphoristicas nos appellamus. Quòd vero aphorismus præter id quod separata sententia est (quod Græca vox indicat.) sit quoque brevis & concisa, res ipsa docet. Galenus hanc esse rei rationem testatur sectione prima huius libri, Commentario 14. & sectione secunda Commentario vigesimo octavo, & sectione quarta Commentario quadagesimo septimo. Librum hunc septem sectionibus diuisum reperimus in Hippocr. codicibus Græcis: an tamen ita diuisus ab ipso fuerit, an postea ab scriptoribus

P R A E F A T I O.

bus, nondum constat: in codicibus
præterea Galenianis in easdem diui-
sus est sectiones, & diuisionem signi-
ficauit in præfatione ad Tertium.
Quamobrem eam Galeni diuifio-
nem, quæ in ipsius codicibus habe-
tur, sequemur in his Commentariis,
quod in expositione libri Progno-
sticorum ea de causa seruabimus,
quamuis nulla ratione mentione di-
gna libri Prognostici seiungi de-
beant, sicuti neque secunda apho-
rismorū sectio à prima potius, quàm
aphorismi, qui antecedunt de-
cimumnonum primæ secti.
à decimonono &
reliquis.





HIPPO. APHORISMORVM
sectio prima, Christophoro à
Vega interprete & ex-
positore.

HIPPO. PRAEFATIO.

VITAE brevis, ars longa, occasio
praeceps, experimentum pericu-
losum, & iudiciū difficile. Opor-
tet autem nō solum se ipsum pra-
stare oportuna facientem, sed &
aegrum, & assistentes, & exteriora.

COMMENT.

Sententia hāc totius operis est praefatio, qua Hippo. utitur ad sequentem traditionem, quemadmodum & in prognostico vsus est praefatione. Vult autem in hac ostendere, quam sit ex vsu libros scribere, atque eosdem quoad fieri possit breues, vt inde vnus hominis vita ad artem medicam assequendam sufficiat, quod fiet si librorū scriptores inutilia omnia refecauerint, solis vtilibus, & iis sine quibus addiscentes artem consequi non valeant, relictis. Nemo etenim nostrū est, qui non nouerit, quā longo sermone quidā

disputent de nominibus, quantum temporis alij
 in præfationibus, epistolis, & encomiis conterât,
 quâ longe alii diuagentur in propulsandis sectis
 (quas nouerunt ab aliis sæpius cōfutas) vt suas
 impleant paginas: quasdam vero maleuolentia
 prosequuntur, quas intelligunt iure à sapientibus
 receptas, vt easdem obscurant, sperantes ex alio-
 rum iniuria, sibi accessurum ornamentum. Hos
 autem omnes deturbat Hippoc. breui admonens
 ratione vitam esse breuem, artem verò longam.
Vita bre- Deinde adiciens quibus de causis ars longa ha-
ui, quare. beat, nempe quoniam occasiones experiundi,
 & inueniendi, sunt præcipites, & experimēta non
 sine periculo aguntur, & iudicia non facile fe-
 runtur de rebus quas arte tractamus, etiam si
 omnia quæ possunt iudicia confundere, de me-
 dio tollas, ac te ipsum præbeas facientem opor-
 tuna, & ægrotum habeas obedientem, & assi-
 stentes omnem diligentiam apponāt ministran-
 tes, & exteriora omnia concinne respondeant.
Vita bre- Vitam breuem esse dixit ad artis longitudinem
ui. facta collatione: breue etenim & longum ad ali-
 quid sunt. Quin & si quis vellet ipsam breuem
 dicere, quoniam finis actionum est, animam vir-
 tutibus & scientiis illustrare, ad harum verò asse-
 cutionē perfectam, breuissimam esse vnius vitæ
 periodum, non falletur. Cæterum Hippo. bre-
 uem vitam dixit, artis longitudini collatam. Bre-
 uis sane est humana vita, breuis quoque ab om-
 ni superiori seculo fuit, vt nos alibi probabimus,
 nisi quis supra naturę leges limites octoginta, aut
 etiam centum annorum superet. Ars rursus lōga
 est

est, & fere incomparabilis, etiam si quis aliorum laboribus & monumentis fruatur, nedum sine ipsiis. Nam pars artis diagnostica, quæ in affectu, causarum, & actionum cōtemplatione versatur, proluxa admodum est, prognostica fere inaccessibleis, & quæ indefessa egeat diligentia. Curatiua præter id quod aliis duabus artis partibus egeat, totam vitam in experimentis conterendam hortatur. Autor tamen tres subiungit causas, quibus artis longitudinem comprobatur, dicens: Occasionem esse præcipitem, quàm Græci καρὸν, id est oportunitatem appellant: siquidem oportunitas, aut occasio agendorum breui fugit, eam verò semel fugientem rursus aduocare est impossibile. Est hæc, veluti articulus quidam temporis ad quippiam agendum idoneus: is verò brevissimo durat tempore, quoniam humanum corpus perpetuo dissolvitur, ac mutatur ab internis & externis causis: mutato verò corporis affectu, aut humorum ipsius quantitate, aut qualitate, cessat quoque occasio adhibendi remedij, quod affectui cōgruebat. Decet igitur similē affectū in eo, aut alio ægroto sperare, ut excogitati auxilij vim experiatur medicus. Est quoque præceptus occasio agnoscendi affectus, & symptomata, quoniam hæc celeriter mutantur, & evanescent. Experimentum tamen periculosum est, si quidem experimenta non sine vitæ discrimine tentantur in humano corpore. in eo autem discrimine hominē constituere, quāvis ob rem immanis est, & carnificis, ac perinde tota vita non erit satis, nisi in tanta rerum varietate, posteriores à prioribus

*Arti medi-
ca longa,
quare.*

*Occasio
præceptus,
καρὸν*

Occasione

*Experimentū
periculosū,
quare.*

*Iudiciū
difficile,
quare.*

inuenta per libros recipiant, quos scribere vel hac ratione videtur necessariū. Iudiciū præterea difficile fore dicit, tam in causis, quàm in effectibus dignoscendis: nam morborum & symptomatum causas non facile agnosces, aut agendorum rationem excogitabis, præsertim si internæ fuerint affectiones. Quæ verò experimēto euenisse vides, ubi id à pluribus causis euenire posset, difficile agnosces, ac iudicabis à qua illarū processit: veluti si quis clysteri admissio dormiuit, atque sudauit, aliàs capitis dolorem passus, leuato dolore, cui sit salus adscribenda, non facile iudicabis. Difficile item est quāritatem auxiliorum definire. In secunda parte huius procemij ad artis inuentionem & præceptorum executionem admonet, vt medicus præstet seipsum faciētem quæ oportet, nullum agendorum per incuriā omittat, neque ægroto bladiatur, & in his summū studium ac diligentiam ap-

*Assistentiū
officiū.*

ponat, & vt æger obediat, neque præceptum aliquod violet. Et assistentes, qui ægro ministrāt, donec sint, quorum prudentia non parū iuuat medicum, quoniam horum officium est, non tātum ministrare quæ medicus instituit, sed vt medico pareat suadere, & solari, læta nūcia referre, cibos mūdōs parare, & splēdētia vasa, exteriora quoque nulla ratione obsint, vt malū nuncium, quod tristitiā inferat, domicilium illi tantū ingrediantur, qui ægro grati sint, reliqui verò aut nō admittantur, aut medicus honestis verbis admoneat, vt ipsum dormire permittant in silentio, vt interim omnes à cubiculo exeāt, tã amici, quàm reliqui, omnem etiam vitē strepitum, & tumultum:

hæc

hæc enim dignotiones & præfagia confundunt. Qua propter credi potest Hipp. voluisse suadere iudicii difficultatē ex ijs, quæ in hac secunda parte scripsit: nisi enim hæc omnia probè paraueris, nèpe teipsum facientem quæ decet, & ægrotum, & assistentes, & exteriora, nullum certū feres iudicium, & omnia perperam euenient. Quodd si artis medicæ hæc est lōgitudō, & ipsius consequendæ difficultas: illa verò, quæ dicta est, vitæ breuitas, necessarium erit libros scribere, atque eodem quoad fieri possit aphoristicā seruantes breuitatem, vt posterī à prioribus inuenta suscipiant, & artem intra vitæ limites addiscere valeant.

APHORISMVS I.

IN perturbationibus ventris & vomitibus sponte factis, siquidem qualia decet purgari, purgentur, confert, & facile ferunt: si verò non, contrarium. sic & inanitio vasorum, siquidem qualem fieri oporteat fiat, confert, & facile ferunt: si verò non, contrarium. Inspecere autem oportet regionem, & anni tempus, & ætatem, & morbos, in quibus conuenit, aut non.

COMMENT.

Hic est primus libri Aphorismus, in quo Hippo. de ijs, quæ à corpore vacuantur, orditur sermonem, in quibus qualitatem, aut quantitatem eius, quod vacuatur cōsiderare licet. In præsentī de qualitate euacuandorū agit: in sequētibus de quantitate. qualitatem siquidem o-

ostēdit, cū qualia de iis quæ vacuātur, dixit. Præterea quoniam vsus est hac voce καθαρίσαι, id est purgari. Debetur autē purgatio humoribus infestātibz qualitate, veluti & vacuatio potius quāritati. Verū sane est vocē, κένωσις, dici de omni vacuatione, siue ea purgatione, siue sanguinis misione fiat, quoniā & quæ purgātur vasa euacuāt, quēadmodum quæ vena scissā fluūt. Cæterū de euacuatione, quæ sit eorum quæ qualitate molestāt, non ad eō proprie dicitur κένωσις, id est, vacuatio: sed quoniā interim quātitatem habent, & ipsis eductis reliquū est quātitate minus. Purgatio tamē de iis, quæ sola quantitate molestāt, nullatenus dicitur. Docet itaque agnoscere in euacuationibus, quæ sponte eueniunt, id est, nullo artificio, nullōve artis ministerio, quæ bonæ sint, & quæ seculæ, si enim tales sint, quales decet, bonæ sunt, si seculæ, nō bonæ: tales esse autē agnosces, quia cōferunt, & ægri eas facile ferunt: vērīs enim vacuationē, & vomitionē sponte euenientē, qua natura expellit noxios humores, si tales fuerint, quales esse debeat, facile eas feret æger vacuationes, & conferēt ad salutem. Id argumentū à priori tale est, humor qualitate molestans purgatur: ergo facilē fert purgationē æger, & eidem confert: à posteriori sic, confert & facilē fertur purgatio: ergo talia purgātur, qualia oportet. Ventrē hoc in loco κοιλίαν appellat Hippo. qua voce nonnumquam significauit omnem cavitatem, vt cerebri, iecoris, cordis, & ventriculi, vti Apho. 18. sequenti, quondoque solum ventriculum, vti, Apho. 14. sectionis sextæ. Nunc verò totum ventrem intelligit,

*Purgatio
quibus hu-
moribus
debetur.*

vacuatio

*Euacu-
ationes qua
sponte ve-
niunt bo-
næ, & quæ
seculæ*

coria.

ligit, à thoracis cartilaginibus in os pubis, quam partē peculiari nomine Græci γαστήρα nomināt. Sunt autē turbationes ventris fluxiones, & deiectiones. Cū autem de iis & vomitibus loquitur, omnē à corpore factā vacuationem peccantium humorum intellexit hīc, & quarta sectione Apho.2. Si enim talia ducantur à corpore, qualia decet, & confert, & facilē ferunt, siue fluxu ventris, siue vomitu, siue fluxu sanguinis per nares, vterum, aut hæmorrhoidas, aut vrina, aut sudore, aut insensili vacuatione, aut ea quæ ex accidenti per inediā fiat vacuatio. Cū verò dixit qualia, & talia, non speciem, non qualitatem solam, aut primam, aut alteram intelligere oportet, sed omnem cōditionem ad bonam purgationem comprehendit. Nam in tertiana febrī non satis est bilē purgari, sed opus est eam esse quæ ægro molesta est, & præterea vt coctio euacuationem præcedat. Propterea libro primo, de rati. viēt. acu. cū Hippocrates dixit: Et quæ à pulmone excernūtur fuerint qualia oportet: Galenus in Cōmentario, inquit, verba illa, Qualia oportet, coctionis habēt notas. Adde quòd etiam si prædicta omnia cōiungantur in humore, qui à corpore purgatur, nō perinde fiet, vt omnem talē vacuationem æger faciliē toleret: nam si cū malo humore vacuetur etiā bonus, aliter fiet, sic etiam vbi conferta fiat vacuatio. Hāc enim vidimus sæpe cum animi deliquio fieri, ex solutis viribus, vti & cum aquam inter cutē patiētes, aut empyicos subito euacueris. Accedūt ad hæc & vacuationes, quæ fiūt per particulā lēsam, vt bilis deiectiones vlceratis in-

*Qualia,
quid signi-
ficent.*

testinis. Deinde ab ea quæ à natura fit, purgatione, ad eam quæ fit ante procedens, similem scribit sententiam, dicens: In vasorum inanitionibus, hoc est, in purgationibus arte factis (quas quoniam vasa vacuant, & inaniunt, vasorum inanitiones appellat) si tales fiant, quales fieri decet, conferunt, & facillè feruntur: si verò non fiant tales, quales decet, contrarium. Conuenit enim medicum naturæ ministrum, atque eius imitatorè esse. quòd si natura facillè fert euacuationes quas spòte facit, vbi tales fuerint, quales oportet, feret quoque bene eas, quæ arte fiunt, cum eisdè conditionibus. Erit etiam præceptum ad partem pertinens curatiuam, vt medicus vbi opus fuerit, easdè molietur vacuationes. In postrema Aphor. parte admonet, vt attēte inspiciam⁹, quisnā sit humor, q̄ à corpore duci debeat, vt qualè decet, & nō alius vacuetur, id fiet cognita regiōe, annitēpore, ætate ægotātis, & morbo. Hæc enī humoris naturā ostēdunt, an bilis, pituita, sanguis, aut melācholia sit. Nā calida regione, ætate iuuenili, æstatis tēpore, bilis aceruatur, & tertiana, si fuerit febris, à bile fit. Hyeme, regiōe frigida, ætate simili, pituita: & quotidiana febris ab ea fit. Vere regiōe tēperata, ætate adolescētis, s̄guis, à quo & febris cōtinēs fit. Autūno ætate subistētis, frigida & sicca regione, melācholia, & hæc quartanam facit. Ex iis itaq; & multis aliis humor peccans agnoscitur. Eundē cognoscere docuit li. 10. de Cōp. medicamētorū per locos, colorib⁹, accidētibus & experimēto, ab iis, quæ iuuāt: colores erenī corporis, nisi humores intro recesserint, humorē docent, pallidus

bilem

*Humoris
peccantis
cognitio.*

bilē flauam, ater atram, subalbidus pituitam, ru-
 ber sanguinē. Accidentia itē docent humores, vti
 natura doloris, caloris, sitis, humorum motus. Ex
 perimenta sumuntur à iuuantibus, & nocētibus.
 Nos verò solemus procedere à causis, effectibus,
 similibus & dissimilibus, à iuuantibus & nocēti-
 bus. Horū signorum meminimus li. 2. de arte me-
 dendi. His itaq; præcognitis nos arte curabimus
 tales facere vacuationes, quales natura rectē ope-
 rans solet efficere, adhibitis medicamentis, quæ
 humorem peccātem educant. quod euacuationis
 genus non tantum cōuenit humore aliquo alio à
 sanguine peccāte, sed etiam in plethora, vbi aliàs
 sanguinis missio ob augmētum æquale omnium
 humorum cōuenit. Si enim medicus alicui præci-
 piat venæ sectionē, ipse verò nō pareat ob metū,
 aut alia ratione, omnibus humoribus ad portionē
 auctis, non erit abs re eius ventrem leui medica-
 mento large subducere: nam detracta alicuius co-
 rū quantitate, tota sanguinis massa manet minor,
 & humores melius trāspirabunt, & minus putre-
 dini erunt obnixij. Hoc cōsilio vtitur Gal. li. 4. de
 sani. tuēda. Reliquas vacuationes à natura factas
 ipse spōte fieri dicit, hac voce, *αὐτομάτως*, vsus, quæ *αὐτομά-
τως*.
 quod spōte, & nullo mouente externo fit, signifi-
 cat. Si enim quidpiam ad actionem moueat, quod
 extra sit, vti causa mouens, aut veluti finis cogni-
 tus, minime dicemus id *αὐτομάτως* fieri: opus igi-
 tur est ad hoc & quidpiā *αὐτομάτως* fieri dicatur
 vt fiat non mouente causa faciente externa, vt in
 præsentī apho. cum *αὐτομάτως*, id est, sponte fieri
 dicat vacuationes, quas nō mouit ars, aut medica- Sponte.

mētum, sed ab ipsa natura processerūt, qua significatione vsus est secti. 4. sequēti, apho 78. cum inquit: Quicunq; ἀποταυτομάτῃ, id est spōte, sanguinem mingūt. & Gal. in commen. inquit, vox hæc, ἀποταυτομάτῃ, & id quod sine externa causa fit, significat, potest etiā quod repēte fit, significare. Apud Aristotelem quoque significat id quod in vanum fit, hoc est nullo proposito fine mouente, quemadmodum quæ à casu fiunt. lapis enim aut regula de super cadens, quoniam à se ipsa, nullōque sine præcognito cecidit, quamuis interim quempiam percutiat cadens, in vanum cecidisse dicetur, veluti si quis per urbem vagetur nullo proposito fine, cum frustra & in vanum vagari dicemus, quamuis interim quidpiam boni, aut mali eidem eueniat. Quamobrem recte admodū libro 2. de Physicis auscultationibus cap. Aristot. Græcorum sapiētissimus, atque Græcæ eloquentiæ magister, dixit, vocem hæc αὐτομάτον, id est, casus, de iis, quæ non, illius gratia quod euenit fiunt, proferri, ac vocē ipsam id indicare, quæ ex αὐτῷ, & μάτῃ, componitur: hoc est, ipsum & vanum, ac frustra: cecidit enim lapis non percutiendi gratia. casu igitur atque in vanum cecidit ipse, quia cadere & aliquo proiiciente, percutiendi gratia posset: casu itaq; cecidisse ea ratione dicetur, quod ipsum nullo tali proposito fine, sed ex se in vanum cecidit, quod est ἀποταυθομάτον. Humores autem quos natura sine ope medici vacuat, sine finis ratione videtur vacuare. Hæc de huius vocis significatione, & aph. expositione sufficiant.

APHO.

Eorum, qui ad exercitationes parati sunt, bonus habitus in summo periculosus, si in extremo fuerit. Non enim possunt in eo ipso manere, nec persistere: cum autem non persistent, non item possint in melius proficere, relinquitur in peius. Horum igitur causa bonum habitum solvere confert: non constanter, ut rursus refectionis initium corpus accipiat. Neque vasorum coincidentias ad extremum ducere, periculosum enim, sed qualis fuerit natura eius qui ferre debet in id ducere: eodem modo & euacuationes ad extremum ducentes periculosa, ac rursus refectiones quae ad extremum fuerint, periculosa.

C O M M E N T.

Erat magnus numerus, Hippocratis & Galeni temporibus, eorum, qui ad validas exercitationes parabantur, quos appellabant Athletas, aut luctatores. Hi verò se totos saginabant, multis ac bonis alimentis, ut inde caro augeretur, *Athleta.* sanguis multus ac bonus impleret vasa, & totum corpus nitidum & splendens redderetur. Quod tum ad virium robur, tum ad pulchritudinem conducebat, quam ipsi ambiebant, cum nudi in theatris & arenis, ad luctam & alias validas exercitationes, sese populo exponebant. Hunc habitum bonum appellat Hippocrates

ἰσχυρ id est, bonum habitum, cum additione, nempe eorum, qui ad exercitationes parantur, neque enim idem est bonus habitus simpliciter, & bonus habitus exercitatorū, quamuis & his ad summum peruenire possit: erit etenim bonus ha-
Bonus ha- bitus. bitus exercitatorū in summo talis, & ad extremū perductus, nec perinde bonus simpliciter, qui culpa vacet, veluti Gal. inquit, dragma reprobā, & cubitus magnus, & statera iniqua, tales sunt, sed non simpliciter, dragma, cubitus, aut statera, sic & bonus exercitatorū habitus. Conueniunt autem ambo in bono simplicium temperatur *ἰσραπία*, id est, bona carne *ἰσχυρία*, id est succorum bonitate, & probitate actionum. Ceterum in commoderatione differunt, & symmetria sanguinis, carnis, & solidarum partium, quę in bono habitu simpliciter dicto reperies, quales in messoribus quibusdā, & fossoribus, cū cutis raritate, & facili perspiratu, non in athletis summē plenis, obstructis & conculcatis humoribus, hirsuti nāque & rari labores magis tolerant, minus à lassitudine molestantur, vt Gal. docet in com. lib. de ratione vict. priuatorum: eosque euexiam diutius habituros testatur: quoniam ad summē bonum habitum non promptē perueniūt, in quo cum periculo sunt, qui eum possident: hoc exēplo vritur Hippo. ad docēdum, quātitatem eorum, quę à corpore vacuari debēt, dicens: hūc habitum exercitatorum, siue athletarum, cū summē bonus atque in extremo talis fuerit, periculosum esse, quoniam nō potest in eo statu manere, aut perseuerare. Nam summē plenum corpus multis periculis obnoxiiū est, & in melius
mutari

mutari nequit, quia summè bon⁹ est ille habitus, reliquum est vt transeat in deterius. Quapropter *Athletas vacuare.* expedit hos vacuare statim, vt rursus nutrimentum accipiant sine periculo. Sed cū vacuātur non sunt ducendi ad concidentias vasorum. *συμπλοσίας*, habet Hipp. littera, à verbo, *συμπίπω* quod est, concido. neque idem est vasa comprimi & cōcidere: cōprimuntur enim ab externa, aut carne, aut causa alia, cōcidunt, euacuata. de hac concidentia, quæ magnam sequitur vacuationem loquitur: mensuram quoque scribit, quam ex natura, hoc est viribus eius, qui euacuari debet desumit. Hæc est generalis ratio omniū euacuandorū à corpore, quæ *Mensura vacuationis.* quantitatē eius, quod vacuari debet metimur, vires sanè patientis. deinceps namq; & animi deliquia & mortes sequuntur. Adducto exēplo athletarum, in quibus summa existēte repletionē, non licet summam facere vacuationē, de aliis profert sententiam, dicēs, Eodem modo euacuaciones ad extremum ducentes esse periculosas: si quidem in omnibus viriū robur est mensura vacuationis: vt enim Apho. 22. sequenti docebit. Deiectiones non multitudine sunt æstimandæ, sed an ager facile earum vacuationem ferat: Hæc est a viribus sumpta mensura. Refectiones quoque ad extremum periculosas dicit: nam si quis post immodicas euacuaciones, quæ ad extremū sunt, corpora reficere tēter, multa morborum genera eisdem euenient, nequeunte natura coctionem, distributionem, & alitionē probe peragere. Sed *Athletarum corpus statim vacuanda.* rursus ab initio, Hipp. sentētiā exponamus: Corpora eorum qui ad validas exercitationes paran-

rur, bono habitu prædita sunt, ut sibi debetur, is tamen cum in summo fuerit, solui ac vacuari sine mora debet, quoniam ab eo magnum imminet periculum. Vasa namque multo sanguine (quamvis bono) plena sunt, caro quàm multa: isti cibos ingurgitant, & validè exercentur: qua propter non poterunt in eo statu manere. Alimentum enim assumunt, id coquitur, & distribuitur, & vasa rursus implet, & supra extremum distendit, quod nihil aliud est, quàm eadem dirumpere. Corpora præterea plenissima, percutientia, aut percussa, aut cunque validè innitentia facile dirumpuntur, vasa rursus valdè plena difficilè transpirant, quæ in ipsis continentur, statim putrescunt, & calor natiuus, ubi non transpiret, extinguitur: hos verò sæpe videmus subito mortuos, apoplexiam & vasorum interceptiones, patientes, quorum etiam in commentariis nostris in li. 1. de differentia febrium meminimus, cum falsam opinionem de fascinatione confutabimus: vulgus enim cum athletam quendam pinguem, & saginatum summè conspicit, deinde ipsum repente mortuum audit, aut puerulum speciosorem aliis videt: breui autem aut ægrotasse, aut mortuum fuisse ferunt, fascinosos eos affirmant, cum tamen Hippo. hoc in loco doceat tales non posse in eo statu manere, aut persistere, & ob periculi magnitudinem esse vacuandos, & Celso autore lib. 2. quicumque speciosior ac coloratior, quàm ante factus est, suspecta bona sua habere debet. Sequuntur enim ad hæc ea quæ diximus mala. Dubitant hoc in loco quidam an athletæ

*Fascina-
105 falso
opinatur
vulgus.*

*Athletæ-
rū fumes.*

letæ cibos appetant, quos coquant, distribuant, sanguificent & in venas transponant, vt inde rupturæ venarum immineat periculum, quoniam fames, quam veram dicunt, non fit sine membrorum inanitione, naturali appetitu, tractione, quæ ad ventriculum vsque perueniat, & sensu suctionis, atque deinde animali sequuta appetentia. Quibus respondemus membra athletarum, à calore & exercitationibus dissolui, quod sibi non adeo naturale est, vt summè impleta esse, hanc dissolutionem, ab ea, quæ ipsis facta est naturalis plenitudo, sequitur adtractione, & suction à ventriculo, & vera ac naturalis fames. Iuvat ad hæc quòd magnæ exercitationes, & validæ frictiones, quibus vtuntur, alimentum à ventriculo & iecore vehementer distrahunt, membra item ipsa præcipua onus alimenti deponere in membra conantur, ad hæc sequitur, & ventris inanitio, & ciborum appetentia naturalis. Quoniam itaque ex alimentorum assumptione, sanguificatione, distributione, & vasorum impletione. Hæc athletarum corpora periculis sunt obnoxia, disrptionis vasorum, putredinis humorum, obstructionis natui caloris ea euacuare conuenit, nec intrepidè, sed consideratis viribus eius, qui vacuari debet: vtrumque enim periculosum est, supra modum impleri, ac supra modum vacuari. Quin & Celsus loco citato, extremam extenuationem magis vituperat, quoniam in his, quæ superant, est quod morbus demat: in his, quæ defunt, non est quod morbum ferat. quod

etiam in adagium Hispanis venit, qui dicunt: Mas vale pelear con la enfermedad, que con la flaqueza. Quamuis vulgus sæpe eo intempestive vtatur. similitudine ab his sumpta docet nos Hippo. in his qui curationis, aut præseruationis gratia vacuantur, qualitatē vacuandorum metiri, ad vires facta collatione. nam si vires eam non ferant, periculosa erit vacuatio, & quæ deinde futura est corporis resectio, nihilo sectius.

APHORISMVS III:

Tenuēs atque exquisitæ victus rationes, & in longis passionibus semper, & in acutis, in quibus non conueniunt, periculosa. Et rursus quæ ad extremum tenuitatis perueniunt, victus rationes, difficiles: quoniam & repletiones, quæ ad extremum perueniunt, difficiles.

COMMENT.

De quantitate, qualitate, tēpore & modo alimentorum exhibendorū in sequentibus nonnullos scribit apho. attinentes ad partē artis diæteticæ. In præsentī verò circa quātitatem alimenti, quæ longis morbis & acutis offerri debet, admonet, periculum futurū cōsiderare, quod imminet, nisi hæc cum morbi lōgitudine cōferatur. Quamuis neq; hæc sola cōsideratio ad quantitatem alimenti perscribēdam sit satis: ex collatione siquidem facultatis ad morbi longitudinē victus perscriptio pendet, & ea ratione octauum Apho. sequentem scribit. Morborum autem longitudo agnoscitur, tum ex natura, tum ex motu, tū etiam ex notis coctionis, quibus accedunt anni tempus, regio

*Alimen-
torū quan-
titas ex
quibus
perscriben-
da,*

regio & atas. De motu morbi & coctione circa
 vndecimum apho. dicemus, de natura modo di-
 camus. Morbos quosdam à natura esse longos, *Morbos
 diuifio.*
 vt quotidiana & quartana, quosdam breues, vt
 tertiana, & diaria febris: ex breuibus tamen
 quidam sunt acuti: quidam peracuti: ex acutis
 quidam sunt exacte tales, quidam non exacte:
 peracuti exacte terminum habent, quartum
 diem, non exacte tales septimum. Acuti exacte
 decimum quartum: non exacte vigesimum: in-
 ter hos & longos à natura, sunt acuti ex deciden-
 tia, qui pertingunt ad 40. & centesimum vi-
 gessimum. Notum autem est in tam varia mor-
 borum longitudine dispares admodum conue-
 nire ciborum quantitates, atque substantias. hæc
 dixerim, quoniam non tota ratio refectionis pen-
 det ex quantitate oblatorum, sed maior pars re-
 spōdet substantiæ ipsorum, cū sint multa alimen-
 ta paucæ quantitatis plurimum alentia. Iam &
 illud considerandum, morbum omnem ex se so-
 lam exposcere curationem, vires autem egri cum
 sint secundum naturam, conseruationem: prima
 indicatio, quæ à morbo, vt præter naturam sumi-
 tur, curatrix dicitur, secunda quæ à natura, & vi-
 ribus, conseruatrici. conseruatio autem per ali-
 mēta perficitur, curatio in morbis à materia pen-
 dentibus, tum aliis, tum ablatione ciborum, vt in-
 terim natura in superandis causis morbificis to-
 ta occupetur. Hæc probè assequemur, si vtrique
 impartiamur institutum, vires quadam tenus
 feruantes, & morbi causam, qua fieri possit, mi-
 nimè augentes. Vires præterea ad longiores
 b.j.

*Vires qua-
 les ad mor-
 bos.*

*Schema
morborū
victuū.*

morbos ampliori egent refectione, ad breuiiores angustiori. sana item corpora ea egent refectione, quæ vires aut seruet, aut augeat, ægra quæ paulo minores, aut etiam æquales eis, quæ erant ad initium seruet, nisi occasione alia languerent, vt opus esset neglecto morbo, ad earum refectionem animum conuertere. de his, veluti in schemate leges, quæ sequuntur, quamuis non consentiant cum his quæ à Gal. traduntur, si quidem ipse cum Hippocrat. rigidus admodum mihi videtur. Victus quidam est tenuissimus exactè, vt omnimoda abstinentia, aut acetum mulsum, aut aqua mulsa: acetum enim mulsum nullum præstat alimentum, aqua mulsa paucum & imbecillum: horum loco appones hydrozacharum. quod ex 12. partibus aquæ, & vna zachati fit, & iulep. violatum. Tenuissimus non exactè, est aqua ordeï elixi, donec ordeum rumpatur, colata, non expressa, & ius pulli, tenue amygdalatum. Tenuis cibus exactè est ius gallinæ cum ordeo elixæ expressis granis, lactuca elixa cum aceto, pyra, aut poma assa, cucurbita elixa cum iure pulli, aut gallinæ integra pisana. Tenuis non exactè ius gallinæ cum mica panis, alæ auium elixæ, hepata gallinarum, vitelli ouorum. victus conseruans vires per morbos longos, caro pulli elixi, aut turturis, aut turdi, victus augens caro caponis elixi, aut assi, veruecis & vituli, & alix, quæ sunt hominibus assuetæ, nam sunt qui aluntur vacinis, & porcinis carnibus. Horyū quoque quantitatem metiri conuenit perspecta hominis

hominis temperatūra, ætate, anni tempore, regione, & consuetudine. Morbis peracutis exacte, conuenit victus tenuissimus exacte: peracutis non exacte, tenuissimus non exacte: acutis exacte, tenuis exacte: acutis non exacte, tenuis non exacte: talis conuenit acutis ex decidentia quantitate auctus. Longis morbis victus conseruans conuenit, sanis augens. Ex his constabit quàm sit vera Hippocrat. sententia, quidque significauerit cum dixit, Tenuis atque exquisitas victus rationes in longis passionibus semper esse periculosas, quoniam per victum tenuem exquisitæ, non seruantur vires, neque per ipsum poterunt ad summum morbi vigorem perdurare. Dixit semper, si quidem in nullo longo morbo est sine periculo. In acutis autem, in quibus non conuenit, est periculosus, & iure ita loquutus est Hippocrates: nam victus tenuis, atque exquisita victus ratio, non in omnibus est periculosa, sed in his acutis morbis, quibus crassior victus ratio conducit. tales sunt morbi acuti non exacte, & acuti ex decidentia, quibus non conuenit victus ratio tenuis exacte, sed ea crassior: morbis autem acutis exacte, qui septimo die finiuntur, victus ratio tenuis exacte conuenit. Vidimus tamen nonnunquam vires ægri adeo constare, vt perducì potuerit æger ad vigorem morbi septem diebus, cum victus ratione tenuissima exacte, nempe aqua mulsa, aut aqua & zacharo. Quosdam etiam vidimus eisdem morbis laborantes, quorum vigor erat ad septi-

b.ij.

mum qui non poterant eam victus tenuitatem
 seruare, sed opus fuit eisdem offerre alas pullo-
 rum, & aliis pullos ipsos elixos. Quapropter non
 parum ad rem erit, si præter virium considera-
 tionem consuetudinem consideremus, quæ in-
 dicatio eam, quæ à natura & ætate superat. Hac
 si quidem nostra tempestate diuites, & adhuc
 pauperes, tantum ciborum varietatem & co-
 piam ingurgitant quotidie, vt lactuca, & ami-
 gdalatum, & pyra assa nō possint ægorum vires
 ad diem quartum seruare, neque sine pullis eli-
 xis perducī valeant ad 7. Quod autem sequi-
 tur in apho. Et rursus quæ ad extremum tenui-
 tatis perueniunt victus rationes, difficiles, quo-
 niam & repletiones, quæ ad extremum perue-
 niunt, difficiles. mihi videtur additum. Gal. si
 quidem eius nullam habuit mentionem. fere si-
 milis autem est finis huius apho. fini præceden-
 tis, ad cuius similitudinem scriptori placuit simi-
 lem sententiam ei, quæ scripta est in præcedenti,
 adnectere fini huius. Vult autem hæc littera, ea
 ratione damnare extremas victus tenuitates,
 quoniam & extremæ refectiones difficiles sunt,
 omne enim nimis naturæ inimicum, vt postea
 dicet Hippo.

APHORIS. IIII.

*In tenuibus victus rationibus peccant agro-
 tantes, ac perinde magis leduntur: omne enim
 peccatum (quodcunque fuerit) maius sit in te-
 nuibus, quam in paulo crassioribus victus ra-
 tionibus. Qua de causa & sanis periculose sunt*
 valdè

*sunt valde tenues , constituta , & accurata
victus rationes , quoniam peccata molestius
ferunt . propterea igitur tenues & constituta
victus rationes magis periculose paulo cras-
sioribus.*

C O M M E N T .

Gal.mira quadam diligentia & sermonis per-
spicuitate , hunc enarrauit apho.ita vt nulla alia
videatur egere explicatione , legentibus attente
eius scripturam. Nam in prima parte refert quo-
rundam lectionem , qua dixerunt , Hippocratis
mentem esse ægros bifariam in victu tenui pec-
care , primo quoniam coguntur leges medico-
rum violare , non ferentes tantam alimentorum
inopiam , adhuc insciis medicis : secundo quo-
niam languet eorum facultas , quando victus in-
stitutum non seruant. • Caterum litteram à
nobis translataam Gal.in secunda parte commen-
tarij magis laudat , quam dicit de omni peccato
ab ægrotante commisso , intelligendam : vult si-
quidem Hippo. teste Gal. ægrotantes , qui tenui
& accurata victus ratione vtuntur , peccata , si
quæ committant , ea difficilius ferre , quàm si-
milis peccata , vbi victus ratione crassiori vte-
rentur. In morbis enim acutis , in quibus talis
ratio victus conuenit , vires seruamus paulò
quàm accepimus languidiores , vires autem
languidæ peccata molestius ferunt . præterea
Hippo.hoc idem exemplo sanorum probat , nam
fani , qui victu tenui accurato & constituto

*In victu
tenui æ-
gros delin-
quere, quo
pacto.*

b.ij.



vtuntur, peccata difficilius ferunt, quàm si crassiore victu vterentur, summam colligit, victus rationem tenuem, & accuratam magis periculofam, paulo crassiori. Hæc euidentia sunt, & Galeni expositio perspicua. Non enim confert peccata tenuitatis & crassitudinis, quod inquam horum magis lædere valeat: dixerat enim libro secundo, de ratio. vic. acutorum sectione. 37. Hippocrat. Ciborum autem adiectioni intendendum est multo minus, subtrahere verò omnino sæpe numero expedit, dum æger sufficere possit, donec morbus maturefcat. Docet autem raro conuenire in acutis morbis alimonia augere, quoniam tenuitate victum peccare, est melius, & summam seruare in ediam, quandoque expedit, vbi vires possint ad statum durare. Adiciere autem non adeo tutum est, quoniam noxa ex diminutione emendatur adiecto semel, aut bis alimento, noxa verò ex adiectione, fere est in emendabilis, si quidem non corrigitur, nisi vacuatione, vnde colliges Gal. loquutum de peccato in vna, aut altera cibi oblatione commissio, non de victu totius morbi. Non est nostri instituti modo an hoc verum sit, quòdque Gal. ibidem scripsit, docere, sed ostendere illic de collatione peccatorum augmenti, & diminutionis loquutum Hippo. & Gal. Hic tamen non de his, sed de peccatis aliis loquitur. Admonens, quantum ego existimo, summopere cauenda esse delicta ab his qui tenui vtuntur victu, & accurato, quoniam vires languidæ, ex alimentorum abstinentia tales reddunt, non ferunt.

*Delicta
maxime
videntur qui
tenui victu
vtuntur.*

runt delicta sine periculo : qui verò crassiore victu vtuntur , melius eadem , aut similia delicta ferunt , & cum minori periculo , quoniam victus plenior vires seruat , quæ peccata ferre , & eadem emendare debet. Hac si quidem causa sana corpora , quæ victu accurato vtuntur , à quocunque peccato grauius , quàm alia , quæ vtuntur victu non constituto , offenduntur. Quod nos sæpe sapius videmus , eos nempe , qui perpetuo seruant in prandio & cœna vnicam ciborum mensuram , vnicam potus quantitatem & eundem ordinem , quacunque occasione mutandi modum & ordinem , ægrotare , ac mori. Ea de causa admonuit etiam Hippocrates ad inconsueta transire , quoniam consueta minus nocent : qui verò semper vnam constitutam rationem viuendi seruat , eam solam habet consuetam , reliquas inconsuetas , à quibus deinde occasione variandi oblata molestius offenderetur , quàm si in nulla tali accurata ratione vixisset. Sanis igitur est hoc salubre consilium , non viuere in constituta mensura , rerum non naturalium , quoniam peccata vitare non possunt , & mutationes. Aegris autem non est salubre consilium , abstinendi ab accurata ratione victus , & tenui , si opus fuerit , in extremo. nam talis seruari debet , exposcente morbo abstinentiam , & consentientibus viribus , sed est exhortatio , vt quàm maxime vitent , & delicta , & delinquendi occasiones , qui tenui victu vtuntur , magis vtique , quàm si alio victu crassiore vterentur , quoniam noxas , quæ ex delictis

*Salubre
cōsiliū.*

sequuntur, viribus ex inedia dissolutis, & ex ciborum paritate debilitatis, moleste ferent, & parum ad eas emendandas valebunt. Hæc est vera Hippocrat. mens, & genuina Gal. interpretatio.

A P H O R I S. V.

Ad extremos autem morbos, extrema exquisita curationes, optima.

C O M M E N T.

*Curatio
extremis
morbis de
b. ar.*

Quæ curationis ratio sit oportuna morbis extreme acutis, ex præsentî apho. constabit. Conuenit enim pro morbi vehementia, morbis siquidem extremis utilis est per extreme exquisita remedia curatio, atque etiam victus extreme tenuis, vt ex apho. sequenti constabit. Cæterum quamuis verum id sit morbis extremis extrema remedia conuenire, in aliis neque verum est, neque Gal. sententiis consonum, vt nos in libro artis medendi abunde probauimus, parte. 3. cum enim morbus aliquis lenis est & sine periculo, nihil tollit, quo minus per leuiora remedia moliamur curationem: quod si non consequamur finem, ad maiora accedere erit ex usu. solent autem minora auxilia iuuare, & quandoque ad sanitatem ægrum perducere: Gal. etenim li. 7. de metho. med. à minoribus auxiliis inchoandum docet, vbi morbus periculo vacet, dicēs: Nō enim vti quidam medicorum à paruis inchoandum est auxiliis, neque vt ipsi dicunt, putandum, per ea primum tentandum: deinde si nihil profecerint, ad mouere maiora, in morbis namque qui

qui sine periculo sunt, vera est hæc opinio, vbi tamen æger moriturus sit, si in tabis principio constituatur, longissimum est à ratione à minoribus auspicari, alia siquidem omnia rectè ab Hippoc. dicta sunt, præsertim cùm ipsis & Apho. ille, ad extremos autem morbos extremè exquisitæ curationes, optimæ. Et li. 2. de Comp. med. per locos, capi. de omnium valentium medicaminum vsu, inquit Gal. Quippe valentissima non statim ab initio admouere conuenit, sed ab imbecillioribus auspicari. De his multa dicere superfedeo, quoniam longius de eisdem disputaui, libro De arte medendi.

APHORIS. VI.

Quando igitur morbus peracutus fuerit, statim extremos labores habeto, & extremè tenuissima victus ratione necessum est uti. Quando verò non, sed licet pleniorè victus rationem adhibere, tantum indulgendum, quanto morbus extremis est mollior.

COMMENT.

Tota victus ratio ab initio morbi cum habet scopum, ut vires peruenire possint ad summum vigorem, aut constantes, aut non valde languentes. Quo tempore de morte, aut vita, commissa pugna natura, & morbi, decerneretur. Tenetur autem medicus per id tempus summam tenuitatem victus instituire, ne natura in coquendis & propulsandis causis morbificis extreme occupata, ad ciborum recentet assumptorum coctionem di-

*Scopus in
stitutionis
victus.*

strahatur. Id quoque tempus summi periculi est, siquidem ex accidentibus morbo propriis magnitudo morbi significatur, & ex his & assidentibus & quibusdam mox apparentibus periculum pendet, simul cum ipsa morbi magnitudine & vehementia, à quibus omnibus ager molestat, & cōflicatur. Hæc omnia morbis eueniunt, citius aut tardius, pro natura morbi, & motu, & aliis, quæ circa vñdecimum Apho. dicuntur: Accutis sanè morbis cito, dicente Archigene, Accutus morbus est, cuius motus est velox, & cito pericula adueniūt. In peracutis præterea eo citius eueniunt symptomata, & eorundē magnitudo, quo fuerunt acutiores, siquidē summa symptomata in statu eueniunt, nisi morbi causa fuerit manifeste ante id diminuta, & ea ratione tenuissimus victus eisdē statim conuenit, *αὐλίκα*, inquit, qua voce significat Hippo. nonnunquam id quod statim, & trium dierum spatium, hoc est, primam morbi accessio- nem, sicuti hoc in loco & in Aphorif. II. sequenti, vbi dixit: Quemadmodum & in laterali morbo, si sputum *αὐλίκα*, id est, statim appareat, statim verò idem esse quod spatium trium dierum docet Gal. li. I. de crisi- bus, cap. 7. quo in loco ex Hippo. sentētia dicit *αὐλίκα*, id significare, quod *ἀμέλει*. li. I. de ratione vict. acu. sectione 31. cum inquit, Quibus cibis *αὐλίκα ἐγκατακέχρισθαι*, hoc est, videlicet fuerit ex longo tempore inclusus, & li. I. de mor. pop. par. 3. sectione 10. inquit, *αὐλίκα γὰρ συνεχής ἐστὶ*. hoc est, videlicet continua febris est. In præsentī loco trium dierum spatium significat: trium igitur dierum spatium aliquan- do signi

do significat, statim, & principium, quanuis ad quartum diem extendatur principium, & primus morbi insultus, ac terminus peracutorum morbozem exacte, li. 3. Prog. prope initium, Si tamen morbus peracutus exactè non fuerit, crassiori victus ratione erit æger alendus, atque eo crassiore, quo morbus extremis fuerit mollior, ac si dixisset, quo morbus longius à primo die habuerit summū vigorem, ac summa symptomata. Singulis itaque morborū generibus proprias victus rationes conuenire, & quales comm. 3. diximus, docet, De magnitudine veto symptomatum per morbi tempora, in commentariis nostris in li. 2. de differ. sc. abunde tractauimus.

APHORIS. VII.

Quando morbus viget, tunc tenuissima victus ratione necesse est uti.

COMMENT.

Rursus argumento sumpto à morbi breuitate, & vehementia docet, in summo morbi vigore tenuissimam victus rationem conuenire, nempe aut nihil dare, aut solum hydrozacharum. Id quam maximè seruandum est, vbi vires eam ferunt ciborum abstinentiam, & status morbi breuis sit, qualis in peracutis morbis, permittētibz nobis interim, vt suprā diximus, naturam coctioni & euacuationi causarum morbi vacare. Quanuis enim coctio per morbi augmentū agatur, & vigor tūc appareat, quādo integra coctio se

ostendit in excrementis, ut vrina, deiectione, & sputo, non omnem naturæ cultum, neque omni ex parte, humores sunt assequuti, cum primum adest morbi vigor, sed ipso procedente: qua de causa, neque bonæ iudicationes fiunt, cum primum status adest, sed ad medium, aut finem ipsius.

APHORIS. VIII.

Considerare autem oportet & agrotantem, si sufficiat, cum ea victus ratione, ad morbi vigorem. Et nunquid ille prius succumbat, & non sufficiat cum ea victus ratione, vel morbus prius succumbat, & hebetetur.

COMMENT.

Ab initio morbi præter eius naturam ac longitudinem, vires quoque cōsiderandæ sunt, quod in præsentī Aphorif. docet Hippoc. ut ex earum collatione ad morbi summum vigorem agnoscamus quantus cibus sit agro adhibendus. nam si plus debito acceperit, morbi causam augebit, & opus naturæ impediet: si minus, non sufficiet ad vigorem usque. Decet autem ipsas vires non succumbere, priusquam morbus succumbat & hebetetur: hebes autem redditur morbus, cum causæ morbificæ integre coctæ sunt, & aliqua ex parte vacuatæ, quo tempore non habent morbi periculum, nec vehementiam. Id vnum sane duorum errorum coguntur incidere, qui non perspectis plane viribus, victum tenuiorem debito ab initio instituunt, aut enim agros ob imbecilitatem

*Errores in
tenui vi-
ctus com-
missi.*

cillitatem cogunt morbis succumbere, aut in statu eisdem crassius alere, quo tēpore tenuior esse deberet, aut omnino nullus cibus, Hipp. sanè lib. 2. De rati. vic. acu. sect. 40. hac eadem ratione ac cusat eos, qui primis diebus vasa exinaniant integre, deinde quarto ac quinto coguntur cibos adhibere. Eo nanque tempore foret potius abstinentium, & parcius agendum.

APHORIS. IX.

Quibus igitur statim est vigor, statim tenui victus ratione utendum: quibus autem posterius est vigor, in illo & prope illum, auferendum, & prius verò moderatiore victus ratione utendum, ut sufficiat agrotans.

COMMENT.

Quod ante de peracutis morbis docuerat, modo in omnibus docet, attenuandum esse victum in vigore. & prope ipsum, si vigor statim adest, statim præcipiens victum attenuare, quin & tenuissimum his competere dixit. Quod si morbus non statim vigeat, agnoscere oportet vigorem, eo pacto, quo ipsum futurum agnoscere docuit Hippo. li. 3. Prog. à primis diebus per quaternarios procedens, atque coniiciens ex notis coctionis, iam accedentem vigorem, qui non se ostendebat primis diebus morbi, & ita modò in illo, & prope illum cibum auferre præcipit, interim tamen & ab initio ipso morbi vberius agere, & victus tenuitatem moderari, ut vires ad vigorem usque seruentur, & in ipso liceat per vires mediam, aut summam quandam victus tenuitatem

*Victum in
vigore at-
tenua &
ad ipsum,
& prope.*

seruare. Hæc omnia obseruanda sunt in morbis, in quibus tota fere causa morbifica manet ad vigorem vsque: tunc etenim cum summa coctione, symptomatū adest vehemētia, in aliis verò non, sed ipsam vehementiam oportet coniciere, & in ipsa tenuiorem, quàm in aliis tēporibus, adhibere victum. Sunt enim tres febrium & morborum
Morborū tres diffe. omnium differentia, apud Hippo. lib. I. De mor. pop. quidam enim statim vigent, qui deinde semper remittunt vehementiam, quidam augentur statim, & ad terminum quendam perueniunt, & ante iudicationem remittunt, quidam semper ad vigorem vsque augētur. Notum autē est in morbis primi & secundi generis, non cōuenire summā victus tenuitatē, sed ante. postremis verò ea ratio seruanda est, quæ ab Hippo. traditur in præfenti & sexto Aphoris. Nam in laterali euidens habemus exemplum: cum enim os madescit, auctore Hippo. & talia spūuntur, qualia oportet, sorbitionis quantitatem augere conuenit. Est autem id tempus status, non tamen vehementiæ, aut morbi, aut accidentium.

APHORIS. X.

In accessionibus subtrahere conuenit, offerre enim nocuum est, & quibuscunque per circuitus accessiones insunt, in ipsis accessionibus subtrahere conuenit.

COMMENT.

In præcedentibus Aphoris. de generali totius morbi victu loquutus, modo ad particulares accessiones

cessiones respiciens, docet in ipsis abstinendum
 esse à cibis, quoniam eosdem offerre damnum
 infert, adaucta causa morbifica, & distracta na-
 tura à pugna, quant aduersus morbum commit-
 tit, in tempore accessionis. Græci *παροξυσμὸν*, hoc
 est irritationem, vehementiam, siue accessio-
 nem, dicunt. Ex morbis namque quidam con-
 tinuitatem habent, sine accessionibus, sed ali-
 quem vnum tenorem seruant: aliqui accessiones
 habent, vt continua tertiana: aliqui continui
 non sunt, sed accessionibus constant, vt tertia-
 na, aut quartana. In his præterea accessio-
 nibus quemadmodum in toto morbo diuersa sunt
 tempora: in morbo enim principium est, aug-
 mentum, status & declinatio, quæ coctione di-
 stinguuntur, quanuis alia sint, & ab his sæpe se-
 iuncta, quæ morbi vehementiam sequuntur, at-
 que eiusdem symptomata. Intra hæc tempora
 & totam ipsam morbi longitudinem, sunt quo-
 rundam accessiones, quas videmus quandoque
 ad solam remissionem peruenire, quandoque
 ad integritatem. Singularum verò accessio-
 num tempora sex sunt, principium, quo calor
 intro colligitur, extrema rigent, ac refrigeran-
 tur. Inæqualitas, cum incipit calor extendi, sed
 interim nunc calorem, nunc frigus sentiunt,
 aut aliqua parte calorem, & alia frigus diffu-
 sum. Deinde sequitur augmentum siue ascen-
 sus, dum calor manifeste se ostendit, sine frigo-
 re, maior tamen multo in intimis, quàm in extre-
 mis partibus. Quartum tempus status est, quo ca-
 lor vniuersum corpus æqualiter occupat, ita, vt

*In accessio-
 nibus ab-
 stinere.*

*Accessio-
 num tem-
 pora.*

æqualis in thorace & pedibus se tactui ostendat. Quintum tempus est declinatio, quo calor vehementius se offert in pedibus & manibus, quàm in thorace. Sextum tempus est infebrecitatio. Hæc sex tempora vnicam periodum constituunt, à principio vnius accessionis, ad principium sequentis. in continuis autem febribus accessiones, habent quam appellant *ἐπισημασίαν*, siue insultum, & significationem, augmentum, statum, ac declinationem. Si velis iuxta insultum appones inæqualitatem. Ex pulsu tamen ita hæc tempora distinguas, in principio generatur celeritas constrictionis, in augmento augetur, ad finem augmenti, summam habet magnitudinem: sed adest satis magna celeritas distensionis. In statu minuitur celeritas constrictionis, & distensionis ad summam peruenit magnitudinem, in declinatione utrâque celeritas aboletur, sed contractionis prius. Diuides etiam alio modo tempora accessionum, in eam quam appellant accessionem, & inclinationem. ac cōtinet accessio principium, inæqualitatem, augmentum, & statum: inclinatio verò declinationem, & quietem, siue infebrecitatem. li. de tempo. mor. & comm. Aphorif. sequentis. Cùm itaque Hippocrat. in præsentī sententia præcipit in accessionibus abstinere à cibis. per accessionem, principium, augmentum, & statum intellexit: in declinatione namque id vitium nō est, præterquam vbi integritas esset adeo longa, vt sine damno posset tota accessione manere æger sine cibo, & nulla instaret necessitas recedendi à sequenti accessione: Hippocrat. namque lib. 4.

ἐπισημασίαν.

*Pulsus do-
cet tempo-
ra accessio-
num.*

li. 4. de ratione victus sectione 40. dixit. Cùm autem purgaueris, sorbitionibus quibusdam vtitor, obseruatis ita februm accessionibus, vt nūquam cūm adsunt, neq; cū futuræ sint exhibeas, sed vel cūm cessant, vel quieuerunt, & maxime à principio recesserunt. Scripserat etiam eandem sententiam lib. 1. Sect. 45, dicens: Tempus autem dandæ sorbitionis tum per initia, tum per omnem morbi decursum, hoc maxime seruate oportet. Nam si pedes frigidi fuerint, non à sorbitione modò, verum quoque & maxime à potu temperandum. At cum caliditas ad pedes descenderit, tunc date expedit, sanè tempus valere admodum putandū, cūm in morbis omnibus, tum præcipuè in acutis, & potissimū quibus febris vehemētior subest, periculūmque summum. Vbi igitur nulla necessitas vrget, in tempore quietis æger est alendus: vbi vrget facultatis imbecillitas, præsertim cum febris oritur ex inedia, aut adest syncope: vel in ipso accessionis initio, vel iuxta ipsum, aut quauis hora. Si ea non adsit aut timeatur, in humidis morbis expectare in febricitationem: in siccis autem non, sed solam inclinationem, dicente Gal. lib. 10. De metho. medi. In siccis namque corporis affectibus accessiones non perueniunt ad integritatem, priusquam ex balneo, aut cibo humectante, humectatio accesserit. Præterea si interuallum breue fuerit, alemus, aut prope vigorem, præcedentis accessionis, aut prope principium sequentis. Si febris multitudine & crassitudine humorum, & cruditate, ac frigore magis opprimendo nocet, à principio sequentis recedentes, cibum

*Cibum in
accessione
offerri quā
do conue-
nit.*

prope præcedentis statum, aut in ipso adhibebimus. Si tamen calore & inflammatione status magis molestus est, recedemus ab statu, & alimus prope initium sequentis. Vt itaque summam dicamus, ubi nihil urgeat abstinere docet ab alimentis in accessionibus febrium continuarum, de quibus dixit, in accessionibus subtrahere conuenit. Abstinere etiam oportet in accessionibus intermittentium, de quibus dixit: Et quibuscunque per circuitus accessiones insunt, in ipsis accessionibus subtrahere conuenit. sunt autem primæ febres, continuæ: secundæ, intermittentes: quoniam in prioribus accessionum meminit, in posterioribus accessionis, & periodi. At verò periodus, ut diximus, & est Galeni sententia, libro De temporibus morbi, in febricitationem continet, siue quietis tempus, quod sextum est. Constat enim tota periodus ex sex temporibus, & seruant ordinem, ut in Commēt. 18. sequenti docet, ac dixit in accessionibus ordinem non seruantibus nullam esse certam rationem inueniendi tempus, quo cibus offeratur. de inordinatis igitur accessionibus nihil docet. Si verò quidpiam urgeat, uti inopia alimenti nimia siccitas, imbecillitas, aut syncope, in principio & prope ipsum, & in augmento, & in statu, inclinatione tamen in siccis affectibus, aut interuallo existente breui, licebit alere, id est quod dixit Hippocrates, Cum calor in pedes descenderit, non utique, cum descendit, quod est augmenti tempus, sed cum descendit, occupauerit inquam extremas partes, & deseruerit internas. Præterea ubi interuallum fuerit

fuerit breue, cogimur ægrum alere in statu præcedentis accessionis, aut in principio sequentis, aut prope hæc. Quantum autem vnum quodque horum fugere conueniat, hinc intelliges. In statu coniicies an calore, an siccitate magis noceat: si siccitate, in ipso ales: si calore, remissionem spectato. In principio ita considera, si extrema perfrigerentur, & magna adsit sanguinis intro reuocatio, aut omnino non premat: hoc secundum contemnendum, si primum, vbi magna extremorum perfrigeratio, cum abundantia succorum, & crassitudine, aut viscerum phlegmone fiat, fugiendum principium, si non ita, non valde timendum. Quod si principium cum magna sit refrigeratione, atque hæc cum humorum copia, ac crassitudine, maximè verò, si visceris alicuius phlegmone accesserit, adest quoque imbecillitas, acceditque syncope, dices dispositionem esse letalem, vt & Galenus libro decimo de method. meden.

APHORIS. XI.

Accessiones autem, & constitutiones, morbi ostendunt, & tempora anni, & circuituum successiuæ reciprocationes, siue quotidie, siue alternis diebus, siue per maiora intervalla fiant. Quin & post apparentia, veluti in laterali morbo incipiente, si sputum statim appareat, breuiat: si verò post appareat, producit, & vrina, & deiectiones, & sudores cum post apparerent,
c.ii.

mali iudicij, aut boni, aut breuem, aut longum morbum ostendunt.

COMMENT.

*Accessio-
nes & cō
st. mor.
vnde co-
gnosces.*

Cū supra docuisset modum instituendi vitum in morbis acutis & longis, generalī ratione, sic etiam & in singularibus morborum accessiōibus, qua via quis prænoscere possit totius morbi constitutionem vniuersalem, & singulares accessiones antequam eueniant, vt ad ipsa respiciens nullus committatur error, in præsenti docet Aphorif. Quid accessio significet, in præcedenti commentario diximus. Constitutio verò in febribus & aliis morbis, tempus est ab initio in vigorem, atque est simile in continuis, quod appellant constitutionem, ei quod in intermittentibus dicitur accessio in secundo significato, cōprehendit enim principiū, augmentum & statū. Cognosces itaque totā morbi constitutionē, & singulares accessiones, ex morbo, ac si dicerēs, morbi naturam ostendere constitutionē morbi, siue generalia tempora & singulas ipsius accessiones. Si enim morbus tertiana febris est, breuem habet totam constitutionem, ac cito futurus est status, & cognita febre tertiana, vel prima accessione medicus prædicet ipsam tertia die reedituram, & per tertium futuras accessiones. Rursus in prima accessione inuadente quotidiana, morbi ipsius natura, quia pituitosus est, ostendit longe post futurum statum, & morbi coctionem, singulas verò accessiones quotidie futuras. Quartana verò & his longior est, & per maiora interuallare petit. Quoniam verò non omnes quartanæ, aut
tertia

tertianæ, quanuis exquisitę eundem terminum definitum habent: non tertiana exquisita septem periodis iudicatur, quod longissimum: poterit tamen & quatuor periodis finiri: hanc distinctionem sumere docet ex anni tempore: nam calidis temporibus morbi sunt breuiores, frigidis, longiores. Anni autem tempus includit aërem ambientem, regionem, & cœli statum, quibus adiunges quæ ad hæc sequuntur, temperaturam, ætatem, sexum, & viuendi institutum. Præterea etiam circuituum successiuæ reciprocationes, ostendunt constitutionem, hoc est statum futurum, & tempus, quo accessiones deinceps euenient, non utique quo die, nam id morbi natura, siue species indicat, sed qua hora diei, quod quam maximè ad victus institutionem conducit: siue enim febris quotidie repetat, siue tertio quoque die, siue quarto, si reciprocationes fuerint celeriores, maiores & vehementiores, citò futurum statum indicabunt, & sequenti die, si quotidiana febris fuerit, accessionem citius præcedenti futuram. Cùm enim morbi vigor, & breuitas, agnoscat ex morbi natura, & motu, & motus celeritas sumatur ex celeritate repetentiarum, & accessionum: Si hæ celeres sunt, cito eueniet status, brevis erit morbus, & accessiones sequentes citò erunt sperandæ. In ipsis itaque accessionibus consideramus repetitiones, siue reciprocationes ad statum prænosendum, & tempus futurarum accessionum. Tria verò indicia ex eisdem sumit Hippo. li. 2. de mor. pop. par. 1. nempe, si celerius, an non, si longius, an non, si ma-

c. iij,

gis, an non, siue quotidie, siue tertiis diebus, siue per maiora intervalla eueniant, id enim nihil refert. Si enim celerius repetant, ita vt tertia accessio, magis anticipet secundam quàm secunda primam, augmenti signum est. Ita & si secunda primæ tempus anticipet, si reliqua consentiāt, nempe longius tempus durare, & vehementius affligere, ac tria dicta accedant accessioni, celeritas, longitudo & vehementia: sunt enim nonnullæ febres, quarum accessiones natura sua anticipantes sunt, & anticipatio sola in eis non magis augmentum, quàm declinationem significat. Insigne habemus exemplum Karolum Hispaniarum principem maximum, qui præcedentibus duobus annis, ac ferè dimidio, febre quartana laborauit, & quindecim mensibus posterioribus singulæ quartanæ anticipabant, quinque horas, nulla prætermissa, ita vt neque pusillo tempore ab hoc ordine, & anticipatione declinauerit, res admiratione digna, cum ea tamen anticipatione augmentum, statum, & declinationem percurrit. Sic & de postpositione intelligendum, ipsam significare inclinationem, si accesserint breuitas & remissio accessionum. Statum autem ostendet inuasio simili hora facta, & longitudinis ac vehementiæ æqualitas. Quauis sæpe fiat, vt vnicam tantum habeat accessionem status, & sequens sit declinationis, in quibus status præsens non agnoscetur, sed dum præcessit. Dixi reciprocationes, quauis Galenus in Commēt. legat ἐνιδόσεις, id est, incrementa: in Græcis enim Aldinis codicibus legitur, ἀνίστασθαι, id est, recipatio

procationes, siue reflexiones. Sic etiam legitur in codicibus Galenianis Basiliensibus. Est autem ἀνταποδίδωμι, reflecto, & reciprocō, & reddo per reciprocationem, ut apud Platonem in Phaedro, οἱ γὰρ μὴ ἀεὶ ἀνταποδίδουσι τὰ ἑτέρα τοῖς ἐτέροις γιγνόμενα, ὥς περ ἐν κύλῳ περιέοντα, hoc est, Si enim quæ fiunt, non redderent per reciprocationem, alia post alia, tanquā in circulo redeuntia. & Galenus in cōmētario huius Apho. bis utitur hac voce, in prædicta significatione. Cōsonat autem hæc lectio cū sequentibus: cū enim dixisset, successuæ reciprocationes, addit, siue quotidie, siue alternis diebus, siue per maiora interualla fiant. Decet præterea ad futurum statum prænoscedum agnoscere speciem, magnitudinē, motum, & morem morbi, ex quibus etiam salubritas, & insalubritas constabunt. De specie morbi diximus ipsam agnosci ex signis pathognomonicis, siue propriis, magnitudinem indicat magnitudo eorundem signorum. Motus ex accessionum reciprocationibus constat, & species atque motus indicat cōstitutiones & accessiones morborū. Mos verò ex signis post apparētibus indicatur, post apparēt verò signa coctionis, sūt & signa assidētia dicta, quæ nō sēper coapparēt morbo, & signa salutis & mortis, & signa crisis. Porro ex signis, ut li. art. med. docuimus, quædā sunt propria, quædam post apparentia, & ex his quædā sunt veluti propria, quædā cōmunia omnibus morbis. Veluti in laterali morbo, dolor pungenti similis in mēbrana subcingente constas, febris continua, tussis, difficultas respirationis, sunt propria. Veluti propriū,

Statū futurum quibus prænosces.

c.iii.

sputum, communia sunt deiectiones & vrina. omnia miro quodam modo comprehendit, de specie namque morbi dixit: Accelsiones & constitutiones morbi indicabunt, de motu & magnitudine, cum dixit, & circuituum reciprocationes. Morbi autem species ex notis propriis constar, & magnitudo ex eisdem, motus ex anticipationibus, & postpositionibus. Reliquum est ut de notis mortis ostendentibus non nihil addat: hæc verò sunt post apparentes, in quibus sunt notæ coctionis, ex sputo, in laterali morbo, ex urinis, deiectionibus, & sudoribus, in omnibus. Ac perinde subiungit, Quin & post apparentia (quæ appellat *επιφαυρόμενα*) ea enim ostendunt accessiones & constitutiones. Exemplo morbi lateralis, si sputum appareat, statim ipso incipiente, morbum breuiat: si verò non, producit. sputum, bonum sputum significat, & coctum, idque cum signum sit post apparens, veluti proprium ad morem attinet, & salubritate significat, ac morbum breuem, siue totam ipsius constitutionem. coctiones enim crisis celeritatem, & securam sanitatem ostendunt, li. i. de mor. pop. apud Hippo. cum enim coctionis signa statim apparerent, id est, in trium dierum spatio, nequit morbus longe progredi. Si tamen tardius apparere incipiant, prorogabitur. Veluti in laterali morbo, si sputum statim appareat, id est, in primæ accessionis spatium: nam id significat principium hoc loco, alibi tamen quandoque primum insultum & breuissimum tempus est, & aliàs tempus cruditatis, quo modo diuidimus morbi artificiosa tempora, in principium, augmentum, statum, & declina

clinationem. Sputum autem, bonum sputum,
 & coctum significat, quod *πύλον*, appellauit *πύλον*.
 Hippo. non *πύσμα*, quod omnem spuitionem *πύσμα*.
 significat, etiam crudam: quanuis igitur sputum
 erudum educatur, non significabit morbum bre-
 uiorem, cum Hippo. hæc eadem Gal. vult li. i. de
 crisibus cap. 5. vbi de sputo loquens inquit: Secun-
 do quidem si educatur, sed non optimum. Est au-
 tem & hoc duplex, vnum quidem, quod solum
 caret coctione, alterum quod etiam prauum exi-
 stit. Ab his verò omnibus, & quod coctum est
 separatur, quod etiam proprie sputum appellant.
 Neque enim quod sanguineum est, ac biliosum
 & spumosum, ita nominamus, sed potius spuitio-
 nes vocamus. Cùm verò neque sanguini, neque
 bili pallidæ, vel nigræ commixtum fuerit, id tale
 iam sputum vocamus. Quando igitur hoc statim
 apparuerit, morbum facit breuiorem, cum verò
 nullo modo educitur, aut crudū, indicat morbum
 longius produci. Ex hac sententia constat Gal.
 velle Hippo. sententiam in hoc apho. esse de co-
 cto & bono sputo intelligendam. constat etiam
 non sequi si sputum quoduis appareat, morbum
 reddi breuiorem, vbi videlicet fuerit sputum cru-
 dum. His præterea addit Hippo. signa ex deiectioni-
 bus, vrinis & sudoribus: ab his enim, veluti à
 post apparentibus sumuntur indicia breuitatis,
 quæ dicta sunt à coctione desumi, salubritatis si-
 militer. Quemadmodum ex cruditate horum su-
 muntur indicia lōgitudinis, & ex malitia horum
 signorum, ægrotantis perniciēs, id est, quod di-
 xit: boni aut mali iudicij (hoc est finis) aut mor-

bum breuem, aut longum. Ex cruditate lōgitudō,
ex coctōne breuitas, & bonam iudiciū, ex praua
extremētorū dispositione, qualis in sputo, liuor,
nigredo, viriditas. Sic in aliis excrementorum ge-
neribus, malū iudiciū speratur. Quo loco græ-
cè habetur δὲ σκπιλα, nos mali iudicij, diximus, quā
uis enim quæ longo tempore iudicantur, & quæ
male, nempe ad mortem, aut cum prauis sympto-
matibus, δὲ σκπιλα, dici possint. Hoc loco de solis
malis dicitur, quoniā quæ longius iudiciū habent,
comprehensa sunt in aliis, cū dixit: longum aut
breuem morbum ostēdere, neque opus est idem
bis significare, ac docere immediatis verbis.

APHORIS. XII.

*Senes facillime ieiunium ferunt, secundo
subsistētes, minime adolescentes, omnium præ-
cipue pueri. horum autem ipsorum qui fuerint
ex ipsis alacriores.*

COMMENT.

Indicatione sumpta ab ætate diuersa victus
ratio instituenda est. Alimētum enim refectionis
gratia adhibetur, refectionem autē efficiūt vires:
vbi igitur, vel vires non simiiter valent, aut re-
fectionis necessitas non similiter vrget, nō etiam
reficere eodē modo conuenit, sed magis urgente
necessitate, & valentibus viribus, magis reficere
ac celerins, citius commota necessitate reficiendi
Necessitas autē refectionis non similiter per om-
nes ætates vrget. Quibus namque calor validior
est, validiores sunt resolutiones, & refectionis
necessitas sequitur præcedentem resolutionem,
maximè

*Refectio-
nis per æ-
tates.*

maximè verò si non tantum dissolutum reficere est in animo, sed etiam quod præfuerat maius facere. Hac de causa recte Hippocrat. dixit. Senes facillimè ferunt ieiunium, hoc est, tardius incidunt in alimenti defectum, & minus ab eo læduntur: senes enim tardius dissoluuntur, quoniam calidum minus habent, à quo dissolutio fit, & membra, quæ dissolui debent, sunt solidiora. Deinde reliquas ætates ordine prosequitur, secundo loco statuens ætatem καθεσπρότων, id est, subsistentium, quam ita appellandam esse, lib. de arte med. 1. & in expositionibus lib. Prognostic. abunde docuimus: qui enim iam declinare incipiunt, non recte consistentes dicuntur, sed subsistentes, ac declinantes, quemadmodum & Philotheus καθεσπρότας dixit, τοὺς ἐν παρακμῇ τοῦ χάνοντας, hoc est, in declinatione existentes. Quibus accedit quod Hippo. Apho. 45. sect. 6. & li. de crisibus, dicto verbo in prædicta significatione utitur. Quapropter in præsentī satisfaciet ætatum generalem diuisionem ad memoriam reuocare: sunt autem hæc quinque, pueritia, quæ ad duodecimum & tertiumdecimum annū attingit. Pubertas, quæ adolescentiā continet à tertio decimo in vigesimū quintū. iuuentus à 25. in 35. subsistentia à 35. in 49. Deinde senectus, & ad finem decrepita. Has omnes ætates ibidem temperamētis distinximus: nam animalia omnia ab initio calidiora sunt nativo calore, ut constabit apho. sequenti. Sunt etiam humida: nam innatum calidū humidum est, sunt autē corpora eo sicciora, quo magis ab initio disceserint. Hinc totius Aphor.

*Senes quare
refacilius
ferunt ie-
iunium.*

*Atque
ordo infe-
renda fi-
me.*

ratio constabit. Post senes nāque sequuntur subsistentes, tertio loco iuvenes quorum non meminit Hippo. sed hos sequuntur adollescentes, postremo pueri: nam pueri minimè omnium ferunt ieiunium, quia facillimè dissoluuntur, ob agentem causam, tum ob subiectum, agens est calor, qui multus est, patitur humor tenuissimus, ac perinde dissolutu facillimus. Iuenum autem calidum æquale est calori puerorum intensione, atque habet maiorem qualitatem, hoc est acrimoniam, qua validius dissolvere, ac minus reficere valet, cæterum humidum in iuuenibus, quod solidas partes continet, crassius est, & minus dissolubile, subsistentium adhuc minus, minime senum, qui præter membrorum duritiem paruum habent calorem, & ea de causa maximè ferunt ieiunium. sunt autem hi primi senes, nam decrepiti, de quibus Homerus, Vt lauit sumpsit, quæ cibum det membra sopori, paruo tempore ferunt ieiunium. Quoniam & si paucissimus sit eorum calor, & membra siccissima, paruus ille calor à multo cibo extinguetur, atque opus est sæpe eisdem reficere, vt paucissima quantitate sumpta, & superata iterum ad refectionem redeant. Posset itaque quis rectè dicere, senes omnes facillimè ferre ieiunium, hoc est ciborum paucitatem, non tamen multam aut longam abstinentioniam, quoniam decrepiti eam non ferunt. Addit Hippo. Horum autem ipsorum, qui fuerint ex ipsis alacriores, distinctionem faciens temperaturarum, & iure quidem, si eo minus ieiunium ferunt, qui fuerint in calidioribus ætatibus. intra easdem ætates minus

nus ieiunium ferent, quo fuerint temperatura calidiores. Tales sunt quos ipse vocat, προθυμότερας, hoc est promptiores, & alacriores, intellige tum ad corporis, tum etiam ad animi functiones obcundas, hi enim ob calorem maiorem citius dissoluntur, & ob corporeas exercitationes maiores, & qui animo sunt alacriores præter caloris abundantiam, humidum habent tenuius. Docet itaque Hippo. in hoc apho. victum ita instituere per morbos, si duo paribus morbis à materia laborauerint viribus æquales, ætate diuersi, maiorem tenuitatem victus instituere, ei, qui ex apho. ordine, maiorem pro ætate mediam ferre valet.

APHORIS. XIII.

Qui augentur, plurimum innatum calidum habent, plurimo igitur egent alimento, alioqui corpus absorbitur. Senibus vero paucum est calidum, propterea igitur paucis fomitibus egent, à pluribus enim extinguuntur, propterea etiam febres senibus non similiter acute, frigidum enim corpus.

COMMENT.

Calidum innatum substantiam significat duabus qualitatibus præditam, & eis abundantibus, nempe calore & humiditate, est etiam substantia hæc ærea, & aliqua ex parte aquea, qualis prima ipsa generatione in humano corpore reperitur, ex semine & sanguine menstruo orta, manet autem calor is in solidis partibus, sanguine, atque spiritu. Hæc cum dissoluitur à calore, ab eodem

*Calidum
innatum.*

reficitur, vt agente, & ex alimento, vt materia. quodverò reficitur, quandoque prauum est, & à nostra natura alienum, quandoque bonum, nunquam autem tam perfectum, quantum erat, quod fuit dissolutū: qua de causa semper tendunt corpora in siccitatē, & consumptionē, minus natiuū calorem, minusque natiuū humorem, & tandem ad mortem. Quemadmodum etiam innatum calidum tenuem habet substantiam, facilius dissolubilem ob humiditatem aëream & aqueam: iracundum aliud est terrenum, siccius, & magis igneum. Ab humido naturali, quod vnum constituit cum natiuo calido, agente calore plurimum euaporat: sed est id suaue, qualis est vapor aquæ, à corporibus tamen siccis & duris, quibus calor non adeo natiuus est, sed qualis actione caloris loco natiui subrogatur, parum spirat, atque id acre ac mordax. De caloribus præterea his quidam dicitur altero maior substantia, siue quantitate substantiæ, aut intensiōe, alio modo acrimonia, ac mordacitate, quam dicunt qualitatem caloris. De substantia calidi natiui, qui augentur, plurimum habent: de acrimonia, siue qualitate caloris, magis habent iuuenes: qui non augentur, de intensiōe pares habent calores. Quorum omnium demonstrationem inuenies à nobis traditam lib. de arte medendi, cap. de temperamenti. Vt igitur confirmaret quod in præcedenti apho. docuerat, dixit: Qui augentur, plurimum habent innatum calidum: quod si ita est, plurimo egebunt alimento: ac perinde minus omnium ferent ieiunium. Ratio hæc est, qui celerius

*Calorum
differētia.*

celerius dissoluntur, minus ieiunium ferunt: sed qui plurimum habent innatum calidum, celerius resoluntur. minus igitur ferent ieiunium, quapropter eisdem vberius alere conuenit: senibus vero paucum est calidum, propterea paucis fomitibus egent. Calidum innatum, ut libro *Calidum innatum seipsum absumit.* de arte medendi docuimus, se ipsum absumit, absumpto humido, & procedentibus aetatibus ita minuitur, ut paruus sit in senectute, tam in prima, quam in postrema, atque etiam in subsistenti aetate, quam docuimus locis citatis in praecedenti Comment. esse crudorum senum. Cum autem paucum est innatum calidum, quin etiam & calor aduentitius, qui à iuuetute minui incipit, paucis opus est fomitibus: paucus enim calor parum dissoluit, & paucam refectionem valet efficere, adde quod ut Hippocrat. dixit à pluribus extinguuntur. Et quamuis proprie, calor extingui dicatur, senes ipsos extingui dixit. Hinc quoque comprobatur sententia aphoris. qua dixit, senes facillime ferre ieiunium, & secundo loco subsistentes, & constabit aphoris. hunc esse praecedentis probationem. Colligit ad finem dicens: Propterea etiam febres senibus non similiter acutae: frigidum enim corpus. Vbi enim natiuus calor paucus est, febres non accenduntur vehementes, fiunt etenim febres natiuo calore in igneum mutato, in pueris sane, & iuuenibus tam calor membrorum, quam sanguinis & spiritus copiosus est, & commutatus, nempe inflammatus & extraneus factus, febris fit, validus quoque est, ac multus, in senibus paucus, *Senibus febres non similiter acutae.*

& qui in magnum calorem febrilem inflammari ac mutari nequit, nisi vehementissima accedente causa, & quæ lethalem morbum inferre valeat. Non igitur putare oportet senes in validas febres non incidere, sed id quod fieri. Præterea Hippo. sententia omnino vera est: non enim affirmat senes non incidere in acutas febres, sed eis non euenire febres similiter acutas, vt aliis ætatibus. quod verum est: nam etsi senes febribus ardentibus aliquando laborent, non sunt hæ, quales iuuenibus euenire videmus, à sanguine ortas, validissimas, & quæ se tactui offerant cum valentissimo calore: & multa flamma. De febribus tamen biliosis nihil refert dicere, valde siquidem superant vehementia, intensione, & caloris copia febres ardentes iuuenum, eas, quæ senibus fiunt, præter id quod febres continentes, vt li. de arte medendi probauimus, omnium sunt acutissimæ, & in has non incidunt, nisi corpora calida, & multo sanguine referta, non frigida, qualia senum sunt autore Gal. lib. 9. de metho. med. Hæc ad huius apho. enarrationem sufficiant, qui enim plura desiderauerit, ea li. primo de arte med. cap. de tempe. reperiet.

APHORIS. XIII.

Ventres hyeme & vere calidissimi sunt natura, & somni longissimi: in hisce igitur temporibus alimenta plura sunt offerenda, calidi etenim innati plus habent: pluri igitur egent alimento. signum, ætates, & athletæ.

COM

C O M M E N T.

De quantitate alimentorū, quę offerri debent, rursus hunc scripsit aphoris. iacto prius fundamento, Ventres hyeme & vere calidissimi sunt natura, & somni longissimi, dicens. Deinde verò infert, veluti à causa probans: In hisce igitur temporibus alimenta plura sunt offerenda. Et rursus maioris claritatis gratia, quamvis non videatur aphoristicam breuitatem seruare, eodem argumento vsus, inquit: Calidi etenim innati plus habent, pluri igitur egent alimento. vnica tandem ratio hęc est. Cum ventres plurimum innatum calidum habēt, & longissimo dormiunt somno, plurimo opus est alimento: sed hyeme & vere ventres plurimum habent innatum calidum, & longissimo somno detinentur: hyeme igitur & vere plurimo egent alimento. Hypothesim probat similitudine, ab ætatibus & athleticis, dicens, signum, ætates, & athletæ. In his enim plurimus est innatus calor, & ea ratione ad multum alimentum sufficiunt. De pueris supra id docuerat, dicens, Qui augentur, plurimum habent innatum calidum. Secundum etiam constat ex his, quę in secundo apho. docuimus. Pueros autem, atque athleticas plurimo cibo vti, plana res est. Ceterum annus ipse totus quatuor partibus diuiditur, ab Astrologis & Philosophis, per æquinoctia, & solstitia, hæ sunt hyems, ver, æstas, autumnus. Hyēs frigida est & humida: ver calidum & humidum, vel vt cum Gal. dicamus, temperatum: æstas calida & sicca: autumnus frigidus & siccus. Hyeme ob frigiditatem ambientis, ca-

*Ventres
quibus tem-
poribus, e-
gent plu-
rialimen-
to.*

*Anni par-
tes.*

*Enter
quib.*

*Contraria
bisariam
occurrant.*

*Calor na-
tius quid
aduersus
falsæ opina-
sem.*

lor interius colligitur, per eam, quam appellant antiperistalsim: fit enim ut à frigiditate aëris calori contraria, meatus, per quos calor spirare foras deberet, constringantur, & frigus calorem repellat, & ea de causa ventres calidiores eo tempore reddantur. Sunc autem ventres hoc loco ventriculi, iecoris, thoracis & cerebri cavitates. Nec tamen id omnibus euenire asserimus: sed ut Galenus vult, eis tantum, qui calidum natium habent abundans. aliorum namque vincitur, ac superatur: sunt enim ex contrariis oblatiis quædam circunstantia, quæ antiperistalsim faciunt, & contrarij augmentum, quædam penetrantia, quæ contrarium inuadentia ipsum minuunt, & corrumpunt. Corpora itaque calida hyemis frigore accedente validiora redduntur, collecto calore nativo, nempe sanguine, atque spiritu ad viscera: constat autem contra cuiusdam opinionem hoc loco natium calorem, sanguinem & spiritum significare, quemadmodum & in superiori aphorif. docuimus, de vno etenim & in eodem calore, in utroque loquitur Hippoc. in præcedenti namque de nativo calore conficiente alimenta loquutus est, cuius gratia pueris præcipit plurimum exhibere alimentum, nunc itidem hyeme pluri alimento opus esse dicit, quoniam eo tempore calor est plurimus, qui alimentum conficiat. Rursus aphorif. veritatem comprobat Hippocrat. dicens: signum ætates, athletæ. quod idem est ac si argumento ab his qui augentur, de quibus in præcedenti aphorif. loquutus est, comprobasset, præsentem aphorif. quod

quod non fecisset si de diuersis esset ei sermo. Præterea Gale. in comment. docet Hippocrat. in hoc aphorif. natium calorem intelligere sanguinem & spiritum, dicens: Nam calor eorum ad interiora colligitur, (non per louem carnibus ad hæc prima sede relicta refugientibus) sed spiritu & sanguine. Tria autem erant corpora, quæ primæ nostræ naturæ substantiam compleuerant, spiritus, sanguis & aërea substantia. Quod autem de eisdem dictus sit calor innatus in aphorif. præcedenti, testatur Gal. libro quinto, de simplic. medicamen. fac. capit. nono, cum de calido innato puerorum loquens inquit: Sed sunt quos id fugiat, & cum hoc, quod ignorent, Hippocrat. accusare non verentur, quod dixerit, qui augentur, plurimum habent caloris innati. Sed nos dicta eius haud perperam capere oportet, agnoscetes innatum dixisse calorem, quem in quoque animantium spiritum nominamus. De quo & Aristot. scriptum reliquit, verum nihil prohibet sanguineam substantiam simulque aëream vnà cum spiritu calidum innatum audire. Ex his verbis aperte constat Galenum velle Hippocrat. in his duobus aphorif. de eodem loqui calore, & eundem esse natium appellatum: vere item dixit calidissimum esse ventrem, non de toto vere id intelligens, sed de prima eius parte, quæ hyemi proxima est, & hyemis naturam seruat. Somno præterea longissimo corripì animalia hiberno tempore, experimentum docet, causam autem non est difficile inuenire. Nam eo

*Somnus
longior
hyeme.*

tempore sanguis ad viscera colligitur, alimenta plura sumuntur, coctio validior est, & inde vapor multus cum sanguine ad caput euolat, qui mentem opprimit, & meatus occludit facultatis animalis, quod somnum naturalem efficit longum, accedente frigore ambientis non permittente, vapores capitis dissolui, ut post somnum vigilia sequatur, nisi longo tempore id fiat. Gal. ad noctium longitudinem id refert, quæ causa mediata est. Ex his Hippo. colligit eo tempore corpora egere pluri alimento, quo etiam abundante nativo calore, validæ fiunt coctiones, distributiones, & nutritiones. Neque obstat quod alimentum pro ratione dissoluti offerri debeat, manus autem dissolvitur hyberno tempore oclusis meatibus. Nam dissolutio non parua fit, etiam si sensum effugiat. per urinam quoque multa fit excretio, quoniam hyeme urina mingitur copiosior, & sedimentum continet plus & crassius. Adde quod hyeme sanguinis copia augetur, & caro accrescit: in his itaque abundè distribuitur alimentum, carni, sanguini, urinæ, & huiusmodi. Hæc autem probe per id tempus peraguntur, coctione, sanguificatione, & nutritione. Neque contradicit sententiæ Hippo. quod hyeme multa pituita in ventriculo generatur, & euomitur. Hoc namque dubium mouit Gal. in Comment. libri De humana natura, quo loco Hippo. dixit: Ineunte hyeme bilis, quia iam refrigeratur, imminuitur, & pituita de integro augetur, tum à frequentibus pluuiis, tum noctium longitudine. Gal. tamen in Comment. dubitat,

*Pituita
quo modo
multa, hye
me gene-
ratur.*

bitat, qua ratione hæc stare possint cum his
quæ dixit in aphorif. Ventres hyeme & vere
calidissimi sunt natura: nam si calidissimus ven-
ter est, optimam efficiet coctionem & san-
guificationem, pituita verò crudus humor est.
Quòd itaque Hippo. pituitæ generationem ad
pluuias retulit, & noctium longitudinem, idem
est, ac si dixisset pituitam à frigiditate generari,
quæ viget noctu ob solis absentiam, atque etiam
interdiu ob solis recessum, aut si mauis, à per-
pendiculo declinationem. Pluuiarum quoque
multitudo alteram qualitatem adiungit ad pi-
tuitæ generationem, nempe humiditatem. Sed
quare hæc non vincuntur à calore innato, quem
plurimum hyeme contineri in ventre dixerat
in aphorif. Dicemus quamplurimis accrescere
pituitam: quoniam quamuis in ventriculo calor
multus sit, qui alimentum superat, pituita in
ipso genita, in iecore & venis inconfecta relin-
quitur, ambientis frigiditate, calore se ad iecur
ipsum insinuante. In quibusdam, & non paucis,
frigiditas totum penetrat corpus, ob vestium
inopiam, & necessitatem iter agendi sub valido
frigore, & ob alias exercitationes, poros cutis
aperientes. Adde his naturalem caloris imbecil-
litatem, & carnis defectum. Adde etiam ciborum
vsum: accipiunt enim edulia pituitam generan-
tia, vt rapas, bulbos, cocleas, carnes porcinas, &
vina noua, crassa, nondum confecta, quæ omnia
pituitam aceruant, repugnante calore natiuo,
adhuc valido. Manet itaque Hippocrat. sententia
veta, quam in sanis intelligendam vult Gale. in
d. iij.

Comment. & rursus Comment. decimosextimo infra: quo loco dicit hunc aphorif. de sanis intelligendum, quibus hyeme multum alimentum concedit, in illo verò an multum simul offerre liceat docet. Cæterum mihi videtur hunc apho.

Aphorif. 14. de æ- posse de ægrotis intelligi: quibus ob copiam natiui caloris videtur plurimum alimentum conducere, siue semel, siue sæpe oblatum, ac per vi-
gris quo- ces diuifum, id enim non attinet ad præsentis
que intelli- sententiæ comprobationem. Quod enim ad ciborum partitionem per anni tempora pertinet,
gitur. apho. 17. docebit.

APHORIS. XV.

Omnes victus rationes humida conueniunt febricitantibus, maximè verò pueris, & aliis, qui tali victus ratione uti consueuerunt.

COMMENT.

De qualitate alimentorum præsens scribitur aphor. in quo de febricitantibus loquens, docet
Victus hu- omnem victus rationem humidum offerri ipsis
midus om- debere: sic enim legitur apho. à Gal. li. primo, De
nâ febric- sanitate tuenda, & lib. octauo, De metho. med.
itantibus Sic etiam transfertur à Thoma Linacro. Vbi ergo
offerendus. quispiam febre correptus fuerit, omnem victus rationem ei instituemus humidam: præsertim si puer fuerit, & consueuerit uti tali victus ratione. Huius aphorif. expositio facilis erit, & sententia perspicua eis, qui legerint, quæ nos lib. tertio, De arte medendi, de generali curandi ratione diximus,

*Indicatio-
nes curan-
di.*

mus, quo loco docuimus indicationes curationis sumi ab affectione, corpore affecto, parte affecta, & causis exterioribus. Ab affectione, quæ præter naturam est, indicatio sumitur, de adhibitione victus contrarij, quia vero affectio calida est, refrigerantem victum postulat: & quia sicca, victum humectantem. Est autem febris calida & sicca passio, ut nos in Commentariis in libro primo De differentia febrium probauimus, & quomodo id audire oporteat docuimus. A corpore autem affecto indicationes sumuntur, nempe ab ætate, temperatura & consuetudine. Hæc tria secundum naturam sunt, temperatura naturalis & ætas, quæ naturalem affert temperaturam ætati respondentem, & consuetudo, quæ adscititia quædam natura est. At quemadmodum, quæ præter naturam sunt amoueri desiderant, ita quæ secundum naturam seruari. Quapropter vnicam præbent indicationem tria, quæ ab Hippocrat. traduntur in aphor. febris, ætas puerilis, & similis consuetudo. Nam omnia victum omnem postulant humidum, febris, quia curatione eget: ætas puerilis & similis consuetudo, quia humida sunt similium exhibitione seruantur. An tamen repugnant consuetudine, ætas & temperatura aliquid indicent, loco citato nos diuersam à Galeno affirmauimus sententiam. Aphorif. præterea sententia intelligenda venit, ubi multus affectus febris complicitus fuerit, qui febris curationem impediat, ac contraria his, quæ febris debentur desideret, ut aqua inter cutim,
d. iij.

neque etiam simul iungantur febris, & causæ indicationes contrariæ: ita ut causa febris sit humor frigidus, crassus, ac lentus, cui extenuantia, & calefacientia, & aliqua ex parte siccantia debeantur. tunc etenim immixta erit curatio, & ad id quod vrget magis conuersa, feбри tamen qua febris est curatio per omnem victus rationem humectantem debetur, uti per alimenta, potum, balnea, aërem humidum, quietem, & somnum.

APHORIS. XVI.

Et quibus semel aut bis, & plus aut minus, & per partes, dandum autem est aliquid temporis, regioni, ætati, & consuetudini.

C O M M E N T.

De partitione ciborum, qui ægrotantibus offeruntur, præsens scribitur apho. admonet namque considerare, an semel, an sæpius cibus sit offerendus, & an plus, an minus, sed per partes, ad quod probè exercendum docet condonandum esse aliquid temporis, regioni, ætati, & consuetudini: quoniam & hæc non nihil conducunt, atque indicant, ad rectam ciborum partitionem, quàm & consuetudo multum. De temporibus anni dixit aphorif. 14. hyeme & vere pluri alimento uti conuenire, & in sequenti dicet, quibus anni temporibus facilius, aut difficilius ventres ferunt alimenta. Hyeme itaque multum alimentum præbemus, ob caloris abundantiam, & raro, quia non egent qui ægrotant multa adiectione, cum non multa sit dissolutio:

Acstate

*Alimento
rum exhi-
bitio per
tempora.*

Aestate paucus cibus offerendus est ob paucitatem natiui caloris, sed sæpe ob multā dissolutionem. Initio veris, vti hyeme alimus, ad finem ferè vt æstate, minus cibi, quàm hyeme, sed in plures partes diuisi præbentes. Medio vere paucus conuenit cibus, sed raro: pereclitātur enim febricitantes in plethoricas incidere dispositiones. Autumno cibus parcus est offerendus, sed sæpe, neque tamen adeo frequenter vt æstate. Quin & hyemis frigore accedente quantitatem augere conueniet. Regio autem non alio modo, quàm tēpora anni indicat, quando in frigida regione, vti hyeme alere conuenit, calida, vt æstate, temperata, vt vere medio. Aetas quoque indicat pro ratione temperaturæ, quæ validum habet, aut imbecillum calorem, vt inde pluri cibo egeat, aut pauciori, & frequentius aut rarius repetitio, nam pueri plurimo egent alimēto: quoniam validum habēt calorem innatum, sæpius verò eisdem exhiberi debet, quoniam facile exhalant eius spiritus, & humores. Iuuenes multo egent cibo, sed raro: quoniam innatus calor eorum est validus, & non dissoluuntur facile: Subsistentes, paulo minori quantitate egent, nec perinde frequentius, sed rarius. Senes primi, minorem postulant quantitatem, & rarò in quibus calor non est multus, nec dissolutio. Postremi senes frequenti egent ciborum administratione, semper in parua quantitate, vt vires extreme languidæ sufficiant ad cibi mutationem, & abunde reficiantur, & reparentur. Hæ sunt indicationes, quæ sumuntur ab his, quorum Hippocrates meminit. Sed primā om-

*Ciborum
partitio
per ætates*

*Ciborum
partitio
ad vires
facta col-
latione.*

nlum indicationem, quæ partitionem ciborū admonet, prætermisit à nobis considerandam. Quāvis virium supra meminerit Aphorif. 8. præcipiēs coniicere an cū eo victu æger sufficiat, ad morbi vigorem, an prius deficiat. Ex quo Aphorismo, & aliis ante ipsum intelleximus, totam victus rationem, ad duo considerantes esse instituentdam, nempe ad vires ægrotantis, & ad morbi longitudinem. Hæ sunt quantitatis ciborum veræ & perpetuæ indicationes, quarum gratia licet ob virium constantiam, & morbi magnam brevitatem, omnino à cibis abstinere toto morbo. Qua propter quæ Galenus de hac re sensit referamus, ac deinde ad doctrinæ integritatem quædam addemus. Galenus languente facultate cum humorum corruptione, aut defectu, parum cibi, & sæpe offerre præcipit: parum, quia vires non possunt multum superare: sæpe, quoniam defectus indigeat adiectione, & corruptio à temperamento. Primum & secundum nota sunt, tertium tamen videtur dubium: nam si vires langueant cum humorum corruptione, epicrasis debetur, quam ex vſu medicorum testatur Gale. lib. 9. de metho meden. significare, euacuationem cum refectione, quā appellat eius, quod vtile est, adiectionem. Hanc autem deberi facultati languidæ cum humorum corruptione. Hic tamen epicrasim dicit esse frequentem adiectionem ciborum, qua egēt qui patiuntur humorum corruptionem. Præter id quod qui patiuntur humorum corruptionem non indigēt multis: siquidem ex Aphorif. 10. sectionis 2. non pura corpora, quo

ra, quo magis nutries, magis lædes. Præstaret autē hos purgare sensim, atque ita reficere, atque esset hæc epicrasis in eo significato, quo utitur libr. 9. Meth. non quo utitur in præsentī Commetario. Nōnullos audio dicētes bifariā dici humores corruptos, aut parum, ita ut emendari possint, aut multum, ita ut corrigi nequeant, prioribus debere epicrasim, id est attemperamentum, per frequentem adiectionem, postremis, epicrasim, id est, purgationem refectioni immixtam. Si tamen facultas languida fuerit cum humorum abundantia, aut mediocritate naturali, raro & pauca præbet Galenus: pauca ob virium languorem: raro, quia non eget multa adiectione, qui humorum bonorum habet abundantiam. Si facultas valida fuerit cum humorum bonorum abundantia, aut mediocritate, raro pauca convenire dicit: decet enim pauca offerre eis, qui copiam habent, quanvis facultas multa coquere valeat. Si tamen cum robusta facultate humorum adsit corruptio, aut defectus, multos cibos, atque multoties offerre præcipit. Verū huic sententiæ videtur pugnare sextus Aphorif. præcedens, ubi Hippocrates docuit, in morbis peracutis, qui statim extremos labores habent, extreme tenuissima victus ratione uti. Sit ergo morbus aliquis acutissimus ex humorum corruptione cum facultatis constantia, in hoc extrema tenuitas victus convenit, ad vigorem usque: non igitur multus cibus, ac multoties. Adde quòd in febribus, quanto vires sunt validiores, tanto possunt maiorem ferre inediam, & ci-

*Gal. oppo-
gnat Hip-
po. senten-
tiam.*

bus nulla alia ratione adhibetur, quàm vt vires seruet, quæ etiam cibos exposcunt, ea mensura, qua aut seruentur, aut non multum offendantur, non ea mensura, qua possunt multum alimētum, aut paucum superare. Id enim ad hoc confert, vt definita quantitate, pro virium & morbi ratione intelligat medicus, an semel totum dare conueniat, an in multas vices id partiti: quia nō in vna aut duabus totum assumptum superabit facultas. Dicemus itaque si facultas languida est, cum humorum defectu, alimenta sæpe offerenda, sed in parua quantitate, quia parum potest superare natura, & multo cibo eget. quod fit in hecticis febribus, & in reualescentibus ex morbis à materia. Si cum languida facultate adfuerit humorum corruptio, facultatem morbo confereamus, & morbi statum coniiciemus, ex doctrina Aphorif. II. & ita totam quantitatem offerendi cibi definiemus, deinde eam quantitatem, quæ singulis diebus ipsi debetur, ita partiemur, vt singulas partes probe possit superare facultas. At si cum languida facultate adfuerit bonorum succorum mediocritas, aut abundantia, abundantiam primo minuemus ex regulis artis, ne facultate languida existēte plethorica dispositio trāseat in cacochymiam, id enim perpetuo fit nequante natura, quod supra vires est gubernare. Mediocritate tamen manente, vires & morbi longitudinem conferemus, & quantitatem singulis diebus respondentem diuidemus, ita vt singulas partes possit facultas probe superare, quoad fieri possit seruata consuetudine prandendi, & cœnandi,

di, quod non parum conducit, ut cōtrarium manifeste nocet, teste Hippocr. qui lib. 2. De ratione vict. acutorum, scribit noxas, quæ sequuntur, ad mutationes horarum assumendi cibum & dimissionem prandii, aut cœnæ. Si tamen facultas valida fuerit, cum humorum defectu, multum cibum ac sæpe exhibere licet. Si cum humorū corruptione, parum & raro: parum, quoniam robusta facultas paucum cibum exposcit: raro verò, quoniam decet naturam correctioni, coctioni, & euacuationi corruptorum humorum vacare permittere. Nec tamen ea ratione multam quantitatem cibi simul offerre robustæ facultati cōuenit, quoniam hæc non bene coquit, quod parum est exemplo sumpto à sanis, qui improbe cibos paruos mutant: nam robusta admodum facultate in morbo peracuto alimus ægrum iute pulli aut pri sana, nec propterea male habent, & quod de sanis dicitur, non est ad rem: quoniam ægri non tantum in coctione ciborum sunt occupati, sed multo magis in propugnandis prauis succis. Sed si facultate valida existente, bonorum succorum adfuerit redundantia, hanc primo loco demimus, & interim aut etiam mediocritate existente bonorum succorum, pro vitium constantia, & morbi longitudine, quantitatem alimenti singulis diebus perscribemus, deinde ipsam ut in sanitate diuidemus, quoad fieri possit consuetudine seruata prandij, & cœnæ, consideratis quoque accessionibus, si quæ adfuerint.

APHORIS. XVII.

Æstate, & autumno cibos difficillime se-

runt, hyeme facillimè, vere secundo loco.

COMMENT.

*Ciborum
partitio
per annie
pora.*

Hic Aphorismus de sanis & ægris scribitur, quemadmodum & 14. ut ibidem etiam diximus. differt autem hæc sententia ab illa, quoniam ibi de quantitate tota, quæ offerri debet sanis & ægris, per anni tempora loquutus Hippocrates: modo an tota quantitas simul, vel per vices multas, aut pauca sit diuidenda, definit, indicio sumpto à temporibus anni. Paucam quantitatem singulis vicibus esse offerendam docens æstate, & autumno, quoniam cibos difficillimè ferunt per ea tempora, hyeme multum licere præbere, quoniam eo tempore ferunt cibos facillimè: vere autem medio modo, quoniam ferendi cibos mediam habent facilitatem. Horum causæ sunt, quæ à quantitate caloris natiui sumuntur. quo enim tempore natiuus calor validior est, maiorem cibi quantitatem sine molestia feret, ac superare valebit: ubi verò fuerit minor, minorem. maiorem enim difficilè feret, & quandoque difficilimè. Natiuus præterea calor ex Aphorismo 14. hyeme validissimus est, cuius causam ibidem tradidimus: magnam igitur cibi quantitatem simul oblatam facile feret. Aestas contraria hyemi est, & per ipsam natiuus calor imbecillimus, minimè igitur omnium, cibi copiam ferre poterit. Autumnus coniunxit æstati, quoniam & in ipso languet calor, tum quia ex æstate mansit languidus, tum quia temporis inæqualitas non permittit ipsum conualescere. Ver autem secundum locum habere, non est dubium, siue de to-

to vere loquatur, siue de medio vere. nam veris prima pars, quæ hyemi proxima est, hyemi similem seruat calorem, sed paulo minorem, & qua parte accedit æstati, similiter resoluit, & minuit calorem, sed paulo minus quàm æstate. de medio vere non est dubium, neque adeo robustum, vt hyeme: neque adeo languidum esse calorem, vt æstate, quin & temperatus est: vt cunque igitur ver secundum tenet, siue medium locum.

APHORIS. XVIII.

His qui per circuitus habent accessiones, nihil dare, neque cogere, sed detrahere ab adiectionibus ante iudicationes.

COMMENT.

Quæ in Aphorismo 10. dixerat, rursus confirmare videtur, nempe in his febribus, quæ ordine quodam accessiones habent repetentes, in quibus tantum exquisita ratio inueniendi tempus alendi, doceri potest, fugiendum esse tempus accessionis, præsertim cum adsunt aut paulò post futuræ sunt, non cum declinant, aut cessant, vt latius ostendimus in prædicti Aphorismi Commentario. Per id quoque tempus ab adiectionibus detrahendū esse dicit, ante iudicationes, hoc est morbo ad summum vigorem accedente, quo tempore iudicationes fiunt. Si accessio aliqua eueniat, tunc maximè à cibis abstinendum, aut ab ea adiectione, quæ erat ex usu toto morbo, cūm summus vigor accedit, non nihil esset minuendum.

Ea, quæ iudicantur, & quæ iudicata sunt, integre, non mouere, neque nouum facere, neque purgantibus medicamentis, neque alijs irritamentis vti, sed sinere.

C O M M E N T.

Præfens Aphorism. ad partem artis factiuam pertinet, cuius munus est docere an agendum sit ali-
Occasione quid, an non. Hic autem docet occasionem ces-
sandi ab sandi ab omni medico auxilio: & quauis hæ mul-
auxilijs. tæ sint, vñica hic habetur, videlicet quando indi-
aptius cationes perfectæ fiunt, aut factæ sunt, *ἀπρίως*, di-
 xit, quæ vox teste Galeno, idem significat, quod *ἀπαρτί*, id est perfectè, vt constat quoniam ea vo-
 ce vsus est in simili sententia, lib. De humoribus. Verū quoniā nō ita habet Græcus Hippo. codex, sed *ἀπρίως*, loco huius, *ἀπαρτί* scribi debet, eo loco autore Galeno hoc tēpore præcipit abstinēdū esse ab omni remedio, ita vt nihil moueamus, neq; nouemus, neq; *φάρμακείνοις*, id est purgātibus medicamētis, neque his, quæ quouis alio modo irritant, sed sinere naturam integrè suo fungentem munere. Tempus itaq; iudicij, feriatum est, cum natura perfecte iudicat, & finita iam iudicatione perfecta. Perfectè iudicari ea dicuntur, aut iudicata esse, quoties natura humorem noxium vacuat, aut transponit in partem ignobilem: bonas enim iudicationes fieri dicimus per manifestas excretiones, aut perefatu dignos abscessus, sed priores sunt meliores, omnes verò subitæ, fit etiam in die decretoria perfecta iudicatio, quod ad iudicij securitatem

*Iudicata
perfecte,
quæ.*

curitatem necessarium reputat Galenus, quæ enim talis est, nunquam redit. Decet etiã signa coctionis antecedere, aliàs scimus ex Hippocr. 1. de morbis pop. cruda & incocta, & ad malos abscessus cõuersa significare defectus iudicij, vel labores, vel longitudes, vel mortes, vel eorundẽ reuersiones. Oportet præterea, vt totus humor euacuetur, qui morbum facit: nam quæ relinquuntur in morbis post crîsim, faciunt recidiuas, & vt fiat per conuenientem regionem: quodd si per aliam fiant, non sunt cohibendæ vacuationes, sed reuelendæ, aut deriuandæ cum vacuatione. Vbi igitur iudicatio omnibus his numeris fuerit absoluta, & sine prauis symptomatibus fiat, quod est tutã esse, iure ab omni auxilio erit abstinendum, & nullo modo mouere conueniet, aut sudorem, aut vrinam, aut menses, nec nouum facere medicamentis purgantibus, aut quouis alio irritationis genere, vt clysteribus, glandibus & similibus, sed sinere naturam probe operantem suum munus perficere, ne forte prædictis auxiliis aut natura à munere distrahatur, aut plus iusto operetur. Porro tardas naturæ actiones, & vacuationes, quæ aliàs bonæ sunt, iuuare licet, quamuis neque id sit necessarium, vbi non immincat aliunde periculum ex mora. verùm hæ non sunt iudicationes, cùm non sint subitæ vacuationes, aut transpositiones, sed sunt fines morborum per coctionem, aut similes sensim factæ vacuationes

APHORIS. XX.

Quæ ducere expedit, quo maximè natura

vergit, per conferentia loca, eò ducere.

COMMENT.

*Quæ ducere
conuenit.*

Hic Aphorif. de his scribitur, quæ natura vacua re tētauit. cæterùm eam vacuationē non compleuit, ac feruat ordinem ad præcedētem. cum enim in præcedenti dixisset, nihil agendum esse vbi iudicationes perfectæ fiunt, aut factæ sunt, modo vbi perfectæ non fuerint, inquit, ea ducenda esse, quò maximè natura vergit, per conferentia loca, quæ ducere conuenit: ea enim sunt que ducere expedit, quæ cùm natura vacuare tentasset, non perfecit vacuationem, & ea est regio conueniens, per quam natura tentauit, vbi ipsa sit de congruentibus vacuationi. Tentat autem natura vacuare, cùm commouet, & nihil vacuat: sic & cum parum quid vacuat, & aliud in corpore relinquit, quod vacuare conuenit ad complementum operis naturæ: id verò per quam partem natura impetum facere cœpit. Antecedunt namque crises signa quædam decretoria, quæ sunt signa tantum, vt nausea, capitis dolor, nigra ob oculos apparentia, labij inferioris tremor, vomitus bilis, & pulsus temporum, oculorum hebetudo, nasi pruritus, & rubedo ipsius, atque oculorum, fluxum sanguinis è naribus. Sunt & alia signa decretoria, quæ habent rationem signi & causæ, cùm aliquid vomitu, aut ventris fluxu vacuari incipit, & stillæ sanguinis è naribus, & cutis madores. Si præcedunt signa prædicta, notum est quò vergit natura quòd si præcedentibus signis, quæ sunt signa tantum, natura nullam faciat vacuationem, aut præce

præcedant signa, quæ habent rationem causæ,
 sed imperfecta & pigra sit vacuatio, medicus has
 actiones perficere debet per ea loca, per quæ na-
 tura tentauit, si conferentia sint. Conferentia lo- *Loca va-*
 ca sunt, venter superior, & inferior, meatus uri- *uationi*
 narij, cutis, vterus, & hæmorrhoides, & venæ, *cōferentia.*
 quæ ad nares sunt, αἰμορρῶδες *αἰμορρῶ*
 appellauit Gale- *δα.*
 nus, quæ vox ipso autore in Commentariis in
 libro primo de morbis popu. Fluxum sanguinis
 narium significat: Purgantur quoque per nares,
 & palatum capitis excrementa. Præterea etiam
 ad loci conferentiam conducunt reſtitudo, velu-
 ti in morbis iecoris, naris dextra: connexio, vt gi-
 bæ partes iecoris cum renibus, cauæ cum ventre:
 sic etiam ij locus, per quem fit vacuatio, læsus est;
 & vlceratus, & si membrum in quod repit na-
 turæ actio fuerit præcipuum, omnia hæc vitan-
 da, & in aliam viam conuertenda: vacuatione.
 sic & vbi humor sua natura fuerit admodum
 crassus, aut multus, ita vt sudore, aut vrina du-
 ci non facile possit. Quod non aduertentes me- *Sudor nō*
 dici, qui mecum curationi quartanæ Karoli *cōuenit in*
 Hispaniarum principis maximi interfuerunt, *quartana*
 ad finem quartanarum primarum cum suda- *incipiente.*
 re incipiebat, non sine strepitu, & clamore præ- *Karoli*
 cipiebant afferri medicamenta sudorifica, qui- *principio*
 bus bibitis sudores validos & copiosos mo- *hujto.*
 uerent: bisariam mehercule errantes, tum
 quod quartana febris raro admodum visa est
 sudore iudicata, ob humoris crassitudinem,
 qui nunquam integrè sudore vacuabitur, tum
 quod morbus ille longissimus fuit: inuasit enim ad

initium Augusti, anni millesimi quingentesimi, quinquagesimi noni, & finitus est anno millesimo quingentesimo, sexagimo primo, ad finē Octobris, & ante hunc postremum mensem nullæ notæ coctionis sunt visæ in vrina: quæ ppter euacuationes têtatæ multo ante id tēpus non sine manifesta noxa patientis successissent. Huius Aphor. sententiā Gale. exponit de actionibus, quas natura tentat, & ob imbecillitatem perficere nequit, libro aduersus Erasistr. De venę sectione dicens: Quæ ducere expedit, quo maximè natura vergit per conferentia loca, eò ducere. Nam siquidem tum temporis expellere conatur id quod eam infestat: cum autem præ imbecillitate finem operi imponere non possit, nostra auxilia implorat. Hanc medendi meth. seruauit lib. 9. De method. medendi, dicens: Itaque si tempore mittēdi sanguinis menses moueri contigerit, aut hæmorrhoides aperiantur, si inspecto fluentis impetu ipse satis fore videbitur, qui solus quod requiris vacuet, naturę rem omnem permittes. Sin minus, tantum ipse detrahes, quo ex coniunctis ambo- bus perficiatur, quod postulas.

APHORIS. XXI.

Cocta expurgare, & cruda non mouere, neque in principijs, nisi turgeant, plurima verò non turgent.

COMMENT.

Hic Aphorismus pariter cū superioribus duobus connectitur. cū enim dixisset Aphorif. 19. obstinere

abstinendum esse ab omni medico auxilio, quando natura perfectas atque integras efficit iudicationes, & in 20. qua via educenda sint, quæ ducere expedit, non integre iudicata, modo naturam docet eorum, quæ ducenda sunt purganti medicamento, aut enim coacta esse debent, aut turgentia, coacta, inquit, *καρπυαί' uen,* id est, purgare, *Cocta pur* cruda non mouere, neque in principiis, nisi turgentia. *gare.* & plurima non turgent: præter coacta igitur pauca sunt, quæ purgari debeant. Hanc sententiam oraculum esse dixit Galenus libro quarto *Oraculū.* De sanitate tuenda, & iure quidem: quoniam hæc diuina prope & summopere seruanda sententia est. Quod præceptum quotidie se nobis offert, quando in omnibus morbis à materia pendētibus: præsertim in venis copiosa, statim de purgatione consultamus, tum etiā de purgationis occasione, acclamātibus omnib⁹ ferè medicis minoratiuā, quā dicunt purgationē ab initio esse molliendā, & cōmunes, quas ipsi vocant materias esse ducendas pharmaco, deinde totum reliquū humorem ad coctionē seruandum. Nos verò perpetuo humores & excrementa, quæ in prima regione cōtinentur, clysteribus primis melle coctis, & iure pulli, aut mercurialis ducimus, citra febrem humoralem quoque si humor in primis venis cōtineatur, post attenuationem, & incisionem, si opus fuerit humorem purgamus agarico, aut elect, diaphœnicōn, cum febre verò purgās medicamentū cocto humore propinamus, aut ab initio si humor turgēt, turgentem autem appello. cum Gal, ad Hippo. mentē agitatam de loco in locum, &

minimè quietū, aut firmatum in parte quapiam, in Commentario præfenti, & primo sectionis 4. Principium tempus cruditatis est: cruda autem mouenda non vult, neque in principiis, nisi turgeant, quoniam quauis in principio, & augmento crudus humor sit, si quādo cōuenit ipsum purgare, maxime in principio, cū natura coctionē nondum est aggressa, nam in augmento melius est dimittere naturam vacare coctioni. Crudo igitur humore medicamentum expurgans non conuenit, neque in ipso principio, de quo magis credi posset, cōuenit tamen eo tāpore si turget humor Vbi verò non turgeant, cocta esse debēt, quibus purgantia conueniunt medicamenta, conueniūt etiam & crudis, quæ citra febrem parata sunt, in cutim, aut locum alium trāsfundi, & his qui nullam coctionē admittunt. Addit plurima non turgere, quoniam raro sunt humores per corpus agitati: vt dicemus circa Aphorif. 23. Dixissem tamen multa de coctione, & coctorum purgatione, nisi fuisset à nobis explanatus hic Aphor. li. 2. De art. med. cap. de purgatione, excui⁹ lectione puto abunde patere huius enarrationem. Illud autem hoc loco dicere non prætermittam, medicos eos, qui pharmaca minoratiua exhibent crudo morbo: quāuis assumpto eo medicamēto xger vigices deiciat in mediocri semper quātitate, eā purgationē minoratiuā appellare: cū verò tētāt eradicatorie, vt aiūt, purgare, valde copioso adhuc manēte humore & morbo vehemente, si quater aut quinquies moderata quātitate deiciāt, copio-
sam

*Aduersus
medicos
quosdam.*

ſa & radicatiuā dicūt eſſe purgationē: tentāt enim purgationē per ſcamoniū, & alia calida, ſimul & valida medicamēta, validiſſimis adhuc exiſtētib⁹ febribus, quo tēpore vniuerſum corp⁹ exurūt, & febris medicaminum vires diſſipat, & ſites vehēmentes concitantur. Ab initio verò minori exiſtēte febre & valde pleno corpore conſequutionis ratione multa ducuntur à medicamento, & omnia cruda, & mala bonis & coctis miſcentur, & ſuſq; déq; aguntur, quæ vbi turgent, facile ducuntur, cum non egeant, niſi veluti manu ducente.

APHORIS. XXII.

Prodeūtia nō multitudine conijcienda. Sed ſi prodeāt qualia oportet, & æger ferat facile, & vbi opus fuerit vſque ad animi deliquium ducere, & id facere, ſi ſufficiat agrotans.

COMMENT.

Eorū, quæ à corpore exeūt, quauis via, & quouis euacuationis genere quantitātē definire docet in præſēti Apho. nō cōſiderata excretorū quātitate, quoniā hæc nullam habet certam menſurā, ſi qui dē non ſunt partes ſucci vacuandī in diuerſis morbis, & diuerſis hominibus, & diuerſis temporib⁹: nullum igitur certam quantitatem poteris animo concipere, ad quam euacuatorum facta collatione, intelligas an corpus ſit abundē vacuatū. Aliunde tamen ipſam definire docet, nempe à cōdītione vacuati, & ab ægri tolerātia. Si enim talia vacuātur, qualia oportet, & æger facile ferat

c. iij.

*Quātitas
eorū quæ
vacuātur
vnde deſi-
nienda.*

vacuationem, quantitas euacuati nondū modum excedit, ac perinde decet ipsam permittere vltius procedere, siue à natura, siue ab arte facta sit. Tunc verò ipsam impedire conueniet, cum aut conditiones non seruauerit, quas significant, talia & qualia, & Aphorismo primo huius sectionis sunt à nobis explicitæ, aut æger non facile ferat eandem. Ita difficilis, aut vtcunque molesta euacuatio, quam non bene ac facilè fert æger, & mutatio conditionis excreti, manifesta indicia erunt completæ iam ac perfectæ vacuationis. Sed videtur in Hippocrat. sententia vnum duorum abundare. dixit enim: Si prodeunt qualia oportet, & æger facilè ferat, fieri etenim nequit vt prodeant qualia oportet, & æger non facile ferat vacuationem, dicente ipso: Si qualia oportet purgari purgentur, conferre, & facilè ferri. At quamuis verum sit vnum horum ad alterum sequi, vtrumque considerare præcepit ad euidentiorē notitiam, cōditionem eius, quod prodit à corpore, & ex facultate agri tolerāt iā. Præterea ad probationem suæ sententiæ, multitudinē, nempe excretorū, nullam mensuram euacuandorum nobis præbere, addit: Et vbi opus fuerit ad animi deliquium ducere, id facere vbi æger sufficiat: ac si diceret, tantam quantitatem ducere aliquando licere, vt nonnunquam conueniat, ad animi deliquium ducere ægrum, si facultas id ferat. Fert autem vitalis facultas quardóque maximas vacuationes, cum interim dum æger animo linquit, manu pulsui admota, agnoscamus ipsum aut constare, aut parum languere cū enim
sanguis

sanguinem mittimus ad animi deliquium id exposcente morbo, manum pulsui admouemus, quem si manifestè minui videamus, statim venam claudere iubemus: in aliis namque vacuationibus, quæ purgatione ventris, sudore, aut fluxu sanguinis narium fiunt, neque tuta res est, neque tale quidpiam facere aliquando tentabimus. Linquunt autem ægri animo perterriti rei nouitate, aut utcunque timentes sanguinis missionem, aut bile vacuationis tempore ad os ventris confluentes, uti & alij surgentes à lecto, aut sedentes: non tamen loquimur de his, sed de animi deliquiis, per quæ animalis facultas, præ euacuationis quantitate deficit. Hanc autem vacuationem tribus de causis conuenire Gal. in Comm. docet, ob febres ardentissimas, maximas inflammationes, & dolores ingentissimos. Ob maximas inflammationes euacuationis, & reuulsionis ratione, quâ maximè proficimus, tum quòd sanguinis impetum cohibemus, & influxum vacuamus: tum quòd perterrita natura solet ab omni loco distrahere sanguinem ad cor per deliquia animi. In febribus ardentissimis, præsertim quibus copia sanguinis efferuescentis, aut simul etiam putrescentis molestat, sanguinis missio ad animi deliquiū, corpus vniuersum refrigerat, & sæpe sudores, aut aliæ sequuntur vacuationes, quæ ægrum liberant, quin & sola ipsa missio sanguinis, sine alia manifesta euacuatione id facere valet. In ardentissimis verò, quæ à bile fiunt, non ita: nam tutius est in ipsis magnam aliquam bilis facere vacuationē. In doloribus tamē vehementissimis nouimus.

Animi deliquij causa.

Euacuationis ad animi deliquiū quando conuenit.

quantum valeāt maxime sanguinis vacuationes, & ad animi deliquium distracta doloris causa. Præter quam si dolor vires dissoluerit: tūc enim non licet: ac perinde dixit Hippo. si æger sufficere potest. Neque idem est vires dissolvere, ac dissoluisse: dum dissoluantur enim, adhuc constare possunt, dissolutæ non constant. Cæterum de missione sanguinis, ad animi deliquium, non pauca diximus lib. 2. De arte med. cap. De sanguinis missione.

APHORIS. XXIII

In acutis passionibus raro & in principiis medicamentis purgantibus uti, & id bona cum præmeditatione facere.

COMMENT.

Duo docet in præsentī sententia, primum docuerat supra eisdem fere verbis. dixit enim: In acutis passionibus raro conuenire purgantia medicamenta, idque in principiis faciendum. Dixerat autem supra apho. 21. cruda non esse mouenda, neque in ipsis principiis, nisi turgeant, plurima verò non turgent: idem autem est raro conuenire, & in principiis, & turgentibus conuenire in principiis, & plurima non turgere, hoc est raro turgere, ac raro conuenire purgantia medicamenta. Secundo loco admonet, ut id cum bona ac diligēti præmeditatione faciamus, *πρὸς εὐκρινήσαντας*, inquit, hoc est bene prius diiudicantes, aut cum bona præmeditatione. Sed rursus totā Hippo. mentem ita aperiemus. Quod apho. 21. dixit, cruda non esse mouenda, nisi turgeant, de omnibus

*Cruda nō
mouere,
quomodo
audiendū*

bus morbis intellexit, in præfenti verò de solis acutis passionibus loquitur. de longis enim notius est quàm vt egeat repetita admonitione: si quidem in eis humores neque turgent, neque cogere videntur ad intempestiuas purgationes. acutos autem morbos eos appellat, qui intra diem 14. finiuntur. Quòd verò passionibus dixerit, de morbis intelligendum est, quoniam πάθος, πάθος. permanentem quoque significat dispositionem. Gal. namque lib. De differen. symp. postquam dixerat, affectum de permanentibus dici, passionem vero de his, quæ sunt in motione & alteratione, addit: Nihilominus Græci permanentem quoque affectum vocant pathos. In acutis itaque morbis (inquit) in principiis conueniunt purgantia medicamenta, sed raro, quoniam non conueniunt eo tempore nisi humores turgeant, rarò verò turgent: pauci namque sunt per corpus agitati, & qui facile possint ad loca purgationis vi medicamenti duci. Ex eo tamen, quod raro dixit, hoc est, turgentibus tantum conuenire purgantia medicamenta: constat quàm sint reprehensione digni medici nostri seculi, qui nullum non purgant acuto morbo laborantem, aut in principio non turgente humore, aut in augmento. Omnes verò in statu dum feruentissimus morbus est, cùm tamen à principio vbi non turgent sit satius coctionem spectare, & in augmento permittere naturam vacare suo operi, & in vigoris prima parte, ipsam non distrahere à coctione, quæ tunc maxime fit, & in secunda attente inspicere quòd vergat natura,

De purgatione ad versus medicos.

& an aliquam reſter iudicationem, ne nos natura contrarium motum moliamur, & ipſius impediamus curſum. Nam in poſtrema iam iam inclinante morbo, cum natura non mouet, aut imperfecte mouet, quamuis hîc purgationem ſubticuerit, ipſam præceperat apho. 20. dicens: Quæ ducere conuenit, quod natura vergit ducere. Duo inde reſtant tempora purgationi oportuna, principium cum turgent morbi, & propè inclinante morbo, aut iam inclinante. Quod ſequenti docebit ſeſtione, cum dicet, incipientibus morbis, ſi quid videtur mouendum moue, cum conſiſtunt ac vigent, melius eſt quietem habere, quoniam circa initia & fines omnia ſunt imbecilliora, circa ſtatus fortiora. licebit igitur circa principia & fines purgare. Morbo verò non turgente in principio, & in augmento inſtante acuto morbo quid agendum ſit, Hippo. docuit li. 4. De ratione victus. acu. Sect. 45. dicens: Corpus quieti permittere, vngere, & æqualiter contegere oportet, muſſamque aquoſam bibendam, & piſanæ cremorem veſperi ſorbendum dabis, ventrem ab initio clyſtere duces, ſed medicamenta purgantia non adimouebis, nempe ſi ventrem moueris, vrina non maturabitur, febrisque citra tum ſudorem, tum iudicationem in longum protrahetur tempus. Quod ſecundo loco dixit in præſenti ſententia. Id cum bona præmeditatione facere, multis de cauſis protulit, quæ à medicamentis purgantibus, humoribus vacuandis, & corporibus ipſis deſumuntur. Medicamenta ſanè purgantia, quæque humores familiaritate ſubſtitiæ vacuant, calida

*Morbo
incipiente
ac non tur
gente quid
agendum.*

*Purgare
cum bona
præmedi-
tatione,
quæ.*

calida sunt, & acuti morbi continuas febres coniunctas habent, quas medicamenta augent, & irritant. De quibus Gal. lib. 2. De ratione vict. acu. comm. 12. inquit: Medicamentorum purgantium natura, corporum purgandorum naturis contraria est, & veluti lethalis ac deleteria. Non sunt de hoc genere rosa, viola, serum, casia quoque fistularis forte eccoproticum medicamentum est, & quod consequutionis ratione aliquando potius, quàm electione humores vacuet, & parum calida est. De hac quidē, & manna, & rhabarbaro, & siropo rosato de nouem infusionibus, & multis compositis medicamentis, quæ quamuis scamonium, turpetum & colocynthim, recipiunt, valde moderata sunt, & correctæ: dicerem, licere sane cum maiori audacia eis uti, sed non tempestiue, aut extra prædicta tempora. Circa humores purgandos non levis meditatio præcedere debet, si quidem eos oportet extenuare, & fluidos facere mulsa, aut aceto mulso, solis aut adiunctis medicamentis, easdem vires habentibus, adhuc etiam turgentibus, & ab initio, primisque ipsis diebus purgatione egentibus: nam & præparationem eorum statim aggrediemur, ob morbi breuitatem. Corporum quoque dispositio non parum consideranda: nam ante purgationem decet inspicere, an pars aliqua de nobilioribus inflammatione tentetur, & an sit iecur, aut ventriculus, aut venter supra modum vratur, aut distentum sit: hos enim purgare non conuenit, & an meatus laxi sint abundè. Quam ob rem corpora, cum quispiam purgare voluerit, fluida facere debet,

& vti. 6. De morb. popu. par. 5. inquit, Elleborum bibentem, citius purgare si velis, lauare atque comedere: & infra, sect. 5. Ad elleboros, qui non facile supra purgantur, pluri cibo, atque quiete vti oportet. His de causis raro conueniunt purgationes, si quidem raro hæc simul adsunt. Cæterum quod cum bona præmeditatione dixit, Gal. tria nobis significasse refert: Diligentem examinationem, an conueniat purgare, an non, & an maior noxa sequatur ex vsu calidorum medicamentorum adaucta febre, quàm utilitas ex malorum succorum vacuatione: corporis præparamentum, per humorum præparationem ad fluxionem & meatuum laxitatem: & recti iudicij spectationem. Hoc est, vt medicus summa prudentia, & omnibus recte perpenſis iudicium ferat, de utilitate, aut noxa, de tempore, & medicamenti, tum natura, tum quantitate, & de ægroti viribus, vt quoad fieri possit maxime noxam omnem metiatur, prospiciat, ac præcaueat, & ægrum seruet.

APHORIS. XXIIII.

Si qualia purgare conuenit purgentur, confert, & facile ferunt: contraria verò, difficulter.

COMMENT.

Quoniam de purgationibus loquitur in hac sectionis parte, placuit hanc sententiam repetere, quam apho. i. scripserat, quo loco abundè à nobis est exposita.

HIP.



HIPPO. APHORISMORVM
 sectio secunda, Christopho-
 ro à Vega interprete &
 expositore.

APHORIS. I.

IN quo morbo somnus loborem facit,
 lethale: si verò somnus iuuerit, non
 lethale.

COMMENT.

Rasens apho. sicuti & nonnulli sequen-
 tes ad partem artis prognosticam attri-
 net, lethalem docens dispositionem,
 per quam somnus in morbis lædit, non lethalem,
 si iuuat. Somnus quies est animalis facultatis ob
 vaporem mitem, qui occupat cerebri meatus: *Somnus.*
 colligitur enim calor ad viscera per somnum, &
 interim laborat in concoquendis, & superandis
 cibis, ac siccis: vapor autem, qui ex eisdem ele-
 uatur in caput, somnum conciliat, donec dissol-
 uatur, & animal à somno excitetur. Colligi qui-
 dem calorem ad viscera per somnum testatur
 Hippocrat. sexto De morbis popu. parte quarta, *In somno*
 dicens: Planè vigilans exterius calidior, interius *calor in-*
 frigidior. Dormiens contra, & rursus, in somno *tus colligi*
 sanguis ad interiora magis fluit, & lib. eodem, *tur.*

*Somnus
coctiones
iuvat.*

πόνος.

*Somnus
quib. mor.
lædit.*

*Somnus
quibus no-
cet tem-
poribus.*

parte tertia. Labor articulis & carnibus, cibis & somnus visceribus. Vnde manifestum fit, somnum coctiones iuare, vti & Gal. lib. 3. De causis symp. testatur, quoniam hæc per somnum meliores fiunt in ventre & corpore toto. Somnus enim cibos coquit, crassos humores superat, & acres mitigat humectatione: solet autem quandoque laborē, siue læsionem inferre, id enim πόνος, hoc in loco significat, quamuis aliis in locis dolorem significet, vt cum infra inquit, δύο πόνων, id est, duobus doloribus simul factis: quandoque significat exercitationem, vt li. 6. De morbis pop. par. 5. πόνος, id est, labores cibos præcedant. Hac de re Cicero secundo Tuscula. quæstionum Græcos reprehendit, quod vno nomine multa significant, qui verbis solent plurimum abundare: loquens enim de labore & dolore inquit: Hæc duo Græci illi, quorum copiosior est lingua, quàm nostra, vno nomine appellant, (& rursus) O verborum inops interdum quibus abundare semper putas Græcia, aliud, in quam, est dolere, aliud laborare. Lædit itaque in quibusdam morbis, vti in caro, & lethargicis affectibus, & febribus à catarrho ortis, & in quibusdam morborum temporibus, vti in accessionum principis semper, & in augmentis earundem magna ex parte, & quadoque in summis vigoribus: præsertim febrium ortarum à pituita: in declinationibus autem semper solet à natura iuare somn⁹. Cum enim in accessionibus humor totus dissolui debeat, in principis cum humor colligitur, & facultatem grauat interius, somnus nocet, aut quoniam maiorem efficit

efficit reclusionem, aut quoniam diffusionem impedit, in augmento simili ratione nocet: in statu aliqua ex parte crassis peccantibus succis impedit dissolutionem, & multitudine opprimitur calor: in declinatione verò, neque oppressionis caloris, neque reditus humoris ad interiora periculum imminet: dissolvitur autem facile quod reliquum est, & si quid in visceribus manet, id coquitur & superatur. Quòd si hoc tempore, quo somnus natura iuvare solet, noceat, lethale signum statuit Hippo. significat enim in visceribus adesse inflammationem, quæ ex somno eo tempore irritatur. & quamvis non valde noceat, (neque enim id significare voluit Hippo.) valde tamen malum signum est: quoniam deberet natura sua iuvare, & non iuvat, sed præterea nocet, quæ duo mala sunt, alterum privativum, alterum positivum. Neque etiam sequitur si lethalis dispositio est, ipsam adeo malam esse, ut necessario mors sequatur, sicuti neque ad multas alias, quæ ab Hippocra. lethales censentur, sed sunt de his, quæ lethales nominantur, & quas cum salubribus conferre oportet, & numero, & dignitate, antequam mortis præsagium feramus. Si verò iuvat, inquit, non lethale: somnus enim per prædicta tempora suapte natura iuvat: quapropter iuvare non erit valde bonum, sed erit non malum, ac non lethale, quamvis aliorum malorum signorum ratione æger mori possit. Nos sanè non tantum non lethale signum esse dicemus somnum iuvare, sed & bonum: quoniam bona urina in morbis, qui sunt extra vasa, in quibus pro-

f

prium signum non est, quamuis suapte natura bonum significet, vbi talis apparet, bonum signum dicimus, non tantum, non malum, & constare mente, & bene se habere ad oblationes, bonum: sic & somnum iuuare, quod maiorem prædictis habet boni rationem, bonum, quoniam bona vrina, vti diximus, & constare mente, & bene se habere ad oblationes, bona sunt, vt signa tantum: somnum autem iuuare, bonum signum est, & bona causa: signum si quidem indicat bonum vaporem in cerebrum ascendere, & calorem non admodum acrem, & naturam humores ac cibos coquere, à quibus vapores suscitatur. Et causa item bona, quoniam iuuat, & vires reparat animales. Præterea quæ in ægris sanis similia manent, & perseverant, bona sunt. Ceterum cum Hippo. non lethale dixit, non negauit bonum etiam esse: sed vt Gal. inquit, id quod magis tutum est pronūciauit, cum somnus iuuat, non lethale: nam & posset ager alia ratione mori.

APHORIS. II.

Quando somnus delirium cessare fecerit, bonum.

COMMENT.

Somnus
symptoma
tanuis-
gat.

Somnus multa symptomata solet mitigare, ac sedare, vti dolorem: (est namque doloris præcipuum remedium) sitim, ardorem, sedat etiam quammaximè mentis agitationem, quam παραφρονίην, hoc loco appellauit Hippocrat. nos delirium diximus. Ex his vnum hoc tantum, vti exemplum

emplum secundæ partis apho. prioris, scripsit, ac si diceret continuata oratione, si vero iuuerit, non lethale, ut quando somnus delirium cessare fecerit, bonum. Nos in præcedenti Commen. diximus, cum somnus iuuerit, non tantum non lethale signum esse, sed bonum, quod præsens comprobatur sententia, in somno delirium sedante, & in aliis nempe doloribus, febribus, & inflammationibus, de quibus Gal. in Com. bonum esse adscripsit.

APHORIS. III.

Somnus, vigilia, utraque supra modum facta, malum.

COMMENT.

In somno & vigilia exempli gratia docet quod sequenti apho. generali doctrina statuit, quod præter naturam est, immoderatum esse, & immoderatum non esse naturale, nec bonum. Cum igitur somnus aut vigilia supra modum, aut supra mediocritatem facta fuerint, mala esse notissimum est. Malum sane est supra modum dormire, quoniam significat multam cerebri frigiditatem, aut humiditatem, aut utrumque. cum sola humiditas abundat, somnus longior iusto fit, frigiditate verò abundante sola, aut simul cum humiditate, κόματα fiunt, id est, graues sopores, qui non tantum longi sunt, sed & difficilem habent expergefactionem. Significat quoque somnus iusto longior, aut etiam grauior, crassos, multos, frigidos, ac lentos humores in cerebro contineri. Malum autem

*Somnus
& vigilia
supra modum
mala.*

*Somnus
longus quia
mala affert.*

*Vigilia
modus ex-
cedens qua
mala af-
feri.*

κώμα.

ἀγρυπνία

sequitur adhuc causæ ratione: si quidem facultas animalis opprimitur, & consequutionis ratione vitalis, laborantibus respirationis instrumentis: tepescit corpus, & excrementa retinentur. *Vigilia* rursus moderata, dissolutionē vaporum suaviū, somnum naturalem efficientium, significat: cū verò modum exceſſerit, calorem, aut siccitatem, aut utrumque abundare. Præterea causæ ratione hæc mala affert, virium dissolutionem, cruditates, & corporis ariditatem, & mentis turbationes, ac deliria. Malum igitur est alterum horum: modum excedere. Galien. *Commen.* quorundam refutat opiniones (sed de nominibus fuit disputatio) quantum ad somnum attinet ipsum, de solo moderato dici volentes, immoderatum esse *κώμα*. Cæterum somnus longus, somnus dicitur, sola longitudine peccans *κώμα*, tamen difficilem etiam habet expergefactionem. De *vigilia* rursus dixerunt *ἀγρυπνίαν*, id est, euigilationem; aut peruigilium, de sola *vigilia* præter naturam modūve excedente dici: verū quod parum modum excedit, pariter moderatum aliorum collatione dici posse, inquit. Nos verò dicemus *ὕπνον*, id est, somnum, de naturali, & non naturali, ampla voce, dici, sic & *ἀγρυπνία*, id est, *vigilia* de ea, quæ parum, & quæ multum modum excedit, dicetur, quin & de naturali: nam teste Phavorino *ἀγρυπνία*, id est, quod, *ἀϋπνία*, additis, γ, ρ. *ἀϋπνία*, vero omnem *vigiliam* significat. Quapropter somnus & *vigilia* de naturali & non naturali dicentur. Hippoc. vero in causis non naturalibus, quas appellant, & nos ita

ita eas appellare solemus, mediocritatem commendat. 7. li. De morb. pop. parte. 6. dicens, Labor, cibus, potus, somnus, venus, omnia moderata.

APHORIS. IIII.

Non facietas, non fames, neque aliud ullum bonum est, quod naturæ modum excedat.

COMMENT.

Aliud exemplum apponit eorum quæ cum modum excedunt, mala sunt, ad finem colligens nullum eorum, quæ naturæ modum excedunt, bonum esse. Exemplum est in facietate, ac fame, quæ, cum naturæ modum excedunt, malum ostendunt: sunt enim quæ in his aphor. scribuntur signa, vti somnum in morbis lædere, somnum delirium sedare, & sequenti apho. sponte lassitudines euenire. Sic & facietas, ac fames. Quapropter λιμὸς, hoc loco non significabit annonæ caritatem, neque alimenti indigentiam, de quibus suo loco agemus (hec enim nihil boni aut mali significant) sed ciborum appetentiam: *πλησμονή* *πλησμονή* verò, quamuis omnem significet abundantiam, & facietatem, hoc loco contrarium fami significat, ciborum tamen appetentiæ, inappetentiæ contraria est: hæc dicta est ab Hippo. sect. 4. sequenti, apho. decimo septimo ἀποσιτίη, est autem idem quod ἀνορεξία, teste Gal. Commen. eiusdem. Eritque apho. sententia, ciborum auersio, & eorundem appetentia, siue quoduis aliud, quod naturæ modum excesserit, bonum non est. Cum enim naturæ nostræ perfectio, ac sanitas in quadam f. iij.

mediocritate consistat, excessus omnis malum significabit, apho. tamen 51. sequens de causis est, hic est de signis. Non potuit tamen λιμός, hoc loco famem significare, quæ indigentia ciborū est: de qua Hipp. apho. 16. sequenti dixit: ubi fames, laborandum non est: nam ciborum indigentia nihil boni, aut mali significat. Præterea significat ciborum indigentiam ex electione factam, ut Gal. eo Comm. testatur. id verò quid mali docet? Significat igitur ciborum appetentiam. ex iis quoque fiet, ut πλησμονή non ciborum abundantiam, sed eorundem auersionem, hoc loco significet, quam nos satietatem diximus.

APHORIS. V.

Lassitudines spontaneæ morbos ostendunt.

COMMENT.

De lassitudinibus sponte natis quid significant docet Hippo. in presenti dicēs: morbos ostēdere, κός κόςπει αὐτόματοι, dixit: κόςπος verò corporis laboriosum motum significat, & quod nos lassitudinem appellamus. Primum tamen non est, quoniam id non ostēdit morbos: Tum etiam quoniam addit, spontaneæ, quæ vox id quod sine manifesta causa fit significat, ut nos Com. 1. sect. 1. docuimus: motus verò corporis manifesta causa est. Morbos autem εργάζουσι εργαζουσι, inquit, id verò hoc loco idem est quod δηλοῦσι, id est, ostēdunt, aut nunciāt. Quòd tamen lassitudines factæ absque manifesta causa morbos ostēdant, non omnino quidem iam præsentēs, sed futuros, Gal. latissime docet li. 3. De sanitate tuenda: lassitudines si quidem vlcerosæ acres significant subesse succos. Tensuæ multos, phlegmonis

*Lassitudi-
nes absq;
manifesta
causa quid
inducant.*

monis speciem referentes, utrūque musculos occupare. Ad hæc vero facile morbi nascuntur, quos ipsæ lassitudines, venturos iā ostendunt, ac nunciāt. De his multa dixim⁹ li. De arte med. parte. 2.

APHORIS. VI.

Quicumq; dolētes aliqua parte corporis, magna ex parte dolores nō sentiūt, ijs mēs ægrotat.

COMMENT.

Galenus abūde ac perspicue admodū exposuit, apho. sententiam, ita ut non videatur nostra opus esse enarratione. Cæterum cum intelligam à quibusdam perperam everti, quæ ab ipso dicta sunt: iure visum est mihi Hipp. sententiam rursus explanare, & Gal. à calumnia defendere. Sententia Hippo. hæc est, οἷοςί πονέοντες τι τῷ σώματι, τὰ πολλὰ τῶν πᾶντων οὐκ αἰσθάνονται, τούτοις οἷον ἢ γνώμην νοσεῖ, quod est: Quicumque dolentes aliqua parte corporis, magna ex parte dolores nō sentiunt, iis mēs ægrotat. πόνος enim ut Com. 1. huius sect. diximus laborem, læsionem & dolorem significat: verum hoc in loco dolorem significat, neque aliud potuit significare: sicuti neque apho. 46. & 47. sequentibus. de labore enim, id est corporis motu: non sequitur, si ipsum magna ex parte non sentit æger, mens ægrotat, neq; sequitur, si læsionem patitur, & ipsam nō sentit, mens ægrotat: nā quā plurimæ læsiones, ac læsionū causæ sensibiles nō sunt. Si tamē dolorē patitur, id est, causam habet, q̄ dolorē inferre solet, & nō sentit ipsam pro maiori parte, eiusdē mēs ægrotat. Per dolorē autē causam doloris intellige: nā ea acceptione pariter usus est Hipp. qui li. 6. De morbis pop. parte 1. dixit

Dolorē causam doloris significat.

In Cranone antiqui, ὀδύνας, id est, dolores, frigidi, noui verò calidi. Dolor autem ipse, id est, sensus tristis, calidus, aut frigidus esse nequit: erit igitur causa calida, aut frigida, & ita modo dolorem uti calorem sentiri vult Hipp. quia causam dolorem inferentem sentimus. Sunt autem doloris causæ, quædam immediatæ, ut intemperies inæqualis, & solutio continui: mediata verò, quæ hæc inducere possunt: qui itaque causas habet dolorificas, & ipsas magna ex parte non sentit, mente ægrotat, si quidem nimiam mentis turbationem, & vehementibus imaginationibus distractâ esse significat, dolorificas causas magna ex parte non sentire: non enim eas omnino non sentire necessum est, ad apho. veritatem, ut quidâ cum Philotheo transtulit. Neq; deturbat hanc Gal. expositionem, quod in hoc loco, hac voce πόνος, & li. 6. De mor. pop. parte citata ὀδύνη, usus fuerit: quamuis enim ὀδύνη dolorē proprie significet, nihil vetat πόνον, dolorē hic significare, uti & in aliis dictis locis. & alibi laborem, aut læsionem. Neque obstat, quòd aliquo loco Hipp. his duabus vocib⁹ utatur, quòd fecit prog. 12. li. 2. cū inquit: ἢ γὰρ ἐπὶ ὀδύνης τε καὶ πόνων ἀγρυπνίη, id est, vel enim à dolore & laboribus, vigilia, verū quid vetat, ὀδύνην, significare dolorem, & πόνον significare laborem. Nos tamen ut obiter dicamus aliter Græcū codicem legimus in nostris enarrationibus, nempe pro ἀγρυπνίη, diximus, ἀγρυπνοῖ ἄν, id est, vigilabit, & sic placet legere Hippocrat. litteram, ut eo loco transtulimus. Præterea cū inquit τὰ πολλὰ τῶν πόνων, nemo recte dixerit, plurimos laborum: nam si

τὰ πολλὰ, aduerbii significationem, & vicem non haberet, sed nominis, nullatenus conueniret cum nomine substantiuo πόνος, masculini generis. At decet Grammaticos esse interpretes, quos videbis pro τὰ πολλὰ, transferre, nunc quidem, magna ex parte, postea, plurimos, quæ maxime dissidēt, & hanc secundam syntaxim Græca litera non patitur. Solent tamen Græci nomina neutra sæpissime pro aduerbiis vsurpare. Nemo autem Latine, aut alia lingua, eum, qui magnam partem doloris non sentit, diceret, plurimos dolorum non sentire, & ipsemet Aphorif. 28. sectio. 2. τὰ πολλὰ, plurimum, transtulit. Optime igitur Gale. sententiam Hippo. exposuit. Non etiam Hippo. vitur in Aphorif. propria & vulgari acceptione huius vocis πόνος, id est, dolor. Nā utrobique vulgaris est, pro causa doloris, cum inquit, Quicunque dolentes, hoc est, causam doloris habentes, magna ex parte, causas dolorum non sentiunt, iis mens ægrotat. Exposuit Galenus hunc Aphorif. lib. 7. De placi. Hippo. & Platonis. De doloris autem essentia, & causis, li. De arte med. parte 3. diximus.

APHORIS. VII.

Quæ longo tempore extenuantur corpora, lente reficere conuenit: quæ vero breui, breuiter.

C O M M E N T.

De extenuatione, & refectione corporū præsentem scribit sententiam, docens hæc pari proportionem fieri debere, ita ut post celerem exte-

nuationem reficiamus celeriter, post tardam, tar-
 dè. Tota sententia ad vires reficientes refertur:
 cum enim extenuatio non labefactat vires, faci-
 lis est resectio, & quæ breui fieri potest: vires nam
 que validæ multum alimentum euincere pos-
 sunt, à quo resectio fit, vt à materia. quòd si vires
 constant, & materia suppetit, breui fiet resectio.
 Constant autem, vbi breui facta fuerit extenua-
 tio. Quoniam verò per extenuationes, quæ lon-
 go tempore fiunt, vires non constant, neque mul-
 tum alimentum superare valebunt, neque breui
 corpus reficere. Extenuationes, quæ breui fiunt,
 spiritus & humorum vacuationes sequuntur, non
 tamè solidorum corporum dissolutionem, vt ma-
 gna ex parte firmitas sunt febres adeò validæ, vt
 breui solidas deuastent particulas. Cùm autem vi-
 rium firmitas in solidarum partium substantia,
 & temperamento qualitatum consistat, per bre-
 ues morbos non mutata dissolutiones, & defe-
 ctus humorum, & spirituum facile reparabunt,
 ac breui. Corpora verò longo tempore extenua-
 ta, non tantum spiritus & sanguinis diminutio-
 nem patiuntur, sed etiam solidorum membrorum,
 quibus dissolutis vires labefactantur, quæ non ni-
 si longuo tempore resectionem efficient, sensim
 superato alimen. . Quòd autem extenuationes
 breui factæ solos spiritus & humores attingant,
 diutius si perse-auerint, solidas etiam partes, te-
 statur Hippo. lib. 5. De mor pop. par. 3. dicens: Ex-
 tenuatio omnis cutem laxat, deinde circum ten-
 dit: resectio, contraria. Quam sententiam ita in-
 telligere oportet. Extenuationem efficiunt multæ
 excr

*Extenua-
 tiones bre-
 uis factæ.*

Extenua-

exercitationes, alimentorum defectus, curæ, vigiliæ, dolores, morbi vaporatiōē, aut colliquatiōem efficientes. Præterea vacuationes sanguinis, vomitus, fluxus ventris, sudores & vrinæ. Hæ omnes primò laxam reddūt cutem, quod vtribus & vesicis vacuatis, omnibus accidit, vt post vacuatiōem laxæ & rugosæ reddantur. Deinde cutis humana, vacuatis humoribus & spiritibus, si dissolutio humiditatis ipsius succedat, dura, arida, ac tensa fiet. Ab initio itaque causæ extenuantes non attingerunt cutis substantiam: sic nec aliarum partiū solidarum, quibus valētibus breui fient refectiones. Longa verò facta extenuatione, & quæ solidas attingat particulas, vti cūm cutis tenditur, languent vires, & refectionē breui facere nequeunt. In extenuationibus igitur dissolutio, & vacuatio, primò spiritus & humores dissipant, & cutis laxa fit, & resectio breui fieri potest: deinde dissolutio tentat partes solidas, & cutis tenditur, & vires labefactantur, & resectio non facile, nec breui fit. Quòd verò in resectionibus primo cutis tendatur, deinde laxetur, constat, quoniam ex alimento primo generantur sanguis & spiritus: ad quorum generationem, impletur cutis, postremò ipsa cum reliquis solidis humescit, ac laxatur. Reficies autem sensim corpus, sensim adhibito alimento, breui autem si accumulatum exhibeas, serues autem moderamentum in causis non naturalibus: de quibus dixit, Labor, cibus, potus, somnus, venus, omnia moderata.

APHORIS. VIII.

Si quis à morbo cibum accipiens non robo-

dundante, aut omnibus succis ad portionem: si verò vnus tantum, purgatio. Galen. in Commentario illam Hipocratis loquutionē, cibos accipiens, & cibos non accipiens, dixit significare accipere cum appetitu, aut non accipere, nec appetere, & esse Asiaticam. Nos etiam Hispani eandem loquutionem seruamus. Nam de ægrotante qui cū appetitu cibos accipit, dicimus, Este enfermo bié come.

Cibum accipere.

APHORIS. IX.

Non pura corpora quo magis nutries, eo magis lades.

COMMENT.

Placuit nobis (quoniam teste Galen. Commentario præcedenti huius & sequentis Aphor. ordo deprauatus est) debitum ordinem seruare, & hunc nouum ordinē facere, in quo præcedentis rationem adiungit: in secunda namque parte dixerat, si non assumēte cibos, accidar, vt non roboretur, indicat euacuatione indigere. Quoniam sine cibi assumptione vires non reficiētur: cibum autem assumere non decet, vbi corpus impurum fuerit, nā impura corpora, quo magis nutries, eo magis lades. Primū notum est sine cibo non refici corpora: secundum pariter, impurum esse corpus, quod reualefcit ex morbo, & non appetit cibum. Tertium verò est Aphorif. præsens, cuius causa valde nota est: si enim in cœnosum putrēum aquam limpidissimam fundas, tota cœnosa & turbida reddetur; sic & si prauis succis in cor-

Impura corpora nutrire non conuenit.

pore existentibus, in ventriculo præsertim, autore Galeno, aut etiam in toto corpore (nam & id inappetentiam facere potest) quod aduenit, coniunctum priori in malam qualitatem transibit, & corrumpetur. At vero quoniam in præcedentis Aphorismi parte secunda dixit, si non assumendi cibos, accadat ut non reficiatur, & id, ut diximus, euenire possit ob abundantiam bonorum succorum, quibus debetur sanguinis missio, & ob prauitatem eorum, quibus debetur purgatio, hic de non appetitibus ob corruptionem loquitur, & vocat impura corpora, in quibus assumpti cibi corrumpuntur, & lædunt. Galen. lib. i. De simpli. medi. fac. cap. ii. dixit. Nam ut Hippoc. inquit, sic etiam ait Plato: Non solum impura corpora quo magis nutries, eo magis lædes, verum etiam impuris animis si nutrientes sermones obtuleris, modo nihil prodis, verum tamen magnopere officies. Hinc constat tam in corpore, quam in animo quoduis purum adiectum non puro corrumpi, nisi prius impurum abieceris, & corpus, aut animum purgaueris. Multa signa sunt, quæ ostendunt reualescentium corporum impuritatem, & ea purgatione egere ante nutritionem, ne interim in morbos reincidant, de quibus Commentario duodecimo sequenti dicemus.

*Impura
corpora,
quæ*

A P O R I S. X.

*Corpora ubi quispiam purgare voluerit,
fluida facere debet.*

C O M M E N T.

Postea quàm rationem adhibuit, quare corpora,
quæ

quæ cibos non accipiunt, neque conualescunt à morbis, purgari debeant quid ante purgationem agendum sit docet, nempe corpora fluida facere.

Quod pariter admonet in sequentibus quarta *Corpora ad purgationes fluida facere.* sectione, dicens, Ad elleboros, qui non facile supra purgantur, pluri cibo, atque quiete uti conuenit.

Nam corpora fluida fiunt ubi meatus laxantur, laxitas autem humectatione paratur: tum quoniam omne humidum cedit, & facile extenditur, tum quoniam humores, qui è corpore ducuntur medicamento, ubi humidi fuerint fluent, suapte natura, & tractioni magis obediunt. Vtrunque igitur assequemur humectatione, meatuum laxitatem, & humorum fluxibilitatem: atque hæc cibo & quiete: cibus enim humectat omnis, qua cibus est, sed humidus eligendus hoc loco. Quies verò facultatem habet humectandi, quoniam est priuatio motus, qui dissoluit, & siccatur. Lib. præterea 6. De mor. pop. part. 5. inquit: Elleborum bibentem cito purgare si velis, lauare, atque comedere. secundum horum exposuimus: primum etiam notum est, balneum quam maxime corpus humectare, & laxare, & humores fluidos facere. Cæterum balneum ante purgationem preparandi ratione tunc adhibemus, cum corpus non valde plenum fuerit, aut cum paramus in declinatione purgationem: ante id verò periculum est ex balneo incidere in magnum aliquem morbum ex fluxione, aut plenitudine dilatatis humoribus ac diffusis, balneo aquæ dulcis tepidæ: cuius gratia purgationes assumpto medicamento citius fiunt, & cum minori molestia. Quod nos etiam facimus

Balneum ante purgationem.

corpus & humores parantes clysteribus & siropis extenuantibus, & incidentibus, vbi morbus concedit. Præterea humoribus turgentibus adhuc Galen. occasionem arripi docet, Commentario penultimo præcedentis lectio. præbēdi in potu mellicratum ex decocto origani, tragorigani, aut hyssopi. Curátque perpetuo Hippoc. ante purgationem, fluxiles facere humores incisione, & attenuatione (quamuis tenues aliàs sint) & hume

*Tempus plu-
uie ad pur-
gationē ex-
pectare.*

*Purgatio-
nes ante
preparati-
onem, qua-
l: s.*

ctatione. Quod Arabes imitantes admonuerunt, cum quempiam purgare volebāt, expectare tempus pluuiæ. Cui rei experimentum subscribit: fiūt enim faciles, & feruntur sine molestia purgationes factæ flante Austro, & descendente pluuiæ. Flante autem Borea, & non præparato corpore, neque extenuatis humoribus, molestæ, cum angustia, torminibus, vertiginibus, nauseis, inquietatione, pulsum variatione, & animi deliquio.

APHORIS. XI.

Facilius est impleri potu, quàm cibo.

COMMENT.

*Refectio
corpora
per cibos,
potus, &
odores.*

De refectione conualescentium rursus loquēs inquit, facilius fiet potu, quàm cibo, & autore ipso libro De alimento, quod Gal. quoque in Cōmentario citat, odoribus adhuc facilius corpus reficitur. Natura siquidem nostra sanguine constat, spiritu & solidis particulis, à quibus si quidpiam dissoluatur, refectione est opus. Hanc ita perficimus, si solidas partes reficere volumus, quod ex humoribus fit, alimenta commoda adhibemus,

& ita

& ita humores reparamus, & inde mēbra. Quòd si in spiritu facta fuerit resolutio, vel solis odoribus id præstamus, vt cum subito casui virium subuenire volumus. Potus autem vini, aut iuris, aut liquidi cuiusvis, quod alendi vires habeat, spiritus quamprimum recreat, deinde humores, & ad finem membra. idem faciunt alimenta solida, vaporibus spiritum reficientia: odores autem neque humores, neque membra reficere valent, cum eam consistentiam assequi nunquam possint (quamvis intelligam vapores concretione posse in aquam transire) nam humores in iecore, ventre, & venis generantur: odores verò in caput ascendunt, & naribus, aut ore sumuntur. Cæterum, vt libro primo De arte medendi docuimus, spiritus duas habent generationis materias, alteram ex vapore alimenti, alteram ex aëre inspirato: hanc secundam odores accommodatissimam præstant. Reficimus itaque corpora sensim per alimenta, celerius per potum, vini præsertim, & odorati citius celerrimè odoribus, hoc vnum intelligentes, eo minus refectiōnem durare, quo celerius facta fuerit, vt infrà Comētario decimo octauo dicemus. Quamobrem tardius vina nigra, crassa, & acerba nutriunt, sed eorum nutrimentum magis durat: alba autem & aquosa vrinam magis mouent, celerius subueniunt, & minus alunt aliis, vt Galenus vult, cum dixit, ἡκιστα δὲ τρεῖς φουσι, id est, quam minimum, ac paucissimum alunt.

*Spiritus
duæ mate-
riae.*

APHORIS. XII.

Quæ relinquuntur ex morbis post crisi,

recidivas facere consueverunt.

COMMENT.

*Recidivas
faciūtque
relinquun-
tur ex mor-
bis.*

Quod Aphorif. 8. dixerat, eos qui à morbis non appetūt cibos, neque conualescunt, egere purgatione, hac ratione cōprobat: nam si nō purgētur, rursus in morbum incidēt: quæ enim relinquuntur ex morbis, recidivas facere cōsueverunt: si qui dē quæ iudicato, ac finito morbo, post iudicationē imperfectā relinquuntur, putrefieri ac corrumpi solent, corrupta verò morbum priori similem efficiunt: merito igitur dictum est, ea purgatione egere. Ex morbis dixi, quamuis Græci codices habeant, ἐν τῇ σι νόσοις, id est, in morbis: rectius namque dictum esset ἐκ τῇ σι νόσοις, id est, ex morbis: ac sic scribendum fore puto, & Græcos codices mēdosos: non enim relinquuntur in morbis, quæ supersunt, sed post morbos, & ex morbis. Et Galenus in Commentario coniungere docet hunc Aphorismū octauo, & eiusdem causam reddere, nempe quare qui cibum non assumentes non roborantur ἐκ νόσου, vel, μετὰ νόσον, id est, ex morbo, vel post morbum, purgatione egent, quia quæ ex morbis relinquūtur, faciunt recidivas. De his itaque loquitur, quæ relinquuntur ex morbo, non in morbo: nam neque post iudicationem est morbus, neque reliquæ sunt cum morbo, sed à morbo. Per crisim autem hoc loco, morbi finem intellige, vt Hippocr. sæpe in libro De morb. pop. non subitam ad salutem, vel mortem, mutationem. Recidivas facere consueverunt, dixi, quamuis in aliis codicibus ὑποσποράδιστα scriptum sit, id est, reuersionis amica, in aliis tamen sic, ὑποσποράδιστα

Crisis.

φὰς ποτὶ ἐν ἰωθεν, id est, recidiuas facere consueuerunt. Nos sane ex morbis, & causis morbos facientibus, partem aliquam relinqui iam finito morbo agnoscimus multis signis, præsertim his, quæ ab Hippocra. scribuntur ad significandos futuros abscessus, li. 6. De mor. pop. parte secunda, cùm inquit: Ratione eadem si relinquitur sitis, oris siccitas insuauitasque, & ciborum fastidium, quæ indicant talia corpora egere purgatione, ne in morbos recidant.

APHORIS. XIII.

Quibusunque indicatio fit, ijs difficilis est nox, quæ ante accessionem: quæ verò sequitur, facilior magna ex parte.

COMMENT.

Hoc loco crisis, siue iudicatio, subitam mutationem ad salutem, aut mortem per manifestas excretiones, aut esatu dignos abscessus significat. Quæ tribus partibus constat, conturbatione, vacuatione, & alteratione. Galenus magis proprie dici vult iudicationem de antecedente conturbatione, quæ agnoscitur decretoriis signis, quæ signorum & accidētium rationem habent, ut difficile spirare, caput dolere, mente turbari, iactare se à capite in pedes lecti, delirare, conuelli hypochondria, lachrymas inuoluntarias fundere, rigores, & varii pulsus. Vbi ergo iudicatio instat, nox antecedens accessionem grauis erit, si ad ipsam hæc omnia attineant, quæ solent iudicationē antecedere. Hoc loco accessio

Crisis ex quibus constat.

Accessio iudicatio est dura.

g. ij.

nem ipsam iudicationē appellauit, quoniam iudicatio nō fit sine irritatione, & παροξυσμός, omnē irritationem, ac concitationem significat: dixit autem πρὸ τῆ παροξυσμῆ, id est, ante accessionem, siue concitationem, qualis est crisis: quōd si morbus accessionem habuerit, crisis & accessio coincident. Meminit autem noctis, quia, vt Galenus inquit, noctu molestiora sunt hæc accidentia (quo tempore æger quiescere natura & consuetudine solet) quàm interdiu, quo tempore vigilare aliàs debet. Fiet quōque vt accidentibus his euenientibus interdiu, dies antecedens nocturnam euacuationem, molestior sit, sed non adeò vti si noctu euenissent. Neque putes hunc fuisse loquendi modū, vti cū diximus, tertiana febris tertio quōque die aduenit, quāuis noctu eueniat: nā dies spatium viginti quatuor horarū, aliquādo significat, & diē ac noctem cōprehēdit, vti cum mensem triginta dierū spatium dicimus: nox verò à nemine appellatur viginti quatuor horarū spatiū, neque vnquā diem ac noctē significauit. Neq; etiā vox, crisis, casu dicta est de iudicationib⁹, aut sine causa inualuit vsus: magnā enim habet cū iudiciis forensibus similitudinem, iudicium in morbis, & vtrunque κρίσις Græcis dicitur. In illo enim iudicis sententiā sperātes, spe ac motu laborāt: in hoc autem naturæ & morbi pugna fit, vt æger inter spē & metū constitutus, vitæ, aut mortis expetatione detineatur. Quæ verò sequitur, inquit, leuior est magna ex parte, leuior sanè, quoniā excreta iam causā morbū faciēte, æger leuior redditur, qui aliàs veluti sarcina à multitudine, ac malitia oppri-

meba

Nox non
significat
24. hora-
rum spatium.

mebatur, ac cōflētābatur ante crīsim. Quòd ve- *Morbima*
 rò magna ex parte ita fiat, hinc constat, quòd ma- *gna ex par*
 gna ex parte ad bonum fiunt iudicationes, & quo- *te salu-*
 niā maior pars morborū salubris est, seclufa enī *bres sunt.*
 pestilēti constitutione, per quā maior pars agro-
 rantium moritur, in aliis maior pars liberatur.
 Quod quā verum sit, hinc euidenter constabit:
 nam paucissimi sunt homines, qui vitæ cursu nō
 ægrotent, bis, ter, & pluries, & quamplurimi su-
 pra decies, & vigesies, semel tamen moriuntur,
 reliqui igitur morbi salubres fuere.

APHORIS. X.III.

In ventris fluxibus mutationes deiectionum, iuuant, nisi in praua mutantur.

COMMENT.

Huius Aphoris. sententia de ventris fluxibus
 sponte factis intelligenda est: nam vt Commen-
 tario 21. sectio. 4. dicemus, quamuis medicamenti
 purgantis vi prauī humores vacuentur autore
 Hippocrat. non est malum. De sponte factis ta-
 men dixit, & quanto dolores magis, prauī fue-
 rint plures, peius. Hoc est, quod modo docet in se-
 cunda Aphoris. parte, éstque tota sententia in flu-
 xibus ventris, si fiat deiectionum mutatio, iuuat,
 nisi in mala fiat. Mala autem tradidit Prog. 22.
 libro secundo, dicens: His autem magis lethales
 erunt, nigræ vel pingues, vel liuidæ, vel erugi-
 nosæ, vel fœridæ, & Prog. 23. inquit: Variegatæ ta-
 men deiectiones, his diuturniores sunt, sed nihi-
 lominus lethales: sunt autem tales, ramentosæ,
 & biliosæ, & cruentæ & porraceæ, & nigræ, non

*Deiectionum mu-
 tationis fluxus
 in ventris*

nunquam quidem simul , nonnunquam verò vicissim procedentes . Quando itaque deiectiones in has mutantur , morbus longus significabitur , ac lethalis , vt in nostris in eum locum expositionibus abundè patefecimus , cum imbecilla facultate, lethalis: cum robusta , longus, ac perinde non iuuabit talis mutatio. Quamuis neque hoc perpetuum sit , vt citato loco docuimus : nam liuidæ , cruentæ , biliosæ , & fœtidæ deiectiones , si bene exierint , id est , notis coctionis præcedentibus, bonæ esse possunt, non tamen pingues , aut ramentosæ. Quod si in spontaneis ventris fluxionibus deiectiones mutationem accipiant , & non in aliquam prædictarum, iuuabit: variegatæ siquidem deiectiones, præsertim vbi seiunctim euentiant , veluti si bilis purgatur, deinde pituita sequatur , & ex pallido aut rufo colore, albus eueniat, vel si post, crudas, ac subpallidas deiectiones coctæ sequantur , iuuabunt sane , quoniam corpus integre purgatur, & coctis succedentibus, iuuabit causæ ratione, ac significabit validiorem factam naturam , & morbum ad finem perducere. Præterea si per fluxum ventris intelligere velis , symptomaticum fluxum diutinum , aut copia modum excedentem, & eum qui vires imbecillitat, notum est mutationes colorum deiectionum , vbi non fiant ad aliquam malarum specierum, iuuare causæ ratione, quoniam leuant, & signi ratione, quoniam ostendunt non adeo stabilem ac perpetuam fluxionis causam.

Apho

APHORIS. XV.

Vbi fauces agrotant, aut tubercula in corpore nascuntur, excretiones considerare oportet: si enim biliosa fuerint, corpus unà agrotat: si verò sanis similes fuerint, tutum est corpus nutrire.

COMMENT.

Quadantenus ad partem artis, quæ docet corpora reficere, attinet hic Aphorism. sed & partem habet ad diagnosticam attinentem. Docet namque qualis sit totius corporis dispositio agnoscere, deinde aut alere, aut ab alimentis abstinere. Vbi fauces agrotauerint, inquit: φάρυξ enim fauces significat, hoc est partem, quæ gutturi, & gulæ interiacet, apud Galen. Commentar. Aphorism. 34. sectione 4. & Comment. 16. lib. 3. Prog. Aut tubercula in corpore nascantur, φύμαλα, dixit, quæ vox tria significat apud Hipp. & Gal. vt nos li. 3. Prog. exposi. 19. abundè patefecimus, hic de tumorib⁹ paruis toto corpore erūpentibus intelligenda venit sententia. Ab his itaque, & faucium vlceribus, aut inflammationibus, non magis, nos procedimus, ex Hippocra. doctrina, atque inquirimus an excretiones sint sanis similes: quòd si tales fuerint, signum est corpus ipsum internis partibus sanum esse, quod attinet ad diagnosticam, deinde decernimus corpus esse probe alendum, neque timendam alimentorum in visceribus corruptionem, quod attinet ad partem artis factiuam: si verò excretiones, intellige, excrementa quæuis, quæ à toto manant,

φάρυξ

φύμα

Fauces la-
borantes,
quid signi-
ficat.

bilioſa fuerint , aut quouis alio modo infecta, ſignum eſt vnà corpus ægrotare , quod attinet ad diagnosticam, ac non eſſet tutum, corpus nutrire, quod pertinet ad factiuam , & reſectoriam artis partem. Quapropter inde quoque colligimus, ſi fauces ægrotant , aut in corpore pullulant tubercula , aut vlcuſcula , natura videlicet valente in ambitum corporis mittere excrementa calida, aut medio capite diſtillationis modo in fauces, opus eſſe aut purgatione , aut reſectione. Purgatione , ſi corpus vnà ægrotat : non reſectione, quoniam non pura corpora quo, magis nutries, eo magis lædes: ſi vero non ægrotat, corpus reſectione egere, non purgatione , cùm corpus à redundantia malorum ſuccorum liberum ſit. }

APHORIS. XVI.

Vbi fames, non oportet laborare.

COMMENT.

Fames.

Siue fames ſignificet ciborum inopiam , ſiue voluntariam à cibus abſtinentiam , rectè dictum eſt: Vbi fames, non oportet laborare : ſi enim ciborum inopià cogit, vt cibus parce ſumatur, utcūque in ciborum abſtinentia, aut parcitate, ſiue ipſa coacta , ſiue voluntaria ſit , non oportet laborare : diſſoluetur etenim corpus , & vires deficient. Labores namque cibos præcedere debēt, ita vt labor primū locū habeat tanquam neceſſarius, & veluti cauſa, ad ciborum digeſtionem, excrementorum diſcuſſionem , caloris augmētum, ex ſpiritus concitatione motu. At quem ſequitur , vt excrementa impetu pellantur , & deinde corpus ad exercitationes aliàs reddatur habilis,

articulis

articulis quoque redditis durioribus ad labores ferendos. Idem autem significat, hoc loco labor, quod exercitatio: est autem exercitatio vehementior corporis motus, ad quem sequitur, ut respiratio fiat maior, celerior, & vehementior. Quod si quis vellet ab exercitatione cibo iam in corpus digesto, & discusso excremento, & resoluta spiritu ab alimentis abstinere, exciccaretur, dissolveretur, ac liqueret animo. Sanis his rationibus famēs, siue ciborum abstinētia post exercitationes non conuenit, sed labores cibos antecedant, & ordinē hunc seruent. Labor, cibus, potus, somnus, Venus, quibus Venere est opus, & omnia moderata. Cæterum ab exercitatione non statim cibus assumendus est, sed prius sedata turbatione, ut vult Gal. li. 3. De rat. vic. acu. Com. 55. dicens: sedata ea, quæ ex balneo est, turbatione, tūm esse, tūm bibere melius est, veluti & composita ea, quæ ab exercitatione oritur. Nam cibum protinus, aut potum sumere, caput replet, deuoratūque interdum superfluitates facit. Aegros autem aut purgare, aut sanguinem eis mittere, aut vomitum ciere, aut sudorem, & deinde famem aut inediam adiungere malum est. Peius autem febricitantes luctis, deambulationibus, cursibus, & frictionibus fatigare, & fame cruciari, quod Prodicus faciebat, autore Hippo. li. 6. de mor. pop. parte 3. febricitantes si quidem has motiones corporeas ferre nequeunt, minime verò ab ipsis inedia, ob quā in febres heclicas, & totius corporis consumptionem facile deducuntur sani.

Exercitatio.

*Cibus ab
exercitatione
sumendus*

Vbicunque alimentum plus præter naturam ingrediatur, id morbum faciet, manifestat autem curatio.

C O M M E N T.

Primum quod asserit Hippoc. est, alimentum plus & præter naturam, si partem quampiam ingrediatur, id alimentum morbum facere: secundum est, curationem ostendere nobis argumento à posteriori, ab effectu, & à iuvantibus & nocentibus desumpto, eam fuisse morbi causam, quoniam eadem sublata, curatur morbus. Alimentum auctore Hipp. li. De alimento, quoddam est vere alimentum, quod actu alit, quòdque iam in nostram mutatur substantiam. Et est tanquam alimentum, id quod paratum est alere, uti secundæ humiditates, quæ in poris membrorum continentur, & iam agglutinantur. Est & alterum alimentum, quod in ventre, & venis continetur. Id igitur quavis parte harum ingrediatur, plus, id est, quantitate abundans, morbum facit, quod non minus faciet, si præter naturam sit, id est, prauæ cuiusvis qualitatis: succi enim & alimenta quavis, ubi quantitate abundauerint, aut qualitate molesta fuerint, morbos efficiunt: sic etiam ubi præter naturam, non malitiam qualitatis, sed id, quod supra naturam significauerit. Quod enim naturæ partis vires superat, id morbum facit, si quantitas, aut qualitas læsionem sensibilem facere valuerint: id enim semper audiendum. Qua-

Quapropter tria significasse Hippoc. mihi videtur duobus verbis, *πλοῖω*, & *παρὰ φύσιν*. primum enim quod plus quantitate est significat, secundum vero quod præter naturam: atque id bifariam, aut qualitate naturæ aduersum, aut quod naturæ modum quantitate excedit, etiam si id nimium quantitate, simpliciter non sit. quod ad primum membrum reduci posset. Quoduis itaque horum alimentorum si partem quampiam ingrediatur, in ea morbum faciet. *ὅκου ἂν*, *ὅκου ἂν*. dixit Hippocrat. id est, vbi, aut vbiicumque. nam particula *ἂν*, non nihil addit: Galenus namque in Comment. explicans Hippocrat. sententiam inquit: Non tantum enim curatio ostendit, alimentum *ἐνθα ἂν εἰσελθῇ*, id est, vbiicumque ingrediatur, plus, morbum facere, ex qua littera constat *ἐνθα ἂν*, id significare, quod *ὅκου ἂν*, & non esse transferendum, cum, sed vbi, locum enim significabit, non tempus: præsertim quoniam qui, cum, transferunt in præcedenti aphorismo, *ὅκου*, traducunt, vbi, quod aduerbium est loci, quemadmodum & *ἐνθα*, quod pro *ὅκου*, vsurpauit Galenus. Addit *τὸ νόσον ποιεῖ*, id est, id morbum facit, quod Latine alimentum probè refert, sed & Græce, *τροφὴν*, nam apud Græcos neutrum relatiuum, cuiusuis generis nomen referre valet. Manifestat autem curatio, inquit: vt enim diximus libro secundo, De arte medend. morborum dignotiones à multis desumuntur, vt à causis, effectibus, similibus, & dissimilibus, à iuuantibus & nocentibus. Hæc etiam tribus temporibus morbos docent: causæ

Dignotiones à quibus desumuntur

namque quoniam præcedunt effectus, similia, & dissimilia, quoniam adsunt, iuuantia; & nocentia, obfuturum quod sequitur, nempe aut melior aut deterior status, vt curatio, quæ docet meliorem statum sequutum à iuuantibus, vnde & Hippo. probat alimentum ingrediens partem, morbum ea parte fecisse, quoniam adhibitis iis, quæ vacuant, quod morbum faciebat, mansit æger à morbo curatus.

APHORIS. XVIII:

Eorum, quæ accumulatiuè, & celeriter alunt, celeres quoque sunt excretiones.

COMMENT.

*In alimen-
tis quæ co-
ficienda.*

Si quis alimentorum naturam, & alendi rationem probe nouerit, veram atq; infallibilè inueniet Hippo. sententiam. In alimentis coniicere oportet substantiam, qualitatem & præparationis modum. substantia crassitudinem & tenuitatem, lentorem ac friabilitatem comprehendit: qualitas omnes tam primas, quàm secundas: è quibus sunt, calor, frigi. humi. sicci. & in saporibus, acer, & adstringens. Ex præparationibus sunt, assatio, elixatio, torrefactio, & alia præparationis species. modus alendi est alimentorum mutatio, in ventrè distributio, & conuersio in substantiam corporis, & extrementorum, quæ post sequitur, expulsio. Quæcunq; igitur alimèta citò nutriunt, id est, citò alimentum præstant, & ἀσπόμεν, quod est, vniuersum, quod tribuere debent, celeriter tribuere: celeriter eorum excrementa excernentur, si tarde, & sensim alunt, tarde quoque ac sensim demittunt excrementa: si quidem in alimento,

ἀσπόμεν.

*Alimèta
quæ cito
nutriunt.*

to, quod alit, & quod eius alere nequit, & excerni debet, coniuncta sunt in vnam substantiam. Hæc verò vi naturæ separari debent, si citò separantur, citò fiet, vt & alimentum natura capiat, & excrementum excernat, si tardè, sic etiam tardè, nisi aut vi e obstant, aut præparatio, aut qualitas cibi transitum excrementi per ventrem, aut impediatur, aut acceleretur, primum acerbitas facit, secundum acrimonia. Ante partium tamen separationem, neque alimentum capit animal ad nutritionem, neque excrementum secernit. Hæc est generalis apho. ratio. Si velis etiam collationem facere, dices, eorum quæ celerius, & affatim nutriunt, celeriores fieri excretiones, & verum erit in omnibus seruata similitudine, vti præparatione alimètorum, & corporum dispositione, & causis aliis similiter accedentibus, quæ nõ naturales dicuntur, ne videlicet altero eorum ciborũ sumpto, sumēs dormiat, & quiescat, altero verò vigilet & exerceatur: alter cibus assus assumatur, quod ad retentionem, & tarditatē agit: alter elixus, quod facit ad celeriores descensum. Præterea si alterum cum alijs, & pipere paraueris: sic calor, & humiditas ad celeriores descensum, & citam excrementorum discussionem faciunt, frigiditas & siccitas ad tardam, & si multo potu, aut paucum misceatur cibus, cum multo enim citò degeritur, cum paucum tarde. Decet igitur ad probandam apho. sententiam experiri in consimili ciborum præparatione, omnem alienam qualitatem demere, & in corpore consimili modo affecto: sic enim fiet, vt quæ celerius nutriunt, celerius ex-

crementa demittant, & tardius, quæcumque tardius. Pari ratione dices, & alimentum eorū, quæ citò & accumulatim nutriunt, pauco tempore durare, propter substantiæ alimenti tenuitatem: & quæ tarde, multo tempore durare, quod ad venas deductum fuerit, ob crassitudinem & lentorem. Quæ enim tenuia sunt, vt citò & accumulatè nutriunt, ita minimum constans alimentū præbent, & quæ substantiæ sunt crassioris, aut magis viscidæ, vt tarde & sensim nutriunt, ita constans & tenax præstant alimentum, quodque diutius perseuerat. Quod ad rationem victus instituendam in sanis & ægris apprime conducit. De excrementis tamen ventris diximus cum Gal. acrimoniam alimenti facere ad citam excretionem. Quapropter quædam sunt, quæ quamuis tarde coquātur, cito ventrem mordentia descendunt, vti caro bubula cum pipere elixa: & quædam quæ quamuis citò coquantur, tarde descendunt, vt pedes hædii elixi: hi enim citius coquuntur carne veruecis, ob lentorem tamen magis ipsa morantur in descensu: male igitur quidam limitationem hanc, quam Gale. addendam voluit ad veritatem aphor. superuacaneam ex parte putant. Quæ etiam de vinis ab eodem in Commenta. dicta sunt, integram obtinent veritatem, nigra tardius alere, & magis constans præbere alimentum, alba citissimè subuenire, sed parum alere, & citò dissolui, & per vrinam descendere, media colore & substantia, vt $\chi\iota\pi\pi\alpha$, id est, fulua & modice crassa: mediam etiam seruant naturam inter alba aquosa, & nigra crassa, tùm in celeritate alendi, ac præstandi

Alimenta quæ citò coquantur & tarde descendunt.

præstandi vniuersum alimentum, tùm etiam in dissolutionis celeritate: vina rursus præstantissima, & quæ celerrime dissolutis subueniunt, sunt à sancto Martino fulua odorata, præsertim quæ Abulæ reponuntur duorum, aut plurium annorum.

APHORIS. XIX.

Acutorum morborū non omnino tutæ sunt prænunciationes salutis, aut mortis.

COMMENT.

Archigenes acutos morbos appellabat, auctore Gal. eos, quorum motus est velox, & citò pericula adueniunt: in horum numero sunt, quos Hippo. lib. primo, De ratio. vict. acut. recensuit. Lethargus, phrenitis, pleuritis, pulmonia, caufus, quibus continuæ febres coniunctæ sunt. His accedunt conuulsio, tetanus, & apoplexia, qui sunt sine febre. Sunt & alij longi, qui lento motu procedunt, & vltra vigesimum diem prorogantur: in acutis docet non esse temere salutis, aut mortis pronunciationes ferendas: solent enim quandoque fallere ob id, quod οὐ πάνπαν ἀσφαλές: id est, non omnino tutæ sunt: Nam Galenus in Commenta. inquit: τὸ γὰρ οὐ πάνπαν, τῷ οὐ παντελῶς ταύτῃ σημαίνει, quod est, illud enim, οὐ πάνπαν, idem significat, quod non omnino: idem rursus voluit lib. primo De humana natura, Comment. primo; quo loco προσαγορεύσεις, id est, pronunciationes appellat, προήσεις: id est prædictiones. Ratio vero, quare hæ non omnino tutæ

πάνπαν.

προσαγορεύσεις.

Prædictiones non omnino tutæ.

sunt in acutis morbis, est mobilitas humorum, qui calidi sunt, & nulla parte firmati, præterquam in quibus sunt inflammationes partium cum febribus, in quibus pauca quoque iudicationes sperantur, sicuti & pauca mutationes à parte in partem. In aliis vero cum medicus sperat iudicationem bonam, humor in partem aliquam præcipuam transfertur, & ubi eam non sperat, effunditur per ventrem in salutem ægroti. Quamvis itaque magna ex parte tutæ sint huiuscemodi prædictiones, nonnunquam fallunt, idque raro. Neque tamen id quidpiam ab auctoritate artis prædicendi detrahit: nam ut Gal. li. 3. Prog. Com. penultimo dixit: Nunquam aberrare captum humanum excedit: quàm minimè vero, solius est artificis. In longis autem morbis, in quibus humor morbum efficiens aliqua parte præfixus est & quietus, magis tutæ sunt prænunciationes salutis, aut mortis, neque enim periculum imminet transpositionis subitæ, & inopinatæ, quamvis & has longitudine temporis causæ externæ soleant interturbare, & ægrotantium, atque assistentium errores: verum in omnibus ante prænunciationes decet singula probè nosse & accuratè perpédere, in longioribus tamen auctore Hippo. lib. 3. Prog. difficillimum est, primis diebus iudicare, quò vertet morbus, sed decet per quaternos annumerantes procedere, donec signa ostendant, quò vertet morbus, quo tempore futura sunt prædicenda.

APHORIS. XX.

*Quibus iuuenibus ventres humidi sunt,
eisdem*

eisdem senescentibus sicci fiunt. Quibus tamen iuuenibus ventres sicci sunt, eisdem senescentibus humectantur.

C O M M E N T.

Doctè admodum vti solet, & summa quadam perspicuitate obscuram Hippocratis sententiam patefecit Gal. ita vt nulla alia sit opus enarratione. Cæterùm nos pauca quædam:perstringemus, quoniam ad huius operis integritatem videntur necessaria. Docet autem per ætates, ventris mutationes, ex laxitate in duritiem, & retentionem: & contrariū, eos qui in iuuentute ventres habent humidos, id est, laxos & faciles, & deiectionem liquidiores, & humidiores, in senectute ad sicciores, & duriores commutari: eos tamen, qui in iuuentute ventres habent siccos, & duros, in laxitatem, & mollitudinem, atque humiditatem in senectute mutari. Id verò magna ex parte ita fieri intelligendum, vt ipse vult aphor. 53. huius sect. & de sanis, qui simili victus ratione vtantur in iuuentute & senectute. Sententia itaque probatur, venter humidus redditur, quoniam plurimum accipitur alimentum, & plus, quàm distribui possit, quod ventriculi frigiditatem significat: aut quoniam & si non multum assumatur, neque id probè distribuitur, quod ad iecoris frigiditatem refertur: aut venter humidus est in iuuentute, ob bilis abundantiam, quæ ad excretionem irritat, antequam fax siccetur, aut ob imbecillitatem retinentis, quæ humiditatem sequitur, aut ob robur expultricis, quæ ante tempus

*Ventris
mutatio-
nes per æ-
tates.*

*Ventris hu-
midi cau-
sa.*

emittit excrementa. Si venter humidus sit in iuuentute, ob id, quòd cibus copiose accipitur, id fiet ob ventriculi frigiditatem, qua multum appetunt: hæc verò in senectute aucta, vt par est, appetitum minuet, si quidem omnis immodica intemperies actiones propriæ facultatis destruit: si verò alimentum non multum accipiat, verum non distribuatur probè, hæc non mutabitur, quoniam senes fient frigidiore. Si ob bilis abundantiam fiat, hæc ætatis processu minuetur, & succedet ventris retentio & sæcum durities in senectute. Cùm enim fæces detinentur, semper aliquis humor trahitur à iecore, & pars dissipatur. Propter retentricis imbecillitatem, quæ à nimia humiditate fit, si hæc adiungat ab initio frigiditatem, non mutabitur, sed potius augebitur in senectute aucta humiditate ob cruditates: si fuerit calori iuncta, siccabitur & indurabitur venter. Ob robur expultricis, notissimum est, ita vt non egeat nostra comprobatione, mutationem in senectute fieri: nam robur expultricis sequitur siccitatem fibrarum transuersarum, hæc verò supra modum sicca in senectute, vires comprimendi remittent: quæ cùm valentiores sunt, cibum ante tempus pessundare solent, is verò celerius iusto descendens, humidior iusto est. Quòd si venter in iuuentute siccus sit, in melius recipiet ad senectutem mutationem, fiet enim humidus: Si quidem ventris siccitas euenit: aut quoniam cibum paucum accipiunt, aut quoniam parum bilis confluit in ventrem, vel quoniam facultas retinens validior est. Qui non appetunt cibos, quod calore

*Ventris sic-
ci causa.*

calore fit abundante, qui laxat ventriculi os, in senectute frigidityte ætatis superueniente, plus cibi assumetur, & venter humectabitur. Idem fiet si calor iecoris humiditatem immodice sugat, & inde faciem siccet: nam ætate hic calor minuetur. Bilis defectus non mutatur, sed si huius causa sæx tardatur, & inde abduratur, similis dispositio in senectute manebit: nisi defectus bilis eueniat ob iecoris frigiditytatem, quæ in senectute aucta humorem non trahet, ac humida descendet, perinde deiectionio. Quibus verò ob robur retentricis dura deiectionio fit, nimia siccitas est in causa, qua aucta supra modum in senectute, retentricis vis remittet, & languescet.

APHORIS. XXI.

Famem thorex is soluit.

COMMENT.

Qua ratione fames canina à medicis appellata curari debeat, docet, dicens: Famem thorex is, id est vini potio, soluit. Fames vero non quæcumque vini potu curatur, si quidem naturalis, & ea, quæ sequitur dissolutionem, ad quam & fames canina quædam sequi solet, & ea, quæ aduenit post fluxum ventris, aut fluxum sanguinis, & summatim ab inopia procedit, vini potu, præsertim meracioris, non curatur, sed vinum nervos lædet, & mentem turbabit. Quòd si quis aliquo modo famis ex dictis laboras, sumpto cibo vinum bibat, non ei nocebit, verum cibibus reficiens famem curat, & vinum post cibum

h.ij.

*Fames
quam sol-
uit vini
potio.*

iuuat. Neque est hæc fames, de qua Hippoc. lo-
Bulimos. quitur, bulimos, quoniam fames proprie de ci-
 borum appetentia dicitur: qualis non est buli-
 mos, qui incepit quidem cum appetentia, sed
 deinde sola indigentia cum imbecillitate ma-
 net. Famem autem caninam, eam nempe, quæ
 à ventriculi frigiditate nuda, aut simul cum a-
 rido humore oritur, vini potio miro modo cu-
 rat, præ assumptis pinguibus, & oleis, quæ na-
 tura sua appetentiam hebetant. Quod autem id
 vinum meratius esse debeat, non est dubium,
 quoniam in fame canina caloris vini poten-
 tiam desideramus, & *ῥαρήναιον*, teste Phauori-
ῥαρήναιον. no, Homerus de armatura dicebat, & ab aliis
 antiquis de ebrietate dicebatur, & *ῥαρήναιος*, vi-
 ni potum, & *ἀρχαλοποσίαν*, id est, vini meratio-
 ris potum significat, & *ῥαρήναιον*: armo, atque
 inebrio: nam & ebrij sunt, veluti thorace arma-
ῥαρήναιος. ti, calefacto corde, atque thorace. Gale. verò *ῥα-
 ρήναιον*, vini potum significare explicuit in Com-
 ment. & Hippo. sententia ex lib. 2. de natura hu-
 mana id confirmavit, qui eo loco dixit: Notum
 autem est, quòd victus singulorum non est cau-
 sa, quare morbus omnes vno nomine compre-
 hendat, iuvenes, & senes, fœminas & viros si-
 militer, & *τῶν ῥαρηνομένων*, id est, vini potores,
 & aquæ potores. Quo loco Hippocrat. per
ῥαρηνομένων, vini potores significavit, ac posset
 vini meratoris potores significare: quod tamen
Gal. vin- Galenus non explicuit, neque probare tentavit.
dicatur. Quapropter non video qua mente possit quis
 Galeno imponere, ipsum voluisse *ῥαρηνομένων*, signi-

significare prædicto loco, vini meratoris potiores, quod neque somniauit quidem, quamuis, ut diximus, id verum sit, vini meratoris potum fami caninæ conuenire, & de ipso Hippo. loquutum in hoc apho. credi potest.

APHORIS. XXII.

Quoscunque morbos, qui ab impletione fiunt, euacuatio curat, & eos qui ab euacuatione impletio, & aliorum contrarietas.

COMMENT.

Est hæc sententia, axioma maximum, & partis artis curatiuæ primum, Contrariorum per contraria fiunt curationes: cùm enim medicina teste Hippocrat. lib. De flatibus, sit adiectio & ablatio: adiectio eorum, quæ defunt, ablatio eorum quæ supersunt, verum quoque & perpetuum erit, morbos, qui fiunt impletione, curari vacuatione, & morbos, qui fiunt vacuatione, curari impletione, & alios omnes suorum contrariorum oblatione. Quoniam autem plures sunt morbi, qui fiunt adiectione, & ablatione, (omnes si quidem, tales sunt) quàm qui fiunt ex impletione, & vacuatione, adiecit: Et aliorum contrarietas. Morbi namque in temperatura facti, ex adiectione, & ablatione fiunt, & non ex impletione, aut vacuatione, sic & unitatis solutio. Præterea ex eisdem quidam sunt fi entes, quidam facti. ex his, qui fiunt, quidam impletione fiunt, quidam vacuatione, quidam nullo
h. iij.

*Morbi ex
impletione
& vacua-
tione fien-
tes cōtra-
rii curan-
tur.*

horum modorum, vti continui solutiones. De his tamē, qui impletione, aut vacuatione fiunt, dixit, eos, qui impletione fiunt, curari vacuatione: & eos, qui ex euacuatione, impletione. Quod de morbis fientibus quā verū sit, hinc constat, quōd qui fiunt, partem habent factam, partem futuram ex Gale. lib. artis medica. capit. 88. & libro octauo De metho. med. pars futura præservatione eget, quæ sit causæ ablatione: quæ verò facta, curatione, contrariorum oblatione, sed & causæ ablatio, quam habent fientes morbi, curatio per contrarium dici potest: quoniam nomine curationis, curationem & præuisionem, quæ morbis debetur, comprehendunt medici, præuidet autem futuris, qui causam aufert. Contraria etiam, quæcumque opposita sunt, dicunt: quemadmodum & Aristot. in Prædicamentis: quomodo impletio vacuationi, & vacuatio impletioni contraria est. Reliquos verò morbos contrariis curari in vniuersum dicit. Impletionem tamen conuertimus, quod Hippocra. πλησμονήν, bis dixit in aphorif. quamuis enim πλησμονή, satietatem significet alibi, vt aphorif. quarto huius sect. hīc tamen impletionem significat, à verbo πληθω, quod est impleo. Neque cogimur cum aliis huius aphorismi enarratoribus, vocem eandem in vno & eodem aphorif. breuissimāque sententia, duobus modis conuvertere, primo loco repletionem, secundo refectionem. sed est sane utrōque loco impletio, hæc verò quandoque est moderata, quando vasa vacuata per alimenti assumptionem ad mediocritatem redu-

reducuntur : tunc enim quæ vacuata erant , iurè impleri dicentur , & impletio ipsa πλησμονη. Quòd si hæc modum excedat , & morbum faciat , rectè quoque dicemus hanc πλησμονην , id est , impletionem , vacuatione curari. Quemadmodum enim si corpus plus æquo plenum fuerit , cum demimus quod superabundat , eam vocamus vacuationem , & ubi à mediocritate , rursus vacuetur , euacuationem dicimus : licebit quoque cum corpus plus æquo vacuatum fuerit , reductionem ad medium impletionem dicere , vti & eam , quæ supra medium fit. Hæc aperta est apho. interpretatio.

APHORIS. XXIII.

Acuti morbi quatuordecim diebus iudicantur.

C O M M E N T.

Acutorum morborum natura , ea est , vt celeriter ad finem percurrant , ac citò magnitudinē adferāt & periculum : finis autem ab Hippo. definitus est , quartus decimus dies , intra quem morbi acuti simpliciter finiri , ac iudicari solent , quem etiam non transgrediuntur , nisi dies aliquos interim habuerint , in quibus non valide affligant , neque suam ipsorum naturam seruare videantur , aut etiam diminutam aliquam euacuationem patiantur , ob quam ad vigesimum prorogentur , quem terminum externum acutorum morborum statuit Hippocrat. li. 3. Prog. Cæterum , hi acuti morbi sunt , sed non simpliciter tales : ac dicemus eos , qui facta diminuta vacuatione perueniunt ad 20. diem , esse quadamtenus acutos ex decidentia.

h. iij:

Acutorum terminus.

Intra limites acutorum qui ad 14. diem pertinent, sunt peracuti exactè, qui finem habent tertium, quartum, & quintum diem: sunt & peracuti non exactè, qui desinunt, in 6. aut 7. acuti tamen exactè in 9. aut 11. aut 13. aut 14. Acuti non exactè prorogantur ad 17. & 20. & 21. Ab his sunt, qui post 21. ad 40. & ad 60. & centesimum, & centesimum vigesimum perueniunt, quos omnes acutos ex decidentia appellamus: si tamen ab initio lento motu procedant, longis sunt annumerandi. Causa verò, ob quam acuti morbi breuem habent iudicationis limitem, est, quoniam qui adeo validi sunt, citò mala omnia adferunt, & citò cogitur natura pugnam cum morbo committere, si validior sit, & si inualida cogetur succumbere. terminus autem experimento cognitus est 14. dies.

APHORIS. XXIII.

Septenorum quartus, indicatorius est, alterius septimana octauus principium. Contemplatorius quoque undecimus, hic enim quartus est alterius septimana, contemplatorius rursus decimus septimus: hic enim quartus est à decimo quarto, & septimus ad undecimo.

COMMENT.

Dies contemplatorios quosdā statuit in presenti aphorismo, à quibus coniicere liceat, quod in diebus iudiciarijs futurum sit, utrum bonum an malum euenire debeat. Iudiciarios in 20. vsque scripsit lib. 3. Prognosticorum, ad initium, dicens
Simp li

*Dediebus
iudiciali-
bus & cō-
templato-
rys.*

Simplicissima: namque febres, & signis firmatae securissimis, quarto die aut citius cessant, pessime verò ac cum signis grauissimis factæ, quarto die, aut citius interimunt. Primus itaq; insultus ipsarum in hunc modum finitur: secundus autem ad septimum perducitur, tertius ad vndecimum, quartus ad quartum decimum, quintus ad decimum septimum, sextus ad vigesimum. Igitur ex acutissimis morbis, facta per quatuor adiectione, ad vigesimum finiuntur. Placuit (vt obiter dictum sit) transferre, ex acutissimis, quoniam in codicibus Galenianis, & Hippo Aldinis ἐκ τῶν ὀξυτάτων, legimus: Gelanus tamen in huius Aphori. Commentario, ἐκ τῶν ὀξείων, id est, ex acutis legit, & bene. Docet hoc loco tribus septimanis membrorum acutorum limitem, & singulas per quaternarios diuidere, ita vt singulae duos contineant quaternarios, quod fit, si primum secundo copulemus in omnibus septimanis. Cæterum, secunda septimana à prima separari debet: quoniam primum quaternarium ipsius dicit finiri ad vndecimum: & quoniam in præsentī Aphorif. dixit: Alterius septimanæ octauus principium. Tertia verò septimana secundæ coniungenda est, quoniam in Prognostico dixit, quintum quaternarium finiri ad decimum septimum, quod non esset nisi primus eius septimanæ esset quartusdecimus. In hoc tamen Aphorif. dixit, contemplatorium esse decimum septimum, quoniam est quartus à quarto decimo, & septimus ab vndecimo, quod non minus ostendit, quaternarios in singulis trium septimanarum esse coniungendos, & diem medium

*Contēpla
torij dies.*

bis numerādum. In præsenti tamen Apho. quosdam ex his contemplatorios appellat, siue iudicatorios: sunt ex his, quartus, vndecimus, decimus septimus: non equidem quoniam his nō inest vis satis magna iudicādi, sed quoniam septim⁹, quartus decimus, & vigesimus, plures indicant, quā quartus, vndecimus, & decimus septimus, & quæ futura sunt, in his qui septimanas finiunt, à quartis septimanarum iudicātur. Quartus indicat septimum: vndecimus, quartum decimum: septimus decimus, vigesimū: quo limite tres septimanæ comprehenduntur, in quibus morbi acuti desinunt, tanquam in terminum externum. internus enim quartus decimus est. Quòd verò dies prædicti contemplatorii sint, rationem adhibuit Galen. lib. i. Prorrh. Cōment. i. quoniam si quid boni aut mali in die contemplatoria se ostendet, id in iudicatoria fiet: si enim in die contemplatoria natura fluxum sanguinis narium tenter, & non perficiat, aut per sudorem, aut ventris solutionem, malum futurum in die iudicatoria est sperandum: sunt enim hæc deiectoria, quæ non decernunt. Bonum etiam speramus septima die futurum, si nebula, aut appendiculum in vrina appareat quarta die. Meminit his duobus locis Hippocr. dierum iudicātium ad vigesimum, quoniam loquitur de acutis morbis, de quibus modo dicit: Acuti morbi 14. diebus iudicantur. & in lib. Prog. de solis acutis morbis agit: quamvis connexionis ratione, quædam etiam scribat de iis, qui fiunt ex ipsis, & de terminis ipsorum. Non meminit autem omnium, qui iudicant intra vigesimum

gesimum, sed eorum, qui frequentius iudicant: nam & tertius est iudicatorius, & quintus, & sextus, quamuis ad malum, & nonus, & decimus tertius, & decimus octauus, qui etiam vigesimi primi contemplatorius est, vt decimus septimus vigesimi. Sed sunt prædicti intercidentes, qui nec septimanas, nec quaternarios finiūt. Hos dies esse iudicatorios experimentum docuit, & vigesimum tres septimanas claudere voluit Hippocr. quoniam ex his, quæ in libris De mor. pop. docuit, experimento constat, vigesimum iudicare plus quàm vigesimum primum. Cuius causam Gal. à lunæ motu inuenire tentauit, in libris De diebus decretoriis: cum autem nihil firmum de ea re inuentum sit à Galen. aut aliis, tutius est experimenta sequi, & prædictos dies, & post vigesimum multos alios, qui non adeò frequenter de morbis decernunt, qui per septimanas ad 40. 60. & 80. & 120. perueniunt, modo priori seruato, experimento comprobare: quorum Galenus meminit in libro De diebus decretoriis, & nos hæc & multa alia, & dierum omnium iudicantium historiam abunde docuimus lib. 3. Prog. expositione prima. A quo leco quæ hic desunt, petenda erunt. Qui verò dicit dies omnes, iudicatorios esse plus, aut minus, quoniam in omnibus possunt morbi iudicari bene, aut male, fallitur aperte: Gal. enim li. I. De diebus decretoriis quosdam dies decretorios probat, quoniam etsi in omnibus diebus, iudicationes visæ sint, non tamen cum subitis mutationibus, neque frequenter, præter id, quod Gale. eo loco testatur, se nunquam in 12. & 16. vidisse cri-

*Dies inter
cidentes.*

*Fallitur
qui dicit,
dies omnes
esse iudi-
catorios.*

sim, neque subito de morbis decernere 19.

APHORIS. XXV.

Aestiva quartana breues magna ex parte sunt, autumnales verò longæ, præsertim quæ hyemem attingunt.

COMMENT.

Morbi longi aut breues quare fiunt.

Quæadmodum calor morbos omnes breues reddit, ita frigus longos. breues autem esse omnes calidos morbos, experimentū docet, & Hippocrat. lib. 6. De mor. pop. dixit: In Cranone dolores antiqui frigidi, noui verò calidi. Ratio hoc idem confirmat: à calore namque morborū causæ attenuantur, & dissoluuntur, frigus autem poros astringit, & humores cōpingit, quæ de causâ morbos ipsos producit. Quod si morbi salubres fuerint à calore ambientis discussa causa finientur: si lethales, simul cum causa dissoluto spiritu morientur, & frigido tempore vti humorum dissolutio cohibetur, & propterea fiunt longi: salubres ita lethales virium dissolutione impedita prorrogantur. Quartana vsus est, vt exemplo, omnes morbos calido tempore factos significare volēs: idque magna ex parte fieri affirmat, dicens: τὰ πολλὰ, quæ vox idem, quod magna ex parte significat, vti & supra Aphoris. 6. non tamen omnino, vt Philotheus, & Fuchsius, & Leconicenus eo loco sunt interpretati: cum tamen neque id vox ipsa significet, neque ad veritatē Aphorismi illius, sit necessarium eiusdem significationem peruertere.

APHO

APHORIS. XXVI.

Febrem conuulsioni superuenire melius est, quàm feбри conuulsionem.

COMMENT.

In præcedenti Aphorismo ambientis aëris calorem, morbos curare exemplo æstatis, & quartanæ febris docuit: in hoc verò non tantum hūc, qui in ambiente aëre est, nobis non naturalis, nec perinde præter naturam, sed & eum, qui præter naturam est, & febrilis, morbos frigidos, & qui à crassis humoribus pendent, curare posse conuulsionis exemplo docet. Est etenim conuulsio, quæ fit nervis primogenia affectione laborantibus duplex, ex impletione nempe, & ex inanitione, est & tertia species, quæ consensu fit, vti nos alibi abunde probauimus. In omnibus verò musculi ad originem retrahuntur, eo modo, quo per sanitatem animali facultate operante fiebat. Conuulsio subito nata, & quæ non præcedente febre aliqua ardenti, & vehemēti, aut proluxa fit, à crassis & lentis humoribus nascitur. Quæ verò fit febre aliqua de prædictis præcedente, ex consumptione fit, & hecticam refert. Prior conuulsio curationem admittit, secunda autem nullam, aut difficilem admodum: non enim est admodum difficile, humores crassos & lentos coquere, ac discutere, humorem autem natium in conuulsione sicca amissum reparare, ferè impossibile. Ac perinde melius est conuulsione facta, nempe à crassis humoribus, vti fit ab initio (magna ex parte) aduenire febrem, quæ curationi proficiat, co-

Conuulsio duplex.

Conuulsio que curatur, & à quacausa.

*Conuulsis
febrem mo-
uere.*

ctione, ac discussione facta: quam præfente febre
 conuulsionem euenire, quæ à consumptione fiet,
 quam reparare ferè impossibile erit. An tamen cu-
 rationis ratione febrem concitare conueniat di-
 ximus libro 3. De arte meden. sectio. 3. capit. 21.
 diariam febrem excitare esse ex usu, & Celsum
 febrem mouere consuluisse quandoque. Neque
 obstat quòd quidam obiiciunt, morbum alium
 esse, & duos difficilius curari, & sæpius pro dia-
 ria sequi putridam. Nam cum febris superuenit,
 aut vi medicamentorum excitatur, conuulsio fa-
 cilis multò curatur, quàm ubi ipsa non adsit, &
 febris, quam exposcimus non erit difficilis cura-
 tu, nec multum molesta: nam & si non sit facile
 mouere febrem, quæ magna non sit, id non tol-
 lit, quominus talem febrem mouere sit ex usu, &
 ubi putridam febrem mouerimus, non necessum
 est omnem talem esse periculosam, aut pericu-
 lum afferre conuulsioni æquale. Præter id, quod
 & quartanam prodesse conuulsionibus testatur
 Galenus libro quinto, Aphorif. 7. ubi à quartana
 captos, dicit, non admodum capi conuulsioni-
 bus, & à conuulsione iam capitis quartana su-
 perueniente liberari. Quòd si quartana superue-
 niens, aut similis febris magnitudine, vehemen-
 tia, & periculo, à medico excitaretur, conuulsi-
 ones quoque curaret. Non diceret autem rectè
 Hippocrat. à conuulsionibus liberari eum, qui cu-
 rata conuulsione, vi febris moreretur. Sed sunt
 febres multæ, quæ conuulsionem curare vale-
 bunt, & non erunt periculosæ, vti diaria, & ex
 leui sanguinis inflammatione orta, & leuis
 putri

putrida, aut etiam tertiana, aut quartana, non magnæ.

APHORIS. XXVII.

His, quæ non secundum rationem leuant, non oportet fidem præbere, neque valde time-re praua, quæ præter rationem fiunt, plurima enim talium infirma sunt, & non multum permanere, aut durare consueuerunt.

COMMENT.

Quoniã sermonẽ habuit de diebus decretoriis, atq; inseruit de iudicatoriis nõnullis, rursus in præfenti Aph. de signis, quæ iudicationes antecedunt, quique in diebus contemplatoriis apparere solent, docet nonnullam fidem esse eisdem adhibendam, etiam si ostendant ægrum melius, aut *Signa infla.* deterius habere, si præter rationẽ talia fiant: bonorum primum, deinde malorum signorũ mentionem faciẽs, quæ sine ratione talia sunt: de bonis dicens: His, quæ non secundum rationem leuant, non oportet fidem præstare: ad finem addens, quoniam talium plurima infirma sunt, & neque multum permanere, aut durare consueuerunt. Leuant autẽ sine ratione, hoc est, leuatos indicant, multæ actiones, quas exercent quidã veluti à morbo liberi, aut non adeò, vt antè grauati, nulla tamen vacuatione per fluxum ventris, vomitum, sudorem, aut similes alias vias facta. Quod sæpe in morbis euenire subito videmus: ægrum nempe hodie valde oppressum, & cras ferè liberũ, sine aliqua manifesta excretionẽ, aut effatu digno abscessu. Præterea videbis multos

leuatos à morbis perniciosis , & cum manifestis
vacuationibus, quibus pariter fidendum non est,
nisi ante eam vacuationem in diebus contempla-
toriis coctionis notæ apparuerint. Quod Hippo.
Prog. 22. lib. 3. docuit, dicens: Quibus febres desi-
nunt, neque cum signis solutionis, neq; in diebus
decretoriis , recidiuam in eis expectare oportet.
Et lib. 2. Prorrhe. sect. 17. inquit: Perniciosa, quæ si-
ne signis leuant, mortem significant. Cum igitur
quis subito , aut breui admodum à morbo libe-
ratur , non paruo , vel ab eodem melius habet,
vt hæc tuta sint à recidiua , oportet, vt signa bo-
na, vti signa coctionis antecedant, & vacuatio se-
quatur, & ad maiorem securitatem, vt in die de-
cretoria fiat. Secundo loco, inquit: Neque valde
timere oportet praua, quæ præter rationem fiunt.
Plurima enim talium infirma sunt, neque multum
permanere , aut durare consueuerunt. Præua ta-
men signa , ac sine ratione facta sunt, signa de-
cretoria, quæ infida omnino sunt, autore Golenio,
lib. 1. De Crisibus, cap. 14. quorum quædam signi-
tantum rationem habent , vt difficilis respiratio,
capitis dolor, vigiliæ, inquietudines, deliria, & si-
milis: & quædam habent rationem signi & cau-
sæ, vt stillæ sanguinis, vrina multa , aut deiectio,
quæ solent antecedere imminentem iudicationem.
Quibus quamuis magnum aliquod malum ostē-
dere videantur, nulla fides adhibenda est: aliunde
enim, nempe à signis coctionis pendet salutis ve-
ra, ac firma indicatio. Videmus enim multos cum
his signis saluatos, signis coctionis præcedentibus,
& vacuatione , siue crisi sequuta: alios verò cum
simi

similibus signis, non præcedētibz notis cōctio-
nis, mortuos. Quapropter signa hæc, quæ malum
ostendebant, ac valde malum, infirma fuerunt, ne
que multum permanferunt, aut durarunt.

APHORIS. XXVIII.

*Febricitantium, non omnino leuiter, per-
manere ac nihil minui corpus, aut extenuari
plus quā postulat ratio, malū. Illud enim morbi
longitudinem, hoc verò imbecillitatē significat.*

COMMENT.

De febricitantibus loquens, qui non omnino
leuiter febricitāt, duo docet agnoscere, morbi lō-
gitudinem, & virium imbecillitatem: longitudi-
nem morbi, si corpus permaneat, ac nihil minuat
à mole corporis, quam habebat sanitatis tempo-
re. Indicat enim hæc corporis permanentia cutis Corpus per
manere
dēfitatem, & humorum crassitudinem, quæ duo, plus quā
ratio postu-
lat.
impedita & retenta vacuatione & dissolutione
humorum, morbum in longum tempus produ-
cent. Vbi verò corpus marcescat, ac extenuetur
plusquam ratio postulat, imbecillitatem significa-
re dicit. Hoc autem bifariam fit: nam ob imbecil-
litatem virium corpus plus æquo dissoluitur, at-
que ita dissolutio corporis significat imbecillita-
tem facultatis, veluti causam priuatiuam: signifi-
cat etiam cutis raritatem, & humorum tenuita-
tem: ad hæc autem facilè sequitur virium imbe-
cillitas. Quam vt causam significat extenuatio,
& vt effectum, qui sequitur ad duas prædictas
extenuationis causas. De febricitantibus nō om-

nino leuiter loquitur: prima namque pars Aphorismi vera non esset, si de his qui leuiter febricitant, dicta esset. permanere enim corpus, & nec quiquam minui per paruas febres, non significat eas longas futuras: nam ad id neque humorum crassitudo, neque cutis densitas est necessaria: satis enim est calorem non esse multum, ut nulla manifesta corporis dissolutio sequatur: febres autem non omnino leues, mediocres & magnæ dicuntur: in quibus verum quoque est, si plus, quàm ratio postulat, extenuentur, significari humorum tenuitatem, cutis raritatem, & summatim, ut in Aphorismis imbecillitatem, præsertim retinentis facultatis: nam & fieri potest, ut in febre vehemèti corpus plus æquo extenuetur primis ipsis diebus. Verum quoque id esset, si de paruis febribus diceretur: nam in eisdem plus, quàm ratio postulat extenuari, imbecillam ostenderet facultatem. Neque hoc tollit veritatem Aphorismi. qui enim docet in febribus non omnino leuibus aliquid fieri, non tollit quominus in minoribus & leuibus id fieri possit. Quoniam tamen primæ parti Aphorismi non conueniret, ut de vtriusque verum esset, de non omnino leuiter febricitantibus

Plus quàm ratio postulat, quid. scriptus est. At verò plus, quàm ratio postulat, id significat, quod fit maius, quàm pro ratione eorum, quæ solent ægrum dissoluere, sunt hæc febrilis calor, & is qui in ambiente, & euacuatio quæuis manifesta, inædia, vigilia, curæ, & corporei motus, ad quæ respiciens medicus, intelliget an æger plus, quàm pro ratione extenuetur. Diximus autem extenuari, quoniam etsi litera habeat, συντή-

κεσαι.

κεῖται, id est, colliquari, ut Galenus in Commentario inquit, abutitur Hippocrat. voce ea, λεπύ-
νεται, dicturus, id est, extenuari, συντήκω enim in
liquidam substantiam conuerto significat propriè,
ut libro tertio Prognost. in annotationibus in ter-
tium Galen. Comment. ostendimus. Congruit sa-
ne hæc pars, plus quàm ratio postulat, cum par-
te, extenuari, non ita cum parte priori, qua dixit,
permanere corpus. Nam etsi rectè dictum sit,
permanere corpus plus quàm ratio postulat, signi-
ficare morbi longitudinem: frustra tamen dice-
retur id fieri in febricitantibus non omnino leui-
ter: in omnibus enim febribus id verum est: si e-
nim in leuibus febribus plus quàm pro ratione cor-
pus permanet, febris erit longior. Præterea neque
rectè dicetur, plus quàm ratio postulat, nihil mi-
nui: qui enim dixerit nihil minui corpus, signifi-
care febris longitudinē, inutiliter & incongrue,
addet si id fiat plus quàm ratio postulet. Pars ita-
que nō omnino leuiter febricitare, de vtriusq; di-
citur: pars verò, plus quàm ratio postulat, propriè
de his qui extenuantur, non proprie de his, qui
permanent, ut in Aphorif. sententia & contextu.
Neque enim ea additione est opus, simpliciter e-
nim rectè dicetur: In febribus non omnino leui-
bus permanere corpus, nec quicquā minui, mor-
bi longitudinem significare, neque opus est adde-
re, plus quàm ratio postulat: nam si corpus in præ-
dicta febre permanet, nec quidquam minuit, id
necessario erit plus quàm ratio postulat: ratio nā
que postulat in febre non omnino leui corpus di-
minui, & non permanere.

*Incipiētibus morbis si quid mouendū vide-
tur, moue: vigētibus autē, quiescere melius est.*

COMMENT.

*Minorati-
ua purga-
tio.*

Video magnū numerum medicorū nostri tēpo-
ris, improbe seruare huius Apho. sentētiā, & lō-
ge aliter, quā par est intelligere. Hippo. mentē:
putāt enim hac ratione convenire omnibus mor-
bis, qui aut febres sunt, aut febres adiunctas ha-
bent: prima aut secunda die ventrem purgare, ea,
quam ipsi appellant minoratiuam purgationem:
dementes excrementa primarum venarum, quæ
vocant materias communes: utque deinde natu-
ra minorata materia reddatur potētior supra re-
siduum. Quod Galen. his verbis dixisse videtur.
Ut igitur coctiones citius eueniant, melius est cir-
ca principia vacuare, quo minorem iam factam
materiam, facilius possit natura concoquere. Ve-
rum in his omnibus quammaxime errant, uti
Commentario 21. sectio. 1. probauimus. In præ-
senti namque Aphorif. Hippocrat. duo docet, pri-
mum est, in principiis morborum magis reme-
diis utendum esse, vbi aliquid mouendum vi-
deatur: secundum, in vigoribus ab huiuscemodi
remediis esse abstinendum. Principium morbi ab
aliis coctione & cruditate distinguitur: nam prin-
cipium est cum crudus est morbus: augmentum,
cum coctionis notæ apparere incipiunt, sed non-
dum integre se ostendunt: vigor cum integre co-
ctus est humor faciens morbum, declinatio, mor-
bi & humoris diminutio est. Mouemus autē san-
guinis missione, aut purgatione, quæ magna re-
media

*Principiū
morbi.*

media à Galen. in Commentario huius Aphorif. appellantur. sanguinis missio, vel incipiente morbo, si conueniat, temporis ratione non denegabitur, præterquam quòd medici, quorum meminimus, ante ipsam, minoratiuam suam purgatione exercēt. De purgatione verò dicemus Hippo. voluisse ipsam in principio esse exercendam, si quid mouendum videtur, ac si dixisset, si quid turget, tātum enim ea mouenda videntur in principiis, quæ turgent, ex Aphorism. 21. sect. 1. Cùm verò morbus viget, quiescere melius est, & ab his abstinere purgationibus, & eas differre in declinationem, & summi vigoris finem expectantes an natura aliquam faciat iudicationem, quam si imperfectā videmus, ipsam arte perficimus. In vigore namque natura coctioni maximè vacat, & quādoque vacuationi, & eo tempore animalis facultas valde languet. In vniuersum autem Aphorif. sequenti, rationem huius adiungit, quoniam circa principia & fines sunt omnia imbecillima, circa vigores fortissima, & cum morbus fortior est, à remediis magnis abstinere erit satius. Hic Aphorif. de salubribus morbis intelligendus est: qui enim lethales sunt, curari non debent, sed solis præsagiis relinqui, siquidem morituris non oportet adhibere manus, vbi omnino constet id arte prædicendi: vt enim Galen. 11. Method. inquit: In his, quorū salus omnino desperata est, imprudentis consilii fuerit, apud vulgus infamare præsidia, quæ multis fuere saluti.

Circa initia autem & fines omnia imbecillima, circa vigores verò fortissima.

COMMENT.

*Summus
vigor.*

Rationem reddit præcedentis Aphorismi. ea est, quare circa initia mouendum, & circa vigores quiescendum, quoniam morbi omnes incipientes, & declinantes, sunt minores: vigentes, maiores ac maximi. Quod ex propriis morborum accidētibus licet cognoscere, quæ in summis vigoribus maxima sunt, nempe vigiliæ, dolores, sitis, febrium accessiones, nisi morbus sit ex his, qui ante id diminutas aliquas fecerit vacuationes, & imperfectas crises: illi enim coctionem assequuti sunt minores, quos etiam in summis vigoribus purgare non esset à ratione alienum. Voco modo summum vigorem, coctionis completæ primum tempus, & si nō adsit summa morbi magnitudo. Præterea quoniam cū natura quāmaximè vacat coctioni malorum humorum, melius est abstinere à purgationibus, quæ ipsam distrahere ab opere debent. Opprimi tamen à multitudine, crassitudine, lentore, & frigiditate causæ, commune quoddam accidens est ferè omnibus morbis incipientibus, quod non ostendit morbi magnitudinem. De qua lib. 2. De diff. feb. in Commentariis nostris multa docuimus, ab aliis non satis perspecta.

APHORIS. XXXI.

Ex languore cibum probè capienti, nihil proficere corpus, prauum.

COM

COMMENT.

De his, qui à morbo conualescunt est Aphorism. præsens, vti & octauus huius sectionis, malum esse docens, si conualescens cibum probe capiat, id est, cum appetitu, & abunde, nec tamen corpus augeatur, quod ἐπιδιδόναι, id est, proficere dixit. Malum autem quod sit, modo non apposit, explicat autem id Aphorism. 8. vnum duorum significare dicens, aut quod conualescens plurimo cibo vititur, quod natura superare non valet, demendamque esse quantitatem: aut si cibum supra modum non accipit, prauum aliquem succum in corpore fuisse reliquum, atque eius causa egere vacuatione. Ex languore autem diximus, quoniam Græce habetur, ἐξ ἀρρώστιας. Ac- ^{ἀρρώστια:} grotos autem Græci appellant, autore Galen. lib. 2. De method. medend. νοσῶντας, id est, ægrotantes, & ἀρρώσυντας, id est, lāguentes, & ἀσθενῶντας, id est, minime valentes, & κάμνοντας, id est, laborantes, ἀρρώστια, igitur languor est, aut morbus.

APHORIS. XXXII.

Vt in plurimum omnes, qui male se habent per initia bene cibum capientes, & nihil proficientes, versus finem rursus cibos auersantur. Qui verò per initia cibos validè auersantur, postea bene cibos capientes, melius euadunt.

COMMENT.

In præsentī Aphor. quemadmodum in præcedenti, & in octauo huius secti. de conualescētibus
i. iij.

ἐπιδιδό-
τες

loquitur, quandoquidem participium ἐπιδιδό-
τες, id est, proficientes, de solis his, qui conuale-
scunt, dici solet ab Hippocrat. & aliis Græcis, ut
Galenus testatur in Commentario. Quando i-
gitur hi probe cibos appetunt & accipiunt, non
tamen proficiunt, sed malè se habent, indicium
est firmam esse facultatem ventriculi, qua ci-
bos appetunt, cæterum in corpore post mor-
bum remansisse prauum aliquem succum, qui ad-
uenientes corrumpit humores: vnde fiet: ut pro-
cessu temporis magna copia aceruata, facultas
etiam appetens vires committat, & ventriculus
cibos auerfetur. Id verò ut in plurimum ita fieri
constat, quoniam nonnunquam secus accidit,
constante enim adhuc concoctrice, quod ex mor-
bo fuit reliquum, & si quid aliud interim fuit ad-
ditum, superabit, & à valida expultrice expelle-
tur, firma manente, appetente cibos facultate.
Qui verò à principio conualescentiæ cibos non
appetunt, aut eosdem valide auersantur, non in-
gurgitant aliquid supra vires: totum igitur cibum
assumptum superant & coquunt, atque inter-
dum natura raboratur, quæ coquere valebit eum
succum, qui erat inappetentiæ causa, quo supera-
to rursus appetent conualescentes cibos, & me-
lius euadent quàm priores.

APHORIS. XXXIII.

*In omni morbo mentem firmam esse, & be-
ne se habere ad ea quæ offeruntur, bonum: con-
trarium verò, malum.*

COM

COMMENT.

Ad partem artis prognosticam pertinet præ-
 sens sententia, bonum in morbis omnibus docēs
 prænoscere, ex mentis firmitate: si enim hæc fir- *Mentis fir-*
 ma est, ac cōstans, robur cerebri significat, & ani- *mitas*
 malis facultatis, quod in omnibus morbis bonum *quid indi-*
 est indiciū, vti & bene se habere ad cibos, qui of- *cat.*
 ferentur, significat firmam esse facultatē naturalē
 ventriculī & venarum. Non equidem quoniam
 facultas, quæ cibos appetit est naturalis: est enim *Facibos*
 animalis sequens tristem sensum in ore ventri- *appetere*
 culi. Sed quoniam dum hæc probe cibos appetit, *non est na-*
 quod est bene se habere ad ea, quæ offeruntur, *turalis.*
 bona coctio fit, & coctorum distributio, & suctio
 membrorum à iecore & ventre. Quòd autem *Ea quæ of-*
 de cibis loquatur, cū dixit, ad ea quæ offerun- *feruntur,*
 tur, constat ex Gal. in Commen. tū etiam quo- *cibos intel-*
 niam bene se habere ad ea quæ offeruntur, si- *ligu Hip.*
 gnificat robur naturalis facultatis: bene autem
 accipere medicamenta, vti siropos, & pharmaca,
 ad nullam naturalem facultatem attinet. Adde
 quod dixit Hippo. Contrarium verò, malum, non
 appetere tamen medicamēta, qua ratione est ma-
 lum, id dicant? Videmus enim ægros, eo magis o-
 dio habere medicamenta, quo magis sanitati ac-
 cedunt. Meminit autem horum duorum signo-
 rum, quoniam hæc in omnibus morbis bona sunt,
 & eorum contraria mala: simpliciter autem bo-
 num & malum dixit, & sine additione, valde, aut
 valde iam, & sine superlativo, vt solet: quoniam
 hæc signorum vires ostendūt, quorum medicum
 perpendere decet, numerum, & dignitatem ante

Signa mala non habent maiorem malitiam, quàm contraria bonitati.

quam quidpiam de salute aut morte prædicat: vnum namque signum bonum sæpissime plurima signa mala vincit, falsum autem est maiorem malitiam habere signa mala, quàm contraria bonitatem, quod affirmat is, qui in huius operis commentariis valde dissentit à Gal. sententiis, & ab his quæ à nobis viua voce docentibus hauriuit in schola, quem frequenter admonuimus veritatis & bonæ doctrinæ in lib. De arte medendi, & in præcedentibus commentariis: non raro etiam id faciemus in sequentibus. Bonam siquidem respirationem dixit Hippo. valde magnam vim habere ad salutem in omni morbo acuto, qui cum febre sit, & quadraginta diebus iudicetur, nec tamen dixit optimam: nam hæc cum acuto morbo & febre nunquam aderit. At dicat dogmatis assertor, cuius nomē subticere visum est mihi. An mala respiratio habeat valde magnam vim ad mortem in prædictis morbis? non equidem: nam in morbo laterali difficile spirare nihil aliud à morbo significat, & cum iudicatio imminet, mala respiratio signis coctionis præcedentibus salutem nunciat non longe futuram, iudicatione interueniente. Præterea, vt libro de vrinis in præfatione probauimus, cum optima vrina nullus moritur, sed cum pessima vrina multi liberantur. Præterea constare ac firmam esse mentem, bonum est, delirare etiam malum, & nō pessimum, neque valdè malum: nam & id dixisset, vt solet Hippo. Cæterum ob solos vapores in caput ascendentes delirant ægri, quod nihilo maiore habet malitiam, quàm mente constare, bonitatem. Præterea in febre

febre biliosa siti vacare maiorem bonitatem ostendit,quàm sitire,malitiam.

APHORIS. XXXIII.

In morbis minus periclitantur, quibus natura & habitus, & ætatis, & regionis morbus fuerit magis familiaris, quàm quibus secundum nihil horum fuerit familiaris.

COMMENT.

Minus periculum imminere à morbis similibus,quàm à dissimilibus prædicere docet in præsentiarum. Similes autem morbos dicimus cognatos, proportionales, & familiares, similes vero esse decet naturæ, hæc est naturalis temperatura, aut habitui. est autem habitus moles corporis crassitudo & macilentia. Aut ætati, aut regioni, continet autem regio aëris temperiem, cælestatum, & anni tempus. Cum verò alicui horum, aut omnibus morbus est familiaris, & similis, minus est periculosus, quàm vbi nulli horum fuerit similis. Exemplum est, febris tertiana, quæ si æstate fiat, in iuvene macilento, & temperatura calido, minus mala erit, quàm si hyeme, aut senili, aut crasso homini, & pituitoso eveniret. Tota ratio ad causæ magnitudinem refertur, deinde ad id, quod maior causa effecit. Maior etenim causa est, quæ potuit tertianam in sene, & hyeme generare, quàm quæ æstate, & in iuvene, & reliquis. Causæ igitur ratione maius ab illa, quàm ab hac tertiana febre periculum imminet. Maius item ab eo, quod factum relinquit causa, siquidem distemperies, quæ frigidum

Morbus similis.

Morbi similes minus periculosi.

corpus febrile cogit, maior est ea, quæ calidum, & quæ hyeme maior, quàm quæ æstate: nam æstate calor non multus supra temperamentum proprium, adiutus calore ambientis læsionē manifestā faciet in actionibus, secus in hyeme. Neque obstat quòd morbi calidi hyeme facilius curentur: nam aliud est facilius curari, aliud periculosum esse: & si enim hyeme tertiana facilius curetur, quàm æstate, id intelligendum est, vbi pares fuerint causæ facientes, verùm causa faciens æstate tertianam est minor, & ea ratione facilius curatur, quā quæ hyeme fit à maiori causa: quamuis si febris tertiana æstate fieret, facilius curaretur hyeme, aut frigida constitutione aëris, quàm æstate, difficilius tamen ea curaretur hyeme, quæ hyeme facta foret: Neque etiam obest, quòd raucedines, & grauedines, in valde senibus non maturantur, autore Hippo. apho. 40. sequenti, qui de valde senibus loquitur, quibus nulli alij conferri debent ob virium lāguorem, præter id, quod non dixit Hippo. raucedines, & grauedines, quæ senibus sunt familiares, esse magis periculosas, sed non perducì ad coctionem, idque citra periculum. Neque etiam obstat quod lib. 1. De mor. pop. dixit, maximè mori eos, quorum natura vergebat ad phthisim: illis enim familiaris erat morbus, quia natura eorum vergebat in eum morbum. Verùm ibi naturam dixit corporis constitutionem, & compositionem, hic tamen naturæ dicit esse familiares morbos, qui sunt similes naturali temperaturæ. Hæc sententiā citauit Gal. in Com. ex lib. 1. De mor. pop. quamuis ea non ita scripta sit

fit: citat etenim eam non vt scripta est, sed vt scribi deberet, vt docet in Comm. eius loci. Sed dices, nōne sicca cōuulsio magis periculosa est, quā humida, & neruus est natura siccus, & propterea sicca conuulsio est eis familiaris? Benè quidem, cæterum non conuenit diuersos morbos vni naturæ, aut temperaturæ conferre, quando quidem neque ipsi parem habent malitiam, neque par periculum minantur, sed sicca cōuulsio semper maius, quā humida: decet autem conferre vnum morbum diuersis ac contrariis naturis, vt Gal. in Comm. facit, ac ita veram & perpetuam inuenies aphorismi sententiam: conuulsio etenim sicca magis niala est neruis humidioribus, quā siccioribus. Qua de re honestissimis verbis admonuimus lectores lib. 3. Prog. in annotationibus in 36. Gal. Commentarium, vt deinde hac collationis forma vterentur. Ille vero, cuius antè meminimus, veritate cōuictus admissit expositionem, nō potuit tamen se ipsum continere, quominus præceptor foret contumeliosus.

APHORIS. XXV.

In omnibus morbis partes circum umbilicum, & imum ventrem crassitudinem habere, melius est: valde tamen tenuis, & contabefactus, malum: periculosum verò ad infernas purgationes, quod tale est.

C O M M E N T.

Totus venter, qui abdomine definitur auctore Gal. in Comm. in tres partes diuisus est, in hypo-
chondrium, quæ pars infra costas est, & ensifor-
Venter.

mem cartilaginem à latere in latus, vt li. Prog. 1. in expositione 23. ostendimus, & in partes, quæ sunt circum vmbilicum, & hypogastrium, siue imum ventrem, Græci ἡ τρυον dicunt, pars ab vmbilico vsque ad pubem. Meminit verò Hipp. partium circum vmbilicum, & imum ventrē, quam-

*Partes cir-
cum vmbi-
licum cras-
situdinem
habere.*

uis & de hypochondrio idem dici possit, & forte in partibus circum vmbilicum comprehendit ipsum hypochondrium: laudat autem eas partes, vbi crassitudinem fuerint nactæ: si quidem dum tales fuerint coctiones in ventre & iecore probè perficientur, adiuto ab ipsis ventriculo & iecore ad chyli & sanguinis confectionem. Melius igitur erit ita se habere, quàm extenuari vtcunque. Valde tamen extenuari, ac contabescere malum esse dicit, ob contrarias causas, imbecillæ siquidem fient in ventre naturales actiones, ob caloris defectum. Estque hæc dispositio ad inferiores purgationes periculosa: nam ad eas opus est vti animali facultate, quæ in musculis ventris suum munus exercet compressione. Non meminit autem purgationum quæ fiunt per superiora, quoniam ex eius sententia notissimum euadit: nam si ad inferiores purgationes periculosus est, venter extenuatus & tabefactus, in quibus minus laborat, quàm in vomitionibus, multo erit ad vomitiones deterior. Id itaque vt manifestum Hippocrat. prætermisisse testatur Gale. Ille verò qui Gal. placita ferre nequit, nedum mea, neminem qui sua scripta intelligat, Gal. sententiam probaturum, dicit, is verò neminem forte vidit vomentem: nam ita facile intellexisset, quanto maiori labore

labore musculi ventris vomitum, quàm deiectionem exercent. Similem huic sententiam scripsit Hippo. Prog. 19. lib. 2. dicens: Decet autem in omni morbo vètrem flaccidum ac bonæ molis esse: quod enim hoc loco dixit, *πράχος ἔχειν*, id est, crassitudinem habere, illic dixerat, decere ventrem esse *εὐογκον*, id est, bonæ molis, quod est crassos esse musculos ventris.

APHORIS. XXXVI.

Qui sana habent corpora per medicamenta purgati, citò exoluuntur, & qui prauo vtuntur cibo.

C O M M E N T.

Admonet Hipp. abstinendum esse à purgantibus medicamētis, quæ humores à proprietate ducunt, quorum etiã erat vsus apud sui tēporis medicos. Id vero in sanis corporibus, & in his, qui prauo cibo vtuntur, adiiciens causam, quoniam per purgationes prædicta corpora cito exoluuntur. Sana etenim corpora, & quæ nullo modo sunt neutra, nulla egent purgatione: ea enim neque membrum aliquod ægrum habent, neque parata sunt iam iã ægrotare, neque futuro tempore: quapropter neque succos prauos cōgesserunt, vt opus habeant purgatione præuisua, qua vbi vtantur, bonos succos euacuari, & carnes ipsas liquefcere necessum erit, ac perinde dissolui vires. Loquitur autem de sanis etiã si non sint ad modũ sani: nam sani qui non admodum tales sunt, non egent euacuatione per purgantia medicamenta,

Sana corpora purgari non debent.

Cibo uti.

quibus satis faciet ad excrementorum vacuationem exercitatio. Qui verò prauo vtuntur cibo, non sane qui nunc primum ipso vescuntur, sed qui diu ante, & etiā modo ex arbitrio, aut inopia cogente prauis cibis utebantur, atque adhuc vtuntur, medicamento purgati celeriter exoluantur: uti enim cibo aliquo dicuntur, qui illi cibo assueuerunt: præterito namque tempore prauos cibos cōgesserunt, & paucum bonum sanguinem, & ea de causa vires habent languidas, & quæ purgationem non ferent, quin exoluantur. Præterea qui cum virium languore abundantiam habet prauorum succorum, leui eget purgatione, ac repetita, & interim bono cibo ad refectiōem & epictasim, ut prima sectione Comm. 16. Gal. docuit: quod si prauo adhuc cibovtuntur, minime reficientur: dissoluentur autem cito. At verò nulla ratione dici posset cibus, quo quis vtitur (ut quidam dixit) de cacochoymia, qua nemo vnquam vsus est, sed de externo cibo, qui hanc quoque generare valet. Sana igitur corpora purganda non sunt, & quæ prauis vtuntur cibis, per epictasim curanda, & prauo cibo in meliorem mutato: nam si prauo adhuc vtantur exoluentur purgatione.

APHORIS. XXXVII.

Qui bene se habent corpore, purgationes moleste ferunt.

COMMENT.

Qui bene se habent corpore, sani sunt, de quibus etiam scriptus est præcedens apho. teste Gal. in Com. verum vnum tantummodo malum atq;
id

id magnū eis euenire scripsit in præcedenti, nempe exolutionem, vbi purgētur, modo generaliter molestum esse dicit, si sana, aut bene valentia corpora purgētur medicamentis, vno verbo, multa praua symptomata colligens, fastidium, inquietationem, ventriculi lancinationem, vertiginem, & deinde exolutionem, sanguine atque carne liquatis. Quod fit vbi medicamentum humorem, quem similitudine substantiæ trahere solet, non inuenerit.

APHORIS. XXXVIII.

Paulo deterior potus & cibus, suauior tamen, melioribus quidem, sed minus suauibus, magis est eligendus.

COMMENT.

Quā plurima concedere debet medicus in gratiam ægrotantiū, quorum Hipp. li. 6. De mor. pop. par. 4. meminit, dicens: Gratia ægrotantibus, vt munde conficiantur tum potus, tum cibus, & quæcūq; viderit, mollia sint quæcūq; tangat, alia non valde lædant, vel facile emendentur, vt frigida, vbi ea opus sit. Modo verò in gratiam ægrotorum eisdem concedere docet cibus, & potus paulo deteriores eis, qui sibi cōueniunt ex arte, vbi fuerint ipsis ægris suauiores reliquis, cōsque eligendos magis dicit, melioribus, sed minus suauibus. *Gratia ægrotantibus.* Ductibus rationibus id conuenire notum est, quoniam aliquid est permittendum in ægrotorum gratiam, cum id non fuerit multo, sed paulo deterius, vt inquit Hippo. ægri enim, quos gratos habemus, magis confidunt, & propensius parent. Tum etiam quoniam quod paulo deterius est, id à ventriculo
lz.

Paulo deteriores cibos eligendos.

cùm suauius fuerit, magis amplexatur, & deinde coquitur melius. Præterea cibi, quos appetimus magis, quique sunt nobis magis familiares, minus à nostra substantia dissident, & facilius symbola in nostram naturam transeunt, quàm dissymbole: quæ igitur suauia, consueta, grata, & amica nobis sunt, etsi paulo deteriora fuerint, magis sunt eligenda, quàm meliora minus suauia, minus amica, & minus consueta: nam hæc melius commutata, meliora redduntur. De suauibus tantum loquutus est Hippoc. Scimus autem in suauia alimenta, quamuis boni succi, nauseam, & fluctuationes in ventre facere, vt Gal. in Com. docet, cuius verba hîc apponemus, quoniam Græci codices mendosi sunt, & solius aduerbij ἔν, id est, igitur, transpositione corriguntur: sic itaque legendi sunt, ἀποχωρεῖν δὲ ἀπὸ τῶν ἀηδῶν ὡς ἡ τοι ναυτίας ἐπιφέρειν, ἢ πνευμαλίωσεις, ἢ κλυδῶνας, ὅπερ ἐπὶ τῶν πλείστων καὶ εὐχύμων ὄντων γίνεσθαι, ὅταν ἔν ἢ μικρῶ χειρὸν, ἐπὶ τῶν ἢ δὲ ὡς λαμβανόντων οὐ μόνον οὐκ εἶ χειρὸν, ἀλλ' ἐνίοτε καὶ βέλτιον γίνεσθαι. Quod est, recedere autem ab insuauibus, vnde & nausæ fiunt, & flatus, & fluctuationes, quod & plurimis boni succi cibis accidit. Quando igitur paulo peior fuerit, in his, qui cum suauitate sumuntur, non modo non peior, verùm quandoque melior fit.

APHORIS. XXXIX.

Seniores iuuenibus magna ex parte agrotant minus. Quicunque autem morbi diutini eis eueniunt, magna ex parte eisdem commoriuntur.

COMM.

C O M M E N T.

Longe aliter sensisse videtur Hippocrat. de senum & iuuenum ægrotatione, hîc & libro de victus ratione, vbi ita scriptum reliquit. Ex ætatibus pueri sanissimi, secundo iuuenes, morbosissimi, qui maxime senes, & eis proximi. Caterum nulla re dissentiant hæ sententiæ: nam aliud est quempiam paratum esse ægrotare, aliud actu ægrotare: senes namque magis iuuenibus sunt ægrotare parati: de qua ægrotandi ratione & præparatione loquutus est lib. De vict. ratione: siquidem senes minus valentem habent calorem, minus natura, & frigida sua temperatura possunt cibos superare, & causis morbos inducentibus obistere: iuuenes autem actu frequentius ægrotant: & de hac ægrotandi ratione modo loquitur: iuuenes enim quamuis validi sint, plurimos errores committentes in victu, imprudentes frequentius ægrotant: vt enim tertia sectione sequenti, Comm. 29. Gal. scribit iuuenibus plurimę accidunt ægritudines, non ob imbecillitatem, sed ob incontinentiã: quoniam vulnerantur, franguntur, saliant, clamant vehementius, refrigerantur, humi cubant & replentur. Id verò magna ex parte intelligendum est, quoniam iuuenes ob malã viuendi rationem frequentius ægrotant, senes ob prudentiã modice viuentes rarius. cùm vero non omnes idẽ faciant, sed quidã senes sint incontinentes, ebrij, & luxuriosi, hi frequentius ægrotabunt iuuenibus: habent enim internã & externã ægrotandi causam: iuuenes tamen, vbi incōtinentes fuerint, externam tantum. Sed dicit aliquis Hippocrat.

*Iuuenes
frequentius
ægrotant.*

*Falsa opi
nionis re-
fu. auo.*

sententiam non esse ad victum referendam, ut voluit Gal. si enim ita foret, non tantum senes, sed quicumque alterius ætatis, meliori victu utentes minus ægrotabunt, neque senes omnes meliori utuntur victu: neque multum interesset admovere eos salubrius degere, si meliori victu utantur. Cum autem iuvenes bile multa ac sanguine abundant, in acutos morbos crebro incidunt, crebro quoque ab eis liberantur: senes vero cum frigidiores sunt, acutis morbis non deprehenduntur calidorum succorum copia diminuta: & si in acutos morbos inciderint, non solent ab eis liberari. Hac igitur ratione (inquit ille) præstat senectus iuventuti, quod in mulieribus experimur, quæ cum toto iuventutis tempore multis vexaretur morbis, & crebro, mensibus ob senectutem cessantibus, cessare solent. Ego sane non video quibus rationibus convictus quispiam vel modice eruditus, hanc expositionem acceptet. Gal. verò auctoritatem, & præclaram, quæ retulimus ipsius interpretationem, deferat. Cum enim huius novæ expositionis autor dicit, sententiam Hipp. non esse ad victum referendam quoniam quicumque alij bono victu utentes, minus ægrotarent, quid ad rem est ne falsa sententia de senibus, quoniam de aliis vera esse potest? Præterea de senibus illud docuit, quoniam de his non ita credi posset, minus iuuenibus ægrotare. Rursus quamvis alij à senibus moderatè vivere possint, senes tamen fere omnes modicè viuunt, non alij: cum autem dixit non omnes uti meliori victu, verum est, atque ob id dixit Hippoc. magna ex parte. Interest autem non

non parum, nos admonere eius quod videtur à ratione alienum, non tamen à veritate. Neque intelligi debet sententia de acutis morbis: nam vt ipse dixit, senes non incidunt in acutos morbos: & si inciderint, non euadunt ab eis, quapropter non opus fuisset magna ex parte dixisse eos minus acutis morbis corripì: nā hoc perpetuum est, & in omnibus senibus ita euenit, vt minus quàm iuuenes acutis morbis corripiantur: atque id est, quod non foret Hippo. dignum admonere, senes minus capi ab acutis morbis, quàm iuuenes. Sed tamen iure dixit seniores iuuenibus minus ægrotare, vbi senes ad morbos senum, & iuuenes ad iuuenum morbos conferantur. Præterea vbi iuuenis moderata victus ratione vtatur, atq; etiam senex, nemini dubium iuuenem minus frequenter ægrotaturum acutis morbis, quàm senex longis, aliàs non foret iuueni sanitas melior, nec foret verum temperata corpora magis obsistere causis morbum inducentibus. Quod vero de fœminis dicit, est falsum, quamuis aliquando id euenisse sit visum: nam quæ purgantur saniores sunt, quàm quæ non habent connatam aliquam viam expurgationis, & fœminæ, inquit Hippo. non laborant podagra, nisi ob defectum mensium, sic & asthmate, & capitis ingētissimis doloribus easdem laborare cōspicimus. Addit Hippoc. Senes per morbos diutinos quī eis eueniunt commori, quod est non liberari ab ipsis. ratio est, quoniam morbi diutini à crassis pendent humoribus, hi vero magna ex parte manent incocti, & ipsis manentibus morbus ad mortē vsque seruetur. Quo-

niam tamen nonnunquam à medico & natura,
& tempore adiuti liberantur, id magna ex parte
fieri dixit.

APHORIS. XL.

Raucedines & grauedines in valde senibus, non maturefcunt.

*Raucedi-
nes & gra-
uedines.*

COMMENT.

Cùm in præcedenti apho. dixisset per diutinos morbos commori senes, in præfenti exemplum apponit, & causam reddit: Raucedines & grauedines, dicēs, invalde senibus nō maturefcere. Quod de his duobus morbis dixit, de omnibus longis morbis intelligi debet, nēpe asthmate, podagra, gibbositate, repanditate, & diuaticatione. Causa autem quare his commoriūtur est, quoniam non maturefcunt: morbi autem à materia pendentes non finiuntur ante maturitatem. Raucedo Græcis βράγχος dicitur, humore à capite, in guttur, & asperam pulmonis arteriā delapso: grauedo Græcis κόρυζα, est delapsus humorū à capite in nares: vbi vero in os, & palatum defertur, κατάρρος, sicut est, distillatio diceretur, harum vocum expositiōnem li. 3. Prog. 49. expositiōne tradidimus, & autorum diuersas sententias explanauimus latè, contra quàm Fuchsius in præfenti Commentario.

APHORIS. XLI.

Qui sæpè ac validè exoluuntur, absque manifesta occasione, repente moriuntur.

COMMENT.

Ad partem artis prognosticam attinet hæc sententia.

tētia. Mortem siquidem repente venturam prædicat, si quis exoluatur, sepe, valide, & absq; manifesta occasione: vbi enim aliquod horum defuerit, non necessum erit mortem sequi. Quod tamen de causa manifesta dixit, inde cōstat, quod causæ manifestæ plurimæ possunt animi dissolutionem afferre, quas tollere non erit admodum difficile, ipsis autem sublati æger liberabitur: incidunt enim nōnulli in animi deliquium, ob balnei calorem, aut vaporem, aut ob inædiam, aut iram, aut vehementem motum corporis, aut animi, & fœminæ ob vteri strangulationem, à qua etiam nōnullæ citò liberantur. Exolui autem idem est, quod animi deliquium pati: nam autore Gal.li.i. De arte cur. ad Glau.ca. De febribus cum accidentibus: cōsuevere medici de eadem re hæc duo nomina dicere, ἐκλυσις. & λειποθυμία, id est, *Exolui sa-
pe ac vali-
de sine oc-
casione
manifesta*
exolutio, & lipothymia, siue animi deliquium. *ἐκλυσις.
λειποθυ-
μία.* Cæterum animi deliquium, non est cordis passio, vt quidam existimant: syncope enim ad cor, & vitalem facultatem pertinet, animi deliquium verò ad animale: Gal. enim lib. De sang. missione, vbi sanguinem mittere docet ad deliquium animi, manum pulsui admouere, & pulsus diminutionibus animum aduertere præcipit: non igitur deest pulsus in animi deliquio, sed animo deficiente, id est animali facultate, vitales vires constare decet, & aphorif. 22. Hippocrat. præcipit euacuationes ad animi deliquium, si vires possint id ferre: cum igitur animo linquant, adhuc constant vires, nempè vitales, quia animalis deficit. Quod Gal. in Comment. explicuit, lz. iij.

de his qui exoluuntur, dicens: ἔτοι δι' ἀρρώστιας
τῆς ψυχικῆς δυνάμεως τῷ πάσχουσιν, hoc est, hi
ob imbecillitatem animalis facultatis, hoc patiun-
tur. & addit, Sicut & ille, cui dum exolueretur,
cor fortiter palpitabit, de repente mortuus est, non
alter, quàm illi, qui acutissimas cardiacas synco-
pas patiuntur. Hinc constat Fuchsium inutiliter e-
mendasse codicem Græcum, & male pro animali
facultate legisse vitalem, quoniam non pertinet
ad eam lipothymia: verū ubi quis repente, ac va-
lide absque manifesta causa, animo linquat, non
longe abest periculum incidendi in defectū vita-
lis facultatis, & mortē subitam, præsertim super-
uenientē syncope, quod fieri aliquando vidimus:
syncope verò ex sudore cognoscēs: qui enim in
ipsum incidunt sudant, non tamen deliquium ani-
mi patiuntur. Præterea in syncope palpitatio, &
saltus cordis frequenter accedunt, & pulsus sum-
mus lāguor, & inæqualitas, sine quibus sæpe etiā
videmus deliquia animi. Diximus absque manife-
sta occasione: Græce enim habetur, ἀνευ φανερῆς
προφάσεως. Vtitur autem pleonasmō: nam πρόφασις
manifestam causam significat, apud Hippoc. Gal.
enim li. 2. Prog. Com. 46. inquit: προφάσεις ἔωθεν
ὀνομάζειν ὁ ἱπποκράτης τὰς φανεράς αἰτίας, quod est,
προφάσεις, consuevit Hippo. nominare, manifestas
causas.

APHORIS. XLII.

*Solvere apoplexiam, fortem quidem im-
possibile est: debilem vero, non facile.*

*Apople-
xia peri-
culosa est.*

COMMENT.

Fieri nequit, quin apoplexia morbus sit maxi-
me

me periculosus, per eam enim autore Gal. in Cōmentario, aut cerebrum patitur dispositionem inflammationi similem, aut eius ventres multa implentur pituita, & lib. 3. De lo. p. cap. 7. de melancholia, mania, resolutione & aliis loquens, inquit: In omnibus his affectibus, in quorum numero apoplexia quóque continetur, periculi magnitudinem ex respirationis nocumento coniicere oportet. Hac ratione magnā aliquam apoplexiam, siue fortem intelligemus, ubi respiratio fuerit admodum difficilis, inæqualis, & stertorosa: quòd si fiat non admodum difficilis, & aliquem seruet ordinem, erit debilis, in medio harum sunt multæ differentię, maioris, & minoris, ratione diffidentes. Magna non curatur, quoniam ob respirationis interceptionem cordis calor suffocatur, antequam humor crassus, aut viscidus, qui ventres cerebri affatim implet, autore Gal. loco citato, excutiat: levis curari, quamuis difficile, potest. Ex mediis illæ, quæ magis accedunt ad fortem, non curantur, aliæ cum magna difficultate, & raro. Qua tamen ratione curari debeat, lib. 3. De arte medendi docuimus.

*Magna
apople.
quare non
curatur.*

APHORIS. XLIII.

*Eorum qui strangulantur, ac moriuntur,
nondum tamen mortui sunt, non referuntur,
quibus spuma fuerit circa os.*

COMMENT.

Pertinet hic Aphorif. ad prædicendi artem, ac docet non referri ad vitam eos, qui cum fuerint

*Spuma
causa.*

stragulati, siue laqueo suspensi, ac demortui, nō-
dum tamen mortui, spumam ore miserint: spuma
duas habet generationis causas, vt Galenus do-
cet in Commentario huius Apho. & libro secun-
do Prognst. Commentario quadragesimo septi-
mo, vehementem motum, & feruentem calorē:
materia verò est flatus humori commixtus, in
multas, ac paruas bullas dispersus. Eorum, qui stra-
gulantur laqueo suspensi, quidam soluto laqueo
celerrime, manent superstites, & parum lassi,
quidam tardius soluti, manent demortui, & iam
morientes, quos appellat Hippocrat. vt & alii,
καταλυομένης. De his, qui moriuntur, nondum
tamen mortui sunt, docet spumam considera-
re, ac prædicere, si spumam ore mittunt, libera-
ri non posse, quod est, non referri ad vitam: ef-
ferri enim dicuntur mortui ad sepulturam, *ἀνα-
φέρειν*, verò, id est, referri, qui à tumulo, aut mor-
te, ad vitam referuntur, aut reducuntur. Ratio
tamen quare qui spumam mittunt, non referun-
tur, aut raro, sic enim inuelligenda est senten-
tia, est, quoniam raro visum est, vt qui ad id
mali peruenit præ nimio calore pulmonis, &
cordis, & vehementi accedente pulmonis ac tho-
racis agitatione, spumam mittens, substantia &
natiua pulmonis humiditate, liquatis, & partim
in flatum versis, liberetur.

A P H O R I S. XLIIII.

*Crassi admodum à natura, breuioris vitæ
sunt quam graciles.*

COMMENT.

De gracilibus & obesis lequens Hippocr. gra-
cilium

cilium habitum ad viuendum meliorem esse dicit, quàm crassorum admodum, natura]. Decet autem [crassos, siue obesos, ad corpus moderatum conferre, quod Gale. in Comm. appellat *ὑσάρκον*, id est, modicæ carnis, aut, vti Cels. li. 2. *ὑσάρκον* cap. I. quadratum. Non est autem bene carnosum appellandū, quoniā vt Grammatici dicunt, nomina in osus significant abundantiam. Bene carnosum igitur dicentur, qui carne abundant. Ad moderatos itaque facta collatione melius, inquit, est ad gracilitatem, quàm ad crassitudinem labi, pari intellecto in ambobus excessu, aliàs nihil referret dicere, ad modū crassorum habitum magis malum esse, quàm graciliū, nō admodū. Causam Gale. in Com. ad sanguinis & spiritus copiam refert: crassi enim admodum, angustas habent venas, & arterias, si tales à natura & prima ipsa generatione fuerint, ac perinde calorem, sanguinē, & spiritum paucum in ipsis continebunt. Cum vērò ab his vita seruetur, breuis erunt vitæ, crassi admodum à natura. Qui verò crassi, victu & quiete, facti sunt, non item pauci sanguinis, & angustorum meatuum erūt. Graciles præterea à natura amplas habent venas, & arterias, multum sanguinem, copiosum spiritū, & natium calorem, à quibus diutius vita seruantur.

Crassi admodum, natura.

Graciles natura.

APHORIS. XLV.

Eorum, qui morbo comitiali laborant, pueri, mutatione potissimum ætatis, regionis, & victus liberantur.

*Comitiales
laborantes.*

De pueris morbo comitiali laborantibus præ-
sens sententia docet, salutis spem sitam habere in
mutatione potissimum ætatis, regionis & victus.
Gale. secti. 5. Comment. 7. legit etiam, locorum.
Laborant sane comitiali morbo frequenter pue-
ri: hi sunt ante 14. annum, ob temperaturam hu-
midam, & cruditates, quas acervant, ob inordina-
tum viuendi modum: reliquum igitur est, vt acce-
dentibus his, quæ siccare ipsos possint, sanentur.
Explicuit autem Hippo. ætatem, & hanc potissi-
mum eos sanare posse dicit, quoniam etsi alia iu-
uent, ætas eos sanare solet. Quod ex his maximè
constat, quæ ab ipso scribuntur Apho. 7. sectionis
5. vbi pueros morbo comitiali laborantes muta-
tionem dicit accipere posse, post 25. annum ve-
rò, commori, quod si aliæ mutationes, vt regio-
nis, & vitæ possent eos curare, post 25. annū reci-
perent mutationem. Vidimus autem non paucos
pueros mutatione ætatis liberatos, nullum tamē
post 25. Regionis quoque mutatio ab humidiori
in sicciorem valde iuuat. Comprehendit autem
regio habitationem, aërem ambientem, & anni
tempus: ab omnibus enim his iuuatur, sic & à vi-
ctus mutatione, quam βίον, id est, vitam appellat
Hippo. nam vita est viuendi norma, & vitam mu-
tare, est mutare modum viuendi, quod compre-
hendit, alimenta, potus, exercitationes & artes.
Diximus tamen, pueri, quoniā de pueris loquitur
Hippo. cū dixit, τοῖς τε νέοις, est autē νέος, hoc lo-
co puer, nō iuuenis, quoniā iuuenes sunt à 25. an-
no in 35. vt supra de ætatibus agentes docuimus.

At

βίος.

Νέος

At nulli liberantur post vigesimum quintum annum à comitiali morbo, ex Apho. 7. sect. 5. Quāvis iuuenis, *ut* sic sit appellatus ab Hippoc. Progno. 14. lib. 3, quo loco idem nos aperte docuimus in nostris expositionibus, & infrā hac eadem vtitur significatione Apho. 49.

APHORIS. XLVI.

Si duo dolores simul fiant, non in eodem loco, vehementior obscurat alterum.

COMMENT.

Quoties imaginatiua vis animę in diuersa distrahitur, singula minus bene cognoscit, atque ita phreneticorum respiratio fit magna & ex longis interuallis, vt inquit Hippoc. li. 1. Prog. Vehementibus etenim imaginationibus distracti abundantiam caloris & respirandi necessitatem non sentiunt, aut tarde: sic & validis imaginationibus detenti, delata ob oculos non videmus. Pariter si quis duos dolores simul patiatur, non in eadem parte maior obscurat alterum: quoniam maior animam ad se conuertit, hæc vero dolori maiori vehementius intenta, minus alterum sentit, hoc est, minus sentiet causam, quæ minorem dolorē infert. Dolor item de causis trahentibus est, quoniam concitat animalem facultatem, hæc vero ad partem dolentem mittit spiritum & sanguinem, vt auxiliares copias. fiet igitur, vt non tantum, quoniam animum distrahit, maior dolor alterū minorem reddat: sed quoniam spiritus est potissimum animæ instrumentum, quod si aliō vertat, minus alio loco ministrabit sensui. Accedit etiam

Duos dolores nō in eadē parte patietes quare minorem minus sentiet iustus

quodd sanguis impetu missus in partem dolentem, continuitatem partis soluit: si verò in aliam partem distrahatur, minus in alteram confluet, minus disrumpet, ac minorem dolorem efficiet. His de causis rectè dictum est Hippocrat. Si duo dolores simul fiant, non in eadem parte, aut loco, vehementior obscurat alterũ: fieri autem nequit, quin minor, quòque aliqua ex parte maiore minuat, quoniam his quo tempore sentitur, animam distrahet. Si tamen in eadem parte lata, veluti brachio, aut crure, aut capite, fiant, vnus alterum non obscurabit, sed potius eundem augebit: non enim aut animam ipsam, aut fluxionem distrahet in alium locum. Nam & nos arte dolorem tibiæ sedare aut minuere volentes, non fricamus tibiæ ipsam, neque cucurbitulas eidem apponimus, distrahendi ratione, sed brachia fricamus, aut ligamus, aut alteram tibiæ. Cùm itaque dixit, non in eodem loco, partes corporis locos appellat, & modo non eandem exquisitè intellexit, quoniam vt Galenus inquit, in Commentario, nunquam in eodem loco exquisitè fiunt duo dolores, sed in eodem lato loco, in quo fieri non debent, vt valeat maior minorem obscurare. Sed dices, ponamus partem quampiam secari candenti ferro, eo tempore pars illa simul sentiet continuitatis diuisionem, ac calorem subito illatum exurentem: quare duo tristes sensus diuersorum obiectorum, & duo dolores simul eandem partem exquisitè occupabunt. Dicimus veram esse Gale. sententiam, & rationem hanc esse leuissimam: quoties enim duo immu-

tantia

*Duo dolores
res non fiunt
in eodem
loco exquisi-
te.*

tantia sensum adeo valide, vt dolorem inferant, se offerunt eidem parti, vnicus sensus tristis nascitur, non duo. Nam dicas si placet, Si qui ab igne solo secus posito vratur, an sentiat vnicum tantum dolorem? ita est sane, verum duæ distemperantiæ alterant subito & affatim ipsum, calor, & siccitas. Valet autem siccitas dolorem efficere coniuncta calori. Ecce duæ sunt causæ doloris distinctæ specie, vnicus tamen dolor: quoniam igitur & calor cādēntis ferri alterando, & corpus ferri secando, dolorem inferant, non efficient dolores duos, sed vnicum: aut oportet ibidem tres adesse dolores. Præterea cū dolor sit tristis sensus causæ subito mutantis, quamuis duæ causæ simul moueant, si vnius tantum, potest sensus rationem reddere, vnius quamuis confusæ, erit sensus non duarum, & vnicus erit dolor. Is tamē, qui vratur à candenti ferro, qui simul penetret, ignis scindentis tantum sensum habet, qui vrendo scindit. Cū igitur dolor sensus sit, si sensus vnum tantum sentit, & vnius tantum reddit rationem, vnicus erit dolor, non duo, aut tres. Præterea si quis corpora habētia colorem album, & rubeū obscurum, commisceat valde, colorem roseum efficiet, quē si visus inspexerit, vnicā efficiet sensationē, quamuis causæ sint duæ, & specie differentes. Quapropter etsi duæ causæ dolorum vni parti se offerant, vnica tantum erit sensatio confusa, atque vnicus dolor. Hinc fiet notū duos colores contrarios mixtōs, & duas qualitates contrarias, vbi simul eidem parti admoueantur, quā mouere possint, efficere motiones contrarias, sed

sensum vnicum, atque confusum, quo contraria sentiantur.

AHPORIS. XLVII.

Circa puris generationem, dolores & febres magis eueniunt, quàm ipso confecto.

COMMENT.

De signis est præsens sententia, & ad partem artis, quæ simiotice dicitur, pertinens. Ex signis namque docet agnoscere vigorem, ac declinationem inflammationum: dum enim conficitur pus, hoc est in vigore inflammationis, dolores & febres eueniunt magis, quàm ipso confecto. In generatione inflammationum humor confluit in partē, quam subingreditur à magnis vasis in patua, & ab his in minutissima, & poros membrorum transiens. Est autem principium totum id tēpus: dum verò is humor, qui in tumore continetur, efferuescit, & dilatatur, est tumoris augmentum. Deinde pus conficitur in summo vigore, ex ea parte, & carne interposita lacerata, & simul cum sanguine in pus transeunte. Interim tamen maiores quàm toto alio tempore inflammationis, concitantur dolores ob calorem, & diruptionem, & consumptionem carnis musculi, & vapore multo in cor transmissio, febres maiores. Hoc est quod voluit Hippo. & præterea pure confecto, hæc duo minora reddi, quoniam vapor puris exalauit, & feruor fuit depressus, & ea ratione febris minor. Dolor autem in pondus mutatur, & pro dolore, & morfu succedit partis grauitas, hæc verò

*Inflam-
zationum ge-
neratio &
tempora.*

verò est morbi declinatio. De putis generatione li. 9. Prog. in expositione vltima abunde tractauimus, quo loco probauimus vocē Græcam ἰχάρ, male conuerti, faniem, quod Fuchsius in Cō. hui⁹ Apho. fecit: siquidem fanies de crassa & tenui dicitur, ἰχάρ verò de sola tenui, vt legentibus constare poterit.

APHORIS. XLVIII.

In omni corporis motu, cum laborare cœperit, quiescere statim, laborem sedat.

COMMENT.

Ad partem, quæ docet valetudinem bonā tueri, attinet hæc sentētia: siquidem docet in exercitationibus, quando quiescēdum sit, & quòd sit labori, siue lassitudini adhibēdum remedium, nēpe quies. In omni corporis motu, dixit, hoc est, in omni exercitatione, quoniā hæc solet in laborē duce corpus, quāuis etsi leuiiores motus, quā exercitationes (quæ vehemētiores motus sunt) laborem effecerint, nihil minus quies remedium sit, cum cœperit is qui mouetur, πονέειν, id est, laborare, aut fatigari, aut dolere, hæc enim ea vox significat, quiescere statim, ἀκοπον, hoc est, laboris aut fatigationis, aut doloris remediū. Improbe tamen quis dixerit, ἀκοπον, id est, sine lassitudine: nam ἀκοπα ἀκοπον. medicamenta apud medicos dicta sunt, nō quoniā sine dolore, sed quoniā sedāt & mitigant dolores: non est autem idem sine dolore esse, & dolores mitigare, aut sedare, & sine lassitudine esse, & lassitudinis esse remediū. Erit quoq; terminus Lassitudinis terminus. exercitationem definiēs lassitudo, aut defatigatio, aut dolor, & rēdiū, vti priuatuum cōtra-

rium, quies. Galenus tamen libro secundo de sanita. tuen. exercitationis terminos statuit, miro modo, dicens: Post hæc exercitetur, dum & corpus intumescit, & color illi floridus apparet, & motus pròptè & æqualiter, & cōcinne edit. Inter hæc verò sudorem cum calido vapore mixtum cernes. Inhibenda verò exercitatio tum primum est, cum aliquod horum fuerit mutatum. Quippe si cōtractior paulò corporis moles videbitur, desistendum illico est. Si enim ultra quid pergat, etiam boni succi nōnihil educetur, atq; ita tū gracilius corpus fiet, tum aridius, atque ad incrementum minus habile. Nō minus profectò & si coloris gratia vanescat, cessandum est, quando si exercitationem continues, frigidum corpus efficies, & nimium exhauries. Iam motuum alacritas, æquabilitas, & cōcinnitas, si remitti quippiam, collabique cernitur, vtrique statim desinere conueniet. Itidem si in sudore accidat vlla qualitatis eius, quantitatisve mutatio, quippe quem & copiosum magis, & magis incalētem edi par est, prout motibus vehementiæ plus accesserit. Cum igitur his aut maior intelligitur, aut frigidior, tum scias digeri, exauriri que corpus, præterea refrigerari, ac siccati plus iusto. Quo magis solícite attendendo, exercitādo corpori est, ut cum dicta tum iam notarum quælibet apparet, protinus cesset. Hæc Galenus.

APHORIS. XLIX.

Assueti consuetos labores ferre, & si fuerint inualidi, aut senes, insuetis, validis, atque iuuenibus, facilius ferunt.

COMMENT.

Quantū valeat cōsuetudo ad labores, siue exercitationes ferēdas, probe admodum exaggeravit Hippo. dicens: Assuetos, inualidos, aut senes, facilius ferre labores consuetos, quā iuvenes, & validos, labores insuetos. Experimentum id sane verum esse docet. qui enim assuetus est à iuventute arare, aut remigare, aut terram fodere, senex factus, facilius id facere fert, quā iuuenis non consuetus. Id quoque in animi actionibus verum est: nā qui assuetus est legere literas diu, quāvis languidior, facilius id facit, quam robustior non consuetus, & cum minori visus noxa, & anima actus virtutis sæpe exercēs, in habitu cōstituitur, cuius gratia similes actus, aliās ipsi, aut aliis molestos, facilius exercet, & sine molestia. In his habitus est in causa, qui animam ad similes actus inclināt, & consuetudo in anima generatur, in actionibus ipsis corporeis. Quin & in naturalibus actionibus consuetudo nascitur superandi cibos, & quosdā cōsuetudine familiares facimus, quos facilius mutamus, & athletæ ex consuetudine plurimos cibos ingurgitant, & horum sumendi cibum ex consuetudine sequitur natura, & omnia hæc sine noxa. Nam & consuetudo, inquit Galenus lib. 2. De motu musculorum, est accessoria natura, & libro secundo De sanitate tuen. Cōsuetudo, inquit, ad cōstitutam naturam generat. Quòd si quæ nobis naturalia sunt, ea facilius ferimus, consueti facilius feremus. Itaque ut magnam consuetudinis vim ostēderet, prius sub dis iunctione dixit: inualidi, ut significaret debiles

*Consuetudo quanto
valeat.*

*Assuetus
naturales*

fac.

*Consuetudo
ad accessoria
naturam*

quacunque causa, & deinde senes, qui natura debiles sunt. Deinde coniunctim dixit: Validis atque iuuenibus, ut robur ætatis & naturæ consuetudinem superare affirmaret. Causa tamen Apho. scripta est à Gal. li. 2. De sanitate tuenda, ubi comoda, quæ sequuntur ad exercitationem scribens, dixit: Nam quoniam vehementior motus exercitatio est, necesse quidem est tria hæc ab ea perfici in corpore exercitando, membrorum duritiem ex mutuo ipsorum attritu, genuini caloris augmentum, & spiritus concitatiores motum: sequi vero hæc reliqua omnia priuatim commoda, quæ corpus exercitiis accepta refert, utique ex membrorum duritie, tum ut minus ex labore afficiantur, tum ad labores robur. Ferent igitur labores consueti facilius ob has duas causas, nempe articulorum duritiem, & virium robur. Idque Hippocrates libro De medici vulnerarii munere docuit, dicens: Quoniam exercitatio roborat, otium autem colliquat. Quod etiam Plato in Tætetō scripsit. Galenus quoque in Commentario De omnibus exercitationibus in summa dixit: Hoc tamen omnibus commune existit, quod partes exercitæ fiunt robustiores, atque ideo labores consuetos facilius ferunt. Perperam autem quidem Gale. reprehendit, dicens: non totam causam facilis tolerantia, quæ nascitur à consuetudine, esse in membrorum robur referendam, ut Galenus statuit, alia etenim est causa, nimirum, quod fibræ musculorum ad eam figuram, quam sæpe acceperunt, facile trahuntur, in alias difficile: Galenus enim in hoc Com. atque sequenti, quamuis dixit,

*Opinio falsa
sa confuta
tur.*

dixit, partes exercitas reddi robustiores, non negavit, aliam causam posse accedere ad facile ferendos labores, præter partium robur, neque tenetur omni loco omnes causas eorum quæ dixerit recensere. Nam & causam, quæ à fibrarum extensione sumitur, libro secundo De motu musculorum tradidit, dicens: Maiori autem ex parte ne deducere omnino ad extremam flexionem eius possumus, nisi manibus cooperati fuerimus, sed veluti claudum præ insuetudine ad hanc operationem habemus, solisque & saltatoribus, & luctatoribus facile flectitur, quibus vel solis perfecte flecti solitum est. Tantum igitur mediæ figuræ ad extensionem progressum est, quod perfecte caret dolore, quantum à diuturna consuetudine membrorum flexum est. Hæc igitur duo considerans in omnibus articulis, naturam videlicet, & consuetudinem, sic adinueniens medium, ac dolore carens. Hæc Galen. qui bus manifeste docet ab extensione facta musculorum per consuetudinem nasci facilem tolerantiam similium flexionum, ita ut sine dolore fiant. Neque illud prætermittendum videtur, Hippocra. in prima parte Aphorism. admonere, ut non dimittantur assueta exercitia, quoniam inde magna mala sequi solent, & nos ipsi vidimus multos, qui assueta exercitia dimiserunt, breui post in magnos morbos incidisse, & quosdam eorum mortuos. Id itaque est quod dixit: Assueti consuetos labores ferre, quod est non dimittere, neque fugere, aut detrectare labores assuetos.

l. iij.

APHORIS. L.

Quæ multo tempore consueta sunt, quamvis peiora, non consuetis, minus molestare solent, oportet igitur, & ad insueta permutari.

C O M M E N T.

Duo docet in præsentī Aphorism. Hippocrat. primum in præcedenti docuit speciatim in exercitationibus, modo verò generatim in omnibus causis, quas nō naturales dicere solemus, nempe cibis, potibus, somnis, vigiliis, impletionibus, vacuationibus, & animi accidētibus omnia comprehendens, cum dixit: Quæ multo tempore consueta sunt, quamvis peiora, non consuetis minus molestare, intellige, quamvis non consueta minus mala sint. In secunda parte consuluit ad insueta permutare, veluti colligens: si enim consueta minus molestant, omnibus assuefieri erit melius. decet igitur ad insueta permutari. Quod ad primam partem attinet, de exercitationibus dictum est in præcedēti Aphorismo. De cibis & potibus Hippocrates libro secundo De rati. victus acu. inquit: Cibos quibus uti consueuerunt, facile ferunt, tametsi natura haud quaquam boni fuerint, similiter & potus. Contra grauius ferunt cibos, quibus uti non assueuerunt, etiam si mali non sint, consimili modo & potus. De somno & vigiliis docent experimento monachi, qui tota vita media nocte a somno resurgunt, sine noxa. Impletionem docent athletæ, qui quotidie quammaxime implentur, & bonum suum habitum

Cibi & potus consueti.

Somni consuetudo.

habitum seruant ob consuetudinem & qui in aula degunt, singulis diebus cibos ferunt, qui quatuor hominibus forent satis, idque ob consuetudinem lautissimè epulandi. In animi accidentibus nihil refert dicere quantum valeat consuetudo ad ferèda mala. Causam horum in præsentiarum non referimus, quoniam singula dicta sunt à nobis libro secundo De arte medendi, quid inquam in singulis faciat consuetudo, & quo pacto contrariis assuescere sit melius: hoc admonet modo Hippocrat. quoniam diuersis rerù casibus, & aduersis fortunis subditi, atque obnoxii sumus: vt igitur contrariis fortunis aduenientibus parati simus, omnibus assuescere erit tutius. Qui enim definitam aliquam viuendi regulam perpetuo seruant, quouis casu adueniente moriuntur, aut grauiter ægrotant. Assuescere autem contrariis conuenit robustis & iuuenibus: vt id multo tempore facere liceat, quod dixit Hippo, & sine manifesta noxa, & postea multo tempore valetudine bona, & minime fragili fui. Consuetudinem verò nō esse permutandam quo ad ægrotant homines, in medendi metho. docuit Gal. Quamuis ex medicamentorum vsu frequenti notum sit ægris innasci consuetudinem, ob quam minus ab ipsis mutantur, quæ cogit medicos in alia medicamēta trāsire. Quin & venenis assuescere posse putarūt antiquiores, qui vetulā ferunt veneno sensim assuefactā, & ex Ruphi sententia puellam nutritam veneno, vt interficerentur per eam Reges & Præsides, qui cum ea

*Assuescere
re contra-
rijs.*

*Veneno
nutrita.*

conuenirēt, & consequutam esse intemperatura, quodam magni momēti, ita ut saliuā eius interficeret animalia, & non auderet gallina saliuā eius degustare. Gale. verò li. 3. De simplici. me. fa. cap. 18. cū de venenis frigidis probat, ea alere posse, inquit: Id quod anus Atheniensis experimento docuit, cuius apud omnes percelebris memoria est. Etenim ea ab exigua cicutæ portione auspicata, nullo detrimento ad permagnam progressa est copiam: principio enim paucum præ exiguitate, ipsa victum est, atque consuetudo naturale reddit. Nec enim nunc locus est, ut cui plurimum possit consuetudo, cūque velut altera adicititia natura sit, uti à veteribus proditū est, causam reddere.

APHORIS. LI.

Vniuersim & repente euacuare, vel implere, vel calefacere, vel refrigerare, vel utcunque aliter corpus mouere, periculosum. Et omne nimium natura inimicum. Quod vero paulatim fit, tutum est, præsertim si quis ex alio in aliud progrediatur.

COMMENT.

Præceperat ad incōsuetā transire in præcedēti Apho. quoniā id ad sanitatis securitatē videbatur esse necessarium, modū tamē transeundi definiit in præsentī, omne subitā mutationem vituperans, laudans vērō eam, quæ sensim fit. Et inquit, Vniuersim & repente vacuare, aut implere, vel calefacere, vel refrigerare, vel utcunque aliter corpus

*Subitam
tationes vi
superan-
tur.*

corpus mouere, periculofum eft. Et rationem adiungens ait: Et omne nimium naturæ inimicum. Huius ſententiæ veritas experimento facile conſtat: ſi enim vniuerſim corpus mutare quouis modo tentaueris, dolorem inferes, non tantum vbi à naturali diſpoſitione, in id, quod præter naturam eſt mutetur: verum & ſi à non naturali diſpoſitione in natiuam & propriam reducat. Dolorem enim infert omne partheima vniuerſim & ſubito ingruens, inquit Plato in Timæo. Non tantum igitur, quorum manus affatim & ſubito refrigerantur, dolent: ſed ſi manus ita refrigeratas igni applicuiſſent prope, ita tamen vt ſubito, & vniuerſim incaleſcerent, dolorem paterentur. Cauſam verò inuenire nō eſt difficile: Qui enim calidi aliàs à natura ſunt, ſi ſubito refrigerentur, ſymmetriam amittunt, vt Gal. in Comm. inquit, in qua ſanitas & propria natura ſeruatur, & aduenit ſubito aliena natura, quæ corpori recipienti contraria eſt. Quod ſenſim facta mutatione non accidit, tum quoniam non ſentitur, tum quoniam quod aduenit naturale fit, & conſuetum. eſt autem conſuetudo ad cititia natura. Cùm vero alteratur quis à diſpoſitione præter naturam verſus naturalem, ſubito dolor accidit ob inæqualem in temperiem, ex præcedente & adueniente compositam. Iure igitur ante Apollinis templum, vt inquit Plato, ſcriptum erat $\mu\eta\delta\iota\alpha\gamma\alpha\nu$, hoc eſt, nequid nimis: quod Hipp. in comprobationem ſuæ ſententiæ attulit. Modum autem in omnibus ſeruandum eſſe, notiſſimum eſt, atque id eſt, quod in alterationibus & vacationibus ſeruare præci-

*Mutatio
ſubita ad
naturale
diſpoſitione
ne dolore
infert.*

pit: nam id, quod paulatim fit, tutū est, præsertim cum ab alio in aliud mutatio fit, hoc est, cum consuetudinem mutare est in animo. Hanc eandem sententiam approbat li. 6. De mor. pop. par. 2. dicens: Contraria sensim adhibere conuenit atque interquiescere. Quod de consuetudinibus intelligendum venit autore Gal. in Comm. quas sensim mutare conuenit, non vniuersim. Et lib. 2. De rati. vict. acu. sect. 22. Hippo. repentinas mutationes dixit, noxam, atque imbecillitatem parere, tum his, qui bis in die comedūt, tū his qui semel. At noxam, & imbecillitatem parere nihil aliud est, quàm symmetriam, à qua vires pendent, subuertere. Diximus autem vniuersim & repente, nō vt alij interpretes, plurimum & repente, quoniā Hippo. hīc non de quantitate eius, quod vacuari debet agit, sed de modo seruando: de quantitate autem prima secti. egit apho. 2. athletarum exemplo. rursus apho. 22. & apho. 4. huius secti. nūc autem modum definit, nec vniuersim, nec repente vacuare docēs. Quod etiam ex ipsius verbis constare posset, qui dixit, τὸ κατὰ πολὺ καὶ ἐξαπίνης. nō est autem idem τὸ κατὰ πολὺ & τὸ πολὺ, id est plurimum: nam κατὰ πολὺ, contrarium habet in præsentī loco apud Hipp. τὸ κατ'ὀλίγον, id est sensim: qua propter quemadmodū κατ'ὀλίγον, & κατὰ μικρόν, id est, paulatim, modum mutandi significār, itā, κατὰ πολὺ, id est, vniuersim, siue aceruatiim. Accedit ad hæc, quod Gal. lib. 6. De mor. popu. Commen. partis citatæ docet, non esse, aspernandas cōsuetudines, ὅν τ' ἀθρώως μετέγειν, ἀλλὰ καὶ κατὰ βραχὺ, hoc est, neque vniuersim transferre, sed sensim

*Vniuersim
sim nō vacuare.
Interpres
taxantur.*

τὸ κατὰ πολὺ.

sensim, quo loco ἀθρόως, id est, vniuersim, aut aceruatim dixit, quod hic, κατὰ πολὺ, & ei apposuit κατὰ βραχύ, id est, sensim, quod idem est, κατ' ὀλίγον, id est, paulatim: qua voce utitur modo. Iure quoque cū dixisset vniuersim, addit, & repente: quoniam maiorem celeritatem mutationis significat repente, quā vniuersim.

APHORIS. LII.

Facienti omnia secundum rationem, si non succedant secundum rationem, non transire ad aliud manente quod visum fuit à principio.

COMMENT.

Lōgo verborum tractu, & proluxa oratione opus esset, si vellet quis hoc loco reprehendere medicos nostri seculi, quales & Gal. seculo fuere, qui quoties ad visendos ægrotos accedunt, noua alia, atque alia eis iniungunt medicamenta, non arte quidem, sed techna vtentes, vt videantur aliquid fecisse, & diligentiam accuram quammaximam adhibuisse, neq; possint accusari apud vulgus, & eos, qui ægrotis assistunt, quod æger aut mortuus fuerit, aut in periculo constitutus ob medicorum incuriam. Præterea vt iure mercedem reportasse videantur. Præstaret autem principio omnia probè perpendere, morbos & causas agnoscere, & singula diligenter considerare, deinde remedia admouere, à quibus recedendum nō esse præcipit Hippo. etiam si non succedat secundum rationem, vbi maneat ac perseueret, quod à principio visum est, id est, interim dum

*Medici
taxantur.*

*Secundum
rationem
factum
de agno-
scemus.*

immutata manet, indicatio, à qua motus medicus
ea specie remediorum est usus. Vt igitur aliquid
secundum rationem factum à nobis existimemus,
intelligere decet, in exemplo, aliam esse indica-
tionem in febre, quæ sumitur à morbo, qua mor-
bus est, aliam à morbo huius generis, scilicet ca-
loris: tertiam à caloris quantitate, exempli gratia,
quatuor numerorum. Qua morbus est, contrariis
eget, atque eis insistendum, quo ad morbus fue-
rit: qua verò calidus morbus est, frigidis eget, at-
que in eisdem persistendum quo ad morbi genus
seruetur. quatenus tamē quatuor est numerorum
calor, quatuor numeris, aut pluribus, frigidorum
vti decet: periculi magnitudine simul cum morbi
magnitudine perspecta, vt alibi docuimus, ac ser-
uare remedij quantitatem, & vires, dum seruetur
morbi quantitas. Manente igitur morbo contra-
rium obiciendum, & manente specie morbi, ma-
neat species contrarij: singulare verò remedium,
duabus de causis mutamus: aut quoniam morbi
quantitas mutata est: tunc enim mutamus ad di-
ctam mensuram præsidium, aut immutata morbi
quãtitate, mutamus præsidium in aliud eiusdem
quantitatis & speciei, quoniam consuetudo, non
patiendi causa est: idque cum videris non succe-
dere secundum rationem, in aliud tamen, aut al-
terius generis, aut eiusdem, sed diuersi vigoris,
non transibit medicus, manente eo, quod à prin-
cipio visum est. Dum tamen id fuerit probè per-
spectum, & ex artis præceptis cōsideratum, etiam
si non eueniat, quod secundum rationem foret
sperandum: Nam medicamenta, quæ ex ratione
&

& arte morbis conueniunt, ſepe ſolent longa pugna, & ſpatio temporis, eadem, aut ſimilia repetita, curationem perficere: id quod Gal. gutta aquæ exemplo docet li. 3. De tempe. & li. 3. De ſimpli. med. fa. & in præſenti Comment. Quemadmodum enim guttæ viſ non ſe ostendit in lapide vnico ictu, ſed plurimis: nam mollior aſſiduis ſaxum cauat ictibus vnda: ita medicamentum pro ratione adhibitum, ſæpius repetitum, ac perſeuerans ſuam oſtendet actionem, etiamſi non ſtatim veniat pro ratione auxiliij manifeſtum atque eſſatu dignum iuuamentum, aut forte noxa ſequatur non medicamento, ſed alterius cauſæ ratione, quam rurfus diſquirere cõuenit. Quamuis & hoc ſecũdum, his, qui non ſatis perſpectas habent cauſas, poſſet eſſe indiciũ à poſteriori, quos dicimus à iuuantibus & nocentibus, ad morbi dignotionem non paruũ, & ei qui non ſecundum rationem operatur, aut etiam morbum ignoranti, ad mutandum conſilium, remedium, & remedij ſpeciem.

APHORIS. LIII.

Quicunque iuuenes aluos humidus habent, melius euadunt, quàm quibus ſicca ſunt, in ſenectute tamen deterius euadunt: exſiccantur enim ſenefcentibus, magna ex parte.

COMMENT.

Ex enarratione apho. 20. huius ſectionis aperta eſt huius ſententia, qua Hippoc. laudat magis aluos humidus, quàm ſiccas: nam fluxili exiſtente ventre, minus cõgeruntur excrementa, quæ per

ventrem facilius, & copiosius purgantur, quàm ad ambitum corporis distracta. Et ea ratione iuvenes melius in iuuentute euadere, aut degere dicit. Quoniam tamen in senectute trāseunt in siccitatem, in ea ætate deterius degent, idq; magna ex parte, si quidem magna ex parte eam faciunt commutationem, quod ad integram veritatem vigesimi apho. fuit addendum.

APHORIS. LIIII:

Magnitudo corporis, iuuentuti quidem, liberalis est, nec indecens: senectuti verò inutilis, & peior paruitate.

COMMENTI

*Fuchsius
reprehenditur.*

Non est idem munus traducere, & exponere: qui enim traducit, autorum scripturam omnino seruare debet, quoad Latina patiatur lingua. Expositoris verò est dicere quæ sunt ad mentem auctoris aperte & perspicue, & si vera nō sint. Quāobrem Fuchsius & alij, male transferunt in hoc apho. proceritas, vbi Græce habetur, *μεγέθες*, id est, magnitudo, quoniam & si magnitudo hīc, pro longitudine non satis proprie, vt Gal. inquit, accipiatur, aliud est, quod dixit, & aliud quod ex verbis intelligere debet lector: nam & inutilis foret discursus in Gal. Comm. quo contendit manifestum facere, per magnitudinem Hippoc. intellexisse longitudinem, si ipse longitudinem, aut proceritatem dixisset. Hanc vtique dixit iuuenibus liberalem, *ἐλευθερίαν* dixit, id est, ad vsum facilem & liberam, non vt Fuchsius dixit, decoram: nam statim addit, nec indecens. & quoniam ei opposuit

opposuit, dicens, senibus esse longitudinem *δύσ-
χρηστον*, hoc est, inutilem, siue minime ad vsus a-
ptam: ac perinde paruitate, id est, breuitate peio-
rem, senibus. Erit itaque longitudo, quæ sine cras-
situdine est, & quadratura, in iuuenibus apta &
decora, & in senibus inepta, & deterior breuita-
te, quoniam hi statim adueniente senectute gib-
bosi fiunt, & incuruantur.



HIPPO. APHORISMORVM
sectio tertia, Christophoro
à Vega interprete &
expositore.

APHORIS. I.

Mutationes temporum maxime pariūt
morbos, & in temporibus magna mu-
tationes, aut frigoris, aut caloris, & a-
lia pro ratione eodem modo.

COMMENT.

Hæc tertia sect. aph. Hipp. circa duo ver-
satur: nam prima parte docet quantum
valeāt tempora, & temporum mutatio-
nes ad generationes morborum, & ad seruandas

*Mutationes tempo-
ris morbos
faciunt.*

aut mutandas naturas, quosque singula anni tempora procreent morbos: secunda per singulas ætates percurrere docet, quæ quibus morbis sint obnoxia. In hoc verò apho. mutationes temporum dicit maxime parere morbos. Porro non est à ratione aliena Gal. expositio, qua dicit esse intelligendum varias mutationes, quæ in temporibus euenire solent multæ aliæ post alias, parere morbos, & ea causa dictum est maxime, aliàs pari ratione dixisset, mutationes temporum sanare morbos, ut enim ver hyemi succedens morbos quosdam calidos affert, ita frigidos quosdam sanat: non esset itaque opus addidisse, maxime, si de varietatibus temporum anni scripta esset sententia. Cæterùm aliam expositionem aphor. quam Gal. recitat, magis probo, singulorum anni temporum mutationes morbos parere. Quorum in sequentibus apho mentionem habebit. Maximè verò dixisse, quoniam validissimam vim habet anni tempora adferendi morbos, ob aërem, qui nostra corpora inspiratione, & trāspiratu perpetuo alterat. Et in temporibus, inquit, magnæ mutationes frigoris aut caloris morbos afferunt, & alia pro ratione eodem modo. Nam si in quouis temporum anni magnæ mutationes à naturali temporum temperatura fiant, morbos parient. Vbi mutationes sint ad calidum vel frigidum, aut eadem ratione ad humidum, aut siccum, aut simul multis modis, & ventorum successiones, & mutationes diuersæ eueniant. Dixit autem, magnæ, quoniam nō quæuis mutationes in temporibus ipsis factæ, maxime pariūt morbos (nam pars illa, maxime, cum

cum secunda quoque apho. parte legi debet) sed illæ, quæ magnæ fuerint, & effatu dignæ.

APHORIS. II.

Naturarum, hæc quidem ad æstatē, illa verò ad hyemem, bene, vel male natura aptæ sunt.

COMMENT.

A verbo φύω, fit φύσις, ut à nascor natura: quoniam φύσις. autem omnia mixta corpora à primis elementis nascuntur, constitutionem ex elementis, dicimus, nostram φύσιν. id est, naturam. Hæc verò tunc bene se habet cum seruat: male verò, cum alteratur, & corrumpitur. Temperata vere optime degit, verum modo distemperatarū est aph. ac perinde distemperatorum anni temporū meminit æstatis & hyemis. Naturarum, dicens, hæc quidem ad æstatem, ille verò ad hyemē bene vel malæ natura aptæ sunt. Nam calidæ bene paratæ sunt ad æstatem, male ad hyemem, siquidem ab æstate seruantur, à hyeme alterantur. Et naturæ frigidæ dene aptæ sunt ad hyemem, quoniā seruantur ab ipsa, male ad æstatem, à qua mutantur: simile namque à simili seruat, mutatur à contrario. Quod de non valde labentibus naturis intelligi debet: nam valde lapsæ ad calorem, æstate facile ægrotant, & valde lapsæ ad frigiditatem hyeme, & contrariis temporum temperaturis præseruantur. Calidæ præterea naturæ ac frigidæ, ad media tempora, ut ver, & autumnum modice quodammodo se habent, siquidem quadamtenus seruantur, & quadamtenus alterantur. Diximus, Natura paratæ sunt, quoniā Græce habetur πεφύκασι, m.

quod est, natura promptæ, aut paratæ & ex naturali inclinatione.

APHORIS. III.

Ægritudinum aliæ ad alias bene, vel male sunt à natura aptæ, & ætates quædam ad horas, regiones, & victus rationes.

COMMENT.

Confert modo morbos, & ætates, ad tempora, regiones, & victus, dicens, quædam horum quibusdam esse magis apta, quædam minus. Tota autem oratio ita texenda est, ut à Gal. in Commentario, simul coniunctis in oratione morbis, & ætatibus, deinde ad tempora, regiones, & victus collatis. Atque erit hæc Hipp. littera à Gal. tradita τῶν νούσων καὶ τῶν ἡλικιῶν, ἀλλὰ πρὸς ἄλλας, ὥρας, καὶ χώρας, καὶ διαίτας, εἴη ἢ κακῶς πεφύκασι, hoc est ægritudinum & ætatum, aliæ ad alias horas, regiones & victus rationes bene, vel male natura aptæ sunt. Est hæc vera sententia, atque cōcinna, & probe contexta oratio. Sed decet intelligere νόσον esse fœminei generis, sic & ὥραν, quæ significat anni tempus, & ita nihil mali inuenies in aphor.

Quorumdam male dictorum reprehensio.

contextu. Ille tamen, qui Gal. placita moleste fert, nostra verò molestissime, ita transtulit aphorif. morborum alij ad alios bene, vel male habent, & ætates quædam ad tempora, loca, & victus. & postea dicit hanc orationem ineptissimam esse. Est sane hæc oratio inepta, sed non est hæc Hippo. Verum fac, morbum fœminei generis, & pro νόσος, dic, ægritudo, & fac tempus fœminei quoque generis, & τέpora, dic, horas, ut & Græci, &

& facies orationem non incongruam, quam nos in apho. damus, & eam cum Gal. ordinabis, vt fecimus. Præbuit nobis non parua m, tum ridendi, tum male dicendi occasionem, præsertim cum iam translato apho. addit: Constat verò hanc orationem ineptissimam esse ad significandum, morbos quosdam ad quædam loca & tempora. Verum dicant modo nobis Grammatici, an recepta sit hæc locutio apud ipsos. Ego significo morbos ad loca & tempora. Sed iam aphor. sententiam à Gale. ordinatam exponamus. Quemadmodum in præcedenti aphor. naturas anni temporibus contulit, ita modo ægritudines, & ætates bene, aut male aptas esse dicit, ad tempora, loca, & victus: Morbi si quidem calidi, calidis temporibus facile eueniunt, & frigidi, frigidis, humidi, humidis: & sicci, siccis. Male vero morbi calidi frigidis temporibus eueniunt, & frigidi calidis, facile quidem in similibus eueniunt, sed à contrariis facile curantur: vbi postquam à similibus generantur, contraria tempora succedant. Idem de regionibus, & victus rationibus intelligendum: Calidi siquidem morbi his, qui victu calido vtuntur, facile eueniunt, & victu contrario curantur: vti & victui frigido difficile succedunt, & difficile curantur, similes collationes in morbis frigidis, humidis & siccis faciemus. Aetates deinceps ad tempora, loca, & victus bene, aut male paratas esse dicit: Nam ætas calida, vt iuuentus ad regiones & tempora frigida bene natura apta est: siquidem in eis bene degit, & ætas frigida,

m.ij.

*Ætas tē-
peratā in
omnibus
tēporibus
modice se
habet.*

vt senum in regionibus, & temporibus calidis, in
similibus tamen regionibus, & temporibus male:
quoniam ab ipsis facile in morbosos lapsus du-
cuntur lapsæ temperaturæ. Adolescentium ætas
temperata cū sit, in omnibus modicè se habet.
Idem quoque de victus rationibus dicendum à si-
milibus irritari lapsas ætates, à contrariis mode-
rari, ac seruari, præter pueritiam, cuius lapsus ad
humiditatem, adeo est ad extensionem corporis,
& vitæ prorogationem necessarius, vt similibus
omnimodo seruari debeat. Lacte quoque humi-
dissimos infantes alimus, mel tamen caue putes
humidum esse, aut infantibus alimenti ratione
præbendum.

APHORIS. IIII.

*In anni temporibus, si eadē die, modo qui-
dem calor, modo vero frigus sit, autūnales mor-
bos expectare oportet.*

COMMENT.

*Autum-
nales mor-
bi quando
sperandi.*

Morbos autumnalibus similes dicit sperandos
esse, quocunque tempore tales fiant mutationes,
quales autumno fieri videmus singulis ipsis die-
bus: nam mane frigus fit, meridie calor, rursus
vespere frigus. Quod si similes fiant intra diem
mutationes aliis anni temporibus, autumnales
morbi sunt sperandi: vt enim Gal. in Comm. in-
quit, temporum temperaturæ, nō ipsorum appel-
lationes, morborum causæ sunt. Cæterum aduer-
tendum, quod autumno fiunt morbi quidam, qui
sequuntur totam ipsam constitutionem, quæ fri-
gida

*Autūna-
les morbi.*

gida est, & sicca, qui frigidi & sicci sunt. Autumnum namque frigidum & siccum dixit Hippo. lib. De humana natura: Siccus, inquit, est autumnus, & hominem iam frigefacere incipit. Quidam sequuntur autumnum constitutionem, ut æstatem sequitur, non propriam ipsam autumnum naturam, veluti in apho. 11. sequenti, cum inquit: Si hyems sicca, & aquilonia, ver vero pluviosum, & australe, necesse est æstate febres acutas fieri, & lippitudines. Hoc loco febres acutas, & lippitudines fieri dicit æstate, non tantum æstatis ratione, sed præcedentium temporum. Ita apho. 9. dixit, Autumno morbi acutissimi atque exitiosissimi omnino. Gal. vero id refert ad æstatem præcedentem, & autumnum sequentem ipsam. In presentivero non refert morbos totius autumnalis constitutionis, neque eos, quos facit, quoniam æstatem sequitur, sed eos, qui sequuntur singulas dierum varietates, per calorem & frigiditatem. Sunt autem morbi hi inconstantes, *Autumnales morbi inconstantes.* varij, & mali iudicij, quales in inconstantibus temporibus fieri dixit infra aphor. 8. & autumnum ob partium dierum varietatem fieri necesse est, nunc quidem calefactis, ac dilatatis humoribus, nunc vero refrigeratis, ac constrictis, tales etiam fiunt, quoties eadem die calor & frigus fit, variis concitatis humoribus, & imbecillitata natura: varij, inconstantes & mali iudicij, siue non firmi. Horum meminit aphor. 22. sequenti. Sunt autem quartanæ febres erraticæ, lienes, aqua inter cutem, urinæ stillicidia, quæ omnia temporis inæqualitem sequuntur.

*Austri auditum hebetantes, caliginosi, caput
grauantes, pigritiam adferentes, ac dissoluētes,
quando constitutio hæc præualuerit, talia in
morbis patiuntur: si verò aquilonia fuerit, tuss
ses, fauces, alui duræ, urinae difficultates, horro
res, costarum dolores & pectorum: quando hæc
constitutio præualuerit, talia in morbis sperare
oportet.*

C O M M E N T.

*Естествен
ный.*

*Борея тём
пература
& аустра.*

Temporum constitutiones, quammaxime va
riant venti flantes: quoties enim media hyeme
flat auster, tepescunt omnia, & frigora coercen
tur. Media item æstate flâte borea, calor tempo
ris in frigus vertitur. Quamobrem nos alibi ad
monuimus habitationum & ciuitatum tempera
turas, nihil minus locorum situ, quàm climatum
differentia distingui: videmus enim in quinto
climate loca boreæ exposita & sublimia, frigida
admodum, & alia infima, & austro patētia valde
calida. Est enim boreas, aut sibi lateralis aquilo,
frigidus & siccus, vti auster, aut notus calidus &
humidus: flat siquidem auster ab Oceano in hoc
nostro hemisphærio, & à meridionali plaga: Pri
mum efficit humidum ipsum, quoniam inde va
pores ac nubes defert: secundum calidum, quia
à calidis flat locis. Ita boreas frigidus est, ob ab
sentiam solis à parte qua flat, nempe Septentrio
ne: & siccus, quoniam non tantum vapores, aut
nubes non defert, sed delatas ab austro euertit.

Sub

Subsolanus ab Oriente flat, & siccus est: Zephyrus ab Occidēte, atque humidus. De his plura diximus li. 2. De arte medendi. Hippo. tamē hoc loco multa refert symptomata, quæ sequuntur constitutiones, per quas flant, & prædominātur duo hi cōtrarii vēti, locis, & qualitatibus, boreas, siue aquilo, qui duo flant à Septentrione, & auster, qui à Meridie, aliis duobus præcipuis ventis prætermisissis, qui non adeo magnam vim alterandi habent, flante austro fieri dicit auditus hebetudinem humectato sane cerebro, & aëre, per quæ permeant sonitus. Caliginosus item est, non quòd aerem caligine impleat, sed quoniam oculos caligine obtundat, autore Gal. li. 1. De mor. pop. in prima consti. commen. 9. dicente, Et caliginosum dictum esse, quod aceruatum in nobis ob ipsum indicat caliginem, non aeris. Sic etiam & caput grauat, & nervos laxans, pigritiam adfert, & totius corporis dissolutionem, dum præualet hæc constitutio: vti & præualente aquilone fiunt tussēs ob frigidam intemperiem, fauces exasperantur: sic enim Celsus habet lib. 2. cap. 1. sunt autem asperæ inæqualiter refrigeratæ, ac siccate, farces tantum dixit, intelligendum autem patiuntur, vti & lienes dixit apho. 22. aut fauces, & alui duræ legendū: nā fauces siccatae ac refrigeratæ duræ reddūtur. aluus autē cōprimitur à frigore & siccatur, ac perinde facē retinet, quæ vt vēter ipse obduratur. Difficultas vrinæ fit cōpressis & oblatis musculis claudentibus vesicā. Horrores à frigore cutē alterante. Dolores pectorū & laterū, ob frigiditatē lædentē partes exāgues, ad quas

inspiratus aër prope accedit, & extra alterando manet, & corporibus plenis distillationes exprimit ad eas partes, etiam si humida cōstitutio non præcesserit, quod Fuchsius necessariū putauit. Atque hæc accidunt dum aquilo perualet, alios ventos omnes superans, ac diu flans.

*Fuchsius
notatur.*

APHORIS. VI.

Quando æstas veri similis fuerit, sudores multos in febribus spectare oportet.

COMMENT.

*Vere sudores
multi.*

Quouis anni tempore sudores fieri videmus, vbi calor humiditati coniunctus superabundet, abundant autem verno tempore magis, ac propterea dixit sudores fieri multos, vbi æstas veri similis fuerit. vt enim dixerat, si eadem die calor & frigus sit, autumnales morbos expectare oportet: sic modo. Si æstas veri similis fuerit, talia expectare cōuenit, qualia vere solēt euenire. Sudores autem eueniūt vere multi: calor namq; ipsius effundit humiditates ex hyeme concretas, & eas ad cutem euocat. Et vti Gal. in Com. inquit, æstate adest calor ambientis, hyeme humiditas, vere vtrunq;. Neque tamen inde sequitur ver esse calidum & humidū. Nā Gal. nō loquitur de ambientis humiditate. sed de calore ambiētis, & humiditate corporis. cū inquit, Neq; enim sine aëris ambiētis calore multi sudores fieri possunt, neq; absque eo, quodd aliqua humiditas superuacua in corpore cōtineatur. Horū vero alterum in æstate, alterū in hyeme, autumno neutrū, veri vtrūque adest. hoc est vere adest humiditas in corpore à hyeme cōtracta, & calor, qui valeat ipsā liquare, præsertim

fertim in postrema eius parte. De tēperatura veris, & qua ratione temperatū cum sit, calidum & humidū dici possit, diximus li. 2. De arte medēdi.

APHORIS. VII.

In siccitatibus febres acutæ fiunt: & si talis fuerit annus magna ex parte, qualem fecerit constitutionem, tales morbos ut in plurimum oportet expectare.

COMMENT.

Febres acutas dixit fieri *ἐν τοῖσι ἀρχμοῖσι*, hoc est, in siccitatibus. sunt autem siccitates, cō-^{*ἀρχμοῖσι*}stitutiones temporum plus iusto siccæ, non quæ extreme siccæ sunt. Nam ut inquit Gal. lib. 1. De morbis popu. par. 1. comm. 4. constitutionem plus iusto siccio-rem *ἀρχμὸν* nominavit, non valde consueta voce: consueuimus enim non simpliciter siccio-rem, sed extremè siccam, ita nominare. Hippo. igitur aliter quàm alii vtitur eius vocis significatione. Iure tamen eo tempore febres dixit fieri accutas, nam hæ à bile fiunt, & bilis siccitate accrescit, & sanguis acrior redditur. Quòd si talis fuerit annus magna ex parte, sic etiam magna ex parte tales fiēt morbi, nec perinde multi. quoniam ut dicet in apho. 15. siccitates imbris sunt salubriores, & minus mortiferæ.

APHORIS. VIII.

In temporibus constantibus, si tempestiue tempestiua reddantur, morbi constantes, & bo-

ni iudicij sunt: in inconstantibus verò, inconstantibus & mali iudicij.

COMMENT.

*Tempora
constantia.*

Constantia tempora ea dicuntur apud Gal. in com. quæ propriam seruant naturam. est autem temporum natura propria, vbi hyems fuerit frigida, neque valde clemens, neque modum excedens frigiditate, qualis regionibus singulis debetur, & accesserint nonnullæ pluuiæ, ita vt humida potius, quàm sicca sit, ver temperatum, sed pluuiæ descendant copiosæ, non immodicæ. Aestas calida & sicca, neque omnino sine pluuiis: Quas in hac nostra regione abundare & vtilis esse videmus autumno, qui frigidus, non valde siccus est. Nam ferenaturalem temporum differentiam tradidit Hippo. li. de aere, aquis & locis. Quando tales fuerint constitutiones, morbi fient constantes, quoniam tempestiue tempestiua redduntur, sunt autem morbi cōstantes, stabiles, firmi, & sedati: nā à verbo *καθίστημι*, quod vt diximus lib. 1. De arte medendi cap. de temperamentis, significat, compono, placidum reddo, & sedo, fit *καθεστῶσι*, id est, constantibus, placatis, siue compositis, & sedatis. In talibus igitur temporibus morbi fient sedati, & minime turbati, ac boni iudicii. Bonæ siquidem fieri solent iudicationes, quoties humores morbos facientes, quieti sunt, & placati, quos interim natura coquit, ac superat, deinde excernit. In temporibus verò inconstantibus & turbatis, humores turbantur, neque seruant vnā naturā, neque vnum locum, sed variè cocti, aut naturæ opus fugiētes, instabiles morbos faciūt, & tur-

& turbatos, ἀκατάστατοι, dixit, qua voce usus est ^{ἀκατάστατος} li. 4. De rat. victus acu. sect. 52. & Gale. eandē exponit in Com. dicēs: ἀκατάστατοι, febres dixit, quę nihil habent stabile, id est, firmum, sunt autem firma, quę apparent in circuitibus, & vrinis, & exquisitis febriū formis. Circuitus igitur principio non apparēt primis dieb⁹, cætera verò apparēt aliàs, alia, & sæpe ter, ac quater mingere cōtingit per diem ac noctem, & inuicem dissimiles apparent, hanc febris formam, ἀκατάστατον esse dicūt, quod idem significat, ac non seruans vnā exacte formam. hæc Gale. Ex quibus manifestum fit in his febribus inconstantibus vtinas & accessiones varias esse, ac turbatas, & causas easdem facientes cōfusas, & minime placatas, ob temporū inconstantia & varietatē. Inde veto fient mala iudicia, hæc sunt cū prauis symptomatibus, & solēt recidiuare: quoniam vbi causa, quę morbos efficiūt, dispares sunt, pars cocta excernitur, & cruda à iudicatione manēs repetere facit morbū. Id verò est mali iudicij esse. Quamobrem per ea tēpora, præsertim si ad calorē & humiditatē magis inclinauerint, pestē futurā recte prædicemu⁹ nihil boni sperātes in febribus, & earū iudicationibus.

APHORIS. IX.

Autumno morbi acutissimi & exitiosissimi magna ex parte: ver autem saluberrimum, & minime mortiferum.

COMMENT.

Vt diximus supra Com. 4. morbi autumnales ^{Morbi aut} quidam sequuntur naturalem temporis anni ^{timnales.}

constitutionem, quorum meminit apho. 22. quidam dierum ipsius inæqualitatem, de qua loquutus est, apho. 4. quidam eius ad ætatem sequelam, de quibus modo dicit, autumno fieri morbos acutissimos, & exitiosissimos, *ὡς ἐπὶ πᾶσι*, hoc est, ut in plurimum, siue magna ex parte. Est sane autumnus omnium temporum pessimus, frigidus & siccus, si quis totam ipsam trium mensium constitutionem cōmensuretur, autore Hippo. li. De humana natura, cum inquit, Siccus est autumnus, & hominem iam frigefacere incipit: fallitur autem Fuchsius contrarium sentiēs aduersus Musam. Nam etsi in calore & frigore sit inæqualis, solum ad meridiem est calidus, toto reliquo tempore frigidus, siccus quoque & ea ratione naturæ nostræ contrarius, & est inæqualis calore & frigore in singulis ipsis diebus, quod naturæ affert imbecillitatem. Præterea excipit æstatem, in qua natura fuit à calore dissoluta: & humores assati, quorum dissolutionem frigus autumnus reuocatione ad interna impedit. Ad quæ omnia sequitur, ut morbi acutissimi, id est, breuissimi cum periculo fiant, & exitiosissimi. Hæc vero magna ex parte: nam & quidam eorum sunt minus acuti, neque etiam exitiosi. Gal. his causam aliam addit, malum quorundam regimen, qui immodice vtuntur fructibus, mollis corticis, quos vocant, *ὀπώρας*, quoniam eo tempore maturescunt: id verò est autore Gal. com. 14. sequēti, secunda pars æstatis, à qua facti sunt cacochy mi prædicti. Ver autem cum temperatissimum sit, saluberrimum erit, & minime mortiferum.

Apho.

*Autumnus
pessimus.*

*Fuchsius
taxatur.*

ὀπώρα.

Autumnus tabidis malus.

COMMENT.

Autumnū malum esse tabidis testatur Hippo. & experimentum, quoniam tabidi omnes languidi sunt, & aridi, & ab autumnno utroque nomine læduntur: nam quoniam siccus est, siccus Tabidi ab autumnno læduntur. lædit: quoniam vero inæqualis languorē affert, φθίοντες atque ipsi languent. Tabidos autem hic φθίνοντες ταδ' appellat, infra tamen apho. 16. & libro 1. de mor. pop. par. 2. sectio. 13. φθινώδεις: Gal. tamen illo com. atque præsentis apho. tabidos dicit appellare Hippo. eos, qui quomodolibet consumpti sunt, siue vlcus pulmonis patiantur, siue non: nouimus autem aduersissimum esse vtrisque autumnnum.

APHORIS. XI.

De temporibus autē anni, si quidem hyems fuerit sicca, & borealis, ver autem pluuiosum, & austrinum, necessum est æstate fieri acutas febres, lippitudines, difficultates intestinorum, præsertim mulieribus, & his qui humidas naturas habent.

COMMENT.

Diuerfa sunt morborum genera, quæ sequuntur simplices temporum mutationes, ab his quæ sequuntur multas ac varias diuersorum temporum successiones. Alia item sunt morborum genera quæ debentur temporibus suam naturam

seruantibus, ab his, quæ in ipsis fiunt cum suam naturam seruant: præcedētia verò suam ipsorum non seruauerunt. De hoc mutationis genere agit Hippocrat. modo, & in Aphorif. 1. 3. sequenti. De temporibus, inquit, si hyems sicca fuerit, & aquilonia, ac si diceret, frigida, ver autem australe & pluuiosum, humidum ac calidum statuit, necesse est æstate fieri febres acutas, lippitudines, & intestinorum difficultates. Sequuntur hi morbi æstate naturam suam seruante, ob præcedentis hyemis & veris mutationes, quãuis neque hæ magnæ fuerint, neque propriis naturis temporũ contrariæ. Si quidem hyems natura sua frigida est, & Boreas sæpius per ipsam flare solet, teste Galen. lib. 1. De mor. popu. in prima constitutione, vbi exponens Hippocrat. partem, qua dixit: parui flatus aquilonij, inquit, flauerunt, siquidem paucis diebus aquilonij, & non vehementes, cum aquilonium magnum habere hyems cõsueuerit, & longo tempore. Quod vero siccam dixit, contraria est naturali, quæ frigida & humida esse debet, autore Galen. Cõment. 13. sequē. i. Humidam quoque significauit veris constitutionem, dicens: Ver austrinum & pluuiosum: scimus autem ver natura sua pluuias adferre non paucas, & austrum eo tempore flare: ceterum cum pluuiosum dixit, Græca ἐπὶ τοῦ βροῦ, redundantiam pluuiarum significauit, non tamen contrariam veris temperaturam. Fuchsius hyemis & veris constitutiones, naturalibus contrarias esse dicit, quas Hippocrat. modo depingit: fallitur tamen, vt ex dictis constat. Præterea cum constitutio

*Hyeme
Boreas
flat.*

*Ver austrinum
& pluuiosum.*

ἐπὶ τοῦ βροῦ

*Fuchsius
notatur.*

tutio præsens veris, constitutionem hyemis corrigat, siquidem prior fuit siccior iusto, & sequens iusto humidior, reliquum fuit, ut non essent sperandi morbi vere, sed sequenti æstate. Humiditate quidem perseverante, & ad æstatem servata, hac verò æstatis calore liquata, atque ebulliente, sequuntur putredines, quoniam calor, & humiditas putredinis principia sunt: fiunt etiam morbi ab Hippocrate traditi. Febres acutæ in humoribus incalescentibus & putrefactis intra vasa, Lippitudines, distillantibus humoribus à capite in oculos, quemadmodum ubi defluerint ad intestina, dysænteria. Vera quidem ubi acres fuerint humores, & erodentes: ubi verò tales non fuerint, non vera fiet, decumbente sanguine ad intestina, & per eadem vacuato, erunt hæcruentæ deiectiones, sed sine vlcere. Necessario tamen hæc sequi dixit, quoniam id non tantum experimento comprobavit, sed horum causas firmas esse agnovit ad prædictos morbos generandos. Quod constat ex his, quæ ab ipso tradita sunt libro De aere, aquis & locis, cum inquit: Si verò hyems quidem sicca sit, ac borealis, ver autem pluuiosum & australe, necesse est æstate febres fieri, & lippitudines: cum enim æstas de repente accedat, terra humida existente à vernis imbris, & ab austro, necesse est æstum duplicatum esse, à terra irrigua & calida, & à sole vrente, cum ventres in hominibus nondum constricti sunt, neque cerebrum resiccatum. Non enim fieri potest cum ver tale existat, ut corpus & caro non fiat humore fluida,

adeo vt febres acutissimæ in omnes irruant, maxime autem in pituitosos. At dysantherias par est fieri, & mulieribus & viris humidioribus, & si quidem circa canis ortū accedat aqua, & tempestas, & etesiæ spirauerint, spes est cessationis, & vt autumnus salubris fiat: sin minus, periculū est ne pueri & mulieres moriantur. Minime verò senes, & qui superstites euaserint, in quartanas desinant, & ex quartanis in hydropas. Hæc Hippo. quibus docet horum temporum prædictas mutationes, prædictos morbos de necessitate afferre, vt causas, & præsertim euenire mulieribus, & viris (sic enim legitur in quibusdam codicibus apho.) qui naturas humidas habent, & modo addit, pueros. Adiunxit etiam ex mutatione temporis remedium, in præsentī si circa canis ortum etesiæ flauerint. Sunt autem hæ, venti quidam anniuersarii, quod vox ipsa docet, qui singulis annis post canis ortum flare solēt, quos frigidos & aquilonios esse scies ex Arist. lib. 2. Meteorologicorum cap. 5. Aquilonii autem venti flantes facile possunt malitiam ortam à calore & humiditate emendare, fuitque id à natura datum remedium aduersus canis feruorem, ventus frigidus & anniuersarius flans.

Etesiæ.

A P H O R I S. XII.

Si tamen hyems fuerit austrina, pluuiosa & clemens, ver autem siccum & boreale, mulieres quarum partus ad ver spectant, ob quamuis causam manifestam abortiunt, si verò pepererint,

rerint, languidos ac morbosos infantes parient, ita ut statim moriantur, aut tenues & morbo- si viuant: aliis autē difficultates intestinorum, & lippitudines sicca fiunt, senioribus verò de- fluxiones statim interimentes.

COMMENT.

Duabus constitutionibus descriptis in præcedenti Aphorif. duas alias in præfenti opponit, ubi enim hyemem statuit siccam borealem: modo scribit, austrinam, pluuiosam. quod verò *ἐὺδ' 105*, etiam dixit, nihil refert, quamvis nihil ei re- spondeat, in præcedenti Aphorif. nam vox hæc *ἐὺδ' 105*, ut Cornarius transfert, clementem signi- ficat, nemo tamen negauit, hyemem austrinam & pluuiosam esse clementem: quam partem Ga- len. quoque in Commentario legit, & eandem Hippocrat. scripsit libro de aëre & aquis. Ver au- tem, inquit, siccum ac boreale, quod opponitur australi & pluuioso præcedentis Aphorismi. Mu- lieres quarum partus ad ver spectant, ob quam- uis causam manifestam abortiūt. Morbos & sym- ptomata quædam narrat, quæ vere eueniunt, de quibus est abortus: ver enim frigidum & aqui- *Abortus, quate.* lionium humiditates à hyeme contractas intus conuertit, & ad vterum deductæ acetabula dis- soluunt, ad quod sequitur abortus, quauis occa- sione accedente, ut motu, labore, dolore, malo victu. Præterea cū frigiditas ambientis poros inueniat patentes ob hyemis calorem, & humi- ditatem, penetrat ad vterum vsque. Quod si ea de causa abortiant, sin minus parient infantes,

*Difficuli.
intest. cau-
sa.*

qui statim moriētur, aut languidos ac morbosos, hoc est, ægros simpliciter ad incidendum in morbos ab ortu naturæ aptos : id enim potuit frigus humori iunctus, penetrans facere. Aliis autem euenient difficultates intestinorum, à falsa pituita, quæ hyeme genita à calore, frigore superueniente comprimetur ad intestina: vbi erodens dysenteriam efficiet. Aliter etiam à calore & humore hyemis accescit sanguis, ac dulcis pituita, quæ rursus, coctione fiet sanguis, adueniente tamen vere frigido, sanguis ad intestina expressus dysenteriam efficiet. Lippitudines quoque dixit siccas, fluentibus namque expressione humoribus à

*Lippitudi-
nis sicca
causa.*

capite in oculos, lippitudo fiet, à qua ob ambientis frigiditatem & siccitatem clausis poris nihil effluet. Senioribus fient in hac cōstitutione defluxiones: sic enim vertimus *κατάρρσι*, à quibus statim moriuntur, quod verum est vbi acres humores ad pulmonem abunde defluant. Suffocantur etiam nihil minus, vbi ad cor per arterias descē-

Dubium.

dant, aut easdē soporiferas oppleuerint. Sed quare cū Hippocrat. aphori. præcedenti statuit hyemis & veris constitutionem, morbos ad æstatem distulit enarrare: in præsentī verò dispositis hyeme & vere morbos narrauit vere factos, non eos, qui æstate sequenti fieri possent, æstate naturam suam seruante, quemadmodum & seruauit in aphorif. præcedentis dispositione, præsertim quoniam neque morbi, quos narrat in præcedenti apho. euenissent, nisi veris humiditas prorogata fuisset ad finem vsque, & æstas corpora inuassisset humida, sic & si ver siccum tale ad æstatem perse-

perseuerasset, vti in præsentī disposuit aphor. fierent sane multi morbi æstate, nēpe febres ardentes, vlcera in cute, & corporis cōsumptiones. Rur-
sus vt veris humiditas, & calor potuerūt in cōsti-
tutione præcedēti emēdare hyemis frigiditatē ac
siccitatem, & proinde non euenire morbi eo tē-
pore, sed æstate sequēti: ita in præsentī siccitas ve-
ris, ac frigiditas, valuerūt emēdare caliditatē &
humiditatē hyemis, forēntq; morbi in æstatē dif-
ferendi. Dicemus, in præcedenti aphor. consti-
tutionem non fuisse longe diuersam à naturali,
cum hyems aquilonia fuerit & sicca, sola siccita-
te contraria naturali, & ver australe humidum.
Quapropter non sequētur ad eas constitutiones
morbi, aut symptomata effatu digna, æstas au-
tem eadem afferre potuit, superfluum humidita-
tem excipiens. Præsens verò constitutio longe à
naturalī dissidet, per quā hyēs australis pluuiosa
disponitur, ac propterea calida. Ver autem borea-
le, ac proinde frigidum, & siccum, vt vult Hippo.
Hæc verò constitutio longe differt à naturali v-
triusque tēporis. Et quamuis temperatura sequēs
posset præcedentem corrigere, ambæ à natura no-
stra essent alienæ, & frigiditas cum siccitate ve-
ris non emendasset humores collectos hyeme, cū
impediret eorū dissolutionem, & præterea aper-
tis poris per hyemem, corpora ipsa peruaderet, ac
dictos ab Hippocr. morbos efficeret. Quod verò
meminerit horum morborum vere euenien-
tium, non tollit, quominus sequenti æstate perse-
uerante siccitate morbi à nobis dicti fierent. Li-
bro De aëre, aquis & locis hunc apho. ita scripsit,
n. ij.

Si verò hyems fuerit austrina, & pluuiosa, & clemens, ver autē boreale & siccum, & tēpestuosum primū quidem mulieres, quæ vtero gerunt, & partus ipsis ad ver instat, abortum facturæ verisimile est. Quæ verò pepererint, inualidos ac morbosos pueros parere, ita vt statim pereant, aut tenues ac debiles, & morboſi viuant. Atque hæc quidem mulieribus, reliquis verò dysenterias, & lippitudines siccas, & aliquibus defluxiones à capite in pulmonē. Pituitosis igitur dysenterias fieri verisimile est, & mulieribus, pituita de cerebro defluente propter naturæ humiditatem. Biliosis tamen lippitudines siccas, propter carnis caliditatem & siccitatem. Valde autē senibus defluxiones, propter raritatem ac eliquationem venarum, adeo vt aliqui quidē de repēte pereāt, aliqui verò semisiderati, dextra aut sinistra parte fiant.

APHORIS. XIII.

Si verò æstas sicca fuerit, & borealis, autumnus autem pluuiosus & australis, capitis dolores ad hyemem fient, & tussēs, & rauedines, & grauedines, quibusdam etiam & tabes.

COMMENT.

In illa anni constitutione, quæ descripta est Aphorif. II. hyems fuit aquilonia sicca, ver australe pluuiosum: neque attulerunt morbos hæc duo tempora, quoniam vnius distēperies alterius præcedentis emendauit: verū perseverante humiditate veris ad æstatem vsque æstas morbos intulit,

tulit, quos dixit Hippocrat. Modo pariter cum æstate disponat frigidam & siccam, aut ñnum humidum ac calidum, secunda tempestas distemperiem primæ emendat, ac proinde non in ipsa, sed in sequenti hyemali morbi fient. Adhuc hyeme suam seruante naturam, vt in Aphorif. 11. seruauit æstas. Cæterum, vt ibi ad morbos procreandos æstate opus fuit humiditatem veris perdurare ad æstatē vsque: ita ad procreandos morbos hyeme in hac constitutione opus fuit, vt autumnii humiditas ad hyemē prorogaretur. Quæ admodum etiam in illa cōstitutione æstate suam naturam seruante morbi euenerunt, it: modo post siccā cōstitutionem æstatis, & humidam autumnii, hyeme suam naturā seruante, morbi fiūt, siue symptomata dicta in hoc Apho. Ea sunt, cap. *dolores.*
 pituitis dolores, aceruata in cerebrohumiditate multa, & impedita ob hyemis frigiditatem transpiratione, & dissolutione. Quod si humiditas in capite abūdans non retineatur, dolorē nō efficiet. Sed expressa descēdens in thoracē & guttur tusses cōcitāt, in asperā pulmonis arteriam, raucitatem, in nares grauedinē. Præterea vbi acres humores & biliosi in pulmonē descendāt, aut salsa pituita, tabes fiet ex vlcerato pulmone, maximè verò in paratis ad phthisim, quorū pectus angustum est, & humeri alati. Illud etiam mihi addēdum videtur, quod cum Hippo. Apho. 11. disposuit trium temporum constitutionem, hyemis siccam & frigidā, veris calidā & humidā, morbos sequi dixit æstate respondentes humiditati veris, quā in corporibus redundātem reperit. Et propterea ad morbo-
 n. iij.

rum dictorum in eo apho. generationem nihil fecit constitutio hyemalis, sed potius obfuit: quoniam constitutio veris sequens multo humidior fuisset, magisque ad morbos æstatis parasset, nisi tempus præcessisset siccum, quod attemperauit veris humiditas, fuissetque multo morbosior æstas, si solam veris humidam constitutionem sequeretur, & prædita symptomata adhuc maiora euenissent. Quod in præsentī apho. pariter notandum est: nam ubi Hippoc. statuit æstatem frigidam & siccam, autumnum deinde calidum & humidum, morbos scripsit, qui sequuntur hyeme suam naturam seruante, propter abundantiam humiditatis, quam reperit ex autumnō præcedenti. Hæc vero humiditas fuisset multo maior, si non præcessisset æstas immodice sicca, qualis ab Hippoc. statuitur. Quapropter & morbi, atque symptomata, quæ tradita sunt in hoc apho. fierent, & adhuc vehementiora, ubi vnica tantum autumnī constitutio à natura varia processisset, nulla in æstate facta à naturali temperatura mutatione.

APHORIS. XIIII.

Si verò borealis & siccus, ijs qui natura humidi sunt, & mulieribus cōfert, reliquis autem lippitudines siccæ futurae sunt, & febres acutæ & longæ, quibusdam etiam & melancholia.

COMMENT.

Continuata oratione prosequitur quod ceperat in præcedenti aphori. dicens, Si verò æstas sicca fuerit & borealis, autumnus autem pluuiosus & australis, capitis dolores ad hyemem fient, & tussis,

tusses, & raucedines, & grauedines, quibusdam etiam & tabes: si verò borealis & siccus (autumnus nempe fuerit) iis, qui natura humidi sunt, & mulieribus confert, reliquis vero lippitudines siccae futuræ sunt, & febres acutæ & longæ, quibusdam etiam & melancholiæ. Quòd de autumno intelligenda sit sententia, docet ipse sermo, & attestatur Gal. in Commentario, & Cel. libr. 2. cap. 1. ubi ita transtulit apho. Si autem autumnus quoque æque siccus, inisdē aquilonibus perflatur, omnibus quidem mollioribus corporibus, inter quæ muliebria esse proposui, secunda valetudo contingit. Durioribus verò instare possunt & aridæ lippitudines & febres partim acutæ, partim longæ, & hi morbi, qui ex attabile nascuntur. Hinc duo constare poterunt, de autumno esse aphoris. ac voluisse Hippocrat. hæc symptomata euenire, ubi æstas sicca fuerit, & borealis, sic etiam & autumnus, nec opus spectare hyemem: in autumno etenim notum est iuuari mulieres, & quæcunque corpora humida ac mollia fuerint, quoniam attemperantur. Aliis autem, quorum naturæ siccae sunt, siue durioribus, lippitudines siccas venturas, quoniam bilis arefacta, & acrior reddita à cerebro in oculos transfusa lippitudines efficiet, à quibus ob cutis ariditatem nihil effluet, febres quoque acutæ succedent, absumpta serosa humiditate bilis, & ipsa intra venas acriori reddita. Hæc autem febres efficit ardentes, quæ sincera bilis appellatur. Notum etiam euadet, quòd cum bilis arescat, & pars eius crassior reddatur, tenui absumpta, tum etiam sanguis, ita ut
n. iij.

plurimū transeat in melancholiam, futuras quoque febres longas, & quibusdam melancholias, id est, mētis turbationes ab humore melācholico in capite. Idq; citra febrem. Legimus autē febres acutæ & lōgæ, quoniā ita legit Cel. in citato loco, & ita Hippo. habet, li. De aëre, aquis & locis. Cū inquit: Quod si borealis sit ac siccus, & vsque in arcturum, pituitosis confert, & præsertim eis, qui natura humidi sunt, & mulieribus. Biliosis autē inimicissimū est: valde enim exsiccātur, acciduntq; eis lippitudines siccæ & febres acutæ, καὶ πολυχρόνιοι, id est, ac diuturnæ, & aliquibus melācholiæ: si quidē quod liquidissimū est in bile & aquosissimum, absumitur, densissimum verò & acerrimū relinquitur, quod idē accidit secundū eandē rationem circa sanguinē, vnde & hi morbi his accidunt, pituitosis autē hæc omnia cōmoda sunt, & in hyemē perducuntur ab alio in aliud exsiccati. Adiecit itaque Hippo. causam eorū, quæ habentur in Apho. & præterea cōstat, legi debere, febres lōgæ, & vbi in codicibus Galenianis legitur, κόρμας, id est, grauedines, legēdū potius, tum in Apho. tum in Gal. Com. καὶ πολυχρόνιοι, hoc est, & longæ. Fallsum autē est, quod alter Hippo. imposuit dicens, libro De aëre, & aquis, scripsisse, & grauedines longæ, cum ex adducta scriptura nihil tale constet, quam tamen ad literam trāstulimus ex Græco Aldino codice. Præter hæc non foret difficile, multas alias temporum constitutiones cōponere, ac morbos in ipsis euētuos prædicere, intellecta singulorum natura, & à naturali temperamento, variati

*Codex
Græcus
corrigen-
dus.*

*Quidā
natur.*

variatione, in calore, frigore, humiditate, ac siccitate, & compositis eisdem, atque tum qualitatibus, tum etiam temporibus diuersimode mutatis. Cæterum in apho. hæc tantum scripsit Hippo. aliis alia relinquens.

APHORIS. XV.

Ex anni tamen constitutionibus in summa, siccitates pluuijs sunt salubriores, & minus lethales.

C O M M E N T.

Si quis hunc apho. ordine statuere vellet, vt Gal. docet in Comm. primo, scriberet, quintum ab eo 17. ab eo hunc, 15. atque foret. 7. ordine inter omnes. Laudat autem in hoc siccam constitutionem, vituperat humidã, & iure quidem: nam magna pars morborum habet ortum ex abundantia excrementorum: hæc verò pluuiarum copia augetur, & siccitatibus absimitur. Quin & excrementa vacuare non est facile, quando purgantia medicamenta non conueniunt ad vacuanda ea, quæ quotidie congeruntur, & frequens purgatio facta singulis mensibus, præter id, quod nocet, homines ducit in prauam consuetudinem. Si vero balneis tentaueris vacuare quotidiana excrementa, cutem solam mundabis, sed carnem relinques excrementis scatentem. sola restat exercitatio, qua si quis tempestiue, & multis præceptis seruatis vtatur, magis quàm ipsa temporis siccitas proficiet: sed siccitas temporis secundum locum habebit ad seruandam sanitatem. Quòd si

Sicca constitutioni laudatur, humida damnatur.

adhuc sicca existente cōstitutione morbi euen-
rint, minus erunt lethales, vbi tempore respon-
deant. Aut dicemus minus lethalem esse constitu-
tionem, per quam rarius eueniunt morbi.

APHORIS. XVI.

*Morbi autem in pluuiarum copia sunt
magna ex parte febres longæ, ventris fluxio-
nes, putredines, comitiales, atoniti, & anginae.
In siccitatibus vero tabes, lippitudines, morbi
articulares, vrinae stillicidia, & difficultates
intestinorum.*

C O M M E N T.

*Morbi
consti. hu-
midæ.*

Cum in apho. præcedenti siccā constitutionem
humidæ contulisset, in hoc morbos vtriusque re-
citatur. In constitutione humida, dicens, fieri febres
longas, quoniam aucta humiditate diutius proro-
gantur humorum coctiones, & morborum fines
Véter quoque laxior redditur, & inde dixit ven-
tris fluxiones, fiunt etiam putredines, tum in hu-
moribus, tum etiam in membris ipsis, quoniam
humiditas est alterum putredinis principium. Co-
mitiales morbi aucta in cerebro pituita, vti & a-
poplexiæ, vbi substantia cerebri multa irrigetur.
Anginæ tamen si à capite in fauces delinauerit
humor, aut aliunde defluerit. Hæc de humidis
constitutionibus & morbis dicta facilia sunt. Sed
quæ de sicca constitutione dixit, non plane distin-
cta, vt inquit Gale. egent enim distinctione, ad
veritatem. nam dixit: Tabes fiunt, lippitudines,
morbi articulares, vrinae stillicidia, & difficulta-
tes intestinorum. Tabes sanè proprie dicta non

*Morbi cō-
stit. sicca.*

fit

fit à sola siccitate, sed à frigore nimio, aut calore & humiditate: est enim consumptio cùm vlcere pulmonis, vlcus autem fit à frigore dirruptis vasis, aut calore humore distillante in pulmonem, vt Gal. vult: Erit igitur vera sententia de tabe, id est, consumptione, sine vlcere, quo modo accipi nonnunquam Comen. 11. docuit supra: Cum igitur id non explanauerit Hippo. recte etiam lippitudines siccae fient, aut tabes cùm lippitudine coniungenda, ac legēdum tabidae lippitudines, à quibus prae siccitate nihil manat, & per quas oculi tabescunt. Articulorum dolores non adeo notum est quomodo fiant in sicca constitutione, nisi arthriticos appelles eos, qui quomodolibet laborāt articulorum morbo, siue ob intemperiem, siue ob acré aliquem humorem, ibidem arefactū. Vrinae stillicidia fiunt ob nimiam siccitatē, laborāte vesica, & imbecilla reddita. Difficultas intestinorū accidit, vbi ob calorem siccitati coniunctū humores acres generētur, qui ad intestina confluāt, quales & urinae stillicidium ad vesicā conuersi efficere possent. Hec cùm nouisset Gal. inquit: Indistincte loquutus est Hippo. Modeste admodū dissentiens ab ipso, & obscuritatis, non falsitatis eūdem notās. Multo aliter sane, quàm is, cuius aliàs me-

*Notatur
quidam.*

minimus, qui Gal. taxans dixit, ipsum nō satis intellexisse Hipp. & ob inopiam consilij confugisse ad friuolas enarrationes, qui modestior esse posset erga magistros. Gal. namque apho. Hipp. indistinctum, clarissimis expositionibus illustrauit, verum, & quoad fieri potuit, distinctum reliquit, si bene aduerteris, hæc vera inuenies.

Quotidiana verò constitutiones boreales corpora confirmant, valida, agilia, bene colorata, melius audientia efficiunt, vètres exsiccant, oculos mordent, & si dolor quispiam in thorace præfuit, affligit magis. Australes tamen corpora dissoluunt, & humectant, capitis grauitates, auditus hebetudines, & vertigines faciunt, in oculis & corporibus difficilem motum, & ventres humectant.

C O M M E N T.

*Boreales
constitu.
quotidia-
ne,*

Commentario, 15. cum Gal. diximus hunc aph. post quintum ordine sequi, ibi enim aultri, & boreæ cum præualuerint, potentiâ ostendit, & symptomata, quæ ad eos sequuntur. Modo vero quid faciant in quotidianis constitutionibus, etiamsi nō diu durauerint, & præualuerint per anni tempora, à boreali initium faciens, dicit: corpora confirmare: si quidem ea densat frigiditas cum siccitate, valida etiam reddit, quoniam calorem intrò reuocat, ad quod sequitur, vt omnes actiones, tã animales quàm naturales melius fiant: inde agilitas oritur, bonus calor, bonus auditus: nam & ariditas ad bene audiendum commoda est. Mala tamen nonnulla refert, quæ ad boream sequuntur, parua quidem & quæ malis ab austro ortis conferri non debeant. Hæc sunt ventris siccitas, arefactis fæcibus, aut calore interius reuocato, consumpto humore. Morsus oculorum, quem à frigore

frigore fieri Gal.testatur li.4. De simpli.med. fac. cap.1.& id demonstratione confirmat.Et dolores thoracis, si qui præfuerint, auget. notū autem est frigidos ventos thoracem subire,& membraneas atque exangues partes offendere.Hæc mala sunt, sed parua:quæ verò sequuntur austrum, plura & *Australes consti.qua sidsana,* peiora, quibus bona nulla fere addidit Hippo. vt fecit cū boreæ facultates tradidit.Auster itaque corpora humectat, ad quod fere omnia alia mala sequuntur: nam ea de causa corpora dissoluit, laxatis nervis & musculis, capitis grauitates, & auditus hebetudines Com.5.exposuimus, vertigines oppleto capite, humore deinde in flatum ex parte verso, & difficiles motus, tū oculorū, tum etiā totius corporis, ob causam dictam.Hoc tamē atque vnum bonum ad austrum sequi adiecit, nempe ventres humectari, melius enim est excrementa facile descendere per ventrem, quā cohiberi, quod apho. 53. sectionis secundæ Hippo. docuit. Totius vero apho.ratio ad apho.15.referenda, in quo dixit, in summa siccitates pluuiis esse salubriores: ibi enim vniuersaliter docuit veritatem, quam hic exemplis firmavit.

APHORIS. XVIII.

At vero per anni tempora, vere quidem atque æstatis initio, pueri & qui hos ætatibus sequuntur immediate, optimè degunt, & maxime sani sunt, æstate autem, & autumno usque ad aliquid, senes. Quod vero reliquum est, hyeme qui medias tenent ætates.

C O M M E N T.

*Pueri æ-
statis in-
itio & ve-
re.*

Quibus anni tēporibus singulæ ætates optimè degant, in hoc docet apho. à vere initium sumēs, in quo atque in æstatis initio pueros optimè degere dicit, & eos, qui pueros ætatibus sequuntur immediate, siue per ætates sequuntur immediate. Sunt autem hi adoleſcentes: dixit enim, Pueri, καὶ οἱ τοῦτέων ἐχόμενοι τῇσι ἰλιζίνσι. Significat autem, ἔχομαι, sequor immediate, vt apud Lucianum reperies, in vaticinio mortuorum, & ita Celsus tranſtulit. Pueri proximique his vere optime valent, & æstate prima tutissimi sunt. Huius rei ratio est, quoniam adoleſcentes temperatissimi sunt. Est enim hæc omnium ætatum optima, auctore Gal. in Comm. & li. 6. De sani. tu. inquit, Optimam namque temperiem in adoleſcentia corpus obtinet. Optima verò temperatura ſeruari debet simili tempore, id autem ver est, tempus tēperatissimum. Prima autem æstatis pars, quam paucissimū à veris natura diffidet: nā vnum quodque anni tempus tribus partibus natura diuisum est, prima præcedēti est similis, postrema ſequenti, media exquisitè ſeruat tēporis illius naturam. Itaque veris prima pars non longe distat, natura, à postrema hyemis, neq; postrema pars veris longe abest ab ætatis initio, sicuti neq; æstatis initium à fine veris. Quapropter recte Hipp. dixit vere & æstatis initio optimè degere pueros & adoleſcentes: ætates enim, vt & tempora ipsa, parū natura distāt, & vti adoleſcentes, ita & pueri per ea tempora optime degent. Gal. verò in Com. magis exquisitū sermonem fuisse dixit, si ita scriberetur:

Ado-

Adolescentes vere, pueri æstatis initio optime degunt: sunt etenim pueri paulo humidiores iusto, quapropter tēpore paululū sicciore melius, quā tēperatissimo degēt. Ille vero, qui solet obesse, his verbis Gal. taxat: Non enim profecto probo quod Gal. dicit, fuisse ita scribendū, vt distinctus sermo euaderet, Vere quidē adolescētes, & in principio æstatis pueri. Quasi pueri melius habeāt in principio æstatis, quā in vere. Nam est hoc aperte falsum: nihil enim adeo seruari in pueris debet, quā humiditas, neq; à causa quapiā deterius afficiūtur quā à sicca, & calida causa: quia ob naturalem mollitiem, & raritatem partium facile dissoluuntur: hæc ille. Cæterum meo iudicio facile constabit quā aperte fallatur, qui Gal. sententiam dixit aperte falsam: si namque pueri & adolescentes non omnino eandē sortiuntur temperaturam vt constat, non etiam idem omnino tēpus ad conseruationē desiderabunt, ac proinde falsum erit citra distinctionē vere & æstate incipiente, pueros & adolescentes optime degere. Quòd si pueri vere optime degunt, quando dices adolescentes optime degere? Rursus si pueri non degunt optime initio æstatis, quoniā à calore & siccitate dissoluuntur, quomodo seruari poterunt adolescentes, qui calidi & sicci non sunt, ac dicat, qui sunt qui optime degūt æstatis initio? & eos ab aliis distinguet, & egebit distinctione, qua non est vsus Hipp. Deinde pueri parē habent calorē cum adolescentibus & iuuenibus, nā pueri & adolescētes augentur, & eos cōferens iuuenibus parē habere calorē probat Gal. li. 2. De tēperamentis, & nos in

*Notandum
quidam.*

Gal. ab iniuria tuer.

eius expositionem multa diximus lib. 1. De arte medēdi cap. 4. quo loco adolescentium optimam probauimus temperaturam, puerorum item, adolescentium, & iuuenum calorem parem: fallatur igitur ille cum dicat puerorum temperiem calidam & humidam, nam quamuis plus habeant caloris innati, quæ augentur corpora, ille calor temperatus est, & qualis in adolescentia. Habent sanè pueri redundantem humiditatem, quæ etiam seruari natura debet, ad incrementum, & vitæ prorogationem. sed non seruatur (vt inquit) prima ætate, bene est: verū cum Galenus dixit, pueros initio ætatis optime degere, id tātum voluit magis securos esse à morbis, nihil de augmento curans, quod ætatis processu speratur, idem enim est optime degere, & minime ægrotare, ac securissimos esse. Hoc est quod Hippocrates voluit dicens: Et maxime sani sunt. at vero sunt pueri initio ætatis securissimi: quoniam in tempore paulo iusto sicciori, ætas paulo iusto humidior à lapsu & morbis qui ab ea humiditate euenire possent, seruatur, & securissima est. Et propterea Celsus dixit cum Hippocrate: Et ætate prima tutissimi sunt. Diuersum esset, si quis quæreret, quod tempus ad conseruandum humorem puerorum, qui ad extensionem est necessarius, erit melius, ac diceremus veris initium: Hippocrates tamen de sanitate præsentis & securitate à morbis loquitur, de qua optimam distinctionem adhibuit Galenus, cum dixit, Adolescentes vere, & pueros initio ætatis optime degere. Neque resolui pueros ætatis initio putandum, sed eorum ctuditates coqui,

&

& eorum humiditatem parū mutari versus temperamentum, vti & parum à veris natura distat æstatis initium. Inquit deinde Hipp. Aestate & autumno, vsque ad aliquid, senes. Pars illa, vsque ad aliquid, Græce habet μέχρι μέν τινος, quā quidam vertunt, vt Fuchsius, aliquātisper, referentes eam ad senes ac si Hipp. veller senes quadāten⁹ bene habere æstate, & autumno, quod significare videtur, cū transfert sequentē orationem dicens: Reliquo hyemis tēpore, qui inter has ætates medijs sunt: quasi totius autumnī meminert, quāuis in Com. diuersum ab eo, quod in apho. scribit, videatur sentire. Nos tamen partem illam, μέχρι μέν τινος, ad autumnum referimus: senes nāque æstate bene valēt, quoniam hæc ætas frigida est, & calore æstatis corrigitur, & idē fit initio autumnī, quod diximus, vsque ad aliquid. interim enim calor æstatis perseuerat. Postremo dixit, τὸ δ' ἐλπίον, τῷ χειμῶνος, οἱ μέ σοι τῆσιν ἡλικίῃσι, quod est, Quod vero reliquum est, hyeme, qui medias tenent ætates. Sunt autem hi iuuenes, atque subsistentes à 25. anno, in 35. iuuenes, à 35. in 49. subsistentes, siue crudi senes. Iuuenes enim hyeme bene admodum valent, quoniam calor eorum non superatur, sed ad ventrem se conferens validior redditur, & in vniuersum attemperatur ipsius qualitas, quæ siccitati cōiuncta est. Autumno autem post primam partem, quam senibus commoda dixerat, crudi senes attemperantur ab ea autumnī parte, quæ iam hyemem refert: est enim, vt lib. 1. De arte medendi, cap. 4. docuimus, eorum temperies parum admodum declinans à iuuentu

Fuchsius
ποτισιμ.

te, & vtraque calida est, & sicca, sed minus calida subsistentium, paulo item siccior, ita ut ab humiditate postremæ partis autumnii iuuetur. Aut dices iuuenes & subsistentes, hyeme bene degere, dixisse, & prætermisisse reliquum autumnii: iuuenes autem, & subsistentes, qui à iuuenibus, insensibili lapsu labuntur, hyeme optime degunt, quoniam fere eandem habent temperaturam, & hyemi aduersam. Quod Celsus ita dixit: Iuuenes hyeme, quique inter iuventutem senectutemque sunt. Vbi duarum meminit ætatū. Nam duæ sunt ætates mediæ inter adolescentes & senes, & has dicit Hippo. optime degere hyeme, & maxime sanas esse. Cum autem dixit: Quod vero reliquum est, totius anni, nempe hyeme, qui medias tenent ætates, id est iuuenes & subsistentes, optime degunt, atque sanissimi sunt, siue, ut dixit, maxime sani: si quidem hyeme iuuenes & subsistentes probe seruantur, & sani maxime degunt. Licebit quoque, ut apud Gal. in Comm. ætates conferre regionibus, & facile inuenire, quæ ætates in quibus regionibus optime degent. Temperatæ enim in temperatis sanissimæ sunt, & dissipatæ in contrariis ad portionem.

APHORIS. XIX:

Morbi autem omnes in omnibus temporibus fiunt, magis autem quidam, in quibusdam ipsorum, & fiunt & proritantur.

COMMENT.

Quamplurimas habent suæ generationis causas morbi quicunque: omnes siquidem, quas non
natu-

naturales appellamus. Cùm igitur aut omnes, aut plures earum modum excedentes possint occurrere quouis anni tempore, poterunt quoque & in omni tempore quivis morbi generari, & si in quibusdam quidam magis fiant, & proritentur. Veluti tertiana hyeme visa est, ab ira, exercitatione immodica, & cibis calidis orta, æstate tamen frequentius generatur, & genita proritatur magis, hoc est, ad maiorem perducitur vehementiam. Verum etiam est, exquisitâ tertianam, alio quàm æstatistempore non generari: Gal. enim lib. 2. De diff. fe. cap. 3. ad generationem febris tertianæ simplicis, tempus exposcit, atque regionem calidam & siccam.

APHORIS. XX.

Vere quidem furores, melancholia, morbi comitiales, sanguinis fluxus, angina, grauedines, raucedines, tussis, lepræ, impetigines, alphi, pustula, ulceroſe multa, tubercula, & articulorum dolores fiunt.

COMMENT.

Quamuis omnium anni temporum ver optimū sit & temperatissimum, quā plurima morborum genera in eo fieri testatur Hipp. quæ nos quoque cuenire conspiciamus. Non equidem sua ratione, sed quatenus vires roborat, & calor ipsius hyemi succedens humores in ipsa, aut etiam ante ipsam congestos, agitat, & dilatat. vis autem valida excrementa superat, & à corpore pellit: aut ubi id facere nequeat, in partes ignobiles transponit: fit tamen nonnunquam, ut neque abundantiam vincere, neque ipsam ad partes dictas

Morbi veni.

o.ij.

transponere valeat, eam tamen diffundat, & in partem aliquam præcipuam impetu pellat. His suppositis notum est, etiam si vere morbi plurimi fiant, non esse causam in ipsum reiiciendâ: quemadmodum enim Gal. in Comm. dixit, quamnis exercitatio mala quædam afferat corporibus, ipsa ex se utilissima est. Quod Hippo. lib. 6. De mor. pop. parte. 5. scripsit dicens: Ulcera erumpent, si impurgatus quis laborauerit. Morbi igitur vere fiunt nonnulli, qui aliis temporibus magis debentur, ut licet videre conferenti morbos ab Hippocrate scriptos cum temporibus anni sequentibus, in quibus eosdem repetit. Sed nos modo singulos

Furores.

ordine persequamur. Furores sunt animi turbationes, & deliria ab humore melancholico afflato, uti & melancholiæ ab ipso naturali frigido, ac sicco humore fiunt, sanguinis & aliorum sæce

Comitiales.

similiter cerebrum occupante. Morbi comitiales fiunt à pituita, sed & quandoque à melancholia.

Angina.

Angina à pituita in guttur delapsa. Sanguinis fluxus veri proprius est, dilatato sanguine: is enim

Sanguinis fluxus veri proprius

aut per nares, aut vterum, aut venas ani, manat.

Grauedines.

Grauedines, rauedines, & tusses, læsis & occupatis ab humorum copia naribus, aspera pulmonis arteria, faucibus aut thorace eueniunt veris

Lepra.

ratione, qui tamen perniciosi non sunt. Lepra, apud Paulum lib. 4. cutis aspredo est, cum pruritu, orta ab humore melancholico, altam cutim orbiculatim depascens, à qua squamulæ decidunt.

Impetigo.

Impetigo verò à tenuibus, serosis, & acribus humoribus fit, crassioribus aliis mixtis. In hoc malo videmus scalpta cute, manare ichores.

ἀλφοί, vitiliginēs Latinis sunt, sed sunt albæ quæ ^{Ἀλφοί.} dā, aliæ nigræ, in cute, quæ & pilorū colorē mutant: & ab albis, albos pilos videmus ortos. Albæ ab humore fiunt pituitoso, nigræ à melancholico. Hispani albirazos appellant. Pustulæ etiam fiunt vlcerosæ multæ, quas appellat ἰξανθήσεις, & ^{ἰξανθήματα.} sexta sect. apho. 9. ἰξανθήματα. & lib. 3. De mor. pop. par. 3. secti. 51. ἰκθύματα, dixit, & Gal. in Commentario appellationem de sponte in cute efflorescentibus factam asserit. Sunt autem ex his puerorū variolæ dictæ, & morbilli, Hispanis viruelas y sarampione. Nam & li. 6. De morbis pop. parte 1. Com. 20. morbum hunc infantibus molestum esse dixit. At verò ad finem vlcerantur serosa cute hæc exanthemata. Tubercula etiam fiunt, idest ^{Tubercula.} parvæ inflammationes, quas appellamus nascentias, & in articulis dolores ad eosdem humore traducto, vt ad ignobiles particulas.

APHORIS. XXI.

Æstate autem ex his quidam, atque febres continuæ, & ardentes, & tertianæ plurimæ, & quartanæ, & vomitus, & diarrhææ, & lippitudines, & aurium dolores, & oris ulcerationes, & pudendorum putredines, & sudamina fiunt.

COMMENT.

Antequā æstatis morbos proprios narret, quosdam alios fieri in ipsa dicit ex his qui fiunt, vere, vti sanguinis fluxus, furores, pustulæ vlcerosæ: quoniam æstate ob humorum assationem hæc mala fieri possunt, aut ob eorum effluescētiā.

*Æstatis
morbi.*

*Musa ta-
xatur.*

*Sudami-
na.*

*Sarpulli-
do.*

Verum principium æstatis simile veri est, ac proinde morbos veris afferet. Fiunt autem æstate morbi peculiares, febres continuæ, & ardentes, & tertianæ, bile abundante, ac putrefacta in vasis aut ab eisdem extra missa: fiunt etiam vomitus, & ventris fluxiones, quas diarrhæas vocant, decumbente bile ad ventrem: lippitudines etiam, sed non siccæ, ut Musa voluit: quoniam humores acres, inordentes oculorum membranas, non possunt non protitare lacrymas, ubi non adfuerit magna cutis adstrictio: ea vero æstate non adest, sed magna pororum apertio. Aurium item dolores, oris ulcerationes, & pudendorum putredines, humore bilioso ad has partes fluente, & mordente, ac putrefacto. Sudamina item fiunt, quæ cutis aspredines sunt, quales infantibus fieri videmus, & quibusdam aliis natura humidis, & fœminis quarum cutis est mollior, æstatis tempore iuxta meridiem, & parum durant. Accidunt ex sanguinis ebullitione serosa parte & acri ad cutis poros deducta, nec discussa, nec in sudorem inanante, sed retenta ad speciem pustularum multarum, & minutissimarum. Hispani dicunt, sarpullido. Quartanarum etiam meminit Hippo. quæ vitione bilis fieri possunt. Sed partem hanc quidam non legunt, nec Gal. in Comm. eius meminit, nec Celsus, & apho. sequenti dicit, Autumno fieri plurimos æstivos morbos & febres quattanas, ab æstivis morbis separans ipsas. eam tamen partem libro octauo de placi. Hippo. & Plato legit.

APHO

APHORIS. XXII.

Autumno verò plurimi morbi æstivi fiunt, & febres quartana, & erratica, & lienes, & hydropes, & tabes, & stillicidia urinae, & leuitates intestinorum, & difficultates intestinorum, & coxendicum dolores, & angina, & asthma, & ilei, & comitiales, & furores, & melancholia.

C O M M E N T.

Autumnus sua natura frigidus & siccus est, & inæqualis, ex frigore & calore, quæ duo singulis diebus fiunt, mane & vespere frigus, ad meridiem calor, ob frigiditatem cohibet effluxum & transpirationem humorum, qui æstate aucti sunt, & quidam assati, ob inæqualitatem frigoris & caloris, totam ipsam naturam languidam reddit, & partes corporis languentes arguit. Quapropter non tantum ut de æstate dixit morbos quosdam veris facere, ita modo autumnum, quosdam æstatis, sed plurimos, quoniam æstas ad cutem uti ver deducit quosdam humores, & morbos veris. Verum autumnus omnem fere effluxum humorum æstate genitorum cohibens, plurimos æstatis morbos affert: sed sunt autumnio proprii: quartana à melancholia, quæ à frigore & siccitate habuit generationem, aut assatione genita fuit æstate, hæc vero autumnio retinetur, donec putrescat: fiunt quoque febres erraticæ tum ob temporis inæqualitatem, tum ob humorum crassitiem, ob quam febres quæ errabili modo apprehendunt, quartanæ sunt futuræ. Lienes intumescunt delata ad ipsos

Morbi æstivi autumni.

Autumnus cohibet humorum effluxum.

melancholia, & inde consentiente iecore, hydro-
pes succedunt. Tabes, quoniam temporis inæ-
qualitas languori, & extenuationi paratos arguit
statim. Vrinæ stillicidia expressa bile ad vesi-
cam, aut ipsa à frigore offensa, quod fit cum ca-
lor poros aperit, deinde frigus subito inuadit.
Leuitates & difficultates intestinorum, expres-
sis humoribus ad intestina, qui summam cutem
eorum exulcerantes ante coctionem cogunt ex-
pelli cibos, aut eosdem ob languorem non conti-
nent venter & intestina: Si verò profundius inte-
stina exserint, difficultates intestinorum pariēt,
coxendicum dolores fiunt crasso sanguine rrufo
ad eos articulos, maxime pituitæ mixto. Sic &
angina & fauces, & asthma ad pulmonem, com-
presso sanguine, qui æstate efferuescebat, & ad
cutem euellebatur, atque eo pituitoso. *Ileus* fit
tenui intestino inflammato, retentis fœcibus. Mor-
bus etiam comitialis detegitur in his, qui eo so-
lent aliàs laborare, præsertim quos melanco-
lia facit. Maniæ item & melancholiæ ad caput
transmissa melancholia calida assata, & effer-
uescente, aut fæce sanguinis crassa frigida & sic-
ca fiunt.

APHORIS. XXIII.

*Hyeme, verò pleuritides, peripneumoniæ,
grauedines, lethargi, rauedines, tusses, dolores
pectorum, laterum, lumborum, & capitis ver-
tigines, apoplexiæ.*

COMM.

Ad finem morbos refert, qui hyeme fiūt, suam naturam seruante. Est autem hyems natura frigida & humida, morbos igitur pariet à frigore & humiditate ortos, & partes frigidas facile lædet, & morbos ex defluxione concitabit, capite repleto. Hinc facile causas morborum traditorum ab Hippocrate reperies. Pleuritides enim fiunt sanguine expresso, aut à capite defluēte in membranas thoracem subcingentes. Quòd si in pulmonē decūbat, pulmoniam faciet: lethargum verò, si in cerebro pituitosus sanguis aceruetur, atque putrescat. Hanc partem non omnes codices habēt. cæterum legitur à Galeno li. 8. De placitis Hipp. & Pla. quo loco hunc aphorism. citat, Grauedines, raucedines, & tussēs ex defluxione omnes nascuntur, quas frigus cum humore facit. Dolores pectorum, & laterum, siue costarum, fiunt à frigida intemperie, aut ab aëre frigido, qui flatus modo ingrediens solet eos dolores afferre. Dolores etiam lumborum ob eandem causam: sunt autem lumbi spacia vtrinque; à vertebra quinque, quæ à thoracis vertebra ad os sacrum ordine procedunt, caput à frigore dolet, & ab humore crasso grauatur, is vero in flatum versus, & agitated vertiginē, occupans autē cerebri substantiam, apoplexiam facit.

Morbis hyemis.

Pleuritis generatio.

Lumbi.

APHORIS. XXIIII.

Per ætates verò talia eueniunt, paruis quidem, ac nuper natis puerulis, aphthæ, vomitus, tussēs, vigilia, timores umbilici inflammatio.

nes, aurium humiditates.

C O M M E N T.

In hac secunda parte huius sectionis morbos singulis ætatibus familiares narrat, à primo ortu infantiū auspicatus. Puerulis nuper natis, & paruis, hoc est iis, qui quāvis nuper nati nō sunt, nōdum tamē veniūt annumerādi iis, quorū mentionē habebit in sequēti apho. qui propē iam dētes edere debēt. Sunt igitur hi à primo ortu vsq; ad mēsem septimū, & vltra ipsum, autore Paulo li. i. ca. 9. nā

*Puerulo-
rū morbi.*

Aphthæ.

*Vomitus
puerulo-
rum.*

*Tusses pue-
rulorum.*

*Vigilia in
fantium.*

*Timor in
somnis pue-
rulorum.*

nō omnibus est idem terminus definitus. De par-
uis igitur, ac de nuper natis puerulis loquens, in-
quit, Aphthæ eueniunt. Referūtur sane morbi eo-
rū omnes aut ad tēperaturam, aut ad victū. Pueru-
li humidissimi sunt, & eorū cibus est lac, quod cū
exugitur, sua serosa parte palatū detergendo ex-
ulcerat, concedente mēbranę ipsius mollitie. Vo-
munt etiam frequēter, quoniam plurimū lac, & su-
pra modū accipiunt, quod alt copia grauat vētri-
culum, aut corrumpitur, mordet, & vtcunque pel-
litur: quoniam & retentricę habent imbecillam.
Tusses, distillante à capite in thoracem humidi-
tate multa & serosa, multa quidē natura, serosa
verò ex alimento. hanc partē non legit Galen. in
Com. legit tamē ipsam li. 8. De placitis Hippo. &
Plat. Vigilant item infantes, quamuis natura som-
nolenti sint, quoniam lac corrumpitur in eorum
ventribus, & fumus caput tentat, & eos à somno
excitat. Accedit ad id, quòd cum tenerrimam ha-
beant cutem, ab vrina & excrementis mordetur,
& inde vigilant & clamant. Timent in somnis,
& pauidi excitantur, ob fumos lactis corrupti in
caput

caput ascendentes, qui imaginē præbent rei terribilis, quæ ipsis talis appaſeat. Quod verò eodem maxime terret, eſt imaginatio caſus ab alto: nam & id vigilantes timent, quoniam ſe deſtitutos putant, qui ante id omni ex parte ab vtero amplexabantur. Id agnoſceſe extremis moribus brachiorum & crurū, cum à nutricibus nudī ſubleuantur. Umbilici ſiunt inflammationes, *Umbilicæ inflammationes;* ſanguine ad partem vulneratam & dolentem tranſmiſſo. Per aures humiditates purgantur, quæ in capite abundant. Quod verò & per nares purgētur, natura ſit, & ſine morbo. Narrat verò Hippo. modo morbos: non meminit tamen comitialis, quoniam non eſt iſtantum familiaris, ſed magis euenit iis qui dentes edunt, quod conſtat ex apho. ſequenti: nam conuulſiones motus conuulſiuos comprehendunt, & comitiale morbum. Numerat autem conuulſiones inter morbos eorum, qui dentes edunt, & Prognostico 34. libri 3. conuulſiones, dixit, promptiſſimè euenire pueris quāmprius editis uſque ad ſeptimum annum: non igitur eſt familiaris nuper natis, qui adultioribus etiam euenit, & eis magis, ut in apho. ſignificat ſequenti: hoc eſt, quod Commentario 29. dicit ex Hippocratis ſententia abundare in pueris comitiale, & quod ea ratione morbus puerilis nominatur.

APHORIS. XXV.

Cum verò prope iam ſunt, ut dentes edant, gingivarum pruritus, febres, conuulſiones, & alui profluvia ſiunt, præſertim cum caninos de-

tes edunt, & ijs, qui crassissimi sunt, & aluos duras habent.

COMMENT.

Morbipue Iis, quibus dentes pullulare incipiunt, à septi-
torum cū mo & octauo mense, & ultra hos, morbi quidam
prope sunt accidunt ex defluxione, à morfu, & irritatione,
ut dentes quam dentes cū oriuntur efficiunt. Pruriunt
edant. nāmque gingiuarū diuidente ipsas dente, ex pruri-
 tu concitatur dolor, & vigilia, & fluxus humorū
 ad cor & thoracem, inde febres. Ad febres con-
 uulsiones, liquatis humoribus implentibus ner-
 uos, sequuntur: ad quod accedit neruorum pue-
 rorum imbecillitas. Quòd si in capite concitatus
 humor, obstructionē fecerit, morbi comitiales fiēt,
 quib⁹ cōuulsiones cōiunctæ sūt, symptoma ipsum
 scribit Hippocrat. Venter quoque fluit, quoniam
 in ventriculum & intestina delabitur humor, ir-
 ritatione gingiuarum commotus. Accidunt hæc
 maxime cum caninos dentes edunt, qui aliis an-
 terioribus maiores sunt, & interim gingiuarū du-
 riores. Tum etiam crassiores hæc patiuntur, quia
 pleniores sunt, & magis comprimūt sanguinem,
 vnde putrescit magis ad febres generandas, & cō-
 uelluntur, & comitali laborant: sic etiam vbi al-
 uos duras habuerint, quoniam excrementa ven-
 tris retenta, in caput affumant, & neruōs implent,

APHORIS. XVI.

*Grandioribus tamen, tonsillæ, vertebrae,
 quæ ad occipitium ad interiora luxationes, asth-
 mata, lapides, lumbrici rotundi, ascarides, ver-*
 TUCÆ

ruca pensiles, satyriasis, strumæ, & alia tubercula, præsertim ante dicta.

COMMENT.

Cum verò pueri magis ætate processerunt, à dentitione in vndecimum annum, post quem sequuntur pubertate proximi: de quibus apho. sequenti aget, morbi eis eueniunt, quos hîc refert, qui omnes ab humorum abundantia, & crassitudine materiam accipiunt, & accedente calore generationē. Tó sillæ Græcis *περίσθμια*, hoc est, iuxta *περίσθμια* isthmum, est autem isthmus, angustus locus inter duo maria, qua parte tamen cibos & potus deglutimus, angustia est, à lateribus tamen sunt glandulæ duæ, quæ iuxta isthmum siue angustia sunt. Hæ in pueris inflammantur, & nomen partis, ipsæ inflammationes sortiuntur, & *περίσθμια*, id est, tonsillæ dicuntur, aliàs etiam antiades, Barbaris, amigdalarum inflammationes, Hispanis, agallas. Luxatur etiā vertebræ, quæ in occipitio, præsertim secunda ordine ad anteriora, siue ad interiora: idem enim est. Habet morbus ortum ab inflammatione ad anteriora euellente vertebra ipsas, sed euellitur, quandoque tertia, & ab his anginae fiunt, compresso gutture: in pueris ab humoribus relaxantibus vertebrarum ligamenta fiunt: præsertim ubi partes anteriores inflammant, quæ easdem ad se trahant. Harum luxationum meminit Hippocrates libro secundo De mor. pop. Asthma fit oppleto pulmone crassis humoribus, vnde celeriter ob angustiam respirare coguntur, tãquam à celeri cursu. Lapidēs in vesica fiunt, vti senibus

*Luxatio
vertebræ.*

Asthma

Lapides.

bus

bus in renibus, quoniam puerorum humores magis fusi sunt, & à renibus in vesicam delabuntur, vbi accedente calore concresecunt. Lumbrici teretes in intestinis fiunt, & ascarides, in recto præsertim, à corruptis cibis in pituitosam naturam, accedente calore viuificante: sed de his libro tertio De arte medendi diximus. Verrux pensiles, quas Græci ἀποχορδῶνες dicunt, quia chordarum nexui videantur similes, ob angustiam basis. Sunt parux quædam cutis eminentiæ, callosæ, rotundæ, sine dolore, angustæ basis, ita vt suspensæ videantur, ac proinde pensiles dictæ. Satyriasis, pudendi significat erectionem, & ossium capitis prominentiam, & quandoque lepram. Sed libro De antiquis dictionibus Hippo. significat σατυριασμός, tumores prominentes in glandulis, quæ sunt circa aures. Partem hanc Fuchsius optime enarrauit. Strumæ sunt duri tumores circa aures & maxillas inferiores, quas Græci χοιράδες, dicunt, quoniam χοῖρος, porcus est, & hoc morbo porci frequenter laborant, appellant quoque has scrofulas, quoniam scrofæ hoc malo affliguntur. Hoc loco Gal. libro 8. de placitis Hippo. & Pla. legit σπαραγγρία, id est, vrinæ stillicidia, quæ eis eueniunt ab humore, vesicæ musculos relaxante, aut vesicam implente, aut à lapide vesicæ, qui de familiaribus morbis ipsorum est. Fiunt etiam & alia tubercula, sed præsertim dicta. Tubercula Græcis φύματα. sunt autem hæc inflammationes adenarum, quæ celeriter tendunt in supurationem.

Apho.

APHORIS. XXVII.

His tamen, qui adhuc grandiores sunt, & ad pubertatem accedunt, horum plurimi, & febres diuturnæ magis, & ex naribus sanguinis fluxiones.

COMMENT.

Pubescūt homines tredecimo, & quartodecimo anno, & pubertas ad 18. extēditur. Adoleſcentia vero à 18. in 25. vt Gal. vult. com. 9. ſectionis. 5. inde ſequitur iuuentus. Cū igitur pueri iam 14. annū attingunt, & pubertatē ipſam, quæ antecedit adoleſcētiā, plurimos morbos ex dictis patiūtur, vt lapides, lūbricos, & tonſillarum inflāmationes, ob cauſas dictas in Commentatio præcedenti. Præter hos tamen febres diuturnas magis, quoniam magis aliis ſanguine abundant, nam & ſi non plus aliis generent, minus tamen abſumunt, quia minus augentur. Ante hanc tamen ætatem febres ſiunt acutæ magis, vt Galenus in Cōmentario propter corporis humiditatem, & facultatis naturalis ἀπρωσίαν, id eſt imbecillitatē, ſed Laurentianus, & antiquus interpres legunt πρόμνη, id eſt robur: & bene, quoniam eorum naturalis facultas robuſtiſſima eſt, & cito morbos finit. Ea de cauſa patiuntur ſanguinis è naribus fluxiones: ſed mares præſertim. nam eo tempore ſcēminis erumpunt menſes, qui eas à fluxu ſanguinis liberant, & à multis aliis morbis. Sanguis igitur in ea ætate magis abundat, & inde prædicti morbi oriuntur. Hæc aphoriſm. expoſitio plana eſt, & Galeni Commētarius facilis, & perſpicuus, & ætatum diuiſio ad Galeni & Hippocratis mentē

Morbi eorum qui ad pubertatē accedunt.

*Taxatur
ille.*

integererrima habetur à nobis libro 1. Progn. in expositione 29. & libr. 1. De arte medendi, capi. De temperamentis. Quamobrem in vanum se ipsum discruciat ille, qui nouas alias ætatum diuisiones inuenire contendit, & Galenum reprehendere, & deinde asserit, semen viris, & menses fœminis in adolescentia erumpere, quæ duo fieri videmus 13. & 14. anno, & adolescentia incipit à 18. vt diximus ibidem. Nam & diuisiones aliæ, ab his quibus vtitur Hippocrates atque Galenus, inutiles erunt ad libros eorū legendos, & agnoscendam sententiarum veritatem.

APHORIS. XXVIII.

Plurimæ autem passiones pueris iudicantur. hæc quidem in quadraginta diebus, illa verò in septem mensibus, illa in septem annis, quedam cum ad pubertatem perueniunt. Quæ verò in pueris perseuerant, & in pubertate non desinunt, vel fœminis cum menses erumpunt, ad multum tempus durare consueuerunt.

COMMENT.

Fines morborum puerorum, qui diutini sunt, siue iudicationes eorum, perscribit dicens: eos iudicari 40. die: hic enim est primus terminus longorum morborum: sed sunt alij, qui septem mensibus iudicantur, quemadmodum acuti septem diebus. Alij morbi septem annis iudicantur. Alij sunt, qui quouis anno ante ceperint, ad pubertatē vsque prorogantur, & ibidem finiuntur: viris qui dem

Fines longorum morborum.

dem, quia humidi minus sunt, & excrementa quædam in pilos absumunt, & semen mittunt: scæminis, quoniam menses erumpunt. Quod si eo tēpore & ætatis mutatione, & quarto decimo anno accedente non sanantur, commoriuntur, siue ut Hippocrat. modo dixit, χρονίζεν εἰωθεν, quam partem Galen. ita exponit, μέχρι πολλῷ χρόνῳ παραμένεν εἰωθεν, id est multo tempore permanere consueuerūt. Cum verò Hipp. dixit morbos quosdam finiri quadraginta diebus, aut septem mensibus, aut septem annis: Dicit, qui solet, Hippocr. *Taxatur ille.* voluisse morbos puerorum finiri quadragesimo die ab ortu, aut septimo mense, aut septimo anno, aut etiam decimo quarto, quoniam hisce temporibus non paruas suscipiunt pueri mutationes. Cæterum præter id, quod Galen. contradixit, non consonat literæ Hippoc. qui dixit, τὰ μὲν ἐν τεσσαράκοντα ἡμέρῃσι, τὰ δὲ ἐν ἑπτὰ μηνσὶ, τὰ δὲ ἐπὶ ἑπτὰ ἔτεσι, quod est, hæc quidē in quadraginta diebus, illæ verò in septem mensibus, illæ in septem annis. Modo qui ad finem quadraginta dierum abortu vti 35 laborans, ipso quadragesimo liberatus est, non dicitur liberatus quadraginta diebus, sed quadragesima die: & qui sexto ætatis mense ægrotauit, sanatus septimo mense ætatis, minus benedicetur, septem mensibus liberatus, sed septimo mense. Dixisset autem Hippo. de eo qui liberatus est die quadragesima ab ortu, non ab ægrotatione, iudicatum fuisse, ἐν τεσσαράκοντῃ ἡμέρῃ, id est, in quadragesima die: non ἐν τεσσαράκοντα ἡμέρῃσι, id est, in quadraginta diebus, ut dixit, quoniā neque quadraginta diebus ægrotauit.

Iuuenibus autem sanguinis spuitiones, tabes, febres acute, morbi comitiales, & alij morbi, præsertim prius dicti.

COMMENT.

Quare Hippo. prætermiserit adolefcētium ætatem, Gale. in Comment. existimat factum, quoniam ex dictis de puberibus aphoris. 27. constare poterit: nam in adolefcentia, vti in pubertate, sanguis abundat, & fluxus sanguinis narium, eis ætatis ratione eueniunt. Est quoque ætas hæc temperatissima, & in qua paucissimi sperantur morbi familiares. Hæc est à decimo octauo in vigesimum quintum annum, vt quinta sectio. Commēta. 9. qui verò aliter diuidit ætates, præter id quod fallitur, confundit omnino Hippocrat. & Galen. doctrinam, qui illis ætatum nominibus illos homines intellexerunt, quos intra eas comprehenderunt. Iuuenibus itaque fiunt sanguinis spuitiones, quoniam sanguis adhuc abundat in iuuentute, atque is biliosus, qui ad pulmonem ductus ipsum exedet, vnde & tabes sequetur, qua laborare adolefcentes, & iuuenes aphoris. 9. sectionis 5. docuit, dicens: Tabes fiunt maxime ætatibus à decimo octauo in trigesimum quintum: febres item acutæ eis eueniunt, ob bilis redundantiam, quæ si intra venas putrescat, efficiet ardentem: si extra, tertianam, vtraque tamen est acuta breuitatis ratione, quamuis tertiana periculo vacet, li. 1. D. de mor. pop. parte. 3. Cō. 1. & Hippo. ibidem sect. 8. inquit: Tertiana exquisita celeriter iudicatur,

*Morbi in
lib. 1. 11. 111.*

tur, & lethālis nō est. Morbus comitialis per consensum à vētriculo, ob bilis abundātiā fieri potest, sed primogenia affectione, à pituitoso humore, aut melancholico cerebrū occupante, non fiet iuuenibus, nisi ob malam victus rationem, quem admodum & supra dixerat sectio. 2. Senes iuuenibus vt plurimum egrotant minus, quod ad viuendi rationē retulimus. Atque ita modo, cū iuuenes indistincte cibos crassos capiant, humi cubēt, veneri indulgeāt, soli & imbrib⁹ se exponāt, nihil mirū si comitialibus capiantur. Gal. verò miratur, quòd Hippocrat. comitiales scripserit iuuenibus euenire, prættermiserit autem cum de pueris loquutus est: cum tamē alibi dixerit ipsum pueris abundare, & ea ratione dictum morbum puerilem. Notū autem est hic Gal. loqui de morbo comitali per essentiam incapite. Quapropter *Taxatur ille.* inutilis mihi videtur expositio, qua quidam machinatur, cuius meminimus (nam est ille sane ingeniosus) Hippo. non tātum narrare morbos, qui singulis ætatibus fiunt, sed etiam qui in eisdem proritantur: vti & supra apho. 19. cū dixit: Morbi omnes in omnibustēporibus fiunt, sed quidam in quibusdam magis & fiunt, & proritantur: atque in ætatibus quidā magis fiunt & proritātur, vti comitalis, qui post vigesimum quintum annum proritatur magis, & repetit frequētius: licet enim in iuuentute minus fiat, tamen factus in pueritia, si ad iuuentutē perueniat, in ipsa exacerbabitur. Sed deceret prius cōsiderare, an velit ipse loqui de morbo comitali per cōsensū facto

ab humore bilioso in ventriculo, an de facto ob crassos humores in cerebro: si de primo, non opus est distinguere morbos, qui fiunt in aliqua ætate, ab his, qui in ea proritantur, & dicere Hippoc. hic annumerare eos, qui proritantur, aut exaceruantur: nam comitialis qui à bile fit per consensum, iuuenibus, & fit, & aceruatur. Si tamen loquitur de comitali afficiente ipsum cerebrum primaria affectione, à crassis humoribus, is neque crebro fit, nec crebro aceruatur: ut enim iuuentus propter siccitatem solet quosdam sanare aphor. 45. secti. 2. ut vult quoque Gal. in Comment. poterit semper magnitudinē suppressere eorum qui nō sanantur, eadē omnino exicādi facultate. Præter id quod valde alienum à ratione est, alios intellexisse Hippocrat. morbos, qui fiunt, & alios qui in temporibus proritantur. dixit enim: Quidam verò magis in quibusdam & fiunt, & proritantur. Tertianæ enim ætate ut magis fit, ita magis proritatur: & quotidiana ut magis fit hyeme, ita magis proritatur: & è conuerso ut magis prædicti morbi eis temporibus proritantur, ita & fiunt magis. Adde quod morbus comitialis, qui à crassis succis fit, quamuis nō sanetur post 25. annum, tamen non proritatur magis, quia ex ætate prædicti succi non abundant.

APHORIS. XXX:

Illis verò, qui hanc ætatem prætergressi sunt, asthmata, pleuritides, pulmonia, lethargi, phrenitides, febres ardentes, cholera diutina, ventris

vētris fluxiones, leuitates, & difficultates intestinorum, & hæmorrhoides.

C O M M E N T.

De ætate, quæ iuuetutem sequitur, præsens est aph. ea verò à 35. anno in 46. porogatur, quā nos substantiā appellauimus, & subsistētes eosdem cū crudis senibus esse, tū in expositionib⁹ li. Prog. tū li. i. De arte medēdi abunde probauimus. Hæc ætas eam fere rationem seruare videtur ad iuuentutem, quam autumnus ad ætatem: & quemadmodum autumnus frigore continet bilem ætate genitam ne dissoluatur, ita subsistentium ætas quæ paulo frigidior est quàm iuuenum, bilem in iuuentute genitam retinet. Sunt sane subsistentes *Subsistentium temperies.* iuuenibus frigidiores, verū tamen non admodum manifeste, quoniā & si non adeo labores ferre, vt ipsi possint, ad ciuilia negocia adhuc valent. Bilis verò ea parte morbos facit in quam redundans transfunditur. Præter id quòd vt autumnus morbos quosdam à melācholia facit, vita & ætas hæc hæmorrhoides & ipsam melancholiā cuius mentionem fecisse Hippo. ob quædam exemplaria in quibus reperiebatur credendum est, autore Gale. Cū itaque bilis mixta cruditatibus, quas etiā cōgerunt ob malū victum, & quoniā nō ita bene coquūt, in pulmonē effluerit asthma, aut peripneumoniā efficiet, si in caput lethargū, vbi bilis ipsa sincerior efficiet phrenitidē: si in membrānā subcingentē costas, pleuritidem: si in venis contenta putrescat, febrē affert ardētē: vbi ad intestina trāferatur, diuturnos alui fluores: si misceatur bilis

cruditatibus: sine ipsis intestinorum abrasiones, & dysenterias. Lyenteria, non habetur in quibusdam codicibus. Legitur tamē in aliis hæc pars, & à Gal. in Com. ac fit ob malum victum non trahentibus membris tantam cibi copiam, quāra assumitur, qua ratione crudi cibi per ventrem descendunt, aut intestinis & ventriculo à bile derasis fiet ante tempus ciborum excretio, minus etiā constante retentrice in eis. Cholera verò fit humore bilioso impetu delato ad partes ventris, atque ita excreto vomitu, & ventris secessu.

APHORIS. XXXI.

Senibus autē difficultates respirandi, distillationes cū tussi, urinae stillicidia, & difficultates, articulorum dolores, nephritides, vertigines, apoplexia, mali habitus, prurit⁹ totius corporis, vigilie, vetricis oculorum & narium humiditates, visus hebetudines, glaucedines, & graves auditus.

COMMENT.

De senib⁹ est præsens sententia, qui ætatē ultimā tenent, eā videlicet quæ 49. anno incipit, quamvis & hanc diuidant medici in senectutem & decrepitam. Hipp. itaque cū de aliis ætatibus egisset, senes qui post subsistentes sequuntur, de quibus apho. præcedenti scripsit, vnā omnes comprehendit, & eorum morbos narrat. Hi sunt respirandi difficultates, ob frigiditatem thoracis, & ob pituitæ abundantiam, quæ distillatione à capite descendit, & pariter tussim affert. Abundant enim multis cruditatibus & pituita. quapropter quibusdā visi sunt senes frigidi & humidi, qui tamen frigidi

Senes morbi.

gidi & sicci natura sunt ob ariditatem. Vrinæ stercoricia ob intemperie frigidam vesicæ, & difficultates urinae ob multam pituitam impediētem urinae transitum fiunt. Articuli dolent, quoniam ad eos transfundit natura humores crassos. Adde quod in senectute non exercentur, neque dissolunt excrementa, quæ natura ex consuetudine à iuvenute mittit ad articulos. Solent enim articulorum humiditates impedire quominus ossa attritione incalescant valde, quæ interim dum exercentur absumuntur, quiete verò servantur. Nephritides renum morbi sunt, obstructions quidem à crassis humoribus senibus fiunt. Lapides verò accedente calore eos assante, vertigines à crassis vaporibus agitatæ, qui in cerebro generantur, aut aliunde in ipsum ascendunt. Apoplexia à crassa pituita senibus accidit, cum aut supra modum augetur, aut à causa aliqua dilatatur. Malus habitus refrigerato iecore & crudo sanguine, aut eius vapore cum sanguine in ambitum corporis delato. Totius corporis pruritus ob salisam pituitam quæ senibus est molestia, & eius transpiratus ob cutis siccitatem cohibetur, quæ eiusdem generationis est magna causa, pituita enim cohibita putrescit, & à siccitate membrorum alterata in salisam transit quæ pruritum efficit. Vigilant ob cerebri siccitatem, ubi humiditates via aliqua expurgentur, sic & quia curis vexantur, quidam etiam à vapore salisæ pituitæ mortuum in cerebro patientes excitantur. Humiditas præterea abundans si in ventrem aut oculos, aut nares mittatur, easdem partes humiditas efficiet. ἀμβλυπία sunt visus hebetudines, absque manifestâ causa.

*Articuli
quæ senibus
dolent.*

ἀμβλυπία

γλαυχά-
ματα

Graues item auditus à redundātia humiditatis in
meatu aurium interno. Glaucedines, Græci γλαυ-
κώσεις & γλαυκώματα vocant, fiunt hæc ob immo-
dicam instrumentorū siccitatem, & quia speciem
habent suffusionis autore Gal. in Com. & li. Artis
medicinalis cap. 27. Glaucum colorem, inter reli-
qua, retalit ad puritatem & paucitatem humoris
aquei qui in pupilla continetur. Et li. 10. De usu
partium, Siccitatem nimiam esse adstruit atque
concretionem crystallini humoris. Paulus tamen
li. 3. veteres dixit vnum voluisse, glaucedines esse
& suffusiones: posteriores tamē existimasse glau-
cedines humoris crystallini passiones, ὁπὸ ὁ γρό-
τητος μεταβαλλομένε, ἐπὶ τὸ γλαυκόν, id est, ab hu-
miditate mutati in glaucum colorem. Cum autē
constet crystallinum ab humiditate non mutari
in glaucum colorem, sed à siccitate, legendum e-
rit, ὁπὸ ξηρότητος, id est à siccitate.

Pauli lo-
cus emen-
datur.



HIPPO. APHORISMORVM
sectio quarta, Christophoro
à Vega interprete &
expositore.

APHORIS. I.

Vtero gerentes purgare si turget hu-
mor, quadrimestres, & vsque ad septi-
mum mensem: sed minus has, iuniores
autem & seniores vitare oportet.

COMMENT.

IN quarta hac aphorismorum sectione
de rebus non parū diuersis scribit Hipp.
aphorismos. principio de purgationibus
quæ arte fiunt, & purgantium medicamentorum
facultate, deinde de purgationibus sponte fa-
ctis, deinde de febribus, ultimo loco de vrinis. In
præsenti vero de vtero gerentibus docet qui-
bus earum liceat purgantia adhibere medica-
menta, ac quibus temporibus. Quatuor ta-
men partes continet apho. prima est, Vtero ge-
rentes purgare oportet quadrimestres, & vsque
ad septimum mensem. Secūda est, Id facere con-
uenit si humor turgeat. Tertia docet minus cōue-
nire purgationem his quæ sunt ad septimū men-

siones non feret fœtus primis mensibus, dum tenerrima sunt eorum in vtero acetabula: neq; postremis, in quibus sola grauitas fere potest eadem dirrumpere, & solet abortus asferre, & septimo tentare partû solet natura, & quãdoq; perficere. Adde quod fœtus exitû tentat postremis mēsis, ob alimēti inopiã. Sed neque hoc tēpore intermedio purgantia conueniunt nisi materia turgeat, id est agitata sit & cōmota, ita vt periculum immineat raptus eiusdem in partem aliquam nobilem, aut in fœtum ipsum. Tunc etiam maioris mali vitãdi gratia eas purgabimus. Quiescētibus humoribus, non: Cæterum mihi non minus videtur cōuenire coctis humoribus atq; quietis, purgatio, quàm turgentibus nondû coctis, & vt Hip. turgentes humores vtero gerentiû purgare cōcedit, nihil vetat in febrib⁹ aut aliis morbis, vbi humor coctus fuerit, ipsû medicamento ducere, cū morbus minor iam sit in fine status, aut in ipsa declinatione. Neque Hip. qui primum statuit, turgentes videlicet esse purgandos, tollit purgationem coctorum nō turgentium. Præter id quod neque quo tēpore Hip. eos purgare præcipit op⁹ est medicamēta præbere quæ Hipp. præbuisset, neq; ex eisdē cōposita, quæ vti valida recensuimus, sed leuia, aut mediocria, quorû vsum neque ipse denegasset coctis humoribus, minime vero vbi turgētes forēt, de quibus Gal. in Com. dixit, nō egere nisi veluti manu ducente, & perducēte ad locū vacuationis. Nō igitur opus esset validis medicamētis, neque alia denegare à quarto in septimū mēsem, quãuis nō turgeāt humores. Dixit præterea, Sed minus has, hoc est mi-

Coctos humores prægnantium purgare.

sistere. quod non ignorans Hipp. ipse in apho. inquit: Vtvero gerentes purgare si materia turget quadrimestres & vsque ad septimum mensem, minus vero has, iuniores & seniores vitare oportet. Et parum infra inquit: Ob hæc trimestres & quadrimestres præ aliis magis seruantur. In his verbis notum est, Gal. velle ex Hipp. sententia trimestres fœtus esse de his qui magis seruantur, cū tamen in apho. tres primos menses excludat, & tres postremos. Quod si trimestres seruātur magis, ferēt etiā facilius absque abortu purgationē. Præterea dubium videtur, quare Gal. cū dixisset trimestres & quadrimestres fœtus magis aliis resistere, illud approbavit ex apho. sententia, in quo Hipp. nullam habuit tertii mensis mentionē. quæ de re multa inuenio ab aliis dicta quæ non satis placent. Quidam enim dixerūt Hipp. in libris De mor. pop. ea scripsisse quæ experimento inuenit, In apho. tamen reiecisse quæ nō constāt ratione, atque ita exclusum tertium mensem. Verū quid ad Gal. dicta respondebimus? qui non tantū approbat vim tertii mensis ad seruādos fœtus, sed aliis præstare ea in re dicit, generale quoddā ac firmū statuens quod de tertio mēse dixit Hipp. Alii dicunt diuersam esse rationem sumptā ex sexu, & mares, quoniam citius formātur, tertio iam mense seruari, fœminas vero non ante quartum, & credunt mulierem, de qua lib. 3. De mor. popu. concepisse marem. Sed quoniam nullam adhibent rationē ad id credendū, vana est eorum opinio. Alii dixerunt vim totā cōsistere & dubii solutionē in illis verbis Hipp. Sed minus has. quibus

verbis significauit minus purgandas esse quæ sunt
 ad septimū mensem, quā quæ ad quartū. Sunt au-
 tē ad septimū mensem, quæ sunt in sexto, & ita cū
 potius purgationē ferant quæ sunt in quarto, quā
 quæ in sexto, illæ quæ ad quartū proxime accedūt,
 cū in tertio sint, ferent itē purgationes, fere vti &
 quæ sunt in sexto. Atque ea ratione Gal. in Com.
 citato ex li. 3. De mor. pop. cū Hipp. tertium mensem
 ad firmitatem fœtuum laudauit. Et ita Gal. cōpro-
 bat quod habetur in hīstoria per apho. quoniam
 putat ibi potestate contineri mensem tertium, cum
 dixit, Sed minus has. Præterea quod Hipp. nō me-
 minerit tertij mensis expresse in apho. eam dicūt
 causam, quoniā ibi in vniuersum loquitur, & sine
 conditione: li. tamē de mor. pop. vt cōstat ex Gal.
 in Comm. loquitur de muliere robusta, & valida,
 quoniā miratur quare nō meminerit ætatis Hip-
 eam enim putauit necessariam ad liberandā mu-
 lierem, credit igitur ipsam fuisse florentem æta-
 te, & validam. aliās non euasisset à morbo acuto.
 Verū neque hæc placēt, quod enim primo loco
 dicunt, tertium mensem potestate contineri, cum
 dixit Hippoc. Sed minus has, quod si minus pur-
 gare conuenit eas quæ sunt ad septimum, (di-
 cunt) quā eas quæ sunt in 4. licebit etiam pur-
 gare eas quæ sunt prope quartum, id non colligi-
 tur, præter id quod Gal. tertium mensem non tan-
 tum voluit fœtus seruare. Sed magis aliis, cum di-
 xit: iam illud quoque meminisse conuenit fœtum
 trium vel quatuor mensium præ aliis maxime re-
 sistere, & infra dicit: Ob hæc trimestres & quadri-
 mestres præ aliis magis seruāntur. Quam ob rem
 nobis

nobis aliter respondendum videtur. Principio in Hipp. sententiis nihil est quod dubium videatur. quamvis enim in lib. De mor. pop. historiam narrauerit mulieris quæ trimestrem fœtum seruauit in morbo acuto, non tollit veritatem apho: in quo tribus primis mensibus & tribus postremis significauit non esse tritas purgationes. Neque enim illud singulare potuit generalem efficere disciplinam, neque de purgatione loquitur, aut eius meminit ibidem. Quod tamen videtur dubium ex Gal. verbis manat, qui tertiū & quartum mensem aliis præfert, & illud ex apho. comprobatur. Verū primum horum hac ratione verum videtur, quod cum ibi loquatur de muliere morbum acutum patiente, id tantum probat ad ferendos morbos acutos præferendos tertium & quartum mensem. Quod verum est & rationi consonum, nam morbi acuti abortum afferunt ob id quod febres continuas fere habent adiunctas, qualis etiam erat morbus mulieris prædictæ. Per morbos autē febriles vtero gerētes periclitantur ob febrem quæ fœtum interimit, & quoniam alimentum commodè adhibere est difficile, & pene impossibile. Hæc autem mala trimestres & quadrimestres facilius ferunt, cum enim adeo magni non sint ut à calore & angustia loci febricitantes suffocentur, aut ob alimenti inopiam deficiant, uti magni, melius maioribus seruari poterunt. Minoribus vero melius quoque, nam ob tenerrimam eorum substantiam qui ante tertium mensem sunt, à febribus, & alimenti inopia citissime dissoluuntur & pereunt. Hac igitur

ratione dixit, Gal. trimestres & quadrimestres magis aliis seruari, peracutos intellige morbos. Id quoque palam docuit Gal. infra sect. 5. Com. 30. ubi Hippoc. dixit: mulierem utero gerentem capi ab aliquo morbo acuto, lethale: Gal. vero causas prædictas reddit dicens: In hoc duplex est periculum, vnum quidem propter febrem fœtum occidentem. Alterum vero, quod ex longo intervallo cibum dantes ex alimenti defectu fœtum destruimus. Cõstat igitur ex his quare trimestres & quadrimestres fœt⁹ per morbos acutos magis seruantur, quia minus ab his causis offendentur: Præterea in Comm. loci citati ex 3. lib. De mor. popu. postquã dixit fœtus minores imbecilla habere ligamenta, quibus utero hærent, & corpus totum molle esse. Maiores vero ob alimenti defectum periclitari: addit, ob hæc trimestres & quadrimestres magis seruantur. Ratio itaque est, quoniam fœtus quadrimestribus maiores alimenti inopiam minus eis ferunt, & minores sunt tennerrimi. Ad ferendas tamen commotiones quæ per medicamenta purgantia fiunt, fœtus trimestres adhuc sunt inepti ob mollitudinem accetabulorum. Et ea de causa in apho. excluduntur. Trimestres itaque licet minus aliis molestantur à febribus, & alimenti inopia: motionibus minus resistunt quàm qui sunt à quarto, & vsque ad septimum. Sed quare Gal. tertij & quarti mensis vim comprobat ex apho. in quo nulla tertij mensis habetur mentio? Dicemus Gal. nunquam putasse quod neque vulgaris homo putaret, aphor. comprobare mensis tertij vim. At vero citauit apho.

vt doceret Hippo. agnouisse causas ob quas minime ferunt purgationes fœtus ante 4. mensem, & post sextum. E quibus nonnullæ accommodantur comprobationi tertij mensis. Causæ sunt acetabulorum mollitudo, & substantiæ fœtus ipsius in minoribus, in maioribus grauitas maior vi retinente eos, & per morbos acutos alimentorū inopia, atque febris. Ob primas duas causas nō ferūt fœtus cōmotionem quā faciunt medicamēta purgantia, quibus trimestres non resistūt, neque cōmotionem ferunt. Ob tertiā tamen & quartā trimestres magis aliis seruātur. Siquidem maiorem in ediam ferunt quā minores qui dissoluuntur facilius, nihil minus & à febrīū vehemētia. Quod agnouit Hipp. cū dixit, minores nō ferre cōmotiones medicamentorum purgantiū, & ita ex apho. sententia cōprobatur Hipp. nō ignorasse causam quare tertius mensis, pariter & quartus sunt validi ad seruādos fœtus. Agnouit enim teneritatem. hæc vero facit vt ante tertiū non ferant colorem febrilem dissoluentem, neque alimenti inopiam, ob eādem causam, ob quam neque maiores quadrimestribus ita bene seruari poterunt. Licet & hi vsque ad septimum mensem commotiones ferre valeāt præ cæteris. Quia itaque Hipp. scribēs hūc aph. agnouit, fœtus in primis mēsis ob mollitudinem, & in postremis ob magnitudinem & grauitatem, non ferre medicamentorum purgantium commotiones, necessariò etiam agnouit trimestres & quadrimestres, cū minus molles sint minoribus, minus dissolui à febribus acutis, & minus suffocari à febribus quàm maiores, & minus

eisdem lædi ab alimenti inopia, ac perinde magis aliis à morbis acutis liberari.

A P H O R I S. II.

In purgationibus per medicamenta talia ducere conuenit è corpore, qualia sponte venientia utilia sunt: quæ vero contrario modo veniunt, retinere oportet.

C O M M E N T.

*Sponte
q. id.*

Naturam probe operantem ars imitari perpetuo debet, ad cuius imitationem medici inuenire medicamenta purgantia, ut instante usu talia à corpore ducerent, qualia natura sponte, id est nulla artis ope accedente, solet excernere. Sed id bifariam fit, aut uti naturæ opus, aut uti symptoma natura intempestiue excernente quod grauat, aut mordet, aut irritat. Medicum igitur decet talia per medicamentâ purgantia ducere, qualia sponte venientia utilia sunt, talia etenim conferunt, & bene ferunt euacuationem: ut lib. I. apho. I. late docuimus in expositione. Primum à priori docet coniicere Hipp. in eo apho. multis etiam additis à Gal. in Com. illo, atque præsent. Secūdum æger referet, talia itaque per medicamenta purgantia ducere conuenit, qualia sponte natura pellente sunt utilia, hæc enim conferunt & bene fert æger: quæ vero contraria sunt, id est non conueniunt, cohibere ac retinere refert. Minus generalis est hic apho. quàm. I. sectionis primæ: nam is loquitur de solis purgationibus, ille vero de omni vasorum inanitione. Sed aduertendum, quod apho. I. secti. I. nō docuit aliquam
facere

facere vacationem, sed agnoscere bonas & malas à natura, aut arte factas, quod ad partem artis diagnosticā attinet. Hic tamē apho. ad partē pertinet curatiuā, in quo purgare docet talia, qualia sponte venientia sunt vtilia: & quæ cū spōte veniūt, vtilia nō sunt, retinere, ~~mauēn~~, dixit, hoc est retinere, aut cessare, conuenit. Sed dices, multa eueniūt in ratione symptomatis, quæ tamē iuuāt, ergo nō sunt tales cohibendæ vacationes. nihil ad rē: nā de his quæ cū eueniunt non iuuāt loquitur Hippo. An tamen omnia quæ symptomatice procedūt noceāt, aut nō iuuēt, dubiū videtur, ob nō parū dissidentes sentētiās, quas diuersis in locis Gal. scripsit. Nam. li. i. de crisi bus cap. 8. inquit: Sanguinis autē profluuiū, & sudores, & tumores qui iuxta aures fiunt, & reliqui defluxus, si in tēpore fiant oportuno, prodesse possunt, intēpestiua autē nihil iuuant. Vocat intēpestiua quæ sine notis coctionis eueniūt. Prætetea com. 22. huius sectionis inquit: Quādo aliquis incipit morbus, si quid excernitur, nihil tūc excernitur naturæ ratione: sed sunt omnia hæc symptomata, præter naturā earum quæ sunt in corpore dispositionū. Quo enim tēpore, à causis quidē morbū facientibus natura grauatur, adest autē cruditas humorū, tūc aliquid bene vacuari est impossibile: & in præfenti Com. ex euacuationib⁹ factis symptomatis ratione inquit: Nulla vtilitas inde provenit, & talis euacuatio prauæ dispositionis est signū. Verū, cōtrariū experimēto cōstat, cū enim humores turgēt, & qui agitati sunt aliqua parte excernuntur incipiēte morbo, natura exoneratur, & cōfert,

*Vacuatio-
nes sym-
ptomaticæ
an no-
ceant.*

& æger melius habet. & Hipp. li. 1. De mor. po. par. 3. in histo. Metonis inquit, Is mingebat vrinam tenuem & subnigram, & quinta die sanguis ex sinistra nare fluxit merus, sudauit, & iudicatus est: Ex quibus constat Metonem liberatum sine notis coctionis. cum tamen prædictæ vacuationes symptomatis ratione factæ sint. Præterea Hipp. supra sect. secunda apho. 27. dixit. His quæ non secundum rationem leuant, non oportet fidem præbere. Nō leuant autem secundum rationem euacuationis sine signis coctionis. Quomodo & illud dictū est. ab Hipp. li. 3. Prog. quibus febres desinunt, neque cum signis coctionis, neque in diebus decretoriis, recidiuā in eis expectare oportet. Quod si febres desinunt & sine notis coctionis, euacuationes in ratione symptomatis aliquando iuuant. Præterea cū humores in principiis morborū turgēt, natura eos euacuat, non sine cōmodo ægrotantis, atque Hipp. 1. sect. apho. 21. docuit crudos humores non purgare nisi turgeant. eos igitur qui turgēt adhuc crudos purgare licebit, sed non licet purgare eos quorū purgatio nō iuuat ex apho. præsentī. iuuat igitur crudorū & turgentium vacuatio. Nos sane his de causis non possumus satis probare Gal. sententiam, qua in præsentī Com. dicit, nullā vtilitatem sequi ex symptomaticis vacuationibus, aut, vti Com. 22. sequenti, crudis humoribus nullam fieri posse vacuationem in cōmodum ægrotantis, vt enim probauimus, multas tales videm⁹, & Gal. ipse cōprobans quod dixit Com. 23. sequenti adducit Hipp. sententiam, quæ docuit coctiones crisis celeritatem & securam sanitatem ostendere,

cruda

cruda vero & incocta, & in malos abscessus conuerſa, criſium defectus, labores, diuturnitates, mortes, & eorundem reuerſiones. Modo ſi reuerſiones ſignificāt crudorū vacuationes, colligitur eaſdem profuiſſe cum hominē perſanarūt. Quid igitur dicemus? ſi namque talia in purgationibus ducere conuenit, qualia ſponte venientia ſunt vtilia, & crudorum vacuatio à natura facta utilis eſt, ipſam imitari licebit, & crudos ſuccos purgare. Biſariamvtique aliquis ſuccus in ratione ſymptomatis excernitur, aut coagente natura, aut non coagente. Humores namque prauī cum cocti ſunt à natura, vacuantur per ſe, crudi tamen ante tempus aut mordent, aut grauant, ita vt cogant naturam eos mouere ad excretionem, aut quamuis grauent in parte continentur. Quando humor irritat aut grauat naturam, ita vt ipſum agiter & expulſioni paret, opus naturæ eſt, quāuis non niſi irritata natura, ac perinde ſymptoma. quòd ſi inde vacuatio ſequatur, ſymptoma eſt, & naturæ irritatæ opus: ſi tamen crudi fuerint & grauentes quos natura non mouet, fieri poterit vt vacuentur, quoniam non retinentur, & ſi natura ad hanc ſymptomaticam vacuationem non coagar. Quòd ſi natura mouente vacuatio ſequatur, ad eam vacuationem utilitas ſequi ſolet, & hanc vacuationem imitari licet. Quando vero non commouetur humor à natura, ſed ſuapte natura labitur ob retentricis imbecillitatem, aut per accidens mouetur, quoniam alterum ei commixtum tentat natura pellere, vtrumque non expedit quidpiam ſimile tentare, neque enim talia

q. iij.

*Sympto-
matica va-
cuatio bi-
sariam.*

vacuata iuuant. Quòd si priora iuuant cùm sponte à natura pelluntur, & agitata sunt, talia quoque ducere conueniet, nam habet medicus in his quæ commota sunt naturam adminiculantem. Posteriora tamen neque sponte vacuantur, neque ea mouere tentat natura: neque si arte ea vacuare tentaret medicus aliquo pacto, proderet. Adde quòd si natura tentante aliquem humorem vacuare, alijs eum sequatur cuius vacuatio noceat (quod fit cum mordente bile vasa excernitur sanguis bonus qui aliàs retentus iuuat) non tantum non iuuat, neque id medicus imitari debet, sed potius tales vacuationes cohibere teneatur. Præter id quod quæ fluunt, non tamen à natura pellente, sed ob imbecillitatem retentricis, aut consequutione ad id quod vacuatur, nemo recte dicet sponte vacuari, vt diximus in expositione apho. i. sect. i. De quibus Hipp. modo dixit: Quæ vero contrario modo veniunt, retinere oportet, quoniam non iuuant.

APHORIS. III:

*Si qualia oportet purgari, purgentur, cōfert
& facile ferunt: contraria verò, difficile.*

COMMENT.

Hic apho. non eget expositione, siquidem abunde expositus est in superiori Com. & in Com. i. sect. i.

APHORIS. IIII.

*Purgare quidem æstate superiores magis,
hyeme verò inferiores.*

COMM.

COMMENT.

Cum de his quæ à corpore purgari debent, mentionem habuisset, quas partes corporis purgare conueniat per anni contraria tempora, diffinit, æstate partes superiores, hyeme inferiores purgandas esse docens, atque inquit: Purgare quidem æstate τὰς ἄνω, id est superiores, nempe κοιλίας, hoc est ventres. ad κοιλίας enim referri vult Gal. in Comment. quod dixit, τὰς ἄνω: hyeme vero inferiores, sic etiam ventres intelligemus. Quapropter iure mihi videtur, in hoc apho. Hippocrat. non docuisse per quas partes sint vacuandi humores æstate & hyeme, sed quæ partes eis temporibus sint purgandæ. Neque etiam idem est docendi modus in hoc, & sexto & septimo aphorif. Sequentibus, in quibus φαρμακεύειν ἄνω, aut κάτω, dixit, id est supra, aut infra, non, τὰς ἄνω, aut τὰς κάτω, id est superiores aut inferiores, vt in presenti. Sunt autem superiores ventres omnes cauitates quæ supra septum transversum sunt, & renum regionem, ac iecur, qua parte corpus in superiores & inferiores partes diuiditur, ita vt venæ omnes & cauitates supra iecur superiores dicantur: inferiores vero sunt iecoris partes, & venæ ac cauitates omnes quæ infra ipsum sunt. In qua significatione κοιλία id est venter accipitur aph. 20. sect. 6. Superiores sane æstate purgare conuenit antequam in morbos incidant, præuisionis ratione, & postquam inciderit curationis gratia. Si quidem hæ partes sunt quæ æstate implentur bile, & aliis humoribus si qui abundauerint, temporis caliditate eos sursum leuante, & ad supernas partes ducente.

q. iij,

*Purgare
æstate ven-
tres super-
iores.*

Hyeme vero ob frigiditatem ad inferiores partes descendunt succi, qui eo tempore abundant, eas igitur præuisionis aut curationis ratione purgabimus: hæ sane partes hyeme, & æstate purgandæ sunt, quæ malis succis premuntur, æstate tamen superiores, hyeme inferiores premuntur magis siue magna ex parte, sic enim suam affirmavit sententiam Hippoc. quoniam contrarium quandoque sed raro euenire videmus, vt hyeme laborent superiores, æstate inferiores, quas etiam his temporibus purgare conueniet. Neque huic sententiæ contradicit quod Hippocrat. lib. I. De rat. vict. priuatorum in hunc modum scripsit, Sex hybernis mensibus vomere vtile est: nam & pituitæ plus, & capitis morbi fiunt, & circa regionem hanc quæ supra septum transuersum est. Quando vero fuerit æstus, clysmatis vtemur: hoc etenim loco Hippo. de locis per quæ purgari debeant succi qui abundant loquitur, non de locis quæ sunt purganda, de quibus in præsentī. Neque ignoro, Gal. velle aphor. esse de locis purgationis, & æstate purganda voluisse corpora, per superiores partes & hyeme per inferiores, nam vt videbis lib. De rat. vict. pri. Com. loci citati, vbi Hipp. in apho. præsentī dixit, τὰς ἀνω, ipse dicit voluisse Hipp. in apho. æstate quidē purgare, διὰ τῆς ἀνω, hyeme vero διὰ τῆς κατω κοιλίας, id est, æstate per superiorē, hyeme vero per inferiorem vētrē, cū tamen Hipp. in aph. loquutus fuerit plurali numero, dicēs, superiores vētres, non superiorē vētrē, neq; dixit, διὰ, id est per: neq; si ita dixisset, bonum sensum habere potuisset, loquēs de pluribus.

nemo

nemo enim rectè diceret æstate conuenire purgationem per superiores ventres, non enim sunt plures superiores ventres, per quos purgamus, sed vnus, nempe ventriculi superior pars. His itaque de causis mihi magis arridet planus & genuinus sensus aphoris. traditus, quo diximus, æstate conuenire purgare ventres superiores. Sunt autem hi venæ & cauitates omnes supra septem transuersum, & hyeme inferiores, id est infra septum, nam & venæ atque arteriæ ventres ab Hipp. appellantur, cùm dixit: Si in ventrem sanguis præter naturam effunditur, necessum est suppurari. Has appellat modo, τὰς ἄνω, καὶ τὰς κάτω κοιλίας: his ipsi verbis, non vti Galen. exposuit, ac transmutaui libro De rat. vict. priua. διὰ τῆς ἄνω κοιλίας, addēs, præpositionem, διὰ, & mutans pluralem in singularem numerum.

APHORIS. V.

Sub cane & ante canem difficiles sunt purgationes.

COMMENT.

Astronomi nos docent duo astra siue duas in cælo constellationes, quarum alteram canem maiorem, alteram minorem appellāt. maior stellam habet in ore, aut lingua, quam sirium dicūt, sumpta voce à verbo, σερφαίνω, quod idem significat, quod ξηραίνω, apud Phauorinum. ξηραίνω, verò est exsicco, quoniam hac oriente stella, omnia exsiccantur, quæ intra cælū sunt. Inde Latini serenitatem dixerunt, cum tempestas sicca est pluuiis & nubib⁹ vacua, à verbo Græco mutuata voce. Gal. li. i. De mor. pop. dicit nonnullos hanc stel-

Canis maior & minor.

lā appellasse canē, totius constellationis nomine abutentes, ad vnam eius stellam significandam, *προκύων*, rectius tamē appellari debere *προκύων*, id est, ante canem: siquidem ante ipsam constellationem oritur, siue ab ipsius initio. Astronomi verò, vt diximus, Sirius, ipsam nominant & caniculam, & ab ea dies caniculares. Quorū initium diuersum est in diuersis regionibus à 18. Iulii, in 24. diem, & tempus totum est intra triginta dies. Est etiam canis minor, qui ante canem maiorem & sirium, quæ vna est stella ipsius primæ magnitudinis, oritur, atque ea ratione *προκύων*, id est, antè canis dictus. Plinius lib. 18. cap. 28. Procyoni dixit non esse Romanum nomen, nisi ipsum velimus caniculam, id est, canem minorē appellare. Verum Cicero in Arati Phænomenis inquit: Anticanem Graio Procyon qui nomine fertur. Modo Hippo. molestas dicit esse purgationes quæ fiunt sub cane, & ante canem, quoniam quo tempore canis oritur, aut procyon, qui ante canē oritur, siue antequam canis ipse oriatur, vel prope canem, vehementer æstuant humana corpora, cum tamen medicamenta purgātia calida admodum sint, & calorem corporis augentia. Rursus calor ambientis corpora inflamat, & in ambitum corporis ducit humores, contra medicamento purgantis opus, quo ad intima eosdem ducit. Dissoluuntur præterea corpora tum calore aëris, tū etiam medicamento. rectè igitur dixit hoc tempore purgationes *ἐπ' αὐτάς*, id est, difficiles & molestas esse.

A P H O R I S. VI.

Graciles & facile vomentes purgare, ti-

mentes hyemem.

COMMENT.

Quos sursum purgare conueniat, atque quo tēpore docet conuenire dicens purgare graciles & facile vomentes *ἀνω*, idē autem est sursum purgare, & vomitu purgare. decet autem hos esse graciles, quoniā hi hirsuti sunt & paucæ carnis, quorum venę prominent quidem, & biliosi sunt magna ex parte, sic enim intelligendus est aphor. vt Gal. in Comment. docet, sunt enim nonnulli graciles, sed melancholici, de quibus non est aphor. præsens, sed nonus. Quòd si graciles fuerint, nosse *Graciles qui vomere debent.* oportet an facile vomant, nam qui angusto sunt thorace & longo collo, quique ad tabem parati sunt, non facile vomunt, & si graciles sint. neque etiam qui vi morbi extenuati fuere, in hoc sensu habentur, sed sani & natura graciles. Hos igitur si facile vomant, supra purgabimus, nam magna vi ad vomitum corpora mouere, periculum est ruptionis venarum. Conuenit autem eas supra purgare, quoniam bilis sursum agitur à natura, & decet humores eò quòd vergunt ducere: consentit tamen corporis habitus, aut consuetudo vomendi, quæ duo ad vomitum facilitant. Idque facere confulit timentes hyemem, autumnō sane, nam vernis mensibus siquē purgamus, nō id facimus timētes hyemē, sed æstatē. Timemus autē ne hyeme superueniente his qui bilē habet abundantem purgari non possit incrassata bile & inepta ad vomitum facta. Nihil minus conueniet hos purgare vere, ne æstas superueniens eos in morbos biliosos ducat, sic etiam æstate ubi id periculi imminet.

APHORIS VII.

Eos verò qui difficile vomunt, & modice carnosos, deorsum purgare, timentes æstatem.

COMMENT.

ἑυσαρκος Quamuis vox hæc *ἑυσαρκος*, vti Commentar. 44. sectio 2. eum significet qui moderatæ carnis est, & quadratum: hoc loco eum qui carne abundat significare videtur, hac præsertim ratione, quòd non est vsus Hippo. ea sola voce, sed dixit, *μέσως ἑυσάρκεις*, hoc est modice carnosos, quòd si *ἑυσάρκεις*, eos significasset, qui modicā siue moderatam carnem habent, abundaret particula *μέσως*, id est, modice. voluit igitur significare eos qui moderate abundant carne, non tamen multum, tales sunt pituitosi, non in extremo, ita vt timeri non debeat aliquando (vt æstate) bilem superabundare posse in eis, quo tempore conueniret vomitione eos purgare, id vero ex hypothesi Hippo. erit admodum molestum: quoniam supposuit eos difficile vomere. Quando igitur in corpore pituita abundat, & difficilis est homo ad vomendum, ante æstatem prope purgabimus ipsum deorsum, ne æstas adueniens & augens bilem ipsum in vitæ discrimine constituat, bilis enim & æstas exposcunt vomitionem, quam ipse moleste feret, quia difficile vomit.

APHORIS. VIII.

Tabidos cauens, ad supernas purgationes nullatenus duces.

COM

COMMENT.

Sunt sane Græci codicēs deprauati ac mutilati, vt ex Galen. Comment. constat, qui addit, *φαρμακείας οὐδέ ποτ' ἄξεις*. Eritque totus contextus, *τὰς δὲ φθινώδεις ὑποσελλόμενος ἐπὶ τὰς ἀνω φαρμακείας, οὐδέ ποτ' ἄξεις*, quam literam transtulimus. Docet autem Hippo. hac oratione tabidos non esse purgandos vomitione, nam si tabidi fuerint proprie tales, qui vlcus in pulmone patiuntur, periclitantur ne vlcera maiora multo fiant, ex thoracis & pulmonis commotione vehementi: si verò fuerint ad tabem parati, quorum meminit libro 1. De mor. pop. qui humeros habent alatos, & collum longum, & thoracem angustum, notum est eos difficile vomere, & rupturæ vasorū pulmonis periculum impendere.

APHORIS. IX.

Melancholicorum validius purgare inferiores, simili ratione contraria opponens.

COMMENT.

Quemadmodum aphor. 4. docuit æstatis tempore, cum bilis abundat ac sursum vergit, superiores ventres purgare: ita modo abundante melancholia purgat ventres inferiores. nam vt bilis superiores occupat partes, ita melancholia inferiores, & ita bilis & superiorum purgatio, simili ratione opponitur melancholiæ, & purgationi inferiorum. Diximus melancholicorum, quoniam in codicibus Græcis habetur, *τὰς δὲ μελαγχολικὰς ἀδροτέρως τὰς κάτω*, vltata dicendi forma, apud Iones, sed nos legimus, vt in Cōmen. *τῶν μελαγχ-*

χολικῶν ἀδρότερος τὰς κάτω. id est, melancholicorum inferiores validius purgare. Hippo. namque accusatium pro genitiuo de more vsurpauit. veruntamen, φαρμακεύειν, & τὰς κοιλίας, subintelligit Hippo. in oratione autore Gal. in Com. præsentī, & supra apho. 4. verbū apposuit, & Gal. in Com. nomen κοιλίας, intelligi vult, inde tota conficitur integra oratio. Melancholicorum validius purgare vētres inferiores, simili ratione cōtrariaopponēs.

APHORIS. X.

Purgare in valde acutis, si materia turget, eadem die: differre enim in talibus, malum.

COMMENT.

Ex Gal. Comment. omnia quæ ad hunc aphor. attinēt, adeo nota sunt, vt non videātur egere noua expositione. Sunt sane morbi valde acuti, qui intra septimum diem natura sua iudicantur, hos appellat modo λίαν ὀξεία, & apho. 7. sect. 1. κατ' ὀξεία, in quibus si materia turget, eadem die purgare conueniet, turgentes succos diximus commotos Com. 21. sect. 1. Eadem autem die purgare manifeste conuenit, id est prima die. Quid enim opus est differre in crastinum, quod hodie facere conuenit? Vbi verò coctio speranda non est, quoniam crudos humores turgentes purgare licet, nihil boni afferet cunctatio. malum autem timendum: nam vires interim languēt, febris viget, & humor præcipitabitur in partem quampiam nobilem: ac perinde tutius est eadem die tales purgare. Quāuis consentiente morbi vehementia liceat semel aut bis attenuans aliquod medicamentum

tum præassumere.

APHORIS. XI.

Quibus tormina, & circū vmbilicū labores, & lumbi dolor, qui non soluitur, aut purgatione, aut aliter, in siccam hydropā firmabitur.

COMMENT.

Siccam hydropam futuram notis præsentibus docet coniicere, ex doloribus, & eorundem *Hidrops sicca.* perseverantia: dolores autem sunt, tormina, id est intestinorum dolores deoluti, quos *σπόφως* vocat: tales verò à flatu intercluso fiunt, qui per intestina deuoluitur. Sic & dolores circum vmbilicum ab eadem causa orti, & circa lumbum. Quòd verò non curentur purgatione, neque aliis auxiliis quæ solent prodesse ad flatum discutendos, vacuandos, & concoquendos humores frigidos (nam & hi solent dolores diu perseverantes harum partium efficere) indicat permanentem ac factam aliquam intemperiem quæ imbecillum reddit natium calorem iecoris, aut ventriculi. is verò vbi non admodum à frigore vincatur, flatum generat, vnde & siccam hydropam futuram sperare merito docet. Sicca etenim *Tympanica causa.* hydrops, siue tympania, flatum habet causam immediatam, & deinde calorem languidum, qui ex humore subiecto flatum generare valet, non tamen discutere. Quoties igitur dolores partem mutant, & deuoluuntur, ita vt modo intestina, deinde lumbos occupent, & circum vmbilicum vagentur, flatum est causa: quoties tamen non curantur humoris vacuatione, qui soler mate-

riam flatui præstare, neque dissoluentibus flatum medicamentis signum est causam esse factam à qua sicca hydropam futuram prædicemus. Nam sunt præter hanc aliæ tres hydropum species, ut lib. 3. De arte med. docuimus.

APHORIS. XII.

Quorum ventres intestinorum leuitate laborant, hyeme per superiora purgare, malum.

C O M M E N T.

*Læuoris
intest. cau
sa.*

Læuor intestinorum multas habet causas, quasdam cum materia, & quasdam sine ipsa: nam fit ob quamuis intemperiem, quæ possit coquētem, aut retinentem facultatem ventris & intestinorum labefactare, ob quam alimēta cruda, aut parum cocta intēpestiue excernātur deorsum. Quādo ob nudam intemperiem fit, non est opus purgatione: veluti & cum vlcerato ventre, aut intestinis fiat, absente causa, quæ vlcus procreauit: humor autem faciens lyenteria est aut bilis irritans ad excretionē, aut acida pituita, aut crassa ac lenta hærens intestinis. Si bilis causa sit, non est opus eā hyeme purgare per superiora, nam etsi ipsum purgare cogamur, aut aliud tempus eligemus, aut hyeme purgabimus eam per inferiora, si quidem bilis, quāuis tenuis & calidus humor sit, & fluitare soleat, non ita supernatabit in ventre hyeme ob tēporis frigiditatē. Ad quod accedit, quod bilis ipsa facile per inferiora purgatur. Gal. in Cō. hyeme eam purgationem per superiora fieri non debere dicit, ac si diceret, tempus ad id faciendum non esse aptum. Acida verò pituita melius per
inferio

inferiora purgatur, & crassa hærens intestinis pariratione. Galen. verò addit: Quoniam quæ in intestinis continentur, non possunt vomitu vacuari, intellige vt dixit, si ipsis adhæserit, nulla vi impelli posse sursum. Quamuis alia multa vel ab ipso ano impetum assumentia, sursum pelli possint, quod libro 3. De causis sympt. palam docuit.

APHORIS. XIII.

Ad elleboros qui non facile supra purgatur, ante potionem præhumeſtare corpora conuenit pluri cibo atque quiete.

COMMENT.

Quamuis Hippoc. non ignorauerit frequentem vsus vomendi, non parum conducere ad facile vomendum, id tamen vt notum prætermisit, vt Gal. vult in Com. Cæterum duo magni momenti præcepit antepotionē facere eos qui elleborum bibere debent, præsertim si non facile vomant, hæc sunt: multo cibo vti, & quiescere, ac si dixisset: Corpora purganda vomitu, præhumeſtanda sunt. Cibus enim, qua cibus est, humeſtandi vires habet, quoniam sanguinē auget, & bilis acrimoniam ac siccitatem attemperat, & mitigat. Quies tamen ex accidenti humeſtat, quoniam non dissoluit, vt exercitatio: hoc in vniuersum docuerat apho. 6. sect. 2. dicens: Corpora vbi quispiam purgare voluerit, fluida facere debet, & speciatim de ellebori potu id scripsit li. 6. De mor. pop. parte 5. dicens: Elleborum bibentem, citius purgare si velis, lauare, vel comedere, quo loco balneum pro quiete, cuius hic meminit, subrogauit, omnia

*Corpora el
lebori pur
ganda.*

tamen vnà humectant, & humores fluxioni parant: quod ad omnem purgationem est necessarium. maximè verò ad vomitionē & ellebori vsum, qui acrimonia sua neruos & partes sensu præditas valide mordet, & ad conuulsiones siccâdo, & mordêdo, præsertim ventriculi os, ducit. Quod tamen de balneo dicit Galenus, ipsum non humectare solidas corporis partes, non nobis cōtra dicit, qui solam in humoribus & mēbris laxitatē & fluxionem exposcimus. Quòd verò quidā dixit, Hipp. hoc loco per cibum intelligere siropos, falsum est, & à ratione alienū. nullus enim sirop⁹ magis fuit in vsu apud Hippo. quàm acetum mulsum, is tamen nullatenus alit, ac perinde nunquam ipsum appellaret cibum. quòd verò non alit, testis est Galenus libro 1. De rati. vict. acu. Commēt. 43. dicens: Cū igitur virtus ad morbi vsque iudicationem, sine ptisanæ sorbitione fuffecerit, oxymeli & aqua mulsa satis sunt, oxymeli quidem vim medicamentosam solam habens, aqua mulsa verò, cibi pauci & imbecilli. Præterea pluri cibo liquido, qui facile coquatur, vt iuribus & herbis natura humidis vti, nihil vetat, præsertim in morbis aliis à febris, in quibus per elleborum purgationes fiebāt, atque in ipsis quoque febris eadem accipere, nihil prohibet, sed & si ropum acidum simplicem, aut compositum, nullus vnquam cibū appellasset, quibus nulla alimentitia vis inest. Quòd verò is ipse dicit, per balnea Hippo. intellexisse fomenta hypochôdriorum, nō totius corporis balnea, pariter est ab Hippo. mēte alienum: qui nunquam fomentum, balneum aut lotio

*Siropos
non appel
lat cibos
Hipp.*

*Oxymeli
non alit.*

lotionem appellauit, vt constat ex aphor. 31. sect. 6. vbi fomenti & balnei seiunctim meminit, & Galenus in Commentario partis supra citatæ de de balneo aquæ dulcis dicit esse Hippocrat. sententiam, & de tali qualis debetur iis qui crasso sanguine abundant, illi verò totius corporis balneo egent. Quamuis temporibus Hippocrat. non fuerint illi balnei artificiales, qui temporibus Galeni, sed corporis lotiones, nam lauare dixit. Præter id quod balneare eos qui crassos habent humores, non nocet, & vt Galenus ibidem inquit, balneum fundit humores, atque laxat, si quid in corpore intectum aut concretum fuerit. Quapropter nondum purgato corpore balneum conueniet ad hos usus, & Galen. vult in illius loci Com. de balneis esse sententiam Hippo. Fomentum autem hypochondriis tantum adhibetur, humores elleboro purgandos, qui in toto corpore sunt, neque effundet, neque fluxioni parabit.

*Balneum
apud Hip.*

APHORIS. XIII.

Quum biberit aliquis elleborum, ad motiones quidem corporis magis ducere, ad somnos vero & quietes minus. manifestat autem nauigatio motionem corpora turbare.

COMMENT.

Ante potum ellebori docuit corpora humectatione parare in præcedenti apho. in præsentī vero, bibito elleboro præcipit, ad motionē corpora conuertere magis, ad somnum & quietē minus, idque argumento à nauigatione sumpto: nam nauigantes cōmotione corporum ad vomitum co-

*Elleboro
bibito cor-
poramone
te.*

guntur. Sic etiam cum animus sit vomendi per el-
leborum bibitum, magis motu quàm somno &
quiete utemur. Nos de Aphorismi obseruatione
primum dicemus, deinde de vi nauigationis &
motus ad vomitum & alias purgationes. Aphori-
docet motū conuenire à medicamento purgantis
potu (quod enim de elleboro dixit, de omni pur-
ganti medicamēto intelligendum est) somnus e-
nim omnes validas vacuationes cohibet, præter
sudorē, & sanguinis fluxiones, quæ per nares, ut
rum & hæmorrhoides atq; venæ cuiusuis scissio-
nē fiunt. Præterea somnus vires debilitat medica-
menti, humectatione: tū etiā somnus medicamē-
ta leuia dissoluit, & natura inter dormiendū eadē
coquit, & valida dissoluit, & vires eorū frangit:
quapropter dormire non conuenit assumpto pur-
ganti medicamēto, præterquā si in forma pilula-
ri sumatur, docente experimēto quotidiano, pro
be admodum pilulas suum munus perficere, si à
cœna finita cibi coctione & descensu, sumantur,
deinde somnus sequatur, dum tamen incipiente
purgatione, à somno abstineant. Quod si medica-
mentū vomitū mouere debeat, adhuc magis vigi-
lia est opus, quoniā maior agitatio corporis ad vo-
mitū quā ad ventris fluxū est necessaria. Magis au-
tem mouere corpora, dixit, quoniam non semper
mouenda sunt, nam languentia, quieta seruamus,
& dum vomitum medicamēti timemus. Ad som-
num item minus ducimus: nam & aliquādo duci-
mus, & dormire languidos admodū præcipimus,
ut medicamēta in actū ducāt, & ad purgationem
ferendā roborētur putgandi. Exemplum autem
ab

ab Hippocrat. adductum de nauigatione, verè *Nauigati-
onis vi.*
probat quod vult, omnis enim motus agit cor-
potis humores, quamuis non omnes simili mo-
do. Mouemur enim à nobis ipsis, & aliquando du-
cimur in naui, equo, aut lectica, aut curru, aut in-
humeris famulorum. hæc est vectio quæ minus
turbat corpora, quoniam magis æqualis est is mo-
tus reliquis, minus æqualis & magis commouens
est equitatio, magis commouet corpus gestatio
inlectica, quamuis equitatio sit labor maior mu-
sculorum, magis quam lectica commouet cur-
rus, & eo magis quo plures rotas habuerit, nisi
via fuerit admodum plana. in dispari verò & lapi-
dosa, quo rotæ fuerint plures, eo frequentius con-
cutitur currus. Nauigatio plurimum commo-
uet corpora & humores, præcipue vbi mare va-
lidioribus procellis agitetur, inde vomunt fere
omnes qui mare subeunt. Mouetur autem qui na-
uigat multis motibus, antrorsum, retrorsum, dex-
trorsum, sinistrorsum, sursum, & deorsum, & quã-
doque in gyrum. Motus ante & retro non mouet
vomitum, quod docet motus progressiuus, aut in
equo, aut curru, & vibratio in lecto pēfili, in quo
dextrorsum & sinistrorsum fit impulsio, neque
propterea vomunt, nisi forte pauci, & cibo pleni.
Motus autem quibus corpora subleuantur cū na-
ui, & fere subito deprimuntur, aut in gyrum cir-
cumferuntur, sunt vomitus manifestæ causæ. Mo-
tus itaque nauigantium, quamuis omnes vt re-
liqui corporis motus, humores & corpora com-
moueant, & ad purgationem parent, ad vomen-
dum tamen prædictæ duæ motus species accom-

*Didacus
à Mendo
sa.*

modatiores sūt. Admonuit nos hæc aduertere dominus Didacus à Mendoça vir illustris admodum genere, maximus Philosophus, & linguarum peritia nemini secundus.

APHORIS. XV.

*Quum volueris elleborum magis purgare,
moue corpus: quum verò cessare, somnum concilia,
& non moue.*

COMMENT.

In apho. 13. docuit parare corpora ante purgationē per elleborū. In 14. bibito elleboro, quid agere debeāt ad probè purgandū. In hoc 15. hoc idē, atque quid agere conueniat, vbi corpus fuerit abūde purgatū. Primū quodque in apho. præcedēti dixit est, corporis motū ad purgandū conuenire, quam partem in præcedēti exposuimus. Secū dum addit: Quum verò cessare, somnū concilia, & non moue. Vbi namque purgatio abunde processit, vti non est opus purgatione, ita nec motu ad purgationem instituto. Opponimus autē quietem motui, & multo magis somnum. Per quem non tantū non commouentur corpus & humores, verum & animalis ipsa facultas ociatur, quæ in ventris purgationibus operari debet. Cohibet itē somnus quas supradiximus vacuationes. Solet autē sōnus sponte succedere à purgatione, qui causæ, & signi boni rationē habet. Causæ, quoniam retinet vacuationē, ne plusiusto procedat: & signi ficit ipsam integram iam esse atque perfectam.

APHORIS. XVI.

Elleborus periculosus est ijs qui sanas carnes habent: conuulsiones enim affert.

COM

COMMENT.

*Sanas car-
nes haben-
tibus pur-
gat. peric.*

Apho. 36. & 37. sect. 2. damnauit Hipp. purgatio-
nes sanis corporis adhibitas in vniuersum, modò
verò speciatim in iis quæ per elleborum sunt, pe-
riculosas esse dicit iis qui sanas carnes habent: quo-
niam purgationes conuulsionē afferunt, tum quo-
niam cum non inuenit elleborus prauos succos,
trahit bonos, & colliquat corpus, & dissoluit hu-
mores bonos, spiritū & carnem, tum etiam calo-
re & acrimonia neruos mordet, præsertim oris
vêtriculi, atq; cōuulsiones excitātur, partī exina-
nitione, partim per consensum. Sed tales potius
motus conuulsiui, quàm verè conuulsiones sunt.

APHORIS. XVII.

*Non febricitanti, ciborum fastidium, cordis
morsus, vertigo tenebricosa, & oris amaritudo,
purgatione per superiora egere significant.*

COMMENT.

Notas plures scribit, quæ cogūt ad supernas pur-
gationes. Omnes autem significant bilem in ore
ventriculi abundare. Non febricitanti, inquit, ci-
borum fastidium: nam solent febricitantes cibos
fastidire ob vasorum plenitudinem, cachochy-
miā & putredinē, ob quæ nihil sugunt membra à
ventriculo, etiamsi ad ipsum non repat humor. Si
ne febre verò, ipsum ad ventriculum impetum
facere significat. Bilis verò tum calore, tum mali-
tia, appetitum deiicit. calor enim appetitum de-
iicit, vti & ipsum frigus auget, vt docuit Gale. lib.
De arte med. & libro 1. De causis sympto. cap. 7.
Cùm autem humores purgandi sint, quò vergūt,
r. iij.

<sup>καρδιαγ-
μης</sup> prædicti purgatione per superiora egebunt. Se-
 cundum symptoma est cordis morsus. Hunc ap-
 pellat καρδιαγμὸν, est autem idem quod καρδιαλ-
 γία, id est cordis dolor. Verùm non omnem καρ-
 διαλγίαν vult Galenus esse appellandam καρδιαγ-
 μὸν, sed eam tantùm, quæ ab aëribus, seu morden-
 tibus succis oritur, vt constat libro secundo De
 placit. Hippocrat. & Plat. quo loco Thucydidis te-
 stimonio, & Nicandri, & Hippo. probat os ventri-
 culi à veteribus cor appellari. De his non pauca
 diximus lib. 3. Prog. in expo. 30. Cùm igitur acres
 succi ad os ventriculi confluunt, purgationes per
 superiora conuenient. Vertigo quoque tenebrico-
 sa, indicat bilem ab ore ventriculi mittere vapo-
 res in caput, qui in gyrũ moti vertiginem faciũt,
 & in oculis tenebras, atque ita σκοτώδινον, dixit.
 Oris amaritudo manifestè indicat bilis abundan-
 tiam in ore ventriculi, quæ ad os vsque fumos
 mittens, & per communem membranam, a-
 maritudinem traducit ori. Benè autem colliges:
 si hæc aut omnia, aut plura ex iis adsunt, corpus
 vomitione egere.

APHORIS. XVIII.

*Dolores supra septum transuersum quicun-
 que purgatione opus habent, purgatione per su-
 periora indigere significant: quicunque verò in-
 fra, per inferiora.*

COMMENT.

Generali præcepto docet purgare per superio-
 ra humores qui dolores efficiunt supra septum
 transuersum, & purgare per inferiora eos qui
 dolores

dolores afferunt intra ipsum. Duarum partium Apho. exempla scripsit, nam dolorum, qui fiunt supra septum transuersum exemplum scripsit aph. 17. exemplum dolorum partium infra septum transuersum, scribit apho. 20. Addit autem, si purgatione egeant, nam dolores flatuosi quique à sanguinis abundantia fiunt, vti lassitudines phlegmonidis, quauis supra septum transuersum sint, purgari supra non debent, quia non egent purgatione. Reliqui tamē dolores qui ab humoribus acerbis & biliosis orti, occupant os ventriculi, & partes thoracis sollicitant, nōdum parte quapiam firmati, sed ab humoribus turgentibus orti, vomitione curantur. Neque noxa inde sequetur parti alicui, siquidem purgantia medicamenta, ad ventrem ex partibus thoracis ducent humores, quos vomitu pellet ager. Si tamen ad caput ascendant melius est eos quomodolibet ventris fluxu vacuare: neque enim per partes supra septum transuersum intellexit caput, & collum, sed eas tantum partes quæ sunt in thorace. Nullus enim laborante capite, aut collo vomitum mouit, quoniam is caput quammaxime lædit, præsertim vbi caput iam laborer, aut sit laborare paratum. Hinc constat quā aperte falsum sit quod ille dixit, vomitum conuenire, laborante capite, vbi præcedant clysteria, & deiectiones, reuulsionis gratia, & præcedat totius corporis curatio. Tunc enim curationis propriæ gratia ad deriuationem vomitu factam (inquit) veniendum est, & ad errhina, sternutatoria, & masticatoria. Præuacuato enim corpore, sine omni periculo cedit his euacuationi-

*Humores
vomitum e-
gentes.*

*Notatur
ille.*

bus humor impactus in parte. Cui illud opponere placet, quod vomitus est vacuatio toti corpori communis, quam etiam per elleborum procurat in præcedentibus apho. Hipp. non igitur instituet ipsam ad membrum vnum purgandum, aut ad euacuandum humorem qui iam fixus est in capite. Neque enim existimo fuisse ad hæc usque tempora medicum, aut sapientem, aut summe ignatum, qui vomitu purgauerit eum, qui iam purgato corpore ob capitis morbum, mansit capite laborans ob humorem parti præfixum, quem omnes vacuant per nares, aut palatum, aut insensilem discussionem: aut si de sanguinis natura fuerit, selectis venis ad frontem, & nasum. Præter id, quod humores qui partem quampiam obsederunt, per ipsam vacuandi sunt, aut per quàm proximam.

APHORIS. XIX.

Quicumque in medicamentorum potionibus purgati, non sitiunt, non quiescunt priusquam sitiant.

COMMENT.

Medica-
mentum
purgans
an perfec-
rit opus.

Ad partem artis diagnosticam attinet præsens sententia, quæ docet cognoscere, medicamentum purgans nondum perfecisse suam actionem, ex siti. Si enim bibito purgati medicamento, dū purgatur homo, nondum sitit, nondū est abunde purgatus, non enim quiescit donec sitiat. Quam ob rem in vanum quis opponeret aduersus apho. sententiam, quod multi sitiunt ob siccam & calidam ventriculi intemperiem ante integram purgationem,

nem, alij ob medicamento purgantis vim, ob quā sitim excitat, alij ob bilis purgationem, quæ ad ventrem delata sitim efficit. Nam Hipp. non probat ex siti purgationis integritatem, sed ex sitis defectu, imperfectam purgationem. Quod hac ratione verum est, atque perpetuum, quod humore purgato, quamvis frigidus sit, iam non nihil de nativa ventriculi humiditate absumitur, & medicamentum sua acredine mordet ventris os, unde sitis accedit. Rectè igitur dixit, *ὅτι πάλιν*, hoc est non cessant, donec sitiant, quoniam medicamentum in debita quantitate assumptum, quodque purgare sua vi abunde solet, tam diu ager, donec sitim afferat. Posset quoque doctrina concludere ad victus institutionem. Dum enim sitis non adest, cibos offerre non expedit, non enim dare convenit cibos media, aut non finita purgatione: est autem media, aut nondum perfecta, dum sitis non adest. Nec tamen putare licet, Hippo. hoc loco quidpiam præcepisse quod ad partem artis factivam pertineat. quidam enim nihil referre dixit, si cessant, aut cessent, legatur: non cessent enim, significat convenire ut ducatur magis purgatio, aut repetatur. verum cum Hippo. *πάλιν*, dixisset, non patietur littera, ut sit in modo imperandi. Præterea nihil docet agendum, sed agnoscendum, non esse integram purgationem. At quæ nondum integra est, poterit integra esse non multo post, etiam si medicus nihil agat eorum quæ præsentī loco nec præcipit Hippo, nec somniauit quidem.

Siti vacantes dum purgantur, cibos accipere non debent.

Si ūs qui febre vacant tormina eueniant, genuum grauitas, & lumbi dolor, purgatione per inferiora egere significat.

COMMENT.

σπόφος.

Aphorismo 17. signa scripsit, quibus præsenti-
bus conuenit, eos qui non febricitant, per superio-
ra purgare: modo vero ea signa scribit, quibus
præsenti-
bus conueniet, eisdem, nepe non febrici-
tantes, deorsum purgare. Signa tamen sunt tor-
mina, hoc est dolores torquentes, quos σπόφος
Græci vocant. Tales sunt qui intestina torquent,
& vexant, & per eadem deuoluuntur. Genuum
grauitas secundum est: ac significat humores cras-
sos abundare, qui ad genua descendunt, tales e-
nim sunt qui ea molestant, & grauant, siue graua-
tuum dolorem efficiunt. Lumbi quoque dolor,
(nam singulari numero loquitur Hippoc.) Decet
autem dolorem esse grauantē, quia à crassis pen-
det humoribus. Hos autem eò ducere conuenit,
quò vergunt per conuenientia loca, vergunt ta-
men ad inferiora.

APHORIS. XXI.

*Deiectiones nigrae, qualis sanguis, sponte
venientes cum febre, aut sine febre, pessima, &
quanto colores plures deteriores fuerunt, magis
malum, cū medicamento verò melius, & quan-
to colores plures fuerint, non malum.*

COMMENT.

De nigris deiectionibus, sponte vomentibus,
&

& de his quę medicamēto ducuntur, quędam habentur in pręsenti, quę facile cōstabunt, vbi prius intelligamus, trīfariam nigra deiici. Aut enim de- *Nigra de*
 iicitur sanguis ipse, qui ē iecore per mesereicas *iectiones*
 transfunditur in intestina, & ibidem concrefcit, *trīfariam.*
 & denigratur: Aut deiicitur sanguinis fæx, quę in sanguinis generatione subsidet, cuius magna pars ad lienem defertur, cum sanguine ad ipsius alitio-
 nem, solētque is succus niger retentus putrescere, & in atram bilem exquisitā transire. Verūm non ex hoc tantum succo nigro, siue sanguinis fæce, atra bilis exquisitę generatur, sed ex putredine sanguinis, aut bilis, atq; est hæc deterrima. Agno- *Atra bilis*
 scatur tamen hæc bilis atrę species, quoniam nō *note.*
 concrefcit, splendet, saporem & odorem aceti refert, terram fermentat, & animalia bruta ipsam gustare non audent. Cū hæc per intestina deiicitur, nos tertiam hanc dicimus nigrarū deiectionū speciē. Hipp. de nigris deiectionibus sanguinis similibus loquitur, quę sanguinis fæces sunt, & melancholia ipsa, quę non concrefcunt vti sanguis, vt dicit Gal. Comm. 23. sequenti. Cum autem euenire possint sponte, & vi medicamenti purgantis duci: de sponte veniētibus primo loco inquit, si sponte veniant siue cum febre, siue sine ipsa, pessima: veniunt enim languente iecore, quoniam *ὁντα* dixit, id est venientes, quod non vno tantūm atque optimo morbi tempore venisse indicat, sed toto fere morbo, aut magna morbi partī, principio videlicet, & augmēto, in quibus temporibus nondum coctionis adsunt notę, si namq; notis coctionis apparentibus, siue in ipso morbi

vigore euenissent, nihil mali ostendissent, sed malorum succorum euacuationem decretoriam. Sine his tamen notis, languorem significant facultatis, ac perinde erunt pessimæ, siue cum febre, siue sine febre fiant. Diximus tamē qualis sanguis, & non uti alij omnes fere interpretes, qui qualis sanguis, niger, legunt. Vbi enim in Græcis codicibus habetur, *οὐκ ἰσὺν αἷμα μέλαν*, pars *μέλαν*, abundat. quod ex Gal. Comment. constat, cum inquit, Adiecit autem suo sermoni, qualis sanguis, tale quoddam ostēdens, qualis sit sanguis denigratus dum per intestina defertur. Tales sunt nigræ deiectiones, nam extremæ dementiæ fuerit existimare sanguini secundum naturam se habenti tales deiectiones assimilari. Ex quibus verbis notum euadit Gal. nō legisse eam partem, sed intelligendam voluisse. Atque ita legit antiquus huius libri interpres, & in Comm. 23. sequenti, inquit Gal. ostendit tamen in hoc apho. manifestè quod & in priore, quum dixit: Deiectiones nigræ, qualis sanguis, subaudire oportet, niger. ut tale sit integrū, Deiectiones, qualis sanguis niger. Sunt itaque nigræ deiectiones, qualis sanguis niger, à fæce videlicet sanguinis sponte venientes, cum febre, aut sine ipsa, pessimæ. Nec tamen, ut quidam putauit, nigræ deiectiones sanguinis nigri bonæ erunt, aut

*Taxatur
quidam.* ab Hipp. tales censentur aphor. 25. sequenti, sed vult ibidem, ut ex Com. Gal. constat, minus malas esse quàm sanguinis per os excretiones. Quanto tamē colores plures deteriores fuerint, magis malū erit, ut in Prog. 23. li. 2. cum Hipp. dixit: Varięgatæ tamen deiectiones iis diuturniores sunt, sed

sed nihilominus lethales. sunt autem tales ramentosa, & biliosa, & cruenta, & porracea, & nigra, nonnunquam quidem simul, nonnunquam vero vicissim procedentes. Quo loco pravas deiectiones ac diuersorum colorum damnavit, ac de sponte venientibus est sententia. Significant autem multae, & pravae deiectionum species, quod cum plurimis est pugnandum. Cum medicamento vero, inquit, melius: si quidem cum vi medicamenti succi pravi ducuntur, indicant naturam probè purgari, & eam esse vim medicamenti quae sanguinis faecem euacuat. Melius igitur est sanguinis faecem medicamenti vi purgari, quàm sponte ob languorem euenire. Et quanto colores fuerint plures, non malum. Quoniam nihil aliud indicat, quàm medicamenti vim, quae valet plures humores vacuare, & ita compleri ex diuersorum humorum, vacuatione purgationem.

APHORIS. XXII.

Morbis quibuscumque incipientibus, si atrabilis sursum aut deorsum exierit, lethale.

COMMENT.

Malum est quamuis humorum à corpore vacuari ante coctionis notas, hoc est incipiēte morbo, idque in ratione signi. Indicat enim causam valde mordere, aut grauare, aut omnino facultatem languere. In via & ratione causae non semper malum est, sed quandoque iuuat. Cuius rei distinctionem apertam tradidimus in Comment. 2. huius sectionis. Ceterum vbi humor excernitur prauus, & in principio, lethalis est

dispositio, quoniã præter cruditatem, perniciem ostendit. Talis est atra bilis in principio morbi, sursum aut deorsum excreta, quæ magnam significat vstionem sanguinis, aut bilis flauæ, aut atræ, quæ sæx sanguinis est, & coctricis facultatis languorem. quod si bilis hæc quantumuis perniciosa, notis coctionis apparentibus excerneretur, bonum esset: vt enim Hippo. inquit, Excreationes liuidæ, cruentæ, fætidæ, & biliosæ, si bene exeunt, bonæ sunt.

APHORIS. XXIII.

Quibuscumque ex morbis acutis, vel diutinis, vel vulneribus, vel quomodolibet aliter extenuatis, nigrabilis, vel qualis sanguis niger exierit, postridie moriuntur.

COMMENT.

De nigris deiectionibus duarum specierum loquitur in præsentī sententia: quarum altera est nigra à sæce sanguinis: altera ab atra bile exquisita. De nigris autem deiectionibus à sanguine concreto quædam dicit apho. 25. Modo vero duarum prædictarum specierum deiectiones nigras dicit lethales esse, si eueniant extenuatis ex morbis acutis, aut longis, aut ex vulneribus. Significat enim imbecillitatem facultatis ægti, quæ nequit humores superare. Cum autem languente facultate, tales eueniunt excretiones siue sursum, siue deorsum eueniant (vtranque enim vacuationem per verbum ἐκέρχθη, idest exierit, significauit) non tantum mortem indicat, sed ipsam breui futuram

Extenuatis nigra deiectiones lethales.

turam, & ut inquit, sequenti die, quod idem est, & quod in Prog. dicere solet, valde lethale iam est. nam & modò cum postridie dixit, mortem ad sequentem diem distulit, neque tamen eadem die evenire posse negavit.

APHORIS. XXIII.

Difficultas intestinorum si ab atra bile inceperit, lethale.

COMMENT.

Omnem sanguinis deiectionem solent medici dysenteriam appellare: Propriè tamen ea est, quæ *Dysenteria.* cum ulcere intestinorum fit, de qua lib. 3. De arte medendi plura diximus. Hæc fit humore acri, qualis est bilis, aut falsa pituita descendente per intestina, ac primum detergente, deinde abradente & ulcerante, inde quoque manante sanguine. Si à flava bile morbus fit, mala est dysenteria: si à falsa pituita, peior: si ab atra bile exquisita, pessima, & quæ auctore Gal. aut difficile, aut omnino impossibile curatur, veluti & alij exulcerati cancri: præsertim quoniam medicamenta non facile admouentur parti, & admota non retinentur, & quoniam fæx perpetuo descendens tangit, & exasperat intestina.

APHORIS. XXV.

Sanguis qualiscumque fuerit sursum, malum: deorsum vero nigra deiecta, bonum.

COMMENT.

Quemadmodum à nobis translatus est aph. ita habetur in quibusdā codicibus, atque ita legitur à
f.

*Sanguinis
excretion-
es, bonæ
& malæ.*

Gal. in Comm. Est autem tota sententia de sanguinis excretionibus, aut enim sanguis superius excernitur, hoc est vomitu. (non enim loquitur de profluio sanguinis natium, quoniam id sæpe bonum est.) Aut excernitur sanguis inferius: atque id sensim, ita ut in via concreascet, ac denigretur. Primum malum est, cuiusvis coloris, aut naturæ fuerit sanguis. quum enim superius per os reiiicitur, siue ex pulmone spumofus, siue ex thorace concretus, siue ex ventriculo, malum est. Quum verò deorsum mittitur, non equidem subito, ita ut facultatē pessumdet, sed sensim. quod indicauit, cū dixit: Nigra deiecta, bonum erit. Nigra autem deiciuntur, cū sanguis sensim manat, ita ut antequam sanguis excernatur, concreascet atque denigretur. Erit autem bonum, quoniam erit minus malum, quā si per os excernatur. Minus malum enim est, sanguinem abundantem ex venis in vētrem effundi, & inde excerni, quā pulmonem lædi, aut thoracem, aut in ventriculo coagulari, & cibos corrumpere. Sed dices, ut quidam, qua ratione Hippoc. ita abutetur hac voce, bonum, ut significet minus malum, volens, minus malas dicere deiectiones, quas aphor. 21. dixit pessimas? Sed falsum est, ipsum loquutum fuisse in hoc, & 21. aphor. de eisdem deiectionibus. nam hic loquitur de nigris à concreto sanguine: illic verò de nigris à facie sanguinis, siue humore melancholico. Gal. vnam aliam adhibet huic secundæ parti aphorif. expositionem, per nigra deiecta, intelligens sanguinem nigrum per hæmorrhoidas manantem, is enim

*Taxatur
quidam.*

enim bonus est, & à melancholicis liberat morbis. Erítque sensus: Sanguis qualiscumque sursum malus: infra verò nigra, per hæmorrhoidas deiecta, bonum, si in corpore succi nigri abundauerint. In qua lectione, bonum, id quod vere bonum est, significabit, non quod melius, vt in priore. Sed oppones, vt ille, si supra, quod in aphorismo habetur, significat euacuationem per os, infra significabit eam quæ per anum, quod si infra significat quamcumque viam infernam, & ipsam per hæmorrhoidas vacuationem, supra significabit omnem supernam vacuationem, ac perinde falsum erit, sanguinē qualēcunq; supra, malū, siquidem fluxus sanguinis nariū malus non est. Sed hæc futilia sunt, nam ori, vt supernæ parti, anus vt inferna opponitur & de his duabus loquitur: & de ipsis verus est aph. sanguinem per os excerni, malum esse, & per anum, bonum, siue sit excretio sanguinis concreti ab intestinis, quoniam is est bonus, id est minus malus, siue sit sanguis hæmorrhoidalis in corpore melancholico, quoniam is absolutè est bonus. Aliā inuenio huius aphor. lectionem in Græcis Aldinis codicibus, quæ sic habet, Ἄμα ἀνω μὲν ὀκῶτον ἂν ᾖ, καὶ ὀν καὶ ἄνω θόν· καὶ τὰ μέλανα ὑποχρόνια, καὶ ὀν· quod est, Sanguis sursum quidem qualiscumque fuerit, malum: deorsum vero, bonum: & nigra deiecta, malum. In qua lectione præter ea quæ in nostra lectione exposuimus, sanguinis videlicet excretiones per os, malas esse, & per anū bonas, nigras deiectiones, quærū meminit aph. 21. quâsq; diximus esse sanguinis fæces, iterū vituperat. Nos
 f.ij.

primam sequitur lectionem, quamuis secundam non damnemus.

APHORIS. XXVI.

Si à difficultate intestinorū molestatus, quales carnes excernantur deorsum, lethale.

COMMENT.

In difficultatibus intestinorum primum pituita detergitur, deinde pinguedo excernitur, deinde summa cuticula interna abraditur, & postremo substantia intestini crassa deiicitur. Hæc sanè carni similis est: quā difficultatem intestinorum curare est funditus impossibile, quoniam nō reficitur solidorum pars amissa, minimè vero intestinorū, quibus paucus est sanguis, paucus calor nativus, & sæcum perpetuus transitus, ita ut nec cicatricē obducere fas sit. Molestato diximus, quoniam id significat vox ἐχόμενος apud Gal. in Com. 16. sectionis quintæ.

APHORIS. XXVII.

Quibus in febribus sanguinis effluxerit multitudo quacunque ex parte, ijs quum reficiuntur, ventres inferius humectantur.

COMMENT.

Libro 3. Prorrheticorum similem huic sententiam scripsit Hippo. dicens: Quibus sanguinis effluxerit multitudo, procedente tempore ventres male afficiuntur, nisi urina maturentur. In præsentem verò, in febribus dixit, quoniam in iis solent sanguinis fluxiones evenire, aut iudicatoriæ, aut secus, quamuis in omnibus magnis fluxionibus
verum

verum sit quod dicitur, vbi sanguinis multitudo effluxerit, in refectionibus ventres desubtus humescere. Quoniam post magnas sanguinis vacuationes languet natus calor, in refectionibus vero, siue procedente tempore, vt dixit in Prorrh. assumpto alimento cruditates fiunt, neque ūte calore cibos superare, neque coctos succos digerere in habitum corporis, ac proinde plurimum, & crudum atque humidum per intestina delabitur, & ventres deorsum humescunt. Dixit enim, καὶ ὅτ' ὁ παῖς ἰσχυρῶς, & lib. Prorrh. πονηρεῖσθαι, quod est, malè afficiuntur. Malè autē affici autore Galeno in eius partis Comm. est humectari, aut morderi, aut inflari, aut ructus acidos perperi. Notum autem est hæc sæpe aduenire iis qui magnas sanguinis vacuationes sunt passi, nam per paruas id non est necessarium, sicuti neque calorem natium ventris & membrorum languere. Quod etiam dixit, Quacūque ex parte, notissimum est, nam & per hæmorrhoidas, & per vterum, & per sedē, aut per nares in febribus, sæpius veniens, vbi modum excesserit, imbecillitatem affert, ad quam quæ dicuntur in aphorismo sequuntur. Apparet quoque interim vrina aquosa & cruda. Quapropter rectè admodū Hip. addit: Nisi vrina maturetur. Si namque medicus ita cibos agro ministret vt sensim accipiat quod superare valeat, concoquentur cibi pauci & coctionis facilis, & vrinæ coctæ apparebunt, & venter non humectabitur. Cōducet quoque hæc sententia ad victum instituendum simili cognita ratione ei quæ tradita est in illo aph. Quæ longo tēpore extenuantur corpora, lentè reficere

*Ventres
quibus hu-
mescent.*

conuenit. Nam paucus calor non potest multum
Conuale- superare alimentum. Ducuntur autem ægri sæpius
scies ve- in hunc errorem vel insciis medicis, quoniam cum
re fame ex morbis reualescunt, fame vexantur ob ventri-
torquetur. culi frigiditatem, & cibos accipiunt magna copia,
 quos superare nequeunt, & ventres inde hume-
 ctantur, aut prauè afficiuntur, quod non fieret, si
 ad mensuram caloris eos acciperent. Nam tum &
 cibos superassent, & vrina cocta apparuisset, &
 ventres nihil mali paterentur.

APHORIS. XXVIII.

*Quibus biliosæ sunt deiectiones, surditate
 facta, cessant, & quibus surditas, biliosis dictio-
 nibus factis, cessat.*

COMMENT.

Quoties humor morbum aliquem efficiens in
 partem aliam transfunditur, siue intra corpus, siue
 extra ipsum, pars laborans à morbo fiente qui ab
 humore pendebat liberatur. Maximè verò id fit
 ubi per distantissimas partes vacuatio fiat, quam
 reuulsionem in contrarium factam dicimus. Hoc
 euenit quum humor biliosus surditatem effi-
 ciens per intestina vacuatur, fiuntque biliosæ de-
 iectiones. Quòd si biliosæ deiectiones præcedunt,
 surditate veniente, cessant, rursus ad superiora con-
 uerso humore, qui per ventrem vacuabatur. Lo-
 quutus est Hip. de biliosis deiectionibus. & surdi-
 tate à bile orra, quoniā hæc permutatio humoris à
 capite in ventrem, aut rursus à ventre in caput, fre-
 quētius fit ab humore bilioso, rarò à pituitoso, si-
 quidem is ob crassitudinem non faciliè sursum ac-
 deor-

*Surditas
 per bilio-
 sas deie-
 ctiones cu-
 ratur.*

deorsum agitur. Tota præterea aph. sententia, de iis quæ magna ex parte eueniunt intelligi debet. Nā nō rarò fieri videbis, adeò magnam bilis copiam in corpore abundare, vt possit simul & per ventrem descendere, & caput occupare, ac surditatem efficere, sicuti & phreneticos quandoque vides semel atque iterum purgata bile, aut sponte, aut arte, nec tamē à phrenitide liberari. Sed Hipp. scribit quod sæpius euenit, quòdque medicū imitari cōuenit in morbis capitis, videlicet humores caput infestantes vētris purgatione ducere deorsum, & humores deorsum facientes imperiū, ad superna reuocare, veluti vomitu. Nam ad caput, aut nobiles alias particulas prauos humores ducere nō expedit. Li. de iudicationibus Hipp. ita scriptū reliquit: Quibus in febribus aures obsurdescent, his non soluta febre insanire necesse est. Soluit autem sanguis è naribus erumpens, aut aluus biliosa egerens, aut dysenteria accedens, aut coxarum aut genuum dolor.

APHORIS. XXIX.

Quibus in febribus sexta die rigores sunt, difficile iudicantur.

COMMENT.

Hipp. Prog. 22. li. 3. inquit: Quibus febres deficiunt, neque cum signis solutionis, neque in diebus decretoris, recidiuam in eis expectare oportet: Quod nāq; in aph. præsentī dixit, Difficile iudicari: idē est quod male iudicari. Mala autem iudicia sunt, cū prauis accidentibus, & ad malum, nempe mortem, aut deteriorem statum, aut cum periculo recidiuæ. Talia eueniunt iis qui iudicantur, s. iij.

Febres indicatae sine notis solutionis redeunt.

non cum signis concoctionis, aut non in die decretoria. Sine notis coctionis nullus morbus probè iudicatur, quoniam coctio excretionem præcedere debet, tum ad citam iudicationem, tum ad securitatem. Dicente Hippo. lib. I. De morbis popu. Coctiones crisis celeritatem, & securam sanitatem ostendunt. Præsens aph. vnam tantum prognostici partem continet, quæ ad diem decretorium spectat, ac docet sexta die malas fieri iudicationes. Quod enim de rigore dixit, de iudicatione intelligi voluit. Nam solent rigores iudicationes ipsas antecedere, quoniam rigor est totius corporis inæqualis concussio, ac conquassatio. Hanc verò concussionem sequuntur vacuationes & iudicia, nunquam tamen ad bonum in sexta die. Sextus nanque tyranno cōfertur, vti & septimus regi. Rex enim aut supplicij partem admittit, aut victoriam illustrat. Tyrannus verò, de salute dolet, de pernicie gaudet, & quærit ubi animum expleat, & ægrum male tractet, aut longa punitione exerceat. Talis est sexti diei natura, qui aut ægrum iudicat ad mortem, aut cum pravis accidentibus, & deinde cum periculo recidivæ. Neque obstat quòd lib. 3. De morb. pop. par. 3. In Larissa virginem, mulier hæc liberata fuerit ac iudicata sexta die, ac dixisse Hippo. non rediisse morbum. Nam à iudicio menses fluxerunt, potuit tamen hæc vacuatio à recidiva mulierem liberare. In febribus itaque, præsertim continuis, aut quæ non habent quotidianas accessiones, rigores in sexta die facti mali sunt, & qui difficiles afferant iudicationes, hoc est ad mortem, aut cum

Rigor.

*Diei sexti
natur. 1.*

cum prauis accidentibus, parum tutas, & quæ redire solent.

A P H O R I S. XXX.

Quibus accessiones fiunt, si quacunque hora febris dimiserit, eadem hora cras assumpserit, difficile iudicantur.

C O M M E N T.

Verus sensus huius apho. est de horis inuasionum accessionum, de quibus inquit: Si eadem hora febris inuadat sequenti die, qua hodie inuasit, & tertia die eadem hora qua secunda, & quarta die eadem qua tertia, & secunda, & prima, difficile iudicabitur, quasi dicat, prorogabitur morbus. Longus etenim futurus est morbus qui causam habet firmam & immutatam ac permanentem, talis est febris quæ eisdem repetit horis. Neque licet statim morbi longitudinem prædicere, ubi semel, aut bis, eum ordinem inuadendi seruet febris, sed ubi sæpius eueniat, febre quotidie, aut per tertium, aut per quartum repente. Quod non sine magno suæ salutis dispendio expertus est Carolus Hispaniarum Princeps maximus, triginta mensibus quartanam febrem passus. Cuius curationi semper interfui simul cum meis sodalibus viris in arte medica præstantissimis, summæque prudentia præditis, doctissimo Sacta Cara, & sapientissimo Iacobo Oliuares. Caput quartana suam celsitudinem molestare anno 1559. Sexta die Augusti erat is suæ ætatis 14. habuitque initium ab

*Longus
morbus
futurus.*

*Caroli
principis
historia.*

humore melancholico vſtione genito, qui acceſſiones inferebat inordinatas, ſed paulo poſt quartanarium oidinem ſeruarunt, & cum ſignis cruditatis quæ toto ſerè morbo perſeuerarunt in vrinis & deiectionibus. Nam ſingulis menſibus, aut paulo maiori interuallo ſponte fluebat aluus, multa verò cruda ac ſubnigra deieciebat, à quibus nihilo melius habebat, ſed acceſſiones ſuam ſeruabant longitudinem & vehementiam, & roto ſerè morbo valida ſiti premebatur. Tranſacto verò anno primo febres quandam figuram inuadendi ceperunt, quam ſupra quatuordecim menſes ſeruarunt. Anticipabant enim horas quinque perpetuò, nulla facta temporis differentia, quæ ſentiri poſſet. Quantum autem quæuis acceſſio præcedentis acceſſionis horâ præueniebat, tantum ante dimittebat, atque erant eiufdem ſpatij acceſſiones omnes. Itaque quamuis morbus crudus eſſet, acceſſionum anticipationibus conſideratis, & earundem longitudine & vehementia, videbatur ſtatuſ rationem habere. Euenit autem poſt ſecundū annum, vt acceſſiones eandem quinque horarum anticipationem ſeruauerunt multis diebus, non tamen æqualem longitudinē, ſed ſemper in diminutionem procedentem, ſimul cū vomitib⁹ crudæ pituitæ, quæ ex lōgis cruditatibus aceruabatur in ventriculo, ita ad finem fuit perducta, ac ſine notis coctionis. Quapropter poſt duos rediit menſes, & intra alios duos cum coctionibus in totum eualiſit. Vidimus etiam non paucos qui longas febres repetentes per acceſſiones ſunt paſſi. Quorum acceſſiones non
repe

repetebant eadem hora, sed seruabant eundem anticipationis ordinem, aut postpositionis. Vnde colliges nihil referre, siue eadem hora febres inuadant sequenti, aut tertia, aut quarta die: siue anticipationis, aut postpositionis eundem limitem seruent. quoduis enim horum satisfacit ad causæ firmitatem & pertinaciam, proinde ad morbi longitudinem, siue eadem, siue diuersa hora febris dimiserit, (id enim est, quod dixit: Quacunque horâ febris dimiserit) si eadem occupauerit accessio sequens, qua præcedens, id erit satis.

APHORIS XXXI.

In febribus cum lassitudine, ad articulos & circa buccas præsertim, abcessus sunt.

COMMENT.

Lassitudines quædam sunt spontaneæ, quædam ^{Abcessus} sequuntur exercitationes. vbi verò quispiam fe- ^{in febr-}bricitauerit cum lassitudine, qualiscunque ipsa ^{bus cum}fuerit, abcessus solent sperari, atque tales febres ^{lassitudi-}finire. Si enim lassitudo validas sequatur exercita- ^{ne.}tiones, sperandum est naturam transmissuram abundantiam ad articulos, qui ab initio ob exercitationem incaluerunt, vnde etiam initium morbus habuit. Nam articuli incaléscentes in exercitatione calorem musculis immittūt, & inde toti corpori: calor vero in articulis manens abundantiam ad se trahet, siquidem calor est tractionis initium, vt libro De arte med. & in Commentariis lib. 2. De differentiis febr. docuimus.

Dolor etiam in musculis & prope articulos manens quomodo fluxionem mouere possit, ibidem ostendimus. Quòd si lassitudo sponte euenerit, abundantiam mittet natura in articulos inferiores, si febris longa fuerit, quoniam crassi humores ad inferiores articulos mittuntur : si verò tenues fuerint ad caput ascendentes prope buccas, idest, post aures, & in mento fient. Quamuis tamen Hippocr. docet modo in quam partem sunt abcessus futuri, non tamen an futuri sint. Id verò docuit in Prog. dicens : Quæcunque febris prorogatur salubriter affecto homine, nec ob inflammationem, nec ob quamuis aliam causam manifestam dolore detinente, huic spectandus est abcessus cum tumore ac dolore ad aliquem articulum, maximè eorum qui sunt in parte inferiori. In articulis autem aut superioribus, aut inferioribus fient abcessus vna communi ratione, qua laxæ partes facilè admittunt fluxiones.

APHORIS. XXXII.

Quibuscunque resurgentibus ex morbis pars quæpiam laborauerit, ibidem abcessus fiunt.

COMMENT

*Abcessus
in conua-
lescentibus.*

Docuit in præcedenti prædicere in his qui febricitant, qua parte sint abcessus sperandi, modo in his qui è morbo conualescunt idem docet. Si namque pars quæpiam doluerit, aut ægrotauerit, aut læguida fuerit, ibi abcessus speratur. Causa nota est. Nam si is qui è morbo resurgit, hoc est,

est, conualefcit. nondum fanus omnino est, prius conicere debes an aliqua ratione abceffus fit fpe randus: quòd fi fuerit, tunc prædices cum futurũ in dolentem partem, quia dolor aduocat fluxionem. Si verò non doleat, fed ægrotet quouis morbo, aut languida fit, ibidem fiet abceffus, quoniã præcipuæ partes mittunt fecundum naturam excrementa in ignobiles, & validæ ad imbecillas. Præfagia itaque futurorũ abceffuum ex Hippo. accipies in Prognost. & ex imperfecta conualefcencia, & ex notis reliquiarum morbi. Præfagia vero partis in quam futuræ sunt, tum ex Prognostico in præcedenti Commentario citato, tum ex præcedentibus aphorismis.

APHORIS. XXXIII.

Verumtamen si pars quæpiam ante morbum laborauerit, ibi morbus firmabitur.

C O M M E N T.

Continuata oratione hunc scribit aphorismum de abceffibus sperandis. Nam aphor. 31. docuit in ægrotantibus cum lassitudine abceffus esse sperandos, & in quem locum, in 32. de conualefcentibus dixit, abceffus esse sperandos in partem dolentem, si quæ doluerit, aut laborauerit: modò vero de his qui nondum ægrotantes dolent, aut partis lassitudinem patiuntur. Cùm enim ægrotauerint, in parte qua præfuit labor, erit abceffus sperandus, propter supradictas causas. Quã *Abceffus futurorũ definitio.* uis an sit futurus abceffus, an non, adhuc indistinctum maneat. Nam si aliqua via humor qui ab-

cessum committere debet purgetur, laborabitur æger ab abcessu, vti infra aphorif. 34. cum inquit: Quibus speratur abcessum ad articulos futurum, liberat ab abcessu vrina multa crassa & alba facta, qualis in febribus cum lassitudine, quarto die quibusdā fieri incipit. Quod si è naribus sanguis effluerit, valde celeriter liberatur. Præterea Prog. 65. lib. 2. in hunc modum scripsit: Cōsiderare autem oportet talia hunc in modum. Si febris detinet, & dolor non cessauerit, & sputum non excernatur secundum rationem, neque biliosæ fuerint alui deiectiones, neque dissolutæ atque synceræ, neq; vrina valde multa & crassa, & plurimum continens sedimentum, paratur autem salubris ab omnibus aliis salutiferis signis. In his oportet huiusmodi abcessus futuros sperare. Hæc Hippo. sententia integra definitio est futurorum abcessuum, quemadmodum in his aphor. tribus, partem in quam sint sperandi, definit.

APHORIS. XXXIII.

Si à febre habito tumore non existente in faucibus strangulatio repente instauerit, lethale.

COMMENT.

Ad partem artis prognosticam pertinet hic aphorif. Nam Prog. 16. lib. 3. eandem ferè sententiam scripsit, vbi de anginarum generibus agens, de pessima atque grauissima, & quæ ei de qua modo scribit cōfertur, inquit: Anginæ autem grauissimæ sunt, ac celerrimè interimunt, quæcū nihil conspicuū faciunt in faucibus, neque in ceruice

*Angina
lythales.*

uice, plurimum verò dolorem inferunt, atque orthopnæam. Hæ enim eodem die strangulant, & secundo, & tertio, & quarto. Verum quoniam in huius Prog. expositione nos plura dixim⁹ ad hūc apho. attinentia, placet ad eum locum remittere lectores, & huic apho. breuem adiungere Cōmentarium. Si à febre habito, dixit, id est, à febre molestato (de eo enim loquitur qui à febre molestatur & opprimitur, siue à magna febre detinetur) repentinè euenerit strangulatio, non apparente in faucibus tumore, lethalis est affectus. Quamuis si cum febre non admodum magna id eueniat, adhuc verus est aphorismus. Nam cum hi qui febricitant non magna febre, maiori quàm ubi secundum naturam habent, egeant respiratione, & naturalem efficere non valeant, nedum maiorem, quoniā strangulantur: mortis imminet periculum. Tumore non existēte in faucibus, dixit, *Fauces.* per fauces intelligens eam partem quæ aperto ore se ostendit, interiacens gutturi & gulæ, ita ut aperto ore nihil tumescere videatur. Quod in Prog. dixit: Quæcunque nihil conspicuum faciūt in faucibus, neque in ceruice. Addit tamen, in ceruice, quoniam sæpe fit ut homo ab angina molestetur, & magna humoris pars in ceruicem transferatur, *ἡ δὲ μάτος μὴ ὄντος*, id est, tumore non existente. Nam *ὁ ἰδημα*, Latine œdema, apud Hippo. *ἰδημα* omnē tumore significat, ut explicuimus in annot. in Cō. 25. li. 1. Prog. Lib. tamē Prorrh. par. 2. sc. 54. hāc sententiam ita scripsit: Fauces dolētes tenues, cū quadā difficultate strangulātes, velociter exitū afferētes. Tenues tamē dixit, quasi sine tumore.

Velociter vero exitium afferentes, est quod in Prog. dixit, celerrimè interimunt. quódque in eodem loco definiuit dicens: Eodem die strangulant, secundo, tertio, & quarto. In præsentí præter ea apho. dixit: Si strangulatio repente institerit, vt excluderet alias strangulationis species, quæ sensim fiunt, vt in pulmonia, abcessu, aut tuberculo in pulmone, aut thorace, aut thoracis inflammatione, aut membranæ costas subcingētis. Nam inflammatio membranæ internæ gutturis nunquam adeo magna fit, vt strangulet, quoniam est & valde tenuis, & sine carne, aut etiam pauci sanguinis. Reliquum est vt de inflammatione gutturis & præsertim internæ ipsius membranæ loquatur. Quæ omnia excludit in Prog. de angina loquens, & rursus adiiciens, plurimum dolorem inferens, partem ostendit patientem. Cum vero lethale dixit modo, in Prog. mortem celerrimam, & diem mortis explicuit. Sed in aphorif. speciem difficilis spirationis, dixit, strangulationem, & in Prog. ipsam dixit orthopnæam. Nihil autè refert, nam in aphor. πνιξ dixit, id est strangulatio, & in Prog. orthopnæa, quam Galenus per strangulationem definiuit lib. 2. Protrh. Comment. 54. dicens: Nominat autem ipse, atque alij omnes, orthopnæam, illā difficilis spirationis speciem, per quam πνίγονται, hoc est, suffocantur, siue strangulantur, decumbentes. Hoc loco eadem vox usus est Gal. ad explicandam orthopnæam, qua Hippocrat. in aphorif. πνιξ itaque nihil aliud significat nisi stranguationē, ad quam recta ceruice spirare est necessum, & orthopnæa spirationem quæ recta ceruice

ce exercetur, quoniam strangulantur ægri, & ita coguntur spirare.

APHORIS. XXXV.

Si à febre habito, collum repentè peruertatur, & vix deuorare potest, tumore non existente, lethale.

COMMENT.

Pertinet quoque is aphorif. ad partem prædicendi, in quo de quadam anginae specie agit, quæ ex vertebrarum ceruicis luxatione oritur. Luxatur autem secunda frequenter ob inflammationem musculorum qui sunt ad fauces, aut guttur, qui ad se trahunt, & conuellunt vertebram, quo fiet ut deuorare non possint, aut difficile. Quod si vnâ omnes ipsam conuellant, ad anteriora ducetur, & postrema pars cum dolore caua manebit. Si verò vehementius muscoli vnius lateris conuelluntur, in id latus inclinabit vertebra, fietque difficultas deglutendi, & quandoque per nares reicietur potus. Quod si à febre habito, inquit, collum repentè peruertatur modo dicto, & vix deuorare possit, non tamen existente tumore, ac si dixisset, non apparere, nam dixit, *μὴ ἰούτος*, hoc est, non existere, existit tamen nunquam, sed intrus ubi non apparet, nepe in gutture, atque lethale est. Hip. li. 2. De mor. pop. parte 2. harum meminit anginarum, dicens: Erant autem anginosorum affectiones hæc, colli verticula intro vergebat: quibusdam amplius, quibusdam minus. Et collum forinsecus conspicuam cavitatem intro habebat, & hac parte ad contactum dolebat. Erat autem & cuidam infra os dentis appellatum non similiter acu-

*Angina
ex vertebra
luxatione.*

potest aphoris. pars illa, repente, omnino abundare videtur. Nam quæ à siccitate fiunt, sensim fiunt, & Galenus eam partem non legit in Commentario, neque Leoniceus ipsam legit in sua translatione, neque lectio hæc Galeni de siccis anginis, fert eam particulam.

APHORIS. XXXVI.

Sudores febricitantibus si inceperint, boni sunt, tertio die, & quinto, & septimo, & nono, & undecimo, & quartodecimo, & decimo septimo, & vigesimo primo, & vigesimo septimo, & trigesimo quarto. Hi enim sudores morbos iudicat. Qui verò tales non sunt, laborem significant, & morbi longitudinem, & recidivam.

COMMENT.

Quantam vim habeant dies decretorii in decernendis morbis, præsertim acutis, docuit Galenus lib. I. De diebus decretoriis. Nam iudicantur in ipsis sæpe morbi acuti, & tuto, & sine periculo redditus, atque hoc ultimum quæ maximè debetur dici naturæ. Liberant præterea à morbis prædicti dies, manifestis factis vacuationibus, aut effatu dignis abcessibus, quæ omnes iudicationes appellatur. Excretiones autem sunt fluxus ventris, vomitus, urina, sanguis ab utero manans, aut naris, aut etiam ab ani venis, & sudor. Is verò, excrementa serosa quæ in venis & arteriis, & carne ipsa continentur vacuat, ducitur quoque cum ipso nonnihil humoris vitiosi, aut abundantis per morbos, ita, ut ostēdat, cuius naturæ sit, quod

*Decretorii
orum die-
rum vii.*

*Sudores
unde euan-
escunt.*

*Sudores
ex quibus
iudicant.*

in vasis continetur. Quod docent, color, & odor sudoris, atque sapor, indicantque non parū sudores qualitate atque substantia. In presenti aph. de sudoribus loquitur qui febricitantibus accidunt, præsertim per acutas febres, quoniam febres sunt in quibus iudicationes per sudorē speramus. Sunt enim morbi qui occupāt venas, & arterias, à quibus sudores manant. At verò in morbis qui acuti non sunt, iudicia raro sperantur. Laudauit ea ratione sudores qui fiunt in diebus vsque ad trigesimum quartum, si quidem deinceps pauci iudicantur, & minus per sudorem, tum quòd longi morbi sunt, tum quòd à crassis pendent humoribus. Quia longi, raro iudicantur: quia crassi humores eos efficiunt, non habēt sudorem peculiarem vacuationē. Præterea nosse oportet, acutos morbos habere per dies impares vehementiores accessiones, & eo magis quo fuerint acutiores, & iudicationes semper fieri in diebus accessionū, in quibus sunt humorum motus, tunc enim facilius excernuntur, cum commoti iam sunt. Hipocrates sane modo quamuis ex multis aliis posset docere sudorum bonitatem, quod Prog. 22. lib. 1. fecit, ex solā dierum iudicantium natura, id considerare instituit, dicens: Sudores febricitantibus si inceperint, boni sunt tertio die, & quinto. in his enim quamplurimi acutissimi morbi iudicantur sudore. Non ineminit tamen quarti, quoniam tertius arripit quarti iudicationem, in morbis adeo acutis, quiq; habēt per impares motus, aut differtur iudicatio in quintū eadē de causa. Sed de iis nō pauca diximus, & de dierū omnium iudicantium natura

& po

& potestate, in expositione Prog. primi libri 3. Cæ-
 terum nō omnino fuit immemor Hip. iudicatio-
 nis per sudorē in quarto die. Nam lib. 3. De mor. *Sudor in*
 pop. par. 3. in historia Periclis, dixit: Quarto circa *quarto.*
 meridiem sudauit multum calidum, per totū cor-
 pus, sine febre iudicatus est, nec rediit febris. De-
 inde meminit septimi, vndecimi, decimi quarti,
 decimi septimi, vigesimi primi, vigesimi septimi,
 & trigesimi quarti. In quibusdā legitur, & vigesi-
 mo primo. Quadagesimi nō meminit, quoniam
 per sudorē raro iudicatur morbi die quadagesi-
 mo, paulō frequentius 27. 31. & 34. Hos sudores *Sudores*
 bonos esse dicit, non quod boni sint omnes qui in *boni, qui.*
 his dieb⁹ eueniunt, siquidē malos plures videmus
 in eis diebus factos. Sed voluit ex diei natura eos
 esse bonos, si aliis rationib⁹ boni fuerint. Nā præ-
 ter coctionē quæ omnē bonā iudicationem præ-
 cedere debet, ab effectu alia cōsiderare docet, nō
 tantum diem, cum optimum sudorem, ac deinde
 bonum, definiuit Hippocr. in Prog. dicēs: Sudores
 optimi quidem sunt, in omnibus acutis morbis,
 quicūque in diebus decretoriis fiunt, & integrē
 febrē sedant. boni verò quicunque ex toto corpo-
 re procedētes fecere, vt homo facilius morbū fer-
 ret. De bono igitur loquutus (vti & in apho. præsc-
 ri) ex toto corpore prodire debere dicit, ac facere
 vt homo facili⁹ morbū ferat. Quapropter & hæc
 ad bonū sudorē, quāuis optimus nō sit, necessaria
 sūt. Quod tamē ad diē attinet decretoriū, de quo
 apho. tantum modo scribitur, Gal. quoq; necessa-
 rium esse vult in Com. prædicti Prognostici, cum
 dixit, In bonis verò non tamen optimis prodire

*Iudicatio-
nes in die-
bus acces-
sionum.*

ex toto corpore, & aliquid morbi tollere, scribens. Nihil præterea adiicit de diebus decretoriis, tanquam id quoque bonum rursus sudorem necessario comitetur. Si verò sudores tales non sint, laborem significant, aut morbi longitudinem, aut recidivam. Diximus eam esse causam ob quam in diebus accessionum fiunt bonæ iudicationes, de quibus sunt sudores, quoniā iudicationes bonæ fiunt motis humoribus, mouentur tamen in diebus accessionum, & humores moti facilius excernuntur. Quodd si in aliis diebus natura tentasset iudicationem facere, qui non forent de his qui recensentur ab Hippoc. & qui iudicarij non sunt, labores fierent, hoc est, cum læsione, & prauis accidentibus fiet iudicium, quatenus quieti humores cum labore agitantur & vacuantur, & vacuationes quæ in aliis diebus fiunt, causam præter naturam, vt multitudinem aut acrimoniam habent commouentem, significant etiam longitudinem, vbi à multitudine humoris iudicatio concitetur, & ante concoctionem, aut tempus à natura destinatum. Aut etiam recidivam significabit, non enim alia ratione fiendæ sunt iudicationes, hoc est, quæ nunquam redeunt, nisi quoniam in diebus decretoriis fiunt, Aut dies ipsa hoc vnum ostendit.

APHORIS. XXXVII.

Frigidi sudores cum acuta quidem febre facti, mortem significant: cum mitiori verò, morbo

morbi longitudinem.

COMMENT

Frigidum sudorem duas habere significatio- *Frigidi su-
dores quid
indicant.*
nes scribit, mortem, & morbi lōgitudinem. Nam
aut febris cui superuenit, acuta est, aut mitior: si
acuta, mortem significat: si mitior, longitudi-
nem. Causam distinctionis, quare etiam fiat ut
in acuta febre frigidi manent sudores, apertam
dedit Galen. in Comment. Humores enim putre-
scere possunt, & vehementem calorem præter
naturam concipere, calore natiuo languente in
solidis ipsis particulis. Nihil autem prohibet ca-
lidissimis existentibus humoribus in vasis, nati-
uum calorem remissum esse, & à vasis manentem
sudorem in cute refrigerari, ac manare frigidum.
Inde fiet ut cum acuta febre adeo languente ca-
lore natiuo, sit speranda mors. Cum mitiori verò
febre non item, sed longitudo speratur, quoniam
mitior febris non ita calefacit humores, ut neces-
sum sit natiuum calorem valdè languere, quan-
do frigidi sudores manant ab ambitu corporis.
Crassi enim & frigidi succi, qui mitem febrem
facere solēt, difficile coquuntur, & longos morbos
faciunt, sed solent quandoque ad bonum perue-
nire finem. Præterea frigidus sudor cum acuta fe-
bre, signum est mortis; quoniam adeo breui
non poterunt frigidi ac multi humores supera-
ri. Causa item est mala, febris acuta, quæ ante id
hominem interimet, præsertim languente nati-
uo calore. Cū miti tamen febre natura lōgo tēpo-
re valebit crassos coquere succos. Hanc sententiā
in Prognostico ita scripsit: Pessimæ vero sunt fri-

t. iij.

gidi, & circa caput tantum, & vultum, & ceruicē facti. Hi enim cum acuta febre mortem prænu-
 ciant, cum leuiore verò, morbi longitudinē. Quo
 loco de frigido sudore loquitur, siue à toto corpo-
 re manet, siue à solo vultu & ceruice, intelligi vo-
 luit idē quoque de calido à sola facie & ceruice
 manāte. Est sane pessimus si frigidus simul sit, &
 à vultu tantum & ceruice manet. Est autē malus,
 si calidus manuerit à capite, vultu, & ceruice
 tantum, & item qui frigidus à toto corpore ma-
 nat. De his duobus intelligendum quod dixit:
 Cum acuta febre mortem, & cum mitiore mor-
 bi longitudinem significare. Illud verò quod Fu-
 chsius in Cōment. huius aphorismi dixit, falsum
 est, Hippocratem videlicet in hoc loco per febrem
 acutam intellexisse eam quam dicunt συνεχής, id
 est, continuam. Ad quod comprobandum citat
 Galen. libro 1. De morb. pop. const. 1. Com. 23. cū
 inquit: Quæcumque febres manifestam habent
 remissionem, nunquam tamen febre prorsus va-
 cant, acutæ & continuæ vocantur Hippocrati. Ve-
 rùm nos in expositione Prog. citati abūdē consu-
 tauimus eius mentem nonnullis rationibus. Qui-
 bus addes, quòd Hipp. postquam dixit: Sudorem
 frigidum cum acuta febre mortē significare, ad-
 didit, Cum mitiori, morbi longitudinem. Itaque
 opposuit acutæ febri mitem. quòd si acuta eadē
 esset quæ continua, ipsi potius opposuisset inter-
 mittentem. Miti autem opponitur vehemens. ta-
 lis est acuta febris, nempe cuius motus est velox,
 & cito pericula adueniunt. hæc est, de qua Hipp.
 loquitur.

*Fuchsius
 notatur.*

Et qua parte corporis sudor est, ibi indicat morbum.

COMMENT.

Si sudor ex toto corpore manat, morbum totius corporis significat; & si ex parte, eiusdem corporis significat morbum. Nam causa morbifica morbum facit, humor autem de causis morborum est, igitur ubi abundauerit, ibi morbum faciet. Neque tamen voluit Hipp. ex sudore probare morbum, sed si morbus adest, vel itque medicus laborantem partem inuenire, ex sudore docet quænam sit. Fieri namque potest, ut sudet aut pars, aut totum corpus, sine morbo, ubi sudor fuerit parvus, non frequens, aut fuerit adeo magnus, ut morbum finiat. Quando itaque corpus ægrotat, si sudor eueniat, atque is totius corporis, totius est morbus. Si tamen aliqua parte sudauerit, eius partis erit morbus.

*Sudor quo
modo mor-
bum osten-
dit parum.*

APHORIS. XXXIX.

Et qua parte corporis fuerit calor, aut frigus, ibi morbus.

COMMENT.

In tertia parte libri, De arte medendi generales dignotiones morborum tradidimus, quarum plures ante nos Gal. docuerat. De iis tamen sunt quæ sumuntur ab iis quæ sunt substantialiter sanitas, aut morbus, & quæ sumuntur ab actionibus, & quæ à corporis affectibus. Præcedens aph. scriptus est de actionibus quas ostendunt excrementa, naturales utique actiones ostendit sudor. Præ-

*Morbus
ex calore
aut frigo-
re constat.*

sens est de iis quę sunt substantialiter morbus. Sequens autē de corporis affectibus, de quibus sunt colores corporis. In ptæsentī itaque ex calore partis, aut frigore docet agnoscere quæ pars ægrotet, & qua parte morbus sit. Quod verum est, ubi modum ita excedant, vt actiones vitient. In caloris namque, frigoris, humiditatis & siccitatis moderamento sita est substantialiter sanitas, vti in ainetria & recessu à debito modo consistit morbus. Tactus autem hæc dignoscit, si tangi possunt: sin minus, ex multis aliis cognitio fiet.

APHORIS. XL.

Et ubi in toto corpore mutationes: etsi corpus infrigidetur, ac rursus calefiat, aut color alter ex altero fiat, morbi longitudinem significat.

COMMENT.

Morbi longi signa.

Ex mutationibus à contrario in cōtrarium, aut ex vno in aliud diuersæ naturæ, docet modò prædicere morbum futurum longum, veluti si in calore & frigore totum corpus mutationē accipiat, & nunc incalescat, ac deinde refrigeretur, aut cōtrà, morbus significatur longus. Rursus ex colorū mutationibus, ita vt modo albus, deinde rubeus, aut liuidus color in cute emergat, ex talibus corporis affectibus morbi longitudo significatur, si morbus salubris futurus est, nā plures colores & mutationes qualitatum, sequuntur causarū multitudinē, quibus variatis, variantur prædictæ qualitates. Nā occurrēte calida causā incalescit corpus,

& occurrēte & commota frigida, corpus infrigidatur. Tum etiam bile ad cutim cōmota pallidum redditur corpus, trāsufa ad eas partes pituita redditur subalbidum, & rubrum sanguine moto, liuidum, tranſmiſſo ſanguine melācholico, aut refrigerato. Quapropter ſi color alter ex altero fiat, multæ cauſæ ſignificātur. hæ verò difficile ad perfectionem ducuntur, & tempore eſt opus, ſi homo ſaluari debet, quod faciet valida exiſtente facultate naturali, hac tamen languente brevis erit morbus, atque lethalis.

APHORIS. XLI.

Sudor plurimus ex ſomno factus abſque manifesta cauſa, ſignificat corpus plurimo cibo uti: ſi vero cibum non aſſumens id patiat, ſignificat quòd vacuatione indiget.

COMMENT.

Plurimæ cauſæ ſunt ob quas ſudor è corpore manat, quæ omnes ad tres reducūtur, quales ſunt in omnibus vacuationibus, facultas, instrumentum & obiectum. Facultas naturalis duplex eſt, quæ in hac actione locū habet, retinens, & expellens. Sudant enim, aut quoniam retinens languet, aut quoniā externens irritata expellit. Ex instrumentis ſunt venæ, arteriæ, & membrorum pori, quorum laxitas ad ſudorem facit non parum. Ex obiecto conſtat humoris naturam, & copiam, ſudoris quantitatem non parum variare. Nam tenuis ſuccus facilè per meatus diſcurrit, & craſſus difficilè. Acrimonia vero irritat ad expulſionem, copia item humoris grauatur facultatem re-

*Sudoris
cauſæ.*

Sudor plurimus.

tinentem. Hę omnes causę internę sunt, quamuis ab externis augeri, & minus possint. De sudore plurimo inquit: Sudor plurimus ex somno factus absque manifesta causa: cū dixit, plurimus, eum exclusit qui ab imbecillitate retentricis fit, qui paucus est. Excludit etiam eum qui fieret ex corporis raritate, non tamen eum qui fieret irritata facultate expultrice, à succorum acrimonia. Ex somno dixit. nam somnus ab initio humores intra mouet, ad finem extra, quo tempore sudare videmus eos qui sudandi causas habent, magna ex parte. Absque causa manifesta, dixit, hoc est, absque causa quę sit extra corpus. Nam cibus plurimus, qui ab ea dispositione significatur, causa manifesta est, quę tamen non est extra corpus, dū sudorē efficit, sed prius alteratur & per venas discurrit interueniente somno, quā sudorem efficiat plurimum. probe igitur legitur, *ἀνὺ θάνατον ἀΐλιν*, id est, sine manifesta causa, quāuis legi posset, ut in aliis codicib⁹ *ἀνὺ τινὸς ἀΐλιν ἐτέρας*, id est, absq; causa altera. Quum igitur sudor plurimus prædicto modo euenerit, significat aut corpus plurimo cibo uti, aut egere vacuatione, vbi constiterit nō esse in causa cibi copiam. Causa etenim autore Galeno in Comm. cibus est, quoniam ab imbecilla facultate, aut pororū raritate, plurimus sudor non fiet. Cibus autem si recens assumptus fuerit, eget diminutione, & parciiori cœna opus est. Si vero ante assumptus fuit, (quod notum erit si non sumatur modo supra modum) necessum erit uti purgatione, quoniam malum iam in vasis residet, nempe succi tenues, & acres facultatem irritan-

irritantes, aut retinentem fugientes, quod copia quoque facere potest grauians. Hæc probe dicta sunt, sed illud dubium videtur. non enim sequitur, sudor plurimus adest ex somno, absque manifesta causa, ergo qui sudat, plurimo cibo vititur, aut purgatione eget: nã plurimus potus sudorem multum adfert in somno, vt docet experimētum, sed dices cibum, potum & cibum significare modo. Cæterum id quoque obstare videtur, quòd potus acrimonia sua potest sudorem mouere, & cibus qui fuerit tenuis substantiæ atque acredinis particeps, fietque sudor plurimus, ex somno absque manifesta causa, ac non significabit cibum plurimum, aur potum plurimum, sed cibū & potum acrem ac calidum, qui irritat naturalem facultatem expultricem, & poros facile peruadit.

APHORIS. LXII.

Sudor plurimus frigidus, aut calidus semper fluens, frigidus maiorem, calidus minorem morbum significat.

COMMENT.

De sudore, qui toto morbo durat, quē semper fluere dicit, quoniam omnibus morbi temporibus fluit, vbi plurimus fuerit, morbum significare maiorem aut minorem, pro causæ ratione testatur. Nam calidus sudor à causa calida fit, & frigidus à frigida. Sũntque morbi calidi breuiiores, frigidi longiores, sic & lib. 6. De mor. pop. parte prima dixit: In cranone dolores antiqui frigidi, noui vero calidi. Causæ nãq; calidæ breuius superatur,

Magnitudo.

frigida tardius. Estque morbus longior maior, & breuior minor, cum magnitudo de longitudine, uti & de vehementia & magis proprie dicatur. Plurimum autem dixit ac semper fluentem, nam paucus non potest longum significare morbum, etiam si frigidus sit, semper autem fluere voluit, ut non tantum in summo morbi vigore fluat, quo tempore iudicatur morbi, sed in aliis, ut in principio & augmento, ut copiam & redundantiam significet.

Sudor plurimus semper fluens

APHORIS. XLIII.

Febres quaecumque non intermittentes per tertium fortiores sunt, magis periculosa, quous tamen modo intermiserint, significat quod periculo vacent.

COMMENT.

Febres continuabiles

Ex his quae Galenus docet li. 2. De diff. fe. cap. 2. & nos in nostris commentariis in eum locum parefecimus, aperte constat, febres quasdam dici continuas, quasdam intermittentes, continuas, li. 1. De mor. po. par. 3. Com. 2. Gal. bifariam dici testatur, aut enim continuas sunt quae ad infebrecitationem non desinunt, aut sunt illae quae ad iudicium usque nullam habent manifestam mutationem. Has nos appellamus ex Gal. praecipis continentes: illas vero quae cum continuitate habent accessiones, continuas. Intermittentes vero sunt aut quae remittunt, aut quae ad infebrecitationem perueniunt, & hoc secundo modo medici vtuntur appellatione intermittetis febris. Sunt autem in vniuersum continuas intermittentes magis periculosa, tum quod perpetuo affligantur tum quod nullum alendi tempus opportunum relinquat. Continuatam tamen quae accessiones habent, quaedam sunt tertianae continuas, quaedam quartanae continuas,

tinuæ, quædā quotidianæ continuæ:& præter has simplices est hemitritæus, febris cōtinua, sed quæ habeat tertio quoque die incrementa. Præsertim coniunctis in idem tempus quotidianæ continuæ & tertianæ intermittentis accessionibus. De omnibus quæ cū continuitate habent tertianas accessiones, inquit: Febres quæcūque non intermittentes per tertium fortiores fiunt, magis periculosæ, comprehendens continuam tertianam, quam in causo contineri, li. 2. De differen. feb. probauimus. & febrem hemitritæum dictam, quæ simili modo cum continuitate, habet per tertium incrementa. Fuchsius in Com. huius apho. cōtendit Hippo. sententiam in prima par. apho. esse de hemetritæo, cū dixit febres nō intermittētes, quæ per tertium fortiores fiūt. Id vero probare nititur ex Hip. qui li. 1. De mor. pop. in 1. aeris cōstitutione dixit. Exercebāt autē plurimos ipsorum pathemata talia: febres horridæ, cōtinuæ, acutæ in totū quidē, non in termittētes, sed modus erat tertianus. Hoc loco, inquit Fuchsi⁹, hemitritæos dicit esse febres cōtinuās acutas; tertio die grauius affligētes. Si igitur hæ cōtinuæ sunt & tertio die affligūt magis, de eis erit aph. Rursus inquit: Periculosā dixit in apho. febrem, de qua loquitur, & lib. 1. De mor. pop. par. 3. dixit: In semi tertiana appellata fiunt quidem & morbi acuti, & est inter cæteras hæc maxime lethalis. de hac igitur vtrōbique loquitur. Ceterū si dictas sententias Fuchsius probe cōsiderasset, facile inuenisset eas non aliud probare quàm quod febres semitertianæ habent eam naturā quam voluit Hip. in aph. quia sunt continuæ crescētes per

*Fuchsius
notatur.*

tertium, & periculosa. Sed id non tollit quominus easdem conditiones habeant febres tertianæ continuæ, nam continuæ sunt, & per tertium fortiores fiunt, & periculosa sunt. Non enim sunt continuæ febres absque periculo, teste Hippo. li. i. De mor. pop. par. 3. cum inquit: Sunt autem in febre continua morbi acutissimi, & maximi, & grauissimi, & maxime lethales. Et Gal. in Comm. inquit: Acutissimi siquidem morbi & maximi, & grauissimi in proprie dictis synochis fiunt, atque in aliis nihilominus quæ per particulares incidunt accessiones, initia, incrementa, vigores & declinationes manifestas facientes, nec tamen ad integritatem desinentes, de quibus hoc loco intelligere satius erit. Ex his notum euadet Hipp. in prima aph. parte de omnibus continuis habuisse sermonem, quæ per tertium augètur, præsertim cum dixerit, febres quæcumque non intermittentes, quascumque colligens quæ habuerint dictas ab ipso conditiones, vt non intermittant, & per tertium fortiores fiant in secunda parte apho. de his quæ habent tertianas accessiones, sed intermittūt, inquit: Quocumque autem modo intermiserint, significat quòd periculo vacant, siue enim multis siue paucis horis intermittunt, non fient ab inflammatione viscerum, neque à maligna intra vasa putredine, licebit quoque citra febrem eosdem alere. In summa tertianam periculo vacare Hipp. affirmat. li. i. De mor. pop. par. 3. dicens: Tertiana exquiritur celeriter iudicatur, & non lethalis existit.

APHORIS. XLIIII.

Quibus febres longæ, his vel tumores vel
ad

ad articulos dolores fiunt.

C O M M E N T.

De longis febribus atque salubribus apho. scribitur, pertinetque ad artē prædicendi, futuros abscissus aut dolores articulorum indicans in longis febribus. Quod vnica ratione cōprobatur, qua febres longæ crassis pendent succis, hi vero non nisi longo tempore superantur, solent autē crassi humores ad articulos trāsmitti iudicationis ratione: solēt etiā & tumores alij, vti qui post aures fiunt, febres has iudicare. Hac de causa dixit, vel tumores, vel ad articulos dolores fiunt. Græca etenim littera sic legēda, τετέοις ἢ φύμαλα, ἢ ἐς ἄρθρα πόνος ἐγγίνονται. id est his vel tumores, vel ad articulos dolores fiunt. φύμα enim quāuis proprie significet tumorem in carnibus adenosus, qui celeriter tendit in supputationē, hic omnem tumore significat, vti & li. 6. De mor. po. par. 1. sect. 14. quo loco Gal. vocis significationē explicuit dicens, Ab his quæ ex terra nascuntur φύμαλα, homines appellarunt præter naturā, tumores, qui prorsus absque causa externa fiunt. Diximus dolores, quamuis vt Gal. in Com. vult, vox πόνος, læsionem, aut dolore significare possit, li. tamen Prog. 3. sect. 23. ὁ δὲ ὕμης, dixit, quo loco hanc eandem fere scripsit sententiam, dicens: Quibus febres prorogantur salubriter affecto homine, neque ob inflammationem, neque ob quamuis aliam causam manifestā dolore detinente, huic spectandus est abscessus cum tumore ac dolore ad aliquem articulorum, maxime eorum qui sunt in parte inferiori. Quo loco

vt ex nostris quoq; expositionib⁹ cōstare poterit, de febribus lōgis & salubribus loquitur, de quibus apho. pariter est intelligendus. Et abscessus dicit esse sperandos, si inflammatio nō vexauerit partem, cuius gratia febris prorogetur. Neque etiam causa manifesta adfuerit, vt error agri, aut tēpus, aut habitatio, sperabitur autē abscessus cū tumore, aut abscessus cū dolore in aliquē articulorū: erit quoque abscessus is cū tumore. Sed tamen & locū exposuit ibidē dicens, Maxime eorum qui sunt in parte inferiori. Nosse etiā oportet apho. ac Prog. sententiā esse de his quæ magna ex parte eueniūt. nam & tales quandoque videmus coctione finiri, testis etiam est Gal. in Com. citati Prognostici.

A P H O R I S. XLV.

Quibus tumores vel dolores in articulis ex longis febribus fiunt, hi cibis pluribus vtuntur.

C O M M E N T.

Conuale-
scentiū tu-
mores.

De conualescentibus ex longis febribus loquitur, in quibus si aut tumores in quauis corporis parte fiant, aut in articulis dolores, prædicere licet causam esse vsum ciborum immoderatum. Cum enim quis liberatur à morbo, & verè conualescit, non relinquitur in corpore causa, quæ possit recidiuam facere, aut tumores & abscessus procreare. Quòd si in hoc corpore tumores tales eueniāt, signum est abundantiam ciborum fuisse in causa. Est enim frequentissimum id, nam conualescentes ex longis morbis calorem natiuum partium præcipuarum habent languidum, & ventriculum frigidū, qui magnæ appetentiæ est causa. Quapropter

pter cū multi ex cōualeſcentibus ſuæ appetētix obſequātur, plurimos cibos accipientes & ob languorem paucos ſuperare valentes, multitudinem aceruabunt, qua tranſmiſſa aut tumores patiētur, aut in articulis dolores. Tumores cōuertimus, ratione tradita in Com. præcedenti. Quidam vero contendit partē illam, ex longis febribus, demendam eſſe ab Hippo. contextu. Nam verba illa: Ex longis febribus, inepte poſita ſunt. Quòd enim febres lōgæ antecceſſerint, non ſolū non auget ſuſpicionē tumores à cibis multis eueniſſe, ſed potius minuit. Solēt enim poſt febres lōgas tubercula euenire, ac perinde nihil tale eſt ad ciborum multitudinem referendum. Melius itaque diceretur ſi poſt febres non diuturnas, tubercula fierent, cibus erit in cauſa. docet itaque Hip. modo (inquit ille) nihil aliud quā multis quibus febres quæ præceſſerunt, iudicatæ ſunt perfectæ, ita vt nullos afferāt abſceſſus, fieri eiſdem abſceſſus ob cibos multos. Cognosces tamen tubercula non ſequi iudicationem, ſed cibos multos, ſi febre iudicata, perfecte & inclinante optime, & elapſo tēpore quo ſolent ex febrib⁹ abſceſſus fieri: vtētib⁹ præcipue multo cibo, ſiant. Non vt Gale. voluit, ſi cōualeſcentibus ex febribus ſiant. Nam vt ipſe Hipp. teſtatur apho. 32. ſi pra, conualeſcentibus ſiunt abſceſſus, etiā ſine errore in cibis. hæc ille. Quæ omniā facile diſces, ſi noueris Hip. mentē, qui in hoc aph. de conualeſcētibus vere loquitur, qui nullā habēt internā cauſam ægrotandi, aut reincidenti in morbum. In aphoriſ. tamen 32. de conualeſcentibus loquitur, qui non ſunt in totum liberati à cauſa morbi,

*Quidam
reſtitatur.*

quoniam dixit: Si pars quæpiam laborauerit, qui vero talis est ut partem habeat laborantem, non conualefcit vere ex morbo. In hoc igitur abſceſſus ſunt ſperandi ex reliquiis morbi. In eo tamen de quo loquitur in præſenti apho. cui nihil tale reliquum eſt ex morbo, cibum multum in cauſa fuiſſe putandum eſt. Cum vero dicit in febribus longis non augeri, ob id quod longæ ſunt, ſuſpicionem ciborum multorum, quoniam in illis ſolent aliàs abſceſſus fieri, falſum eſt, ſi longæ febres fuerint integre finitæ, & nihil ad recidiuam parans, ſit reliquum. In Gal. autem Com. nihil eſt quod veritati repugnet. ſed eſt aph. perpetuo verus, de iis qui vere conualeſcunt ex febribus longis, qui languente ventriculo ob frigiditatem, multos cibos accipiunt, quos ſuperare non valent, ac deinde abſceſſus patiuntur. Auget itaque hac de cauſa ſuſpicionem multorum ciborum poſt febres longas probe finitas. ſolent autem hæ abſceſſus afferre, ſed antequam perfecte finiantur.

APHORIS. XLVI.

Si rigor incidat febre non dimittente, iam debili exiſtenti, lethale.

COMMENT.

Rigor incidere.

Tota aphor. ratio ex vnius verbi ſignificatione pendet teſt Gal. in Com. dixit enim Hipp. Si rigor *ἐπιπίπῃ*, id eſt incidat, non tamen dixit, *ἐπιπέσῃ*, id eſt inciderit, incidat enim, frequenter incidere ſignificat, inciderit vero, vel ſemel incidere idicat, Eſt autem lethale, inquit, ſi rigor sæpe incidat, & febris nõ dimittat, & æger debilis ſit. Magna etenim imbecillitas facultatis cauſa eſt, ut sæpe natu-

ra

ra tētet humoris noxiꝝvacuationem, eāmq; num-
quā assequatur. Rigor siquidē est totius corporis
inæqualis concussio ac conquassatio. hanc solent
manifestē aliquæ excretiones sequi, & agros à
morbis liberare, at infra apho. 58. A febre ardenti
habito rigore superueniēte solutio fit. At vero vbi
facultas languet cōmouet causam morbi, non ta-
men ipsam euacuat: & ita rigores multi succedūt
manente adhuc causa, & febre, & imbecillitate,
quæ simul iuncta morbū significant lethale. Nam
autore Hipp. li. 2. De mor. pop. decretoria quæ nō
decernūt, quædā difficulter decernunt, quædā ve-
ro lethalia sunt. Hoc secundū cū imbecilla facul-
tate euenit, vt vult Gal. Cum igitur rigores quidā
eueniant incipientibus accessionibus, vt in febri-
bus tertianis, quādoq; in statu morbi, quando va-
cuatione aliqua sequēti morbus solui solet, quan-
doque sæpius repetit medio ipso morbo, neq; per-
inde soluto, aut vacuatione morbificæ causæ se-
quuta. De hoc tertio rigoris genere præsens scribi
tur sententia. Non tamē oportet eidem quippiam
addere, vt ille vult, dicens subaudiendum, cū dixit
febre non desinente, aut subleuata. Nā posset me-
lius habere: neque id est lethale signū. Id vero nō
opus est addere. nā Hipp. nō dixit si rigor incidat,
quod est vel semel incidere, sed si rigor inciderit,
hoc est sæpius repetat. Diuersū est de rigore in ar-
dēte febre superueniēte, qui secuto sudore aut li-
berat, aut alleuiat febrē: is enim semel incidit, aut
forte bis, nō tamē sæpe incidit ac repetit. nā q̄ talis
est, nullā habet sequētē euacuationē, quæ sit effa-
tu digna, quæve aut sanare, aut leuare egrū possit.

Excreationes in febris non intermittentibus liuidæ, cruentæ, fœtidæ, & biliosæ omnes malæ: si vero bene processerint, bonæ, aut per deiectiones, aut per urinas: si vero nihil eorū quæ conferunt excernitur per hæc loca, malum.

C O M M E N T.

*sputa v-
ria.*

Trium generum euacuationū mentionē habet in præsentī apho. nēpe sputi, deiectionis, & urinae nā ἀποχρέμους, sputa sunt, autore Phauorino, hæc vero à faucibus & arteria aspera excernūtur. Solēt autē hæ excerni pravi coloris liuidæ, & cruentæ, & fœtidæ, & biliosæ. Hæ autem omnes pravae sunt: nam liuidæ natui caloris extinctionem significāt: Cruentæ, sanguinis cōmixtionem, qui resudatione aut venæ alicuius apertione cum sputo miscetur. Fœtidæ putridæ sunt, & biliosæ synceram significant bilem, aut parū salia mixtā. Has vero notū est longe à coctis sputis & bonis distare, ac perinde malas esse, præsertim in febris nō intermittentibus, quales sunt quæ morbos acutos comitātur, aut morbi acuti sunt. In aliis namque aut non fient, aut tēporis processu emēdari poterunt. Quoniam tamen in vniuersum omnes vacuationes quæ fiūt cum notis coctionis, bonæ sunt, quāuis nigrae fiant & fœtidæ, addit: Si bene processerint, bonæ. bene autem procedere nihil est aliud quā vacuari cum notis coctionis. Tunc enim prauos succos à corpore vacuari cōtingit, & naturā valere, & mor bificas causas superare. Quod si tales vacuationes per deiectionē fiant, aut per urinam simili modo notis

notis coctionis præcedentibus, bonæ erunt, & per
crisim aut coctionem ægrotum liberantes. Quòd
si nihil eorum quæ cōferunt ex cernatur, erit ma-
lum. Mala sane sunt quæ cū excernuntur non con-
ferunt. Cognoscimus enim bonam vacuationem
ex iis, quæ antecedunt, de quibus sunt coctionis
notæ, ætas, regio, anni tempus, & euacuati species.
Deinde vero ex conferentia & bona tolerantia.

APHORIS. XLVIII.

In febribus nō intermittentibus si exteriora frigida fuerint, interiora vero urantur, & si sitim habeant, lethale.

C O M M E N T.

In febribus nō intermittētib⁹ ex insigni quodā symptomate docet prædicere lethale affectū. Symptomavero est, interioribus exustis exteriora refrigerari. Addit tamē, & sitim habeāt, quod accidēs necessario sequitur ad partiū internarū exustionē, ac propterea ea pars videtur abundare, & Galeius partis nullā habuit in Com. mentionē. Si vero fieri posset vt interiorib⁹ exustis sitis nō adesset, nihil etiam referrer ad aph. veritatē: lethalis namque foret febris in qua extremis refrigeratis interiora vrerentur, etiam sine siti. Dixit tamen, in febribus non intermittentibus, quamuis vt Gal. in Comm. inquit, neque vidit neque animo cōcipi potest, id accidens euenire in aliis quàm in febribus non intermittentibus, dicetur tamen per pleonasmū, vt & ipse li. 3. De articulis dixit: Vertebræ quæ in spina, quāuis alibi nō sint vertebræ. Fallitur igitur ille qui putat febribus intermittētib⁹ id accidens euenire, ac sine periculo. licet enim in

*Febrim
cōtinuam
lethalis no-
ta.*

*Refrige-
rari extre-
ma exter-
nis exu-
stis unde
fit.*

febris intercurrentibus, incipientibus accessio-
nibus extrema refrigerentur, interiora nō vrūtur,
Accēditur tamen calor deinde, ac prius in interio-
ribus, sed nondum vrens, antequā externæ partes
incalescant. Causa vero accidentis est teste Gale.
quoniam partes internæ per ardētes malignas in-
flammationem patiuntur. hæc vero calorem ad se
conuellit instar cucurbitulæ, simul & sanguinem,
partibus externis frigidis & exanguibus relictis.
An tamen lipyriæ febres sint illæ quæ fiunt ex in-
ternis inflātionibus, cum refrigeratione exter-
narum partium : an illæ quæ sine inflammatione
fiunt cū prædicto symptomate, an omnes in qui-
bus internis exustis extrema refrigerantur, quam-
uis ex natiui caloris imbecillitate eueniat: Nos in
Comm. cap. 6. lib. 2. De diff. feb. aperte docuimus
nominum significationē apud Hipp. & apud ipso
posteriores, sectione septima sequenti apho. 1. si-
milis habetur sententia, cum dixit: In morbis acu-
tis frigus partium extremarum, malum. Morbos
acutos dixit, quos hic, febres non intermittentes.
nam acuti morbi tales febres adiunctas habent,
Verum in his apho. non explicuit quas partes ex-
teriores appellet, neque qua ratione agnosci pos-
sint internæ exustæ. Prog. tamen 4. li. 2. integerrimam scripsit sententiam, cui nihil addendum aut
detrahendum est, in hunc modum : si caput ma-
nus ac pedes frigidi sunt, ventre' costisque calen-
tibus, malum est. Frigiditas sane explicauit, &
ventrem ac costas tangi præcepit, vt partes in-
ternas exustas significaret ventrem & thoracem.
Posset autem id symptoma non tantum viscerum
inflam-

inflammationem significare, sed natiui caloris defectum, aut vehementem aliquem dolorem citra inflammationē, à talibus enim rigere, & extremas partes refrigerari videmus. Fit etiam vt calor natiuus non valde deficiat, sed opprimatur, & inde dictum symptoma sequatur: per febres in quibus interiora vruntur.

A P H O R I S. XLIX.

In febre non intermittente si labrum, aut palpebra, aut supercilium, aut oculus, aut nasus peruertatur: si non videat, si non audiat, iam debili existente, quodcumque horum fiat, mors proxima est.

C O M M E N T.

Ad artem prædicēdi spectat hæc sententia, qua docet lethalem dispositionem, ac prope mortem futuram, si in febre non intermittente peruertatur labrum, aut palpebra, aut supercilium, aut oculus, aut nasus: si præter hæc non videat, aut non audiat, ægro debili existente. Ab animali facultate, quæ à cerebro oritur, indicia hæc desumuntur. Facultas autem animalis quædam est sentiens, quædam loco mouens, vtriusque læsionem significauit. Peruersio enim conuulsione fit, aut resolutione, conuulsio ab inflammatione, aut tumore scirrhuso, aut à frigiditate, aut à siccitate, scirrhus non affert hæc in acutis morbis, & febribus non intermittentibus. Inflammatio in origine neruorū, ac prope cerebrum, lethalis est. Nimia frigiditas demortuam significat vitalem facultatem. Nimia

*Præsigna
moris pro
xima.*

siccitas immedicabilis est, atque conuulsio inde
 orta: resolutio impotentiam significat. si verò præ
 ter hæc animalis facultas sentiens ita laboret, vt
 non videat, vel non audiat, & debilis æger sit,
 quodcunque fiat, mors proxima est. Cùm dicat, iā
 debili, intellige ægro, aut corpore, vt in quibusdā
 legitur. Id tamen necessarium puto vt præfagium
 verum sequatur mortis proximæ: sine lāguore e-
 tenim ægri mors significatur, sed non proxima.
 Tum etiam quoniam ægro non debili non esset
 mors necessaria, vbi quodcūque eorū accidisset,
 quæ ab Hipp. scribuntur, nempe palpebræ resolu-
 tio, aut conuulsio. Quāuis & illa pars: Quodcun-
 que horum fiat, posset partem illā referre, si non
 videat, aut nō audiat, ac si dixisset, Si ei cuius pal-
 pebra, oculus, labrū aut nasus peruersa sunt, quod
 uis horū acciderit, videlicet vt nō videat, aut non
 audiat, imbecillo existente, mors proxima. Atque
 erit sensus verus. Si enim laborāte animali facul-
 tate mouēte, superueniat labor animalis facultatis
 sentiētis mors pproxima est. Maior enim labor, ma-
 iorq; imbecillitas partis necessaria est, vt animal
 sensum amittat, quā ad amissionē motus: nam ad
 motū maior exigitur facultas, quā ad sensum. Di-
 xit in febre non intermittēte, aut quoniā hæc ra-
 ro admodum fiunt in febrib⁹ intermittētibus, aut
 quoniam in eis, etiā si fiant, non afferūt mortem:
 aut quoniam hæc desumpta sunt ex Progn. 8. li.
 I. vbi sic scriptū reliquit, Si tamen retorta fiat, vel
 liuida, vel pallida palpebra, vel labrum, vel nasus,
 cum aliquo ex aliis signis: nosse oportet morti
 proximum esse. In Prognost. tamen de morbis
 acutis

acutis loquitur. Quod dixit: Cum aliquo ex aliis signis, idem est, & quod in aphorif. dixit: Iam debili existente. Ad huius aphorif. intelligentiam non parum conducet quæ à nobis in Prognostici expositione dicta sunt.

APHORIS. L.

Vbi in febre non intermittente difficultas respirandi, & delirium fiat, lethale.

COMMENT.

Difficultatem spirandi cum delirio, signum lethale esse dicit, in febre continua, quamvis raro sine ipsa, hæc symptomata eueniant, ac videatur pleonasmus, vti & in aphorif. 43. supra. Hæc tamen duo symptomata in vera phrenitide ad sunt, atque in ea quæ oritur à septi transuersi inflammatione, sed sunt diuersi generis. In phrenitide namque, quæ sine thoracis & partium respirationi seruientium læsione fit, species difficilis respirationis est magna, & ex longis interuallis quâ magnâ ex longo tempore dixit lib. i. Prog. & li. 6. De mor. pop. parte 2. appellauit eandem μέγα ἀπαιδόν, id est magnam raram. Cum enim delirantes sui muneris obliuiscuntur, raram faciunt respirationem, deinde tamen coacti urgente usu non possunt non efficere eandem magnam: de hac respirandi difficultate credendum est loquutum Hippocrat. quoniam in phrenitide adest, de qua aphorismo scribitur. cerebri autem inflammatio lethalis est. Posset etiam significare septi transuersi inflammationem, in qua delirium adest perpetuum & difficultas respirandi, sed hæc parua frequens est, nisi forte vin-

Diffi. respi. & delir. cum febre, lethale.

Phrenit. respiratio

cente delirio immixta sit, hæc inspirandi difficultas, cum ea quæ sequitur delirium, vt docet Galenus libro secundo De diffi. respirationis, exëplis. de quibus est Dealcis vxor, lib. 3. De mor. pop. par. 3. de qua inquit: Decimoquarto spiritus magnus, rarus, & rursus brevis pyra. Possent quoque prædicta symptomata fieri simul euenientibus duabus inflammationibus, altera in cerebro, altera in partibus respirationi seruientibus, essetque species respirationis modo dicto mixta. Cæterum qui de respirationis difficilis generibus integram notitiam habere voluerit, præterea quæ à Galen. dicta sunt, libro De differ. respi. legat quæ scripsimus in expositione 20. lib. 1. Prognosticorum.

APHORIS LI.

In febribus abscessus qui non soluunt ad primas iudicationes, longitudinem morbi significant.

COMMENT.

Planum est quod Galenus in Commentario dixit, sententiam hanc non indigere Hippo. admonitore. Nulli siquidem dubium est, si febris aliqua iudicetur per abscessus, & non liberent ægrum à febre, morbum longum futurum, signum etenim est aut imbecillam esse facultatē quæ non valuit humorem peccatē excernere, aut ipsum esse adeo multum, vt non superetur à facultate valenti, aut vtrunque. Cùm igitur abscessus fiant aut à tenuibus humoribus & facultate languida: aut à crassis, sed valente facultate, & aliquando

ab utrisque, si mediocris fuerit facultas, ut libro 3. Prog. in annotatione in 24. Com. docuimus. Si tenues sunt & facultas non valida solet per abscessus morbos tales finire, si eos non finit, plurimum languida erit, & ita longo tempore egebit ad finiendum morbum, siue coctione, siue iudicatione. Si facultas aut mediocris est aut valida, & abscessus imperfecti fiunt, aut ob multitudinem causæ, aut crassitudinem, aut frigiditatem, longo tempore opus erit, ut quod crassum & frigidum, aut quod multum fuerit vincatur. Nam & libr. 2. De mor. pop. dictum est: Decretoria quæ non decernunt, quædam difficulter decernunt, quædam vero lethalia sunt. Difficulter autem excerni, id est longo tempore egere, & multo negotio. Hinc palam fiet non esse opus ad aphori. veritatem addere, ut quidam voluit, aut magnopere sedant, ubi dixit, non soluunt. Nam si abscessus non soluunt febrem, quamuis ipsam minuant valde, id ad facultatem, morbi causam referendum, quorum utrunque, ut diximus, morbum afferet longum. Præterea si quod reliquum est post abscessus, est multum, multo eget tempore ut superetur: si paucum, cum facultas quæ tentauit iudicationem non voluerit id reliquum transmittere ad locum abscessum patientem, languida erit, hæc vero longo tempore eget ad superandum quod reliquum est. Nemini quoque dubium, legi debere, non soluunt, ubi Græce legitur, *μὴ λύονται*. nam si, non soluuntur, legatur, inepta admodum foret sententia, qua Hippo. dixisset, In febribus abscessus qui non soluuntur ad primas iudicationes: non enim

*Taxatur
quidam.*

solui solent abscessus in iudicationibus, sed ipsi
ut iudicationes morbos soluere. Quid autem si-
gnificet per primas iudicationes, nō est dubium.
nam solent morbi multas facere iudicationes in
multis diebus, & de prima loquitur, in qua si æ-
grum abscessus non liberant, morbus longus erit
futurus. Quod experimentum docet, ac ferè nun-
quam fallit sententia.

APHORIS. LII.

*Quicumque in febribus, aut alijs languori-
bus sponte illachrymant, nihil absurdum: qui-
cunque verò non sponte, absurdus.*

COMMENT.

*Lachry-
ma sponte
venientes.*

De his quæ in febribus eueniunt præfagia pro-
sequitur, lachrymas sponte venientes dicēs, nihil
absurdum significare, non sponte verò si eueni-
runt, absurdus esse, hoc est absurdum aut malum
esse. In febribus dixit, aut alijs, ἀπὸ τῶν ἰνσι, id est, lā-
guoribus. Sic enim morbos appellāt Græci, & La-
tini languentes, appellant ægtotos, & morbos lan-
guores, κατὰ προαίρεσιν, id est sponte & voluntarie,
cui opposuit, μὴ κατὰ προαίρεσιν, quod Prog. 6. libr.
I. dixit: ἀπρομάρτως, id est inuoluntarie, aut sine
electione. Quādo igitur quispiam volens, aut in
febribus, aut in alijs morbis lachrymas fundit, ni-
hil malum indicat, sed causam quæ ipsum ad fun-
dendas lachrymas mouit. Quando verò nolens
id facit, malum est, si non eueniat ob aliquam cau-
sam prægressam, ut fumum, vêtum frigidum, aut
simile quid, quod oculos mordeat, aut ob causam
quæ sit oculi morbus, ut lippitudo, aut palpebrarū
aspre

aspreo. Quamuis neque id semper malum sit, vitium cum lachrymæ manant in morbis acutis post coctionis signa, iudicantes fluxum sanguinis narium apud Hippoc. lib. I. De morb. pop. parte prima in tertia aëris constitutione, cum inquit: Quibus in febribus acutis, ac magis ardentibus spontaneæ erumpunt lachrymæ, his è naribus spectare oportet sanguinis eruptionem, si in cæteris perniciose non habuerit. Nam qui vitiose habet, his non sanguinis eruptionem, sed mortem significat. Perniciose non habere est bene habere, atq; signa coctionis antecedere. Vitiose tamen habere malum est, ut li. 6. De mor. pop. par. I. cum inquit: Lachrymæ si in acutis morbis cum æger incômode habuerit, sponte manent, honum: non sponte vero si præterfluant, malum. Huius causa est imbecillitas facul. retentricis & calor in cerebro colliquas. Nos in expositione 33. li. 3. Prog. significatiões omnes quæ ex lachrymarum effluxu sumuntur, abunde percurrimus, ad quæ locum legentes remittimus, ea namq; de causa multa quæ ibidem diximus præmittimus.

APHORIS. LIII.

Quibus supra dentes per febres mucres sunt, ijs vehementiores sunt febres.

COMMENT.

In febribus validioribus calor vehemens solet exsiccando facere glutinosam, ac viscidam ^{Mucres} pituitam ^{dentium} dentibus adcrefcere, & supra dentes ^{in fe.} agglutinari, ita ut opus sit aceto, aut vino os diluere, ut dentes mudentur, & ideo ut signum scribit febris vehementioris, si dentibus mucres hæserint. Solent autem huiusmodi mucres non tantum hætere per febres vehementiores,

sed paulò pòst denigrari. Diximus vehementiores, quoniam Græce legitur ἰσχυρότεροι, legitur tamen in quibusdam ἰσχυροὶ, id est fortes aut vehementes, ac nihil refert hoc aut illo modo legas, idem enim significat, pituitam videlicet à calore valido siccata.

APHORIS. LIIII.

Quibus diu tussēs siccæ leuiter irritantes in febribus ardentibus fiunt, non admodum siticulosi sunt.

COMMENT.

Tussēs parùm durantes non possunt extinguere, aut admodum minuere sitim, quæ in febribus ardentibus adest, siquidem hæc vehemens est auctore Hippo. qui lib. 4. De rat. vi&t. acutorum explicans signa febris ardentis dixit: Vrgétque sitis vehemens, tussēs præterea siccæ sunt per quas nihil effatu dignū spuitur. Leuiter irritantes dixit, propter validas tussēs, quæ à thoracis & pulmonis morbis excitantur, & à fluxionibus biliosis à capite in fauces, à quibus nihil effatu dignum quādoque excernitur. hæ namque nō mitigant sitim, sed eam validiorem efficiunt, & partes thoracis, pulmonis, & asperæ arteriæ, labore calfaciunt, & exasperant magis. Tussis tamen sicca leuiter irritans, ac diutius perseverans in febribus ardentibus, sitim mitigat, ac minuit. quoniam per eam à partibus proximis exprimitur pauca quædam humiditas, quæ lenit oris, faucium & asperæ arteriæ aspredinem & inæqualitatem. Libro tamen sexto

sexto De mor.po.par.2.dixit.Tusses sicca leuiter irritates nō valde siticulosæ existūt, neque linguæ arefactæ non à ferino, sed à vento, quod liquet. Quod dixit, nō valde, in hoc loco, & in aph.præsentī, Gal.explicat in Cō.eius loci dicēs: *ὁὐ πάνυ τι*, & idē est quod *ὁὐ κατὰ λόγον*, id est, nō valde; idē est quod, nō secundū rationē, ac si diceret, nō omnino siti priuatur, sed non habēt eā pro febris ardentis ratione. Sed in præsentī sententiā explicuit quam tussim intelligat, non enim à ferino, id est malignā, & quæ ob malos morbos eueniat, sed eā quæ ab aëre frigido, quoniam inspirantes ipsum statim tussunt, & partes asperæ redditæ à frigore leniuntur, & ita sitis minuitur. Hipp. itaque atque Gal. in Com. loci citati, de ea tussi tantum sententiam illā, & hunc apho. exponunt, quæ ab aëre frigido commouetur. Ego sane verū inuenio quod ipsi volunt, tusses illas ab aëre frigido motas facere quod in sententiā dixit, hoc est sitim mitigare. Verūm pari modo euenire video quotidie in ardentibus febribus tussim moueri à uimīa faucium & asperæ arteriæ siccitate exasperate, & inæqualiter afficiente partes illas, & tussim eam paruam esse, & durare, & humiditatē ex partibus adiacentibus & capite trahere & sitim imminuere. Quod experiētur ægri clauso ore, neque ea parte tracto frigido aëre, nam & tunc ob siccitatem inæqualem tussient, & quod diximus eueniet. Simples namque intemperies inæquales & fientes tristē concitant sensum, & inde tussim, quæ dicto modo sitim mitigat, & tussis hæc non commouetur à frigido vento.

*Tusses nō
à ferino.*

In adenum inflammationibus febres omnes male, præter diarias:

C O M M E N T.

Bubo.

*Febres ex
adeno in-
flam.*

Dixi in adenum inflammationibus, quoniam Gal.li.2. De arte cu. ad Glau. cap. i. dixit: Bubo carniū adenosarum inflammatio est. Dixit autem Hip. ἐν τῷ βυβωνί, id est, in bubonibus. Improprie igitur vertunt quidā, ex inguinū tumoribus, quoniam bubo non tantū in inguinibus, sed etiam in alis fit. Præter id quod nō semper fiunt febres ex tumoribus, aut inflātionibus adenum, sed sæpius inflāmationes adenū sequuntur febres. Non recte etiam vertunt, In adenum tumoribus, quoniam bubo non significat omnē adenū tumorē, sed calidū, quem inflāmationem dixit Gale. Cum huiuscemodi inflammationibus fiunt quædā febres diariæ, quædam putridę. Malas autē dicit omnes præter diarias. Diariæ namque causam habēt manifestam, dolorem cum vlcere in extremo aliquo membro. Quæ enim absque eo fiunt, malæ sunt, inquit enim Gal. li. i. De arte cu. ad Glau. ca. 2. de diariis loquens, Et quæ ex adenum inflāmationibus febres ortū habent, ex hoc genere sunt, præterquā si absque vlcere fiant manifesto, tunc enim suspicionē afferūt, & nullo modo mites sūt. Ratio manifesta est, nam quæ fiunt bubonibus febres, vbi non fuerint diariæ à nimia redundātia fient, quæ in vasis febres putridas facit. Tanta autem est vt & in vasis permaneat quod febrem efficiat, & ad adenas mittatur quod inflammatio- nem generet, quandoque verò non tantum cum putre

putredine magna intra vasa hæc fiunt, sed etiam cum viscerum inflammatione, & ob id malè.

APHORIS LVI.

Febricitanti sudor superueniens febre non deficiente, malum: prorogatur enim morbus, & multam significat humiditatem.

COMMENT.

Solent febres iudicari sudore perfecte, qualis sudor est is cuius meminit Hip.lib. i. Prog. atque est primus eo loco, cum inquit, Sudores optimi *Sudor optimus.* quidè sunt in omnibus acutis morbis, quicumque in diebus decretoriis fiunt, & integre febrè sedāt. Sunt autem secundo loco qui quamuis febrè non sedent, ipsam in meliorem statum mutant, de quibus secundo loco dixit: Boni vero quicumque ex *Sudor bonus.* toto corpore præcedētes fecere ut homo facilius morbum ferret, est quoque is sudor autore Gale. in die decretorio factus. Sed dices hæc duo non stare, nam in Prog. hunc sudorem bonum dixit, in apho. tamen in vniuersum malum dixit, Si sudor superueniat non deficiente febre, non deficit tamē quāuis in melius faciat mutationē. erit igitur malus sudor, is quem tamen bonū in Progn. statuit. Cæterum aliud est sudorem esse bonum in ratione causæ, aliud in ratione signi, sudor enim qui à toto corpore procedens non liberat ægrū, sed in melius mutat, bonus est in ratione causæ, quoniā bene facit, & id voluit in Prog. In ratione tamē signi malus, quoniā morbū longū futurū significat, quod dixit in aphorif. Nam cum dixit malum,

non absolute malum pronunciauit, sed statim quàm malum sit explicuit, morbi longitudinē significare docēs. quāuis per ipsum æger melius habeat. Quapropter nihil deficiet in aph. Nā sudor talis multā significat humiditatē. Erit igitur malum, quia significat morbum futurū lōgum, & significat morbū longum, quoniā multā significat humiditatē, quā natura tētauit vacuare, non tamē potuit. Sūt autē huiuscemodi sudores veluti decretoria quæ non decernūt, quorū quædā difficulter decernūt, & quædā lethalia sunt, autore Hip. li. 2. De mor. po. Sed quare hic lōgitudinē morbi significare dixit cātum modo, non autem addidit, quosdam esse lethales? Copia namque humorum cum imbecilla facultate, non longitudinem sed mortem significat. At vero Hippocrat. cum morbum longum significare dicit, signum aliquod, id vbi morbus salutaris futurus sit, est audiendum. Docet enim significare morbum longum ex copia materiæ. Copia tamen non efficit longum morbum cum qui lethalis est, sed salubrem. Si quidem humor multus qui prauus est, quique superari nō debet, ob multitudinem, citius interimet. Si tamen superari debeat, vt saluetur eger longo tempore. Ita aphorif. 40. supra dictum est, & vbi in toto corpore mutationes, etsi corpus in frigide rurac rursus calefiat, aut color alter ex altero fiat, morbi longitudinem significat. Gal. in Comm. de salubri morbo intelligendam vult sententiam, quoniam, inquit: Variæ dispositiones diuturniores semper sunt, quàm quæ sunt vnius modi, cum non possit natura in paruo tempore multas conficere

ficere dispositiones. Sic etiam & Prog. 23. li. 2. dixit: Variegata deiectiones his diuturniores sunt, sed nihilo minus lethales. Sunt enim lethales, vbi praua admodum à natura fuerint, & vbi facultati languenti occurrant: si tamen valida fuerit & salus speretur, lōgus futurus erit morbus, vt Gal. in Cō. eius loci docet, dicēs: Deiectio variegata multas indicat affectiones, & ob eam rē tractu tēporis eget ad coctionē. Præsens quoque apoh. docet vbi sudor superueniēs febrē non sedauerit, lōgitudinē prædicere in salubribus febribus, quas materix copia lōgas perpetuo fecit. In his enim si æger ad salutē perducēdus est, copia humorū superari debet, & lōgo eget tēpore. Erit quoque hinc cognitum, apud Hippo. signum id quod longum morbum significare dicit, in salubribus morbis vim habere, quāuis ipsum in diuersis dispositionibus lōgitudinē significet, aut mortē, vti decretoria quæ nō decernūt, & in Prog. citato deiectiones variegata, quas dixit diuturniores aliis, & nihilominus lethales, pro corporū & affectuū differentia.

Signa longorum morborum in salubribus vim habēt

APHORIS. LVII.

*Vbi quis conuulsione, aut distentione moleste-
tur, febris superueniens soluit morbum.*

COMMENT.

Quoniā in Com. apho. 26. sect. 2. hic abundē à nobis expositus est, breui hūc com. absoluemus. Hip. in hac sententia omnē conuulsionis speciem cōprehendit, sunt enim omnes tres, retractio musculorū ad anteriora, appellatur emprostthonos, ad posteriora opisthotonos, & hæc duæ cōprehenduntur in cōuulsione, atque vt tertiā significaret

Conuulsionis tres species.

dixit: aut distensione, quæ appellatur tetanus, siue
vtrinque retractio, aut conuulsio. Docet tamen
his omnibus febre superueniente, morbum sol-
ui. Loquitur enim de conuulsionibus quæ fiunt
ab humore, non de his quæ sequuntur magnas ac
vehementes febres, quæ & siccæ sunt, & curari
nequeunt. Constat autem id, siquidē superueniente
febre dixit, quam non oportet præfuisse, aliàs nō
superuenisset. Quando igitur superuenit, non au-
tem præfuit conuulsio, ab humore pendet, & fe-
bre superueniente morbus curatur. Nā febris discu-
tit humiditatē, & coquit frigiditatē, vt Gal. vult in
Cō. Quāuis non recte dicatur frigiditatē coqui,
sed potius humorē frigidū. Atque id est memoria
dignū, febrē humores coquere. frigidi etenim hu-
mores à calore nativo sensim coquuntur, iuuatur
autē non parū à calore febrili ad eam coctionē,
quæ est naturæ superamentū, per quā humor qui
coquitur à natura superatur, & coct⁹ deīde excer-
nitur. Hæc verò præter coctionē admixtā habet
putredinē. Ad eā tamē qua boni succi generātur,
aut ex ipsis corpus alitur, & ad eam qua fit in bo-
nū humorē mutatio ex prauo, quā dicimus corre-
ctionē, aut ad benignam reductionē, nullatenus
calor febrilis eo adiuuat, sed totum opus nativi
caloris est.

APHORIS. LVIII.

A febre ardenti habito, rigore superueniente solutio.

COMMENT.

Sūt ex rigoribus quos nulla sequitur vacuatio,
etiam si adfuerit totius corporis conquassatio. Ex
his

*Rigorum
differeutia.*

his tamē quos manifesta vacuatio sequitur, quidam fiunt in die decretoria & notis coctionis præcedentibus: quidam sine his illi quos nulla sequitur vacuatio, non liberant à febre, quamvis superueniant febri, quoniam morbi materiales causæ vacuatione curantur. Si tamen rigores vacuatio aliqua sequatur, non tamen in die decretoria, non solet morbum curare, vt aphorif. 29. supradixit. Quæ verò vacuationes sunt sine coctionis notis, inutiles sunt, aut non liberantes, aut cum periculo recidiunt. Quum verò rigor superuenit febri ardenti, eum tamen sequitur sudor, aut vomitus bilis, aut eiusdem deiectionis, aut ex his plura, febris ardens quæ à bile originem trahit, soluitur.

APHORIS. LIX.

Tertiana exquisita septem periodis indicatur, quo ad longissimum.

COMMENT

Quam rationem habet febris quotidiana intermittens ad quotidianam contrinuum, eam habet febris tertiana intermittens ad febrem ardentem, nam hæc est vere tertiana continua, vt in cōmentariis nostris in li. 2. De diff. fe. abunde monstrauimus. Est autem exquisita tertiana quæ à bile putrescente oritur, cui nullus alter humor est mixtus. Hæc si intra vasa putrescat, tertianam contrinuum, siue causum efficit: si verò putrescere incipiens extra vasa pellatur, intermittentem. Exquisita præter hæc dignotiones habet, quæ sumuntur à temperatura, ætate, anni tempore, & regione. Quæ non sunt huius instituti: sed id

*Tertiana
exquisita.*

*Tertianæ
exquisite
terminus.*

tantū monstrare tertianā exquisitam septem circuitibus finiri, quoad longissimum. Habet enim febris omnis biliosa breues accessiones & paucas. Breues, nam non solet febris tertianæ exquisitæ accessio duodecim horarum spatium prætergredi: Paucos, quoniam ultra septem accessiones nō prorogatur. Habentque febres tertianæ tantū impuritatis, quantū aut accessiones sunt quā duodecim horarum longiores, aut quā septem, plures. Causa ad humoris biliosi tenuitatem, paucitatem, & calorem refertur. Tenuis etenim est bilis ac calida valde, pauca vero colligitur antequam à vasis pellatur, irritat enim breui ad excretionē naturā. Simile euenit in febribus ardētibus exquisitis, nam hæ septem diebus iudicantur, quoniam sunt de morbis peracutis. Qualis tamen est numerus dierum in febribus continuis, talis est numerus accessionū in febribus intermittētibz, & vt illæ in septem diebus, ita hæ cum fuerint & biliosæ, & exquisitæ, in septem periodis absoluuntur. Est autem periodus tempus accessionis & interualli, quæ sex continet tempota, principium, inæqualitatem, augmentum, vigorem, inclinationem, & interuallum, siue in febricitationem. Dixit autem, quoad longissimum limitem postremum: statuens. Quāuis nihil veret ante id finiri febres tertianas exquisitas ob humoris tenuitatem, paucitatem, & calorem, accedente ægri naturali facultate robusta, & meatuum apertione. Quemadmodum & cum Hippo. dixit acutos morbos finiri die quarta decima, quos ante ipsam sæpius finiri nihil prohibet: ita modo de tertianis exquisitis dixit, septimam

*Periodi
tempus.*

mam accessionem esse finem: & veluti postremum limitem, quamuis ante ipsum finiri sæpe videantur.

APHORIS. LX.

Quibus in febris aures obsurduerint, ijs sanguis è naribus fluens, aut alius perturbata soluit morbum.

COMMENT.

Supra apho. 28. de biliosis surditatibus voluit hanc sententiam veram esse, non autem de omnibus vera est, sed de illis quæ per consensum fiunt, quare in febris, modo dixit, & quoniam sæpe in ipsis surditates consensu totius corporis, inter medio capite fiunt. Iudicantur autem causa vacuata, aut reuulsa, ea videlicet quæ nondum præfixa & firmata est, sed firmari parata, aut vacuatione, aut deruatione, quæ fit fluxu sanguinis narium, siue ventris perturbatione: vtriusque meminit Hipp. dicens, per hæc à surditate liberari.

*Surditas
tumidi-
cia.*

APHORIS. LXI.

Febricitantem nisi in diebus imparibus febris dimiserit, solet recidiuare.

COMMENT.

Gal. in Com. putat hunc apho. esse adscriptum, quoniam non tantum in diebus imparibus videmus multos febricitantes iudicatos, sed in paribus: veluti quarto, quamuis raro. 14. tamen, 20. & 40. frequenter. Præterea Hippo. hos dies inter iudicatorios annumerat in Prog. & in li. De mor. pop.

*Iudicia
in diebus
pari.*

Quam ob rem, recte ad modum Gal. in Comm. præsentis aphor. vnum duorum affirmat, aut adscriptum esse apho. aut pro imparibus legendum, decretoriis, ita vt velit febricitantem nisi in diebus iudicatoriis febris dimisserit, solere recidiuare, lib. vero 4. de rati. vict. acut. dierum imparium naturam considerare præcepit, dicens: Maxime vero numerus impar est obseruandus, quoniam hi dies in hanc aut illam partem conuertere faciunt ægrotantes. Verum sane dixit Hippoc. dies impares vim habere iudicandi in hanc, aut illam partem, ægrotantes, præsertim in acutis morbis, sed hoc loco non abstulit vim iudicandi à diebus paribus, vt in præsentis apho. neque aph. sententiam confirmat. In quo nullo pacto per impares iudicatorios intelligere debes, vt quidam. nam si per impares voluisset significare iudicatorios, male Gal. exclusisset aphor. nam vera est in vniuersum sententia, morbos qui non iudicantur in diebus iudicatoriis, facere recidiuam, & li. Prog. idē docuerat. Præterea si idem esset dixisse impares & iudicatorios, male Gal. dixisset. Melius itaque est pro imparibus scribere iudicatoriis, vt quibusdam visum est. Sed dices qua ratione Gal. li. 4. de rati. vict. in Com. loci citati, inter impares annumerauit in acutis, 3. & 5. & 7. & 9. & 11. & 14. & 17. & in longis. 60. & 80. in mediis 20. & 34. & 40. vt Gal. eo loco non annumerauit hos imparibus, sed eis qui in hanc aut illam partem faciunt mutationem. Quamuis enim impares dixerit, ἐτεροπρόπτεας, non omnes ἐτεροπρόπτεας, id est in hanc aut illam partem vertentes, vult esse impares, sed mul-

tes pares. Dixit enim: Dies impares multa pollere virtute, non simpliciter, sed in acutis morbis est intelligendum, quòd insignes in vtramque tum salutem tum mortem faciant mutationes, id enim significat vox, ἑτεροῦροπίας, id est in hanc aut illam partem mutationem facientes. In acutis quidem hi sunt. Hæc pars hi, non impares sed quos dixit, ἑτεροῦροπίας, refert, vt exemplū docet, in quo multos pares dies annumerat. Sed dices rursus, quare Gal. postquam dies omnes prædictos in eo Com. annumerauit, addit, impares autem & hi, cum tamen inter eos, sint 14. & 20. & reliqui. Dicemus, quod Gal. de Hipp. apho. dixit modo, aut litteram eam additā esse, quod existimo, aut pro, περὶ ταῖς δὲ καὶ αὐταῖς, legendum κρῖναι δὲ καὶ αὐταῖς, hoc est, iudicatorij autem & hi.

APHORIS. LXII.

Quibus in febribus morbi regij superueniunt ante septimum diem, malum.

COMMENT.

Ad partem artis prognosticam pertinet præsens sententia, qua docet in febribus malum esse morbum regium ante septimum diem euenire. Icterus Latinis regius morbus dicitur, & autiginosus, per eū namq; morbū velut recti⁹ dixerim, eius *icterus.* symptomatis ratione, cutis color vitatur & oculorū albū, degenerāt tamen in pallidū colorem, bile ad cutē ex vasis transfusa. Trāsfunditur autē in febribus & quādoq; sine ipsis. Præterea in febribus nōnunquam coctione præcedente, ac iudicationis ratione, nōnūquā vero ratione symptomatis,

*Œterus
quando
malus.*

quod fit icore laborante scirrho, inflammatione, aut obstructione. Iam igitur quoties icterus aduenit in febribus, si coctio biliosi humoris antecedit bonum erit: si vero non, malum. Erit enim indicium non equidem scirrhi, si ante septimum fiat, quia scirrhus sine febre fit, longo tempore transacto. Eueniet igitur aut ratione inflammationis, aut obstructionis: & utrumque malum est. Quoniam tamen Hipp. intellexit ante septimum diem non fieri coctionem bilis pallidæ, quæ morbum regium efficit, malum esse dixit si per id tempus euenierit. significabit enim in symptomatis ratione euenisse, & inflammationem adesse iccoris, aut obstructionem, præter id etiam & naturam tentasse iudicationem ante tempus, ob humoris copiam irritatam. Duo tamen ex Hipp. sententia colliges, alterum generale, nempe iudicationes à natura tentatas, ante coctionis tempus, malas esse. Alterum particulare, humorem regium morbum faciètem ante septimum diem non esse coctum. Gal. enim eandem approbans sententiam in Com. dicit, non posse bilem iudicatorie ante septimum diem efferri. Septimo autem, aut nono, aut reliquis deinceps iudicatoriis, iudicatorie efferri potest, ut in aph. 64. sequenti. Quamuis neque id semper bonum sit, uti cum vitio iccoris euenierit. Huius apho. exemplum habetur apud Hipp. li. 3. De mor. pop. par. 1. in historia Hermocratis, qui febrem laborabat, & sexto die icteriosus factus, non tantum iudicatus non est, sed ut dixit, omnia proritata sunt, mente non constabat. Gal. vero in Com. inquit: Sis autem memor te prius quam morbus concoqueretur

queretur, sæpius audiuisse, neque alium quendam abscessum fieri commode, neque icteriosum. Talis enim abscessus bilē ne ex viscere expurgetur & per ventrem vacuetur impediri significat, vel propter obstructionem ipsius, vel inflammationem, ex quibus omnibus manifestum euadet, ex Hippo. & Gal. doctrina. icterum ante diem septimum in febribus, esse malum, quoniā ante septimum non coquitur morbi causa, vt Gal. quoque affirmat. Nec putes eandem esse dierū ante septimum & aliorum rationem. nam ante septimum non putat Hippo. posse coctionem euenire, ante nonum autem potest. nam septimo ipso cocta esse potest bilis morbum regium faciens, vt aphor. 64. docet. Sic etiam septimo & reliquis bene euenire potest icterus, atque etiam male si dextrum hypochondrium obduruerit, ante septimum tamen male euenire potest, ob eandem causam, bene vero nunquam. Nam quæ sexto die eueniunt iudicia, mala sunt, quarto raro admodum fiunt, & non sunt eo die bilis motus, tertio autem & quinto nondum bilis cocta est, ea nempe quæ icterum facit, quæ ob crassitudinem curæ nō permeat, neque sudore, neque in sensibili vacuatione educta. Huic sententiæ contradixit Plinius lib. 26. cap. 12. dicens: Hippo. ante septimum diem. (sic enim legi debet) in febre morbum regium mortiferum esse signum docuit. Nos scimus vixisse aliquos ab hac desperatione. Auerrou præterea li. 4. collectionū. cap. 43. inquit: Quod dicit Hippo. icterus veniens ante septimum diem in acutis febribus, malum, re, robatum est experientia in omni-
bus nostris

*Plinius
contra
Hippo.*

tērris, & si veniat in quintā diem, laudabile multum est viua ratione, & maxime in tēporibus calidis, & hæc est sentētia collegiorum medicorum omnium Persarū, & Indiæ maioris, & pro maiori parte illorum de Vādaliis, & possibile est quod illud quod dixit in Græcia locū habet. At vero Plinij sententia nihil probat contra Hippo. quamuis enim visi sint nonnulli superstites, quibus in febribus morbus regius superuenit ante septimum, id non tollit quominus verum sit malum esse, non enim semper ad malum signum, sequitur malum quod significatur: Neque Hipp. dixit mortiferum signum esse, quod imposuit Plinius, sed malū, neque parum interest in Hippo. libris hoc aut illud dixisse. Auerrous tamen dixit se experimento contrarium inuenisse in regionibus quarum meminit, quoniam calidæ sunt, & quæ possunt biliosum humorem, vel quinto die coctum facere. Cui pariter rēspōdemus Hip. negare id euenire posse caloris ratione, vt biliosus humor ante septimum coquatur, & malum signum dixit icterum ante septimum in febribus, quontam eo tempore coctus nō est, sed euenit ab inflāmatione, aut obstructione iccoris, nō iudicationis ratione. Gal. itē impossibile reputat vt is humor ante septimū coquatur quoniā crassus est qui morbū regiū efficit. Plinius igitur & Auerrous, tam Gal. quā Hipp. contradicunt, nam Hip. malum esse dixit, Gal. tamen nunquam iudicatoriē efferri. Quamuis cum Hipp. & Gal. sententia stare possit, quod experimento Plinius & Auerrous inuenerunt, fieri etenim potest quod nos ipsi in non paucis ægrotis inspeximus,
regium

regium morbum ante septimum in febribus euenisse symptomatis ratione, neque apparente coctione in vrina, ægros tamē liberatos ope nostra, natura valente, quibus obstructio erat in causa. In his igitur verum est quod voluit Gal. non fuisse transfusam bilem iudicationis ratione, sed experientia docuit eosdem liberatos. Vera quoque est in eisdē Hipp. sententia, malū fuisse iudicium, quamuis mortui non fuerint. Hæc mihi videntur antiquorum discordiam facile componere, experimentum enim non obuiat sententiæ Hipp. & Gal. Quoniam etsi malum signū sit, liberari possunt, & sine coctione processu temporis euadunt, quorum primum voluit Hippo. dicens: malum, & secundum Gal. cum dixit, bilē ante septimum non efferri iudicatorie. Neque opus est, vt quidā, affirmare. Hipp. per diem septimum intellexisse diem decretorium, ac perinde esse, Quibus in febribus morbus regius ante septimum diem malum, ac dixisse, Quibus in febribus morbus regius ante diē iudicantem morbum, malū, & Hipp. in exemplo singulari instituisse vniuersalem doctrinā. Quod ab autorum mentibus est alienissimum. Hip. enim cum ante septimum regium morbum dam. nasset, septimo & nono & reliquis bonū esse dixit, nisi dextrum hypochondriū obduruerit. Si tamen septimus ibi idem decretorius significasset, nulla opus est dierum distinctione, nā & morbus regius veniens ante nonum, id est ante iudicarium, est malum, & pari ratione ante vndecimum. Habet itaque aliquid quod significet dies septimus: aut quod dixit ante septimū, & aliquid fieri cōtingit

post septimum, quod non fit ante septimum. Gal. item in Comm. ante septimum efferri non posse putat bilem iudicatorie. quòd si per diem septimum voluit idem quod iudicem dicere, dixisset Gal. ita: Ante diem iudicem non effertur bilis iudicatorie, loquutio sane. Gale. indigna. præterea Plinius & Auerrous experimento confutare conantur Hipp. sententiam, quòd si diem septimum, iudicem voluit dicere, neque ipsam scripturam intellexissent, quæ aliàs planissima est, qualem Gal. interpretatur, neq; aliud patitur sequens. 64. aph. in quo dies nominatim percurrit, distinguens ipsos à præcedentibus, qui ante septimum. Sed sunt quædam quæ Deus abscondit à sapientibus, quæ tamen illi patefacit. Cum autem dicit in particulari exemplo instituisse generalem doctrinam, verum sane est, ex particularibus nos colligere vniuersalia, sed sunt particularia exempla vera, vti cum Hipp. dixit: Quæ iudicantur in 7. quarta die nebulam rubeam habet vrina. Inde enim colligimus dies contemplatorios significare coctionem in decretoriis futuram, sed tamen quod de quarta & septima exempli ratione dictum est, veritatem habet, ille vero exempli traditi in aph. negat veritatem. Verum quid respondebimus? nam Hippo. li. 4. de rat. vict. acut. sect. 82. inquit. In biliosa febre morbus regius cum rigore ante septimū diem superueniens morbum soluit: si vero absque rigore extra tempora superuenit, pestiferum. hæc Hippo. & Gal. (inquit ille) in Com. neutrum dicit esse perpetuum, vt scilicet bonus sit, aut malus, ante septimum, aut post septimum, sed quodcun-
que

que posse contingere. Dicemus profecto hæc fuisse Gal. imposita, & libros horum non esse incaute legendos. Gal. namque numquam voluit euenire posse morbum regium bene ante septimum, aut nihil referre ante septimum, aut post septimum euenire, cuius contrarium in huius aph. Com. dixerat: neque probat quod illo loco dixit libri autor, siue Hippo. siue alter fuerit, quod magis credimus. Sunt enim verba Gal. quæ sequuntur: Neque proculdubio ante septimum diem cum rigore superueniens morbus regius febrem soluit, neque post septimum, sed sane ita distinguere oportet: febrientibus morbus regius superuenit interdum quidem tanquam affectionis iccoris symptoma, interdum quidem & natura bilem per cutem excernere contendente: sed neque ut, veluti in abscessibus omnibus fieri consuevit. Verum in aph. de huiusmodi morbis regiis dictum est. In hoc loco nihil est quod Gal. affirmet de bono euentu morbi regij ante septimum, sed distinctionem ex naturæ operibus esse sumendam. Qui vero talia dicit non proinde affirmat, ante septimum ut naturæ opus euenire posse, præter id quod rem totam ad ea quæ in aph. dicta sunt remittit, quæ à nobis iam sunt explicata. quo etiam loco nempe huius apho. Com. id fieri posse negauit. Decet autem & vera docere & nihil autoribus imponere: quod video quosdam sæpe facere, ut quæ sibi placent aliorum placitis confirment, quamuis aliis non placeant.

APHORIS. LXIII.

*Quibus in febris quotidie rigores sunt,
quodie febres solvuntur.*

Rigor.

Rigor in propria significatione apud Gal. habetur totius corporis inæqualis cōcussio ac cōquassatio. hic tamen tertianis incipiētibus aduenit, & quartanis non omnibus. Quotidianis tamē de quibus Hipp. modo nō aduenit rigor, sed horror, & ferē omnib⁹ extremorū refrigeratio. Sed rigor hoc loco quoduis trium significat. Vult autē in præsentī apho. Quibus quotidie in febribus aduenit rigor, frig⁹, aut horror, quotidie febres solui. In tertianis & quartanis itē, quibus tertio & quarto febres soluantur. Quotidianæ etiā febres singulis diebus cū horrore inuadētes, soluūtur singulis dieb⁹, quāuis hodie incipiāt, & cras soluātur. nihil enim agit ad aph. veritatē, sicuti neq; illud, si febris aliqua quotidiana cū cōtinua misceatur, nā nō videtur febris solui, sed adhuc manere, quāuis cum rigore in dicta significatione inceperit. Verūm Hip. nō dixit ægrū sine febre manere, sed febrē solui, eā nempe quæ quotidie cū rigore inuadit. Atq; id verū est, nā præcedentē finiri necesse est, si altera cū rigore incipere debet, quæ hāc ordine accessionū sequitur.

A P H O R I S. LXIIII.

Quibus in febribus septimo die, aut nono, aut undecimo, aut quarto decimo morbi regij superueniunt, bonum, nisi dextrum hypochondrium obduruerit: si vero non, malum, & non bonum.

C O M M E N T.

Immerito scriptores librorū Hipp. præcedentē aph. huic præposuerūt, qui ordine sequitur ad 62. Cum enim ibidē dixisset, morbum regiū febribus super-

superuenientem ante diem septimum, malū esse, modò quibus diebus eueniēs bonus sit, docet, videlicet, septimo, nono, vndecimo, & quarto decimo. Ratio pròpta est: nam hi dies iudicatorij sunt, & ab initio febris, tātò tempore diffiti, vt interim biliosus humor coqui possit. Cum igitur ob breuitatem temporis coqui ante septimum non possit, septimo vero & reliquis possit, ante septimū dixit, malum, septimo & reliquis bonum. Nec tamen id citra distinctionem accipi voluit, sed nisi dextrum hypochondrium obduretur, significat enim ibidem adesse inflammationem. Durus etenim tumor aut cum dolore fit, & est phlegmone: aut sine dolore, atque est scirrhus. Cum autem intra prædictos dies non adsit scirrhus, erit durities in iecore, phlegmone. Iecur verò inflammatione tentari quàm sit malum, notum est. Gal. in Comm. modum tradit quo icterus fit, ob inflammationem, aut obstructionem, aut scirrhum: dicens: καθαιρομένη γὰρ ἐν αὐτῷ τῷ αἵματος, καὶ τῆς χολῆς μεταλαμβανομένης ἐκ τῶν φλεβῶν εἰς τὰς χολόδους πόρους· εἰάν τ' ἔμφραξις τις γένηται κατὰ τι τῶν μεταλαμβανόντων χωρίων· εἰάν τε φλεγμονὴ τις ἢ σκίρρος, ἀνάγκη παύσαι, μήτε καθάρσθαι τὸ αἷμα, καὶ συναφέρειν τὴν χολὴν αὐτῷ πάντῃ τῷ σώματι. quod est, Cū enim sanguis in ipso expurgetur, & bilis ex venis in poros, bilē suscipiētes trāsferatur, (intellige secundū naturam,) siue obstructio fiat aliqua earum regionū, quæ ipsam recipiunt, siue phlegmone, siue scirrhus, omnino necessū est sanguinem non purgari, & bilem in totū corpus cum ipso deferri. Placuit litteram hanc transferre, vt

Fuchsius integram ostenderē, quam *Fuchsius* dicit esse deprauatam, est enim vera & perspicua. Cogitur autem addere duas negationes dicens: *μὴ καὶ θαιρομένη, & μὴ μεταλαμβάνομένης*. Cogitur quoque in toto contextu Comm. committere nugationem, dicens, non purgato enim sanguine, & ad finem addens, necessum omnino est sanguinem non purgari. Recte igitur habet, neque quidquam addendum est litteræ Gale. Quemadmodum etiam in diebus decretoriis quædam bonæ iudicationes fiunt, & quædam ob prauas causas, male: ita & in his, quamuis dies decretorij sint, ob prauas occasiones, vti phlegmone iecoris, fieri potest vt male sint. Et quamuis hanc causam morbi regij, vt prauam scripserit Hippo. & cuius gratia fit, vt regius morbus, qui aliàs bonum iudicium futurum esset non sit bonum, non tollit quin, ob alias causas fieri possit malum, vti cum obstructio fuerit in causa, aut nimia bilis acrimonia, quæ expultricem facultatem irritet ad excretionē ante tempus. Cum itaque dixit morbum regium septimo die, & reliquis, bonum, & vbi dextrum hypochondrium durum fuerit, malum, addere licet, & vbi obstructionis causa, aut irritationis euenerit ante coctionem, malum. Si verò non euenerit in his diebus, qui morbos acutos & biliosos iudicāt, inquit, malum, & non bonum.

APHORIS. LXV.

In febris circa ventriculum vehemens ardor, & cordis morsus, malum.

COMM.

C O M M E N T.

De febribus cōtinuato sermone dicit, si adfuerit ventriculi vehemens æstus, aut ardor, & morsus cordis, malum esse. Ventriculū diximus, quoniam id significat κοιλία, hoc loco, quod indicat sequēs littera, quæ dixit, & cordis morsus. Appellat autē Hipp. cor, sicuti & alij Græci nonnulli, os ventriculi, ut vult Gal. in Com. apho. præsentis, & decimi septimi huius sectionis. In febribus autem id non immerito dixit, nam vehemens ardor ventriculi, & ipsius oris morsus calidissimam bilem nondum coctā significat, ubi perseveret, & quandoque erysipelas ibidem fieri. Aliàs vomitum futurum prope significat, præsertim si labri inferioris tremor accedat, & oculorum tenebrositas, & saliva ab ore manans. Sine febribus tamen euenire, vehementem æstum & oris vetriculi morsum palā nobis ostēdunt multi ex his qui in choleram morbum incidunt, qui & æstuāt validè, & acerrimum morsum oris vetriculi sentiunt, absq; febre.

*Vetriculi
æstus vehe
mens &
morsus
malum.*

A P H O R I S. LXVI.

In febribus acutis conuulsiones & circa viscera dolores validi, malum.

C O M M E N T.

In febribus ardentibus cōuulsiones fiunt, quæ à siccitate & consumptione trahūt originem, quas constat immedicabiles esse: sic etiam & mali sunt validi dolores iuxta viscera. sunt autē hæc icter, lien, pulmo, & cor, quibus renes annumerat Gal. lib. 3. De facult. alimen. Nam hi dolores non nisi à magno calore, & vehementi intēperie oriuntur,

*Viscera
quæ.*

*Febres
quas ap-
pellat
Hippo.*

fiunt etiam vehemētes dolores ob inflammatio-
nem, aut erysipelas in aliquo viscerum exortum.
Gal. in Com. reiicit hanc causam, quoniam cum
Hipp. dicit, in febribus, de morbis febrilibus loqui-
tur, siue de febribus quæ morbi sunt, non sympto-
mata morborū, quales forent si fierent ab inflam-
matione, aut erysipelate. Vñus autem apud Hipp.
constat hinc & septima sect. apho. 43. vbi simili-
ter Gal. in Comm. testatur febrem dici ab Hipp.
eam quæ nullam particulam læsam sequitur. Nos
sanè per validos viscerum dolores non tantum
intelligimus eos qui ab intemperie fiunt sine par-
tis læsione, sed & eos qui fiunt ab erysipelatibus
aut inflammationibus eorundem. Quamuis e-
nim Hippo. nunquam febres appellasset eas quæ
sequuntur partium passiones, non perinde non
appellabit febres eas quæ vbi ab humorum putre-
dine oriantur, deinde sibi adiungunt inflamma-
tionem partis alicuius. Cum autem Hippo. loqua-
tur in hoc aphor. de superuenientibus accidenti-
bus, dolores validi cum inflammatione superue-
niente oborti, tales erunt, & in eis verus erit aph.
Conuulsiones præterea quas malas esse dicit, illæ
sunt, quæ post febrem adueniunt, arefacto corpo-
re. Dolores ergo validi, similiter de his erunt, qui
post febrem adueniunt, quamuis cum ipsis adsit
partis dolēris inflammatio, aut erysipelas. Notum
etiam euadet interiora exuri, extremis refrigera-
tis, in febribus quæ ab inflammatione oriuntur in
aliquo viscerum consistente, & in illis quæ fiunt
sine inflammatione, sed deinde oritur: accidit id
etiam in febribus ardentibus cum magna caloris
natiui

*Lypiria
quibus co-
munt.*

natiui imbecillitate, & licere has omnes febres lypirias appellare. vsum autem huius vocis lypiria apud antiquos in nostris Commentariis in li. 2. De diff. fe. exposuimus, nam nulla in re sibi ipsi obuiat Gal.

APHORIS. LXVII.

In febribus à somno timores vel conuulsiones, male.

COMMENT.

Dormientibus in acutis febribus de quibus loquitur, hæc duo symptomata eueniunt, malum in dicantia, timores, & conuulsiones. Timor humores supra modum assari & degenerare in melancholiam indicat. Hi enim, præsertim vbi in ore ventriculi contineantur, adueniente somno, in caput effumant, & timores efficiunt. Id verò quàm malum sit, constat: nam bilis quæ assatur, per somnum coqui, ac mitigari secundum naturam deberet. Maximè si somnus opportunè recipiatur, de eo enim intelligendus est Hip. Conuulsiones quoque per id tempus fiunt ab humorum & vaporum acrimonia, qui caput impetunt, & neruos, qui, potius moderari deberent per somnum. Vbi legitur φόβος, id est timores, quidam legebant πρόνοι, id est, noxæ, ac nihil refert. Nam timores & conuulsiones in somno fieri, qui aliàs iuuare deberet, malum est, sicuti & noxa quam supra damnauerat, apho. I. sectionis 2.

Conuulsiones & timores in febribus.

APHORIS. LXVIII.

In febribus spiritus offendens, malum, con-
y. iiij.

uulsionem enim significat.

COMMENT.

*Spiritus
offendens*

Spiritus respirationem significat hoc loco, & sæpe alibi, uti in expositione Prog. 20. li. I. patefecimus latè. Cum autè spiratio, aut respiratio, continetur inspirationem & expirationem, utriusque illisio, aut offensio, aut interceptio, malum est. significat enim conuulsionem, cuius gratia muscoli thoracis non cedunt, sed animalis facultatis opus interrumpunt, cogente autem usu, quod in febribus fit, rursus intercidentem motum conatur perficere natura, posset item interrumpi respiratio à frigore, concretis musculis, sed non in febribus. Erunt igitur huiusmodi interceptiones siccitatis effectus, & febris vehementiæ, aut forte imbecillitatis facul. nequeuntis motum vnico conatu finire, & usum implere, aut dispositio est cõuulsioni similis. Inspirationis interruptæ meminit, li. 6. de mor. pop. & infra apho. 54. sect. 6. Expirationis autem interruptæ lib. 2. De rat. vict. acuto. sect. 44, cum dixit: spiritus offendens in ea quæ fit sursum aëris latione.

APHORIS. LXIX.

Quibus urine crassæ, grumosæ, pauca, non sine febre, ex his copia tenuis superueniens, iuuat. Præsertim tales eueniunt, quibus ab initio, aut breui, sedimentum habent.

COMMENT.

Cum de febribus multos scripsisset aph. de urinis aliqua dicturus, ab eis orditur, quæ aliquam pecu-

peculiarē præbēt indicationem in febribus. Sunt
 hæc vrinæ crassæ, grumosæ, paucæ, sed non sine fe-
 bre, cum mutantur in tenues ac multas, iuuat e-
 nim, inquit, talis mutatio. Vrinæ crassæ illæ sunt *Crassa vri*
 quæ mediocres crassitudine excedunt, quas con- *na, quæ.*
 tingit turbatas esse, sed grumosæ crassæ paruum
 habenturbationem, quam fere in totum depo-
 nunt, cum grumosæ fiunt, siquidem grumi sunt
 contenti crassi partes, quæ in grumos congerun-
 tur inæqualiter. verum quando id contingit, ma-
 nifesta fit cōtenti separatio ab vrinæ fusione, ma-
 nētque vrina clara, aut parum turbata, quamuis
 statim micta turbata esset, manet item vrinæ
 fusio crassa, aut plus, aut minus, pro secretio-
 nis ratione. Est autem vrina hæc pauca, quo-
 niam crassa, & quæ crassum ac copiosum conten-
 tum commixtum defert, necessario retinebitur,
 & pauca descendet. crassitudo ad substantiam at-
 tinet, grumi ad contentum, paucitas ad quantita-
 tem. Hanc vrinam sæpius vidimus in febribus pi- *Vrinæ cras-*
 tuitosis ab initio, quæ tamen temporis processu *sa, grumo-*
 naturæ actione attenuatur cocta crassa pituita. *sa, a pitui-*
 ta. *ta.*
 Humor etenim pituitosus cum coquitur, & atte-
 nuatur mixtione aquei excrementi & actione ca-
 loris, & flatus commixtione, quo tempore quod *Vrina pi-*
 subsidebat, in eneorema transit, quāuis ad finem *tuitosa &*
 morbi rursus subsideat, idque coctionem osten- *dit.*
 dit. Sed interest, quoniam ab initio crassitudine,
 frigidityte, & cruditate subsidebat, eratque non
 æqualis, & faciem referebat, & vrinæ fusio erat
 decolorata: ad finem verò vrina meliorem colo-
 rem assequitur, & contentum, æqualitatem, &

conuenientē sedimento locum, & figuram pinea-
lē. Iuuat autē, inquit, hæc mutatio, quoniā tenues,
& multæ vrinæ superuenientes crassis paucis, co-
ctionem ostendunt tenuitate, quoniam hîc tenui-
tas mediocritatē dicit. nam tenues dicuntur, quæ
mediocres sunt, vbi crassis confertur, significant
etiam iudicationē multitudine. nā quæ ante reti-
nebantur ob crassitudinē, attenuatæ fluunt copio-
se, & retentum vacuant, ac iuuāt. Accidit autem
hoc, inquit, præsertim eis quæ ab initio, id est pri-
ma ipsa die, aut breui, hoc est, in primis morbidie-
bus, cū nondū coctus esse solet pituitosus mor-
bus, sedimētum habent, quod non esse verū sedi-
mentum diximus, sed crassam pituitā residētem.
Nos lib. De vrinis, cap. De contentis vinarum
hæc eadem dilucidauimus.

APHORIS. LXX.

*Quibus autem in febris vrina contur-
bata sunt, uti iumentorum, ijs capitis dolores
aut adsunt, aut aderunt.*

COMMENT.

Nisi multa à nobis dicta essent de cōturbatarū
vinarū differentiis & causis, li. de vrinis, cogere-
mur sane ea ipsa modo percurrere. Cæterū quo-
niā legēti quæ ibidē scripsimus omnia nota eua-
dēt, illa eadē hic repetere nō erit opus, sed breui
quæ Hip. in hoc loco docet, patefacere. Sūt autē, v-
ti diximus, in illo loco tres vinarū cōturbatarū
diff. nā quædā mingūtur claræ, & extra turbātur,
quæ ostēdunt naturā nondū aggressam coctionē,
sed aggressurā. Verū si paulò postquam miētæ

sunt

*Vinarum
cōturbatarū
diff.*

sunt turbentur, naturam coctionē incipere putan-
dū est. Quæ verò turbidæ mictæ etiā clarificātur,
ostēdunt naturā iā perficere coctionē: quod si tur-
bidæ mictæ tales permaneāt, conturbationē, agita-
tionē humorū, & naturæ laborē significāt, atque
principium morbi, & humorū cruditatē. Id enim
musto efferuescēte fieri videmus, vt agitātū à ca-
lore nō subsideat, sed flatu eleuato, leuetur quoq;
vini sæx, & iam discusso flatu, vinū coctū maneat,
atque subsideat: sic etiā humoribus agitatīs turbi-
da sit vrina, coctis autē & flatu discusso, subsidēt,
& vrina clara mingitur, aut breui admodū subsi-
det, & clarificatur. Quoniā verò dū coquuntur hu-
mores, vapor flatui mixtus caput petit, capitis do-
lor efficit, idq; in febribus, præsertim in quibꝰ hu-
mores magis à calore agitātur. Sed si capitis do-
lor nōdum adest, paulò pōst adueniet, perseuerā-
te turbatione, & agitatione humorū. Id est quod
dixit, aut adest, aut aderit. Vult autem id euenire,
vbi vrinæ fuerint conturbatæ, veluti iumentorū:
exemplo vtens earū quæ summe turbatæ sunt, &
quæ turbationē nondeponūt. Quæ enim parū tur-
batæ sunt, aut quæ turbationē deponūt, quāuis nō
numquā cum capitis dolore fiant, ipsum nō neces-
sario adducūt, ita vt adsit, aut futurus speretur. Fal-
sum autē est quod quidā dixit, vrinas cōturbatas,
quæ tales permanent, cū diu apparent plus quàm
pro morbi principio vniuersali, aut vbi finito prin-
cipio intēpestiuè appareāt, aut aliquot diebus an-
te quā homo febricitet, non esse! principii notā.
Cōstat enim manifestè, repugnare vrinā turbatā,
apparere diutius quàm morbi principiū. nam to-

*Vrina tur-
bata cap.
dolorē sig.*

tum id morbi principium est, quo notæ coctionis nondum apparent. Vrina autem turbata manente, notæ coctionis non apparent in febribus. Cum autem finita coctione rursus repetit vrinæ turbatio, id etiam erit illius humoris qui de nouo mouetur tempus cruditatis, & vbi perseveret erit alterum principium cruditatis. Atque cum vrina turbata mingitur aliquandiu, antequam homo febri citet, non significat morbi principium. quis dubitat? significat tamen cruditatem illius humoris, qui in venis agitur, & ad coctionem mouetur.

APHORIS. LXXI.

Quibus in die septima iudicatio fit, ijs nebulam rubeam habet vrina in quarta, & reliqua secundum rationem.

COMMENT.

Quod de virtute dierum iudicantium aphori. 24. sectio. 2. docuerat, dicens, quartum esse septimi contemplatorium, & vndecimum quarti decimi, & decimum septimum esse etiam contemplatorium. Id modo in vrinis vnico exemplo confirmat, ea quæ iudicantur in septimo, docens, habere in die quarta nebulam rubeam in vrina, & reliqua secundum rationem. Cōtemplatoria etenim est quartadies, vt bonam vel malam iudicationem in septima futuram ostendat, non ipsam iudicationem, vt nos alibi docuimus. Est quoque argumentum à septima in quartam diem, non à quarta in septimam. Si enim septima iudicare debet morbum (de bono intellige iudicio) vrina in quarta

*Nebula
in die 4.
quid indi-
cat.*

quarta notas coctionis habebit: nō tamē si quarta notas coctionis habet, septima iudicium fiet. sæpe enim morbi tales coctione finiuntur, cum non habent coniunctam magnitudinem, & motus celeritatem. Præterea de omni contemplatoria die Hipp. suam vult sententiam citato aphor. quæ tamen vera non esset, non enim si vndecima coctionis habet notas, quarta decima iudicabit. Gal. in Com. huius apho. dicit, dubium videri, an quod de quarta die dixit, verum sit in aliis cōtemplatoriis, & colligit in quarta die id fieri posse, ut septimam ostendat, in vndecima non, nisi celeriter admodum morbus moueatur. Ratio est, quoniam ad finiendam coctionem satisfacere videtur tempus æquale ei quod potuit coctionis manifesta signa præbere, cum autem morbus ante vndecimam non habuit coctionis notas, sed in ipsa primum quod reliquum est vsque in quartā decimam, ad perfectionem coctionis non videtur satis, nisi valde celerem motū assumeret morbus. Aliter quamuis notæ coctionis appareant in vndecima, non fiet bona crisis in quarta decima. Idem de decima septima, & vigesima dicemus. Verum si quis attentè inspexerit quæ à nobis dicta sunt, inueniet facile Hipp. sententiam in omnibus diebus contemplatoriis verā esse. Diximus argumentum à die iudicatoria in contemplatoriam esse transferendum, non cōtrā, atque sequi, si iudicatio bona futura est in septima, signa coctionis manifesta apparebunt in quarta, non tamen omnino sequitur, ut coctionis notis in quarta apparentibus, septima iudicium eueniat. Quā

rationem ita in omnibus firmam inuenies: si iudicatio in quarta decima futura est ad bonum, in vndecima notæ manifestæ coctionis apparebunt, non tamen si apparent prædictæ notæ in vndecima, in die quarta decima futurum est iudicium. Maximè quoniam notæ quæ in die contemplatoria apparent, salutis aut mortis signa sunt, non crisis. Quod si non iudicationem, sed morbi finem prænoscere velis, pari modo incedes vt diximus. Quarta etenim dies ita septimam ostendit, vt si septima benè morbum finire debeat, quarta id præindictet, sicuti & si malum finem sit ea die morbus habiturus, quarta malum in diebus iudicatoriis, ita & deiectio & sputum. In quem modum dictum est ab Hipp. Si sputum statim appareat, morbum reddit breuiorem. Falsum autem est quod quidam dixit, per reliqua intellexisse motus celeritatē, ita vt ad veritatem sententiæ & vt iudicationē in septima speremus, vbi quarta nebulam rubeā habuerit vrina, opus sit vt per motus celeritas ad finē vsque seruetur. Gal. etenim reliqua ad coctionis notas refert dicens: Nam quum quarta dies sit index, quemadmodum ipse docuit, & qualis sit futura septima. nunciet, omne quod effatu dignum coctionis signum apparuerit, futuram septima die iudicationem ostendit. Præterea vbi vndecima appareant coctionis notæ, quarta decima nullatenus iudicabitur morbus si motus celeritas pro ratione eueniat, non enim debet secundum rationem, aut morbi ipsius, aut celeritatis præcedentis fieri motus celeritas, sed multo maior, si coctio quæ
se pri-

se primum ostendit vndecim diebus , quatuor aliis finiri debeat.

APHORIS. LXXII.

Quibus vrina perspicua alba , mala , maxime verò in phreniticis apparent.

COMMENT.

Prima huius aph. pars nota est, qui librū de vrinis legerūt, in quo docuimus vrinæ albae & perspicuae malitiā, significat etenim hæc summā cruditatē, tum ex substantia, tum ex colore. Talē appellat Galen. aquosam, quoniam aquæ similis est. *Vrina alba perspicua*
Substātia nāque tenuis atque perinde perspicua, aqua ipsa est, colore tamē privata, & nos vrinas ei similes appellamus albas. Malā autem dixit hanc vrinā, quoniam summam ostēdit cruditatem, & nullā præbet cōctionis spē. Mala quoque est, quoniam perniciofa, & quæ mortem ante cōctionem promittat, nisi valde cōstet facultas ad longitudinem ferendam, & neminē cū tali vrina saluatum vidit Gal. Quod verò in secunda parte dixit: Maxime in phreniticis apparent, sic in omnibus codicibus Aldinis, & in libris Gale. Basiliensibus legitur, quamuis Galenus non tantum hanc sed & aliā referat lectionē, sine verbo, *ἐπιφάνεται*, id est apparēt. Hæc lectionē dicit esse manifestā, maxime in phreneticis, quoniā vrina alba perspicua est utriq; mala, & maxime in phreneticis, significat enim bilē vniuersam in caput rapi. Quod si cum verbo, appareāt legatur, de phreniticis q̄ perniciose habēt est intelligēda scriptura. Vrinæ perspicuæ albae malæ, maxime autē apparēt in phreneticis,

cum perniciose habent. tunc enim bilis tota confluit in caput, & ea ratione vrina manet decolorata, & bile priuata, & æger in magno periculo. inuenio quosdam legentes: Maxime verò in delirantibus *ὡς ἐπιφάνιται*, id est si apparet, volentes non equidem maxime apparere in phreneticis, sed malas esse si in ipsis apparuerint, & quamuis verum sit quod significat, id in melioribus codicibus non habetur, neque Gal. eam habuit lectionem, sed alias duas quas retulit, & nos secundam earum sumus sequuti.

APHORIS. LXIII.

Quibus hypochondria sublata murmurantia lumborum dolore superueniente ventres eisdem humectantur, nisi flatus erumpant, vel vrina multitudo subeat, hæc autem in febribus.

COMMENT.

Hypochö.

Hypochondrium partem eam ventris significat quæ subrecta est costis à latere in latus, quamuis & intimas partes ventris, vti iecur, lienem & ventriculum aliquando significet, apud Hippocr. qui appellat *μετέωρα*, hypochondria, quæ afflatu sunt tumida, aut eleuata, addit enim, murmurantia, ac constat hypochondria sublimia ob inflammationem, non esse murmurantia, neque illa quæ flatum continent interclusum, ob antiquum, aut grauem aliquem affectum, iam factum, vt qui tympaniam patiuntur. Sublata itaque dixit, & *διαβορβορίζοντα*, est autem *βορβορίζουός*, sonitus qui coniunctam habet humiditatem, teste Gale. lib. 3. De causis

βορβορίζουός
μεός

causis symp. cū inquit: Quòd si humiditas aliqua in intestinis cōtineatur, ab hac quoque prodibit quædam bōbi species, quā *ρερρορυμὸν*, id est, mur murium appellāt, futuram nuntians humidi excrementi deiectionem. Huic ventris dispositioni sæpe videmus superuenire lumborum dolorē flatu cōmoto & deuoluto per intestina ad posteriora, ac dolent. lūbi compressione, nonnunquam humore, per iecur in venas quæ lūbosperrepant trās lato. Hoc quidem superueniente, inquit, ventres eisdem humectantur, nisi flatus erumpant, aut vrinæ multitudo subeat. Ratio nota est, nam si humor qui cum flatu miscetur, cuius gratia flatus murmurium efficit exernatur, venter humidus fiet: si verò trāsferatur in iecur & renes, lūbi quoque grauitatem sentient, tunc verò flatus erūpet, solo flatu in ventre relicto, atque discusso, & vrinæ copia descendet, ea via humore vacuato. Id tamen in febribus intelligi vult, hoc est in his quæ fiunt sine loci passione, in quibus febris morbus est non accidens, quod partis cuiuspiam affectum sequatur. In eis namque non eueniūt prædicta accidentia, quoniam venter inflammationis iccoris, aut lienis ratione sublatus, aut tumens, non transmittit humorem in renes & flatū per intestina, neque sonitum cum murmure reddit flatus, etiam si in ventre contineatur per dictos effectus.

APHORIS. LXXIIII.

Quibus abscessus ad articulos speratur, liberat ab abscessu, vrina multa, crassa & alba facta, qualis in laboriosis febribus quarto die,

quibusdam fieri incipit. Si vero & ex naribus sanguis effluxerit, valde celeriter soluetur.

COMMENT.

*Evacuatio-
nes ab
abscess. li-
berantes.*

Multi sunt euacuationum modi qui possunt agrotantes ab abscessibus, si qui sperantur, liberare: vti fluxus ventris, vrina multa crassa, & fluxus sanguinis. Quorumdam meminit Prog. 65. lib. 2. dicens: Considerare autem oportet talia hunc in modum, si febris detinet, & dolor nō cessauerit, & sputum non excernatur secundum rationem, neque biliosæ fuerint alui deiectiones, neque dissolutæ atq; synceræ, neque vrina valde multa & crassa, ac plurimum cōtinens sedimētum, paratur autē salubris ab omnibus aliis salutiferis signis, in his oportet huiusmodi abscessus sperare. Docuit hoc loco abscessus sperare in febribus salubribus cum prorogantur, nisi fluxu ventris, aut vrina multa crassa veniente liberentur ab ipsis. Id in præsentī docet de vrina multa, crassa, alba, & de sanguinis fluxu, ex naribus videlicet. Quibus abscessus sperantur futuri ad articulos liberare ab ipsis vrinam multam, crassam, & albam, & recte quidem. Nam abscessus sperantur in morbis, qui pendent à crassis humoribus & pituitosis, quodd si hi purgētur per vrinam, hæc duo fient, vt vrina sit multa, crassa, & alba, & vt abscessus non eueniant præuacuato humore per vrinam. Breuior autem solutio adhuc erit, inquit, si fluxerit sanguis è naribus, aut quoniam duæ euacuationes citius quàm vna liberant à futuris abscessibus, & ab ipsa febre: aut quoniam fluxus sanguinis

anguinis narium celerius soluit morbum, quàm vrina multa crassa alba. Addit etiam: Qualis in laboriosis febribus quarto die quibusdam fieri incipit. Exemplum est ab ipso traditum, li. 6. de mor. pop. par. 4. cum inquit: Vrina crassa alba, ut seruo Archigenis, in laboriosis quarto die interdum fit, & ab abscessu vindicat, quod si præter hoc & sanguis abunde ex naribus eruperit, valde citò liberat. Refert etiam in præsentì apho. in quibusdā dictas vrinas quarto die incipere in febribus ortis à lassitudine. Gal. in commentario eius loci de lassitudinibus sponte venientibus, dicit intelligendam sententiam, quæ à multis & crassis humoribus originem trahunt. Quas quarto die vidit incipere per vrinam purgationem facere: & quoniam id videbatur esse admodum citò, addit in Com. huius apho. His enim laboriosis hoc inest, quod cito abscessus faciant, non expectantibus, ut aliæ, tempus prolixius. Quæ vero febres possunt adeo breui abscessus facere, poterūt & per vrinam finiri, eodem quarto incipiente vacuatione. Nos hanc euacuationis speciem in pueris cum lassitudine febricitantibus aliquādo obseruabimus à quarto die morbi, vbi diximus, quarto die, Græce habetur, *τεταρταίῃσι*, & Gal. in Com. exponit id de quarto die, & aliis contemplatoriis, non de quartanis febribus, ut quidam voluerunt.

APHORIS. LXXV.

Si sanguinem aut pus mingat, renum aut vesica ulcerationem significat.

2. ij.

*Mictus
sang. aut
puris non
docent lo
cū ulceris.*

Cū intellexissent Galt. & nonnulli ex his qui ipsum ætate præcesserunt, hanc Hip. sententiā nō continere in vniuersum veritatem, duas vias inueniunt ad eam saluandam, quas Gale. in Comm. refert. Non est sane in vniuersum verum, si sanguis aut pus mingatur, in renib⁹ aut vesica existeret vlcerationem, si quidem aliunde quā à renibus aut vesica, aut meatibus ipsīs vrinariis videmus quotidie pus mictum, aut sanguinem, veluti in abscessibus ruptis in iecore, aut etiā in pulmone, vt fit Gal. teste li. 6. De locis patiētib⁹. Sanguis itē mingitur laxatis meatibus ad renes sanguinē ducentibus, ac mingitur vrina perrubra, & mēsi- bus retentis idem fit. Quamobrem quidam dixerunt cum copulatione legendum, si sanguinem & pus mingat, renum, aut vesicæ exulcerationē significat. In abscessibus tamen ruptis solum pus manat, & in venarum laxitate, & mensium retē- tione solus sanguis. Aliam lectionem quam trāstulimus cum disiunctione scribit, cū enim dixit: Si sanguinem aut pus mingat, vsus est verbo *ὀυρέν*, non dixit, *ὀυρήσθ*, id est minxerit, quod significat aliquibus, sed paucis diebus minxerit, quod fieri videmus in abscessibus & iudicationibus, quæ fiunt sanguine au pure mictis. Mingat autē dixit, vt multo tempore mingi significet. Multo autē tempore mingi pus, aut sanguinem non cōtingit, nisi vesica, aut renibus, aut meatibus vrinariis vlceratis. Ex duabus tamen lectionibus, eam quæ est cū copulatione, magis laudo, quoniam minime fallit. Iuuāt autem maxime ad loci patientis digno-
tione m

tionē locorū dolor, & puris, aut sanguinis cū vrina cōmixtio, quòd furfures mingantur, vesicam: quòd verò carunculæ, renes vlcerari indicat, & quòd pus aut sanguis sine vrina sponte defluunt, ostendunt in osculo vesicæ, aut in pene vlcus consistere. Galli. 9. De lo. pa. cap. 4. inquit, Sæpe verò solum pus sine vrina mingitur, & hoc quidē aperte indicat in vesica consistere exulcerationem. Quamuis in com. huius apho. dicat, vlcera autem si in pene fiant etiā sine vrinis, & pus & sanguis erit. huic sententiæ subscribit Pau. lib. 3.

APHORIS. LXXVI.

Quibus in vrina crassa existente caruncula parua aut veluti capilli concedunt, ijs à renibus excernuntur.

C O M M E N T.

Duo signa scribit quæ cū vrina exeuntia quoduis corū significat à renibus fieri excretionē. Alterum est carunculæ paruæ, illæ enim ostēdunt à renibus partes exesas excerni, vti tales cum vrina crassa, id est cocta, *συμμιγνύμεναι*, id est, concedant, aut simul cum ipsa procedāt. Quòd si quædā, veluti capilli simul cum vrina exeant, simili modo à renibus fiet excretio. Per crassam autē vrinā mediā intelligere conuenit, quæ vbi ad tenuē conferatur, merito crassa dicetur, vt Gal. quoque exponit. Nā cum vrina tenui possent veluti carunculæ paruæ exire simul cum vrina, vbi sanguis crassior assetur, verū hæc mediocris vrina nō erit, sed tenuis, & cruda, cum qua à renibus quoque excerni carunculas dictas nihil vetat. Quòd si aliquid capillorū speciem referēs simul cum vrina exeat,

Caruncula mellea quid docent.

Vrina crassa.

quod secūdo loco docet Hip. pariter à renibus fit excretio. Estque vrina talis crassa, quoniā capilli à crassis humoribus generationē accipiāt præcedēte victu, qui crassam generet pituitā. An tamen in renibus ipsis quorum meatus angusti & inuersi sunt, an in venis habeant dicti capilli consistentiam, diuersa in diuersis locis habetur Gal. sententia. Quo pacto singula intelligi debeant, in li. De vrinis, cap. De contentis vrinarum, abunde monstrauimus. quo loco Fuchsi expositionem quam in annotatione circa Gal. cō. scribit, refutauimus.

APHORIS. LXXVII.

Quibus in vrina crassa existenti fursurea concedunt, ijs vesica scabie laborat.

COMMENT.

Quemadmodū in præcedenti, ita & in præsen-
ti aph. per crassam vrinam mediocrem intelligere oportet, cum enim fursurea cū vrina exire possint à venis, & à vesica, & meatibus vrinariis, nulla via melius potuit Hip. distinctionem accipere, quàm ex vrinæ coctione & cruditate, & hanc à mediocritate substantiæ. Nam si vrina cocta est, & substantia mediocris, signū est vasorum facultatem natiuam constare, ac firmam esse, neque adeo validum esse febrilem calorem, vt fursurea detrahat ab internis venarum mēbranis, aut crassos humores ibidē asset. Quòd si talia excernantur cum vrina, in vesica erit labor, siue scabies. Quoties enim interna superficies venarum, aut vesicæ, tali affectu laborāt, quali cutis ipsa extrema dum scabie affligitur, fursurea quædam à venis

Scabies vesicæ agnoscitur quibus.

nis & vesica exilient, vti & acute scabie fœdata. Quando igitur cū vrina mediocri fursurea exeūt, vesica scabie laborat, neque vetat aliquid quominus cum vrina tenui, fursures à vesica mittantur, vbi simul & membra calore præter naturam afficiantur, & vesica scabie laboret.

APHORIS. LXXVIII.

Quicumque sponte sanguinem mingūt, iis in renibus venula rupturam significat.

COMMENT.

Euenire sæpius vidimus sanguinis mictum ^{Sanguis} sponte, id est absque causa manifesta, sed à sola ^{mictus} interna causa, vt venæ ruptura, aut vasorum anastomosi. fit etiam quandoque à causa cognita, vt saltu, ictu, aut medicamēti acrioris potu, aut etiā rupto in superioribus abscessu, & simul cum pure excreto sanguine. Significat autem vox ἀπολαυτομάτη, idem quod sponte, id est sine causa manifesta, & idem quod ἐξέφρη, id est repente. Quapropter cū mictus sanguinis possit à renibus euenire rupta vena ob causam cognitā, & sine ipsa, cū Hipp. dixit: Quicumque sponte sanguinē mingunt, iis in renibus venulæ rupturam significat, sponte non significabit absque manifesta causa, sed id quod repēte. Si enim quis repēte sanguinē mīgat, venula rupta est in eius renibus. ab aliis etenim partibus non eueniet repente, sed sensim, & aliis præcedentibus malis, atque non erit à superioribus sanguinis mictus, sed cruenta vrina. nam interest sanguinem mingere, aut vrinam sanguineam. Sed dices, nōne ex anastomosi vasorum

renum sanguis manans, mingetur, atque erit sanguis mictus sponte siue repente, & sine venæ rupturæ? Galenus respondet ora venarum aperta, præsertim quæ parua sunt, non effundere sanguinem copiosum, sed paucum, & tenuem, & nõ efficere vrinam sanguineam, sed subsanguineam. Sarius autem mihi videtur dicere cum Galeno, has & similes vrinas non esse sanguinis mictus, sed vrinas subsanguineas, quàm affirmare cum Philotheo, & aliis quibusdam: sponte quod Hippocrat. dixit, significare id quod subito, & quod affatim. Nam iam etsi non mingatur sanguis affatim, vera erit sententia Hippocrat. Si sanguis subito mingatur, venulam in renibus esse ruptam, vbi sanguis mingatur, non vrina sanguinea, cum vrina etenim sanguinem sensim manentem, misceri necesse est: & vrinam sanguineam fieri.

APHORIS. LXXIX.

Quibus in vrina arenosa subsident, ijs vesica calculo laborat.

COMMENT.

Non videtur integer præsens apho. vt Gale. in Com. scribit, aut quoniam ab Hipp. totius aphor. media pars fuit neglecta, aut quoniam fuit à libris prætermissa. Vtunque tamen ad integritatem sic foret scribendus: Quibus in vrina arenosa subsident, ijs vesica, aut renes calculo laborant. Arenulæ enim mictæ à vesica & à renibus emitti solent. Et Hip. ipse li. 6. De mor. pop. parte 1. cum inquit: In renem dolor grauis, arenularum à renibus

renibus emissarum meminit. Quin & integer apho. non est omnino verus, quandoquidem sæpe videmus arenulas mingi, & hominem non laborare calculo renum, neque vesicæ, neque vnquam laborasse. Sed videmus multos arenulas mingere, atque cum cōhibentur prædicimus calculum futurum. cum enim semel excreta fuere, maiorem mouent calculi suspitionē, cum retinentur, quàm cum minguntur. Vbi vero mingantur, an à renibus, an à vesica descendant, nos in lib. De arte me dēdi parte tertia docuimus. ad illum enim locum spectat hæc distinctio.

APHORIS. LXXX.

Si sanguinē minxerit & grumos, & vrina stillicidium patiatur, & dolor incidat in imum ventrem, & pubem, & interfæmineū, quæ circa vesicam sunt laborant.

COMMENT.

Quibus signis agnoscere possimus malum circa vesicam consistere docet dicens: Si sanguinem minxerit, & grumos, & vrinæ stillicidium patiatur. Hæc in omnibus codicibus simili modo habetur. Quæ vero sequuntur, quidam codices habent ita, καὶ ὁδὺν ἐμπίπλη ἐς τὸ ὑπογάστριον, καὶ τὸ περιστοναῖον. in aliis vero legitur aliter ac melius, ita, καὶ ὁδὺν ἐμπίπλη ἐς τὸ ὑπογάστριον καὶ τὸν κτένα καὶ περιναῖον, quam lectionem transtulimus, ad quam sequi colligit Hippo. ea quæ circa vesicam sunt laborare. Ac iure quidem, quoniam vt Gal. in Com. docet, non tantum vesicā ipsam laborare sequitur

Signa vesica læsa.

ad hæc symptomata, sed partes quæ circa ipsam sunt, nempe renes, & meatus vrinarios. Nam ab iis fieri potest ut sanguis manet, & in vesicam de lapsus grumofus & concretus excernatur, & urinæ stillicidium eueniat, & dolor partes dictas moleſtet. Quamobrem male quidam à Gal. sententia discedit, dicens Hippo. Per ea quæ circa vesicam sunt intelligere, vesicam & eius ceruicem. Non tamen, ut Gal. intelligit renes etiam & vrinarios meatus. Non enim possunt hæc omnia quæ in præſenti apho. dicuntur, significare vlcera renum, sed vesicæ solius. At Gal. miro modo dixit non vesicam solam, sed quæ circa vesicam sunt laborare. Nam sanguis copiose descendens vlceratis renibus potest in vesica colligi in grumos, & urinæ stillicidium efficere, & dolorem in imo ventre, & pectine & interfœmineo: non igitur solum in vesica labor est: sed etiam in renibus & circa vesicam. Considerate igitur debet, aliud esse vesicam laborare, & solam vesicam laborare. Quando enim omnia symptomata prædicta apparent, vesica necessario laborat, non tamen necessario illa sola, quod Gal. dixit. Illud tamen maius ingerit dubium quod Gal. in com. dicit, errare scripturam si solam vesicam laborare dixerit, id est ipsam solam. Melius etenim est (inquit) quæ circa vesicam sunt accipere, non tanquam sola vesica significetur, Sed & partes quæ illi annectuntur. Ego sane non video quo pacto cum Hip. dixit τὰ περὶ τῆς κύστις πόντοι. id est, quæ ad vesicam, aut circa vesicam, sunt laborant qua ratione potuit solam vesicam significare.

Dubium.

ficare. Ac perinde existimo in Hip. aph. & in Gal. Com. legendum: *περὶ κύστιν πονέει*. id est, circa vesicam laborat. id vero potest vtrumque significare, circa vesicam laborare, id est vesicā ipsam, atque eam solam, aut circa vesicā laborare, id est laborem pati, aut morbum in partibus quæ sunt circa vesicam, nempe renibus, & vrinariis meatibus.

*Græci cō
dices corri
gendi.*

APHORIS. LXXXI.

Si sanguinem, & pus mingat, & squamulas, & grauis odor adfuerit, vesica significat exulcerationem.

COMMENT.

Rursus in præsentī apho. vesicæ vlcerae notas scribit. Hæ sunt, si sanguis & pus mingatur, quibus ad distinctionem addit, squamulas, & grauem vrinæ odorem. Diximus mictum sanguinis & puris communes notas esse vlcerum renum & vesicæ. Squamulae vero non excernuntur à renibus, sed à vesica, aut vasis sanguinem conficientibus, quod de furfuribus dictum est aph. 77. Quo loco distinctionis gratia adiecit crassam vrinā, ad significandū malum nō esse in venis, quod in præsentī loco foret satis, verū eo additamēto nō est op^{us}, quoniā addit graue odorē, qui puri vesicæ est peculiaris. Squamæ à furfuribus latitudine differūt, ac crassitudine, dicente Gal. lib. 1. De crīsis, de fursureo sedimento loquens: Quantam vero fursures cum crassitudine habent paruitatem, tantam squamis similes latitudinem ac tenuitatem obtinent. odor itaq; grauis pus quod à vesica excernitur, quam

*Squamulae
à vesica.*

*Squamula
à furfuribus
quod
differunt*

Pus vesice quare fuerit.

uis bonum, ab aliis sepatat. Cum enim vesica membrum exangue sit, pus non gubernatur uti in aliis partibus, sed facile fœtorem assequitur. Ac proinde Hipp. lib. 2. Prog. de vesicæ inflammationibus loquens dixit: Soluit vero morbum vrina quæ purulenta mingitur, album ac leue habens sedimentum, duas condiciones scribens boni puris à vesica excreti, cum tamen lib. 1. Prog. 38. quatuor scripserit dicens: Pus optimū album esse debet, æquale, ac leue, & quā minime fœtidum. Hoc postremū intellexit in vesicæ vlceribus non esse sperandum, quoniā odor grauis vesicam vlcera- tam significat, etiam si pus bonum sit. Neque putes pus vesicæ fœtere, quia cōiuncta est vesica recto intestino, nam rectum intestinum non fœtet, sœx vero non continetur in recto intestino, sed transit per ipsum. fit autem sœpe ut plures vrinæ mingantur antequam sœx aliqua per intestinum rectum descendat.

APHORIS. LXXXII.

Quibus in vrinario meatu tuberculum sit, ijs suppurato, & rupto, solutio.

COMMENT.

Ad partem artis curatiuā pertinet præsens sententia, non enim docet agnoscere tantum tuberculorū in fistula vrinaria generatorū solutionem suppuratione & ruptura, cum id notissimum sit, & non egeat Hipp. admonitore, sed docet id medium statim aggredi, quoties in fistula vrinaria tuberculum (φύμα dixit) nascatur, quod & vrinam suppressit, & dolorem infert, ut citissime suppu-
ret

ret prædictum tumorem, & aperiat ipsum. inde enim malum soluetur, ischuria sane, ac dolor. Dixit autem, ἐν τῇ οὐρῇ ὅρη, ut meatum ad penem significaret, & ipsum à meatibus vrinariis qui supra vesicam sunt, distingueret, quos οὐρῇ ἴσχυρας appellat.

APHORIS. LXXXIII.

Mictio plurima noctu facta, paucam deiectionem significat.

COMMENT.

Vbi vnica substantia duobus impartiri debeat, si vni plurimum tribuatur, alteri parum superesse necessarium est. Humor autem qui in potibus & alimentis continetur, totus in vnam coit substantiam, cuius partem magis liquidā & magis aquosam iecur sugit, ac trahitur à renibus qui vrinam percolant: quod vero non trahitur à iecore, per ventrem delabitur, & quo plus fuerit, eo copiosiore ac humidiorē reddit deiectionem. Cum igitur vrina multa mingitur, fæx minor, ac durior reddetur, ac cōtra, si pauca mingitur vrina, parum ad eas vias trahitur, ac multum in vētre relictum humidam, & multam efficiet deiectionem. Et quamuis id omni tempore verum sit, noctu magis patet, quoniam vrina diutius retinetur in somno, & deiectio mane cū vrina subit, & vtriusque quantitas se magis ostendit.

*Vrina no-
ctu micta.*

neruosa quapiam particula. Iam igitur bibito elleboro albo, de quo sententia intelligenda est, (alium enim non sine additione nominasset, elleborum nigrum dicens,) vomitus commouetur & inde conuulsiones quandoque. Nam conuulsio per consensum fieri potest, quoniam elleborus ipse mordet nervos ventriculi, inde vero compatiens cerebro per sextam neruorum coniugationem corpus conuelli contingit. Quod fieri quoque solet tracto bilioso humore, qui pari modo mordeat & inde conuulsionem concitet. Est vtraque conuulsio per consensum. Quãdoq; fit cõuulsio elleboro bibito ex inanitione, aut siccatis nervis à calore & siccitate ellebori, aut tracta & subtracta humiditate neruorum à medicamento, vt purgante. His duobus modis fit conuulsio à siccitate, atque de hac specie loquutus est cum dixit cõuulsionem ab elleboro lethalem. Nam quæ cõpassione fit, lethalis non est: quæ vero repletionem fit, neque ab elleboro fiet, neque si fieret, lethalis foret. Quod de elleboro dixit, de omni purgante medicamento est intelligendum. Lethale autem quod magna ex parte mortem affert significat, vt Gal. in Com. sequentis aph. & sæpe alibi, & in Prognostico sæpius exposuimus.

APHORIS. II.

In vulnere conuulsio superueniēs, lethalis.

COMMENT.

Non omnino lethalis dispositio est conuulsio sequens vulnus, sed mala admodum & quæ mortem minetur. fit autem conuulsio ex vulnere inflamato ipso, & neruosa quapiam particula, cui cerebrum

consentiat, vnde conuulsio excitatur. significat igitur malum ad id peruenisse, vt cerebrū & nervosum genus consentiant vulneratæ parti.

APHORIS. III.

Sanguine multo fluente, conuulsio vel singultus superueniens, malum.

COMMENT.

*Singultus
species.*

Quemadmodum cōuulsiones fiunt tribus modis, ita & singultus. nā quidam fiunt ex repletionē, quidā ex inanitione, tertia species fit propter morbum à causis acredine sua mouentibus os ventriculi ad sangultiendum. In omni tamen singultus specie ventriculus commouetur ad excutiendum quod nocet, siue quod implet humor, aut flatus, aut simili modo à sicca intēperie quadam tenuis corrugato ventriculo, aut tentate ipso causam mordentem propellere. Quando igitur sanguis multus effluxerit inanitis venis atque neruis & nervosis particulis præ alimēti inopia siccatis, talis fit in neruis & in ventriculi ore affectus, quales conuulsiones ab inanitione, quas immedicabiles aliās diximus. Ea de causa singultus qui immo dicas sequuntur vacuationes, de quibus esse fluxus sanguinis, malos esse dicit, atque similes conuulsiones, malas vero lethales intelligere non erit à ratione alienum, quamuis à Gal. lethales paulo magis malæ censeantur dispositiones, quā si malas ipsas Hipp. dixisset:

APHORIS. IIII.

In superpurgatione conuulsio, aut singultus super-

superueniens, malum.

COMMENT.

Quando aliquis bibit medicamentum expurgans, sæpe euenit vt effremitet, & fit vt non tantum euacuet eum quem nos intendimus humorem & ea quantitatē: sed alium simul cum illo, & illum maiori copia. Inde vero conuulsiones sequi & in stomacho singultus est notissimum. tum re ipsa, tum ex iis quæ diximus in Comm. apho. I. huius sectionis. Id vero dicit fieri in *ὑπερκαθάρσει*, id est in superpurgatione. lib. vero. 3. de simplic. me. fac. cap. 27. quas appellet, *ὑπερκαθάρσεις* explicuit dicens: Præstiterit autem fortassis nō nihil dicere de iis quas *ὑπερκαθάρσεις*, id est, superpurgationes appellant. Euenire igitur hæ solent cum purgans medicamentum vsque adeo inualuit, vt in vasorum ad ventrem pertinentium osculis mordicationem apertionemque multam relinquat, assidueque irritans conuellensque corpora quæ in vasis sunt, vires dissoluat atque deiciat. Quando itaque (inquit Hippo.) ad superpurgationes conuulsio sequitur, aut singultus, malum est. quoniam ad id mors sequi solet, quapropter in apho. I. lethale dixit.

Super purgatio.

APHORIS. V.

Si ebrius quispiam repente obmutuerit, conuulsus moritur; nisi febris ipsumprehendat, vel ad horam perueniens in qua crapula soluitur, loquatur.

A.

C O M M E N T.

*Ebrii peri-
culosi qui.*

*Obmutu-
tescere.*

Non omnes ebrii sunt in mortis periculo, sed illi tantum quorum ebrietas adeo nervos & nervorum origines occupavit, ut ducat ad sensus & motus priuationem, de qua dispositione Hip. modo loquitur, dicens: Si ebrius quispiam repente obmutuerit, hoc est sensum & motum amiserit, sine manifesta aliqua causa alia à vino, ut enim Gal. in hoc Comm. & 59. sectionis 6. docet, vno symptomate, nempe vocis amissione omnem motus priuationem atque sensus significabit, nervis autem vino plenis: vnum trium fieri solet, ut calor nativus vino quoque adiutus, vinum ipsum à nervis discutiat, & vox redeat sano homine, ad horam qua solent crapulae solui. Quæ non est vna in omnibus, sed pro vini, & caloris copia, & meatuum amplitudine & angustia, & aëris ambientis caliditate diuersa. Aut vinum dissoluetur superueniente febre, quæ solet succos in corpore redundantes coquere, & discutere, uti & multas convulsiones sanare, & stupores. Aut si nullum horum ebrio accadat, ut moriatur convulsus, à multitudine vini, & excrementorum crassorum, qui simul cum vino nervos invaserunt, contractis musculis ad originem, patiente quoque cerebro.

A P H O R I S. VI.

Quicumque à distensione capiuntur, quatuor diebus pereunt: si tamen hos effugerint, sani fiunt.

COM.

COMMENT.

Tetanus, tensio Latinis est, aut totius corporis, *Tetanus.* aut alicuius particulæ, per quã ante & terro membrum aut totum ipsum corpus contrahitur. Videmus quoque non raro ceruicem vtrunque cõuulsam. Quandoque tamen membrum patitur dispositionem tensioni similem, quæ tensio non est, veluti cum muscoli externi brachij schirro laborât, ea enim de causâ membrum ante aut terro trahi non potest, neque tamen aliunde conuellitur, quare non ob id quod membrum immotum maneat tendi dicitur. Vera igitur tensio morbus est peracutus exacte, habetque terminũ diem quartum. Est autem morborum omnium idem terminus ad salutem, & ad mortẽ, autore Hip. li. 3. Prog. Quapropter qui tensionẽ patitur exitiosam, morietur intra quartum: & qui salubrem, intra quartum liberabitur. Id vero considerandum, quod de omnibus acutis morbis aliàs diximus, morbos videlicet acutos terminum habere diem quartum *Acuto terminus.* decimum, nonnunquã tamen terminum hũc pertransire, & delabi in vigesimum, aut propter diminutam aliquam iudicationem, aut quoniam aliquem diem, aut plures habuit, qui non fuerunt eius afflictionis quæ morbo respõderet. Quod in morbis peracutis exacte verũ quoque est, nã etsi quarto finiri debeant: quandoque cum spe salutis, & in melius facta cõmutatione decidunt in quintũ, aut in septimum, propter dictas causas. Exemplũ est apud Hip. li. 1. De mor. pop. par. 3. Erasinus, qui morbo acutissimo laborabat, & quinto iudicatus est, quoniã diem vnum mediocriter habuit.

Morbi comitiales quibus ante pubertatem fiunt, mutationem accipiunt: Quibus tamen vigesimo quinto anno fiunt, & magna ex parte commoriuntur.

C O M M E N T.

*Comitialis
quibus cu
ratur.*

Loquitur Hipp. de morbo comitali per essentiã, quique à crassis ac frigidis humoribus fit, is enim mutatione ætatis à pubertate in iuventutẽ curari solet, non ille qui fit per cõsensum bile occupante ventriculum atque effumãre in caput. nam hic nullam recipit mutationem, siue curationẽ, cum ab ætate minus sicca in magis siccam sit mutatio, & ab ea in qua minus abundat bilis, in eam qua magis. Ceterum comitalis morbus à pituita ortus multas habet curationis vias, vti & multa sunt causarum genera, quæ possunt humores crassos ac frigidos concoquere, & dissipare. Sunt autẽ hæc, victus exicans ex alimentis, exærcitationibus, æris temperatura sicca, & ætas talis. Hæc eadem retulit Hipp. supra sect. 2. aph. 45. dicens: Eorum qui morbo comitali laborant, pueri mutatione potissimũ ætatis, regionis, & victus liberantur. In præsentitamen Com. Gal. locorum mutationem addit, aph. Dixit autem potissimum, quoniam non per hæc tantum, sed etiam convenientium medicamentorum usu curantur comitalẽ patientes. Quod cum ita sit, vbi fiant ante pubertatẽ, & durent tota ipsa pubertatẽ: si ita cõtingat, mutatione ætatis speranda salus est. quoniam liccior ætas humiditatem abundantem, quæ comitalẽ efficit poterit emendare.

dare. Neq; tamen ipsam semper emendat, aut comitiales saluat. Quòd si in pueritia aut pubertate facti ad iuuentutem perueniant, & perseverer, aut etiã si in ipsa iuuentute fiant, quæ à vigesimo quinto anno incipit, magna ex parte comoriuntur, id est hominem ad mortem vsque comitantur. Magna ex parte tamen dixit, quoniã non habent comitali laborantes vnicam tantum salutis spem, eam videlicet quæ sequitur ætatis mutationem, sed & alias ex victu, regione & medicamentis, quas diximus. Cum autem dixit magna ex parte comori, aperte significauit maximam omnium causarum quæ possunt mutationem efficere à morbo in sanitatem, esse ætatem: & iure quidem, quoniã hæc sensim mutatur, & sensim mutat, & ad finem totum corpus & singula eius membra, ad solidas vsque particulas in diuersam mutat naturam. Adde quòd regio, victus & medicamenta, non aliter iuuat quàm quòd corporis temperaturam mutât. vnde non tantum æger à comitalis accessione liberetur, sed tutus à futuris maneat. id vero non sine temperamenti mutatione faciunt. Hanc autem palam ostendit ætatem mutatio, quæ non aliunde quàm ex temperaturarum mutatione desumitur. Potissima igitur salutis spes comitalibus in ætatis mutatione sita est & si aliarum causarum mutatione eisdem liberari contingat, sed raro.

APHORIS. VIII.

Quicumque pleuritici facti in quatuordecim diebus non suprapurgantur, ijs in suppurationem transmutatur.

A. iij.

Quemadmodum supra aphor. 23. sect. 2. diem
Pleuritici 14. statuit morborum acutorum limitem, ita mo-
in 14. die- do de morbo laterali loquens, quē pleuriticū Græ-
bus purgā- ci vocant, si in 14. diebus non purgetur (inquit) in
tur. suppurationem transmutatur. Nam aut finitur ad
salutem, aut ad mortem, aut mediam quandam
recipit mutationem. Si purgetur sputo reiecto,
sanatur: si morbus ingrauescat, & vires ipsum non
ferant, cum signis malis morietur. Si medio mo-
do processerit febre perseverante, & dolore ve-
xante, neque purgatione per sputum, aut purgāte
medicamēto bibito, aut sanguinis missione, & re-
liqua victus ratione cessantibus, scias quod suppu-
ratur, inquit Prog. 52. li. 2. Suppurari autem est hu-
morem in inflammatione collectum in pus transi-
re. *ἐμπύημα* enim, teste Gal. in huius apho. Comm.
quānuis aliquando puris eruptionem in cavitates
thoracis significet, modo eam quæ fit in pus mu-
tationem significat. Sed obiiciet aliquis Anaxionis
historiam, ex lib. 3. De mor. popu. nam is morbum
lateralem passus. 34. die iudicatus est, neque ta-
men 14. transiit morbus in suppurationem. Qui-
dam respondet, raro id evenire & morbum Ana-
xionis fuisse pituitosum, ut signa indicabant. Ve-
rum hic non, soluit recte dubium. Quoniam signa
ipsius non sunt pituitosi morbi, cum Hippo. dicat
ipsum inuasisse febrem acutam, & infra, sitibun-
dus, peruigil. Hæc signa bilem ostendunt mani-
feste, non pituitam. Præter id quod cum Hippoc.
dixit diem 14. esse limitem acutorum, & modo
si non supra purgentur suppurari intra 14. diem,
citra

*Anaxion
non fuit
14. suppu-
ratus.*

*Fuchsius
notant.*

citra distinctionem dictum est, & de morbo quocumque acuto erit verum, de quorum numero est pleuritis. Fuchsius dixit, Anaxionem non fuisse suppuratum, quoniam per sputum fuit purgatus quatuordecim diebus, à die qua spuere cœpit, ita vero computationem facere cōuenit, non quidē à die qua cœpit laborare, sed à qua cœpit spuere. cœpit autem spuere 17. & finitus est. 34. mediāt autē inquit, inter 17. & 34. dies 14. Fallitur tamen quā maxime; nam pleuritis, li. 1. De rati. vict. acu. inter morbos proprie acutos recensetur, sed acuti morbi 14. diebus terminantur, à prima die facta computatione, siue æger sputat, siue non. Præterea Anaxion die vndecima cœpit spuere, quoniam, inquit, vndecimo febris remisit modicum, circum caput sudauit, tusses adhuc & quæ à pulmone educebantur, humidiora erant. Male igitur facit computationem à 17. Quin & Gal. lib. 1. de crisi- bus cap. 18. inquit; de Anaxione loquens: Dies enim vndecimus optime, sed debilis coctionis initium fecit. Præterea, 17. dies media est inter primā & 34. vel primæ medietatis finis. Qua igitur computatione potuit Fuchsius inuenire ab initio in diem decimam septimam, dies decem & septem. & à die 17. in diem 34. dies quatuordecim? Cæterum quamuis Hippoc. supra diem 14. statuit limitem acutorum, Progno. 3. lib. 3. diem 20. scripsit acutorum terminum. quoniam is est ipsorum terminus externus, aut quoniam in ipsum delabūtur nonnulli eorum qui diminutam aliquam iudicationem sunt passi, aut quoniam sunt aliqui acuti morbi, sed non seruant exacte eorum naturam.

Sic etiam modo quamuis dixerit morbum lateralem, qui non purgatur, sputo, transite in suppurationem in diebus. 14. nihil obstat aliquos acutos passos diminutas vacuationes, declinare in 20. diem linitem externum acutorum. Primis namque diebus erant urinae multae, & vndecimo circa caput sudavit. Quoniam itaque acuti morbi 14. diebus finiuntur, decidunt tamen aliqui in 20. ita lateris dolor. Anaxionis qui deberet finiri aut suppurari 14. die, delapsus est in 20. atque ibidem finitus. Nam ut inquit Hipp. vigesimo sudavit, à febre liber, à iudicatione vero leuatus. Māsit utrique iudicatus, & liber 20. die, quoniam etsi 27. rediit, fuit recidiva, & contigit ei quod multis aliis, quibus iam sanitati restitutus, reliquiis tamen morbi manentibus, morbus rediit, & recidivam passi sunt. quam in Anaxione cum priori morbo annumeravit Hipp. Quod tamen recidiva fuerit, docet Gal. li. 1. de cri. cap. citato, de iudicatione Anaxionis in die 20. dicens: Non tamen integra crisis subsequuta est, quoniam neque exquisita coctio urinarum, aut sputorum. propterea igitur inquit: Erat autem siticulosus, atque ex pulmone non erant optimae expurgationes. Hic igitur nobis ad memoriam reuocans, quod recte dictum est: Quae relinquuntur ex morbis post crism, recidivam facere consueverunt, ita enim legi debet aph. ut docuimus ibidem, appellat itaq; hanc recidivā, & vigesimi diei crism qua facta, & finito morbo reliquiis manētib⁹, rursus 34. iudicatus est, sed quoniam vigesimo fuit iudicatus, non transiit in suppurationē, si quidem 20. est etiā acutorum alter terminus ad salutem.

APHO.

*Tabes fiunt maxime in ætatibus quæ sunt
à decimo octauo anno in trigesimum quintum.*

COMMENT.

Φθίσις, quæ tabes Latinis dicitur, quandoque omnem cōsumptionem, modo vero ea quæ cum pulmonis vlcere fit, significat. Hanc maximè fieri dicit ætatibus quæ sunt à 18. in 35. annum. Sunt autem hæ duæ, adoleſcentia à 18. in 25. & iuuentus à 25. in 35. vti nos ad Hipp. mentem & nominum vsum patefecimus aliàs. Euenit autem idem malum in illis ætatibus, quæ & sanissimæ sunt, & minime morbis obnoxia. Verum vt Gal. docet in Comm. 29. sectionis. 3. non ratione ætatis, sed ex accidenti ob malam victus rationem talia eis eueniunt, & vt Hipp. dixerat, senes iuuenibus vt plurimum ægrotant minus, temere enim viuunt luctantes, salientes, vociferantes, humi cubantes, & veneri indulgentes, & immodice edentes ac bibentes, iam vinum meracius, iam vero aquam frigidissimam, atque ex niue. Quibus adiunge cum Philotheo adoleſcentes multo sanguine abundare, qui potest accedente valido quopiam motu, aut labore, venas pulmonis rumpere: vti & iuuenibus copiam bilis, quæ valeat easdem erodere.

*Tabes in-
uenibus
quare.*

APHORIS. X.

*Quicumque anginam effugiunt, iis in pul-
monem vertitur, & septem diebus moriuntur:
si vero hos effugerint, suppurantur.*

ferrem, vt talis effet scriptura, *ὁ κόσος συνάγκην διαφύρουσι, καὶ ἐς τὸν πνεύμονα αὐτοῖσι τρέπεται, ἐν ἑπτά ἡμέραισι ἀποθνήσκουσι.* quod est, Quicumque anginam effugiunt, & in pulmonem ipsis vertitur, in septem diebus moriuntur. Estque hæc sententia cum toto ipso apho. vera, & fere perpetua. vbi enim in pulmonem transferatur causa anginam efficiens, necessum est aut mori in 7. diebus, aut deinde suppurationem euenire.

APHORIS. XI.

A tabe molestatis si sputum quod tussi excernunt graue olet, carbonibus superfusum, & capilli à capite defluunt, lethale.

COMMENT.

Duo signa lethalia tabidis superuenientia scribit in præsentī. Alterum est fœtor sputi. fœtor enim malam putredinem, & sputi purulentiam docet. Vult autem id experiri si carbonibus ignitis superfundatur, tunc enim grauem mittit odorem. Quod vero quidam putat esse id vehementis odoris indicium, quoniam mediocres fœtores ignis solet extinguere, falsum est. Nam eius contrarium vel mulierculæ norunt, quæ aromata igni admovent, vt totum cubiculum flagret odore, quæ tamen ante neque naribus admota sentiebantur. Idem in prauis odoribus, vt pilorum & lanæ, constat, quoniā cū odorata ab igne in exhalationem transeunt, maiorem odorem ostēdunt, quamuis ad finem ignis omnia dissipet. Quod puri aut sputo tabidi euenit. nam quamprimum igni admoventur, suum fœtorem pandent, &

Sputum carbonibus superfusum probatur.

deinde absumpta nullum vaporem à se mittunt, aut vt rectius dixerim, totum in vaporem expirat. Alterum indicium à capillis capitis defumitur, nam si hi defluunt, lethale signum habetur. Ratio est quoniam ostendit defluxus capillorum quod in aliis depilationibus solet esse in causa, aut succorum prauitatem, aut alimenti inopiam, succorum prauitas corruptionem ostendit magnam, cum ad pilorum defluuium deducit. Alimenti vero inopia, summam consumptionem indicat.

APHORIS. XII.

Quibuscumque tabe laborantibus capilli capitis defluunt, ij fluxu ventris superueniente moriuntur.

COMMENT.

Gale. summa quadam breuitate & sermonis perspicuitate, hunc enarrauit apho. dicens: Fluxum ventris non tantum lethalem esse, cum capillorum defluuiio, sed ipsam mortem vicinam ostēdere, vt signum, quoniam ostendit magnam naturalium facultatum imbecillitatem, & vt causam, quoniam fluxus ipsas amplius imbecillitat. Præterea fluxus ventris ex se quamuis capillorum defluuiio non coniūgatur, lethalis nota est, ex apho. 14. sequenti: & pauci sunt qui fluxum ventris passi liberentur, siquidem febris, quam ipsi patiuntur, hectica est, & quæ egeat refectione & attemperamento, non humorum de venis vacuatione. Verum cum post tãtam inopiam & humorum ac vapōrum malitiam euenit vt capilli de capite

capite defluant, mortem proximam ostendet.

APHORIS. XIII.

*Quicumque sanguinē spumofum expuunt,
iis ex pulmone talis reiectio fit.*

COMMENT.

Si quis pulmonis substantiam consideraue- rit, ipsam carnem spumofam esse dicet. & Gal. supra sect. 2. Com. 43. sanguinem spumofum pulmoni similem dicit, modo vero sanguinem spumofum tussi reiectum dicit significare à pulmone educi, quoniam excrementa substantia sua locum patientem ostendunt, ipso autore. li. i. De locis patientibus. Neque tamen oportet semper sanguinem à pulmone reiectum esse spumofum, nam subito rupta vena in pulmone ex ictu, aut vulnere sanguis spuitur, qui spumofus non est, sed ille tantum qui vlcerata pulmonis carne educitur.

APHORIS. XIII.

A tabe habito fluxu ventris superueniente, lethale.

COMMENT.

Hic apho. non eget alia enarratione ab ea quæ in Commentario 12. scripta est à nobis.

APHORIS. V.

Quicumque ex morbo laterali suppurati sunt, si in quadraginta diebus suprapurgentur, à die qua facta est eruptio, cessant: si vero non, in tabem transmutantur.

*Suppura-
tionis ter-
minus tu-
pura.*

Prog. 53. & 54. lib. 2. meminit quarundam suppurationum quæ rumpuntur die septima. Sed quoniam id rarum est, ideo Prog. 57. dixit, alias rumpi. 20. alias 30. aut 40. aut 60. die. Quod intelligi debet computatione facta ab initio suppurationis, uti docet Prog. 58. dicens: Considerare autem oportet principium suppurationis fore, ratiocinâtes, à primo die quo homo febricitavit, si quando primum rigor ipsumprehendit, & si dixerit, in parte quæ dolore vexabatur, pro dolore pondere ipsum grauari. Hæc enim in principiis fiunt suppurationū. Ex his igitur tēporibus rupturam suppurationum fore sperādum est, prædictis temporibus. Quod si morbus lateralis 14. die suppurari incipit, in quibusdam deinde in 20. 40. aut 60. die rūpuntur suppurationes, & rursus à tēpore rupturæ faciendae est cōputatio purgationis, si 40. diebus à ruptura nō fiat puris purgatio, iam tabes sperāda est, inquit Hipp. in præsentia apho. Cæterū ut nō est vnus terminus rupturæ omnibus suppurationibus, sed distinctio sumēda est à natura humoris peccantis, à loco patiente, ab ætate, temperatura, & anni tēpore, ita distinctio est adhibēda ad definiēdum tempus futuræ tabis, neque vnus debet omnibus statui. Si enim tabes futura est, id fiet exulcerato pulmone, à pure quod non excernitur: sed ibidem retētum ac putrefactum erodit pulmonem. cum autē pus non habeat in omnibus parem calorem, ac credinē & erodendi vim, neque in omnibus temporibus, & ætatibus: hæc ante omnia sunt distinguēda, & diuersis dispositionibus diuersus

diuersus terminus assignādus. Quòd tamen Hipp. diem statuerit 40. terminum medium definisse putādum est, atque quibusdam citius, quibusdam tardius, tabem euenire post ruptam suppurationem, voluisse vbi pus nō ante purgetur. Quidam enim ante 40. incidunt in tabem, non repurgato pure, quidam in ipso 40. quidam post ipsum.

APHORIS. XVI.

Calidum iis qui sæpius ipso vtuntur, hæc affert incommoda, carniū effæminationem, neruorū imbecillitatē, mētis torporē, sanguinis profluua, animi deliquia, hæc ad quæ mors.

C O M M E N T.

Aquæ calidæ & frigidæ vires quasdā docet Hip. in præsentī, & quibusdā sequētibus aph. vt Com. 24. declarat dicēs: Haftenus de aqua calida & frigida sermonem habuit, præter id quod, τὸ θερμὸν, habet substantiuū hoc loco, ὃ δ' ὥρ. calida itaq; aqua, si quis ea sæpius vtatur, hæc affert incōmoda, carniū effæminationē, qui enim molles sunt, effæminati dicūtutur. quoniā & fœminæ sunt viris molliores. Aqua tamen calida, qualis aqua balnei est, cutem mollit, neruos autem reddit inualidos, quando ad motū robur, atque cōtentio exigūtur, quæ siccitas adiuuat. Mentis efficit torporē, quoniam cerebrum ipsum laxat calida aqua, coniunctam habens humiditatem. Profluua sanguinis sequuntur nimium vsum aquæ calidæ, tum laxatis venarum osculis, tum dilatato humore qui in vasis cōtinetur, ita vt contineri non possit. Animi deliquia sequuntur ad sanguinis profusiones & spiritus dissolutionē, & vacuationē. Ad hæc vero

*Calida a
quæ incō-
moda.*

Aqua temperata calida dicitur.

mortem sequi notissimum est. Scire autem oportet calidam aquam esse temperatam, quoniam per abusum, & non admodum propriè, quæ temperata sunt, calida dicimus, ut balneum aquæ calidæ, dicimus aquam balnei temperatam, de qua apho. iste intelligendus est, autore, Gal. lib. 4. de simpli. medi. fa. ca. 2. quo loco utrumque approbat, de calido & frigido, qua ratione mordacia sunt dicēs, A nobis autem distractiones ipsorum exacte addiscere licebit, ubi prius commonefecimus poculum, aut balneum cum temperata sunt, calida à nobis dici, nonnumquam appellationis abusu, quandoquidem temperata dici debeant, & symmetra, potius quàm calida. Ergo quæ sic calida sunt, grata amicæque sunt, funditur enim quod in corporibus nostris constiterat, atque concretum fuerat, quo maxime affectu voluptas animantibus constat. At si moram etiam trahant, iure quoque & ipsa molesta euadunt. Ad tantam enim fusionis immoderationem sic recidunt, ut substantiam etiam nostram digerant, dissoluant, ac dispergant. Verum neque sic quidem mordicatione infestant, sed animi afferunt deliquiū, virēsque deliciunt, ut mors quoque tandem sequatur. At quæ his magis calida sunt, secant, distrahunt, diuiduntque substantiam, quare necessario mordaces videntur, velut aqua feruens, atque ipse ignis. Hæc omnia transponere placuit, quoniam in his verbis duo vult Gal. ad hunc locum apprimere necessaria, nempe temperatam aquam dici calidam, & hanc facere quæ Hipp. dicit in apho. usque ad animi deliquia, & mortes,

Calidior

Calidior autē moderata, non laxat aut mollit, aut humectat, sed constringit, autore Gal. li. 3. de sani. tuenda; vbi de balneis loquens inquit: Dulcium calefactarum aquarum, si media tēperie sint, vis calida & humida est: sin tepidiores sint, frigida & humida: quòd si iusto calidiores fiant, calida quidem, sed non perinde humida. Quippe horrere corpora, cōtrahique exiles corū meatus subigūt, ita vt neque madescere ab extrinsecus accedente humore possint, neque excremēti quod intus latet quicquam emittere. Ecce quo loco aquā temperatā, calidiorē dicit, horrorē inferre, & contractionem, & pororū cōstrictionē, vt neq; humorē alienū admittāt, neque propriū amittāt. Non igitur efficit hęc aqua effcæmationem carniū, & reliqua quæ calor cum humiditate efficiet, qualis est aquæ tēperatæ. Quidam vero, Antonium Musam sequutus, putat, id quod Hippo. dixit de aqua calida, verum, esse vno duorū modorum, aut vbi balneum nimis calidum est, aut vbi balneum moderatum sit, sed eo frequentius quis vtatur. nam vtrouis horū modorū balneū faciet dictas noxas. Quòd si quis contendat aquam nimis calidā non laxare, neque humectare, sed vrere cum Gal. lib. 3. de sani. tuenda, Si Gal. intelligit (inquit) aquam feruentissimam non humectare ea quæ continet, sibi ipsi repugnat, qui aquā vim refrigerandi posse deponere, non humectādi, affirmat, li. 1. de simp. med. fa. Et siquid infunditur in aquam feruentem, elixatur, non vritur aut siccescit, sed humescit. At vero, si quis recte nouerit Gal. dicta, nihil immorabitur in adeo leuibus calumniis,

lib. etenim 3. de sani. tuen. de balneis loquitur aquarum dulciū, quas vbi fuerint calidiores, dicit horrorē inducere, & contrahere non humectare. Verū neque vrere dixit, vt ille imponit Gal. neque eo loco meminit aquæ feruentis, de qua cum Gal. disputans vult probare humiditatem nō deponere, & elixa humida fieri. sed quid ad rem, quoniam ipse de balneis loquitur, & aqua feruens non est balneum. Aqua autem iusto calidior vere obdurat, & contrahit cutem, & impedit trāspiratum, vt videmus manus in ipsa immerfas corrugari. Neque tamen ob id humectandi vim deposuisse dicemus, nam summa corporis superficies, humida aquæ contactu redditur. Sed cutis horrescens humiditatem propriam exprimit, & alienam humiditatem non admittit. Quod vero ad aquam feruentem attinet (quamuis id non sit præsentis instituti) ita fit, quæ in ipsa elixantur, ab initio duriora fiunt, vti & humana cutis cum irrigatur aqua iusto calidiori. Quod cōstat: quoniam si carnes quæ elixantur, media elixatione extra- xeris, multo duriores inuenies quàm ante immer- sionem in aqua feruenti. ad finē vero quæ probe elixa sunt, ab aquæ humiditate vincuntur, quæ peruadens, ipsas reddit molliores, & extrahit natiuam eorum quæ elixantur humiditatem. Qua- propter elixa autore Arist. interius sicca sunt, & exterius humida, id est amittunt propriam hu- miditatem, & alienam recipiunt.

APHORIS. XVII.

*Frigidum autem cōuulsiones, tensiones, de-
migrations, & rigores febriles efficit.*

COM-

COMMENT.

Quemadmodū præcedens aph. de aqua calida, scriptus est: ita præsens de aqua frigida. Hæc autem si quis ipsa utatur frequentius, ita ut eam ingrediat, aut ei superfundatur, hæc affert incommoda, conuulsiones corrugatis nervis & ad originem retractis. quod fit aut quoniā frigus densat & contrahit, aut quoniam impedit dissolutionem excrementorū quæ congesta conuulsionem efficiunt, aut ob utramque causam: Sic etiam & tensionē quæ cōuulsionis species est. Denigrationes itē facit, demortuo calore nativo, atque vitali spiritu, à quibus viuidus calor emergit. Rigores autem frigida aqua frequentius vsa facit, quoniā calida ac frigida rigores efficere valēt, cū corpora vehemētius offendūt. Febriles autē dixit, si quidē cōtracta cute ac cōstipata quæ intus cōtinētur nō distillantur, ac perinde & putrescūt, & febres afferunt. Quæ post rigores fere semper sequūtur, neque tamē semper, ut antiqui existimabāt. Ob malā tamē victus rationē fieri potest ut frigidi succi acceruetur, qui post cōmotos rigores non calefiāt, neque putrescāt, ac, ppter ea neque febres afferāt

Aqua frigida in comoda.

APHORIS. XVIII.

Frigidum inimicū ossibus, dētibus, nervis cerebro & spinali medulla: calidū vero, utile.

COMMENT.

Postquā retulit mala quæ efficit aqua frigida, modo quibus partibus magis officiat refert dicēs: Inimicā esse ossib⁹, quoniā hæc mēbra sunt pauci sūguinis & caloris remissi, ita ut leui refrigeratiōe

Frigidum quibus inimicum.

demoriantur. Dentes ossa sunt, sed sentiunt, quod aliis non conuenit, ac propterea eos à numero ossium separauit. Neros etiā lædit aqua frigida, tum ob sensum qui facile patitur, tum ob natiui caloris imbecillitatem, ob quam à leui frigore in lapsum incidunt frigidū. Cerebrū quoque frigida est temperaturæ, sicuti & spinalis medulla, autore. Gal. li. 1. de temperamentis, prope finē, & li. 2. dicit ipsam esse de cerebri genere. Sed summatim dicemus omnibus exanguibus particulis aduersam esse aquam frigidam. Calida tamen utilis est & conueniens, quæ potest dictorū membrorū tēperaturā seruare. Sed obiiciet aliquis Gal. sentētiā qui li. artis medicinalis docuit similia similibus conseruare: sed ossa & reliqua quorum Hipp. meminit sunt frigida: à frigidis igitur non lædentur. calida autem non iuuabunt cum cōtraria mutēt, corrumpāt, & curando, non seruando proficiant. Ad quod dicemus tēperatis corporib⁹ deberi conseruationē dum sana, atque etiā dum ægra sunt: lapsa vero interim dum ægrotant seruāda docet Gal. Quamuis sensim aliquā facere mutationē ad meliorem statum liceat, vt lib. 2. de arte medendi docuimus. Vbi tamen sana fuerint si parū labātur seruari, si multū præseruari debent. Partes tamen corporis si manifestè à temperamento labantur, dum ægrotant, seruādæ sunt, sed vbi sanæ fuerint, cū distinctione dicemus, ossa, & dētes, & neruos, & cerebrum, & spinalē medullā in cōtrarietate, quæ est in humido & sicco similibus seruari, dum ægrotāt & dum sana sunt, nisi ipsa mutare in melius fuerit in animo. In calore & frigore tamē intelligere

telligere oportet duas téperaturas, quarú vtráque seruare est necessum, vná nativá & innatam qua frigida sunt omnia mébra, quorú meminit Hipp. Alteram calidá aduētitió calore, sed actuali, qui à corde & iecore ipsis tribuitur. Prima téperatura similib⁹ seruatur, talibus potestare, nā quæ frigida actu sunt, facile poterunt aduentitiū caloré corrumpere. Id vero est, frigidū esse prædictis partibus inimicum. Calidum autē vtile est: quoniā secunda téperatura, quæ aduētitiá est & actu talis, calidis eget, quæ etiā talia actu sint, & calori prædicto similia. Atq; hinc cōstabit similia similibus seruari, & ossa actu frigidis lædi, qualis est aqua frigida: & actu calidis iuuari, qualis est aqua calida, quæ calidū seruat aduentitiū, sine quo coctio & nutritio deficerent, perirétque membrum.

APHORIS. XIX.

Quacumque frigida sunt calefacere oportet, præterquam ea à quibus sanguis profluit, aut profluxurus est.

COMMENT.

Contrariorū cōtraria esse remedia axioma est in arte medica, idque perpetuo seruatur. Quāvis quibusdam imponat, quòd intelligant in aqua inter cutē medicos vti exiccātib⁹, & si æger febre laboret, & in febribus biliosis vti scamonio, & in febribus pituitosis calefaciētibus & detergētibus. Verū in cōplicitis iudicationibus, aut diuersorū morborū, aut morbi & causæ, nihil obstat cōplicitas esse curationis rationes, atq; remedia diuersa. Ita modo perpetuū est refrigerata quacūque

*Axioma
artis.*

fuerint, egere calefactione, vt in propriū statum reducantur sublato frigore. Sed fit quādoque vt alter affectus cōiūgatur, qui cogat ad celeriores curationē, & vt dimissa priori curatione tētemus partem refrigeratam non tātum non calefacere, sed & refrigerare. Vti cū à parte refrigerata sanguis fluit, aut fluxurus est, refrigeramus etenim ipsam, fluxum præsentem sistentes, aut futuro præuidentes. Maius etenim intelligimus imminere malum à fluxu sanguinis, quàm à refrigeratione. Præsertim quoniam fluxus ipse refrigerat. Permanet sane inuariata axiomatis vis, refrigerata esse calefacienda. occasio tamen non semper manet, sed quandoque alteri postponitur, ex præceptis artis.

A P H O R I S. XX.

Vlceribus frigidum mordax, cutem circumobdurat, dolorem insuppurabilem facit, denigrat, rigores febriles facit, conuulsiones, & tensiones.

C O M M E N T.

Frigi. mordet.

Quædam alia mala percurrit quæ aqua frigida efficit. Mordet siquidē vlcera, quamuis, vt Gal. in Com. vult, mordere propriè calidorū sit. Mordax autē est frigidū comprimēdo, vti calidum disgregando, vtrūque enim diuellere potest partes quas subierit: non subit vero nec penetrat duras partes, & quæ cute densiore teguntur. Penetrat tamē frigidū oculos, & nares, & partes vlceratas, quarū particulas ita cōprimit, vt ab aliis sibi coniunctis separētur ac diuellātur. Hæc autē diuulsio sensum

senſum mordentis præbet. Circūobdurat cutem, quoniam partes quas nō penetrat comprimit, & exprimit, vnde duriores redduntur: tum expreſſo humore qui ipſas reddebat molles, tū vnitis partibus, & appreſſis. Dolorē efficit inſuppurabilem, quoniam quæ refrigerātur, inepta redduntur ſup-
*Dolor in-
 ſuppurabi-
 liſ quomo-
 do fit.*
 purationi, quam facit calidum natura ſua. Sed dixit dolorem inſuppurabilem, vt per dolorem cauſam doloris ſignificaret, vt in aph. 6. ſecti. 2. cum dixit: Quicumque dolētes aliqua parte corporis, magna ex parte dolores non ſentiunt, iis mens ægrotat. Reliqua quæ in hoc apho. habētur, Com. 17. ſupra expoſita ſunt.

APHORIS. XXI.

Quandoque vero in tenſione ſine vlcere, inueni quadrato, æſtate media, multa aquæ frigida perfuſio caloris reuocationem efficit, calor vero hac ſanat.

COMMENT.

Calida & frigida quæ poſſunt noſtrum corpus mouere, quædam id per ſe efficiunt, quædam per accidens. Sumunt autem denominationem ab iis quæ per ſe faciunt, veluti medicamentum calidum cū bilem purgat, refrigerat enim ex accidenti, nec tamē propterea frigidū eſt. Qua tamen via explorari debeant ſingulorum facultates, & quod eſt per ſe ab eo quod eſt ex accidenti di-
*Per ſe &
 per acci-
 dens di-
 ſtinguere.*
 ſtingui, li. 1. de arte mendi, cap. 4. patefecimus. Nunc verò dicemus frigidam aquam ſuapte natura & per ſe talē eſſe, calefacere tamē nunquam

ex accidenti reuocato intus calore. Reuocat autē ipsum quādoque quemadmodū de aëre ambiēte Hip. dixit, Ventres vere & hyeme calidissimi sunt natura. Verū vt illo loco exposuimus, nō omnes ventres hyeme sunt calidissimi, sed illi qui adeo validi sunt vt obsistere possint frigori ambientis, illorū enim calor intus reuocatur, aliorū autē vincitur & superatur penetrāte frigore intimas partes corporis. Illud vero modo docet Hip. Aquam frigidā large profusā aliquādo reuocare calorē, & inde posse curare tetanū ex accidenti, nō enim frigida perfusio curat morbos à frigidis & crassis humorib⁹ ortos, sed hæc reuocat calorē ad interiora, calor autē hæc sanat. Calor enim auct⁹ per se coquit ac discutit humorē efficiētē tēSIONem, frigiditas vero calorē auxit ex accidenti, nēpe reuocationē caloris. Quoniā tamē ipsum ex accidenti reuocauit, & auxit, p^{er} accidēs quoq; dicitur tetanū curasse. Quemadmodū igitur diximus lāgvidum calorē vētrisvinci ab ambiēte frigido nō reuocari aut roborari: ita modō dicemus frigide largā perfusionē non in omnibus reuocare calorē & tēSIONē curare, sed in his quorū Hipp. mentionē habuit. Videlicet in tēSIONe quę est sine vlcere, & in iuvene quadrato, & ætate media: sine vlcere sane quoniā aqua frigida est vlceribus mordax, vt dixit. Decet tamē corpus esse valde robustū, ne ab aquæ frigida larga perfusione vincatur. Talis est iuuenis, cuius temperaturam li. de arte medendi retulimus. nā puer ob humiditatē & mollitudinē, & senes ob caloris defectū, non ferent eam largam aquæ frigida perfusionem. Expedit quoque
vt sit

ut sit quadratus, ὡς ἄπρως dixit, id est modicæ carnis, qui apud Celsum quadratus dicitur. Graciles namque cum non habeant adminiculum & propugnaculum, facile à frigidis vincuntur, obesi vero pituitosi sunt, & venarum angustarum, & pauci sanguinis. Neque tamen hæc satisfacere putat ut calor reuocetur, ac deinde vincat, sed temporis naturam ad prædictum remedium tentandum putat esse eligendam. Hyeme enim nullus feret aquæ frigidæ largam perfusionem, feret autem ipsam æstate media. Tunc etenim aliis adiunctis conditionibus aquæ prædictæ perfusio reuocat calorē; is vero roboratus tensionem curat, resolutione, & coctione humoris qui tensionem facit.

APHORIS. XXII.

Calidum suppuratorium non omni ulcere, magnum indicium ad securitatē; cutem emollit, extenuat, dolorem lenit, rigores, conuulsiones, tensiones mitigat, capitis grauitatem soluit. Plurimum autem præstat ad ossium fracturas, præcipuè ad denudatas, & ex ijs maxime ad eas quæ capitis ulcera habent, & quæcunque à frigore demoriuntur, vel ulcerantur, & ad herpètes exedentes, ad sedem, pudendum, uterum, vesicam. His calidum amicum & indicans, frigidum vero inimicum, & perimens.

COMMENT.

Aquæ calidæ & frigidæ vsus & damna persequitur, & cum aquæ calidæ dixerit damna apho.

*Aqua
calida
suppurat.*

16. modo vtilitates scribit dicens: Aquam calidam habere suppurandi facultatem, ea communi ratione quam Gal. lib. 8. De simpli. med. faculta. tradit. Sunt etenim quæ suppurant nobis similia, & quæ id facere valent quod calor noster natiuus, cuius minus est coquere, ac suppurare. Calor autem natiuus calidus est & humidus moderate, qualis etiam est aqua modicè calida, de qua loco citato Gal. inquit. Igitur omnium ad puris generationem appositissimum est, ex iis vtrique quæ perfunduntur, aqua temperata. Hæc igitur quatenus nostrum calorem iuuat & attemperat, coctioni adminiculatur, idq; facit in vlceribus quæ supuratione egent. Non efficit id tamē in omnibus, quoniam quæ tentantur fluxione, & nimio humore abundant non suppurantur antequam fluxio cohibeatur, aqua tamen calida cōcit ipsam. Quod vero addit, Magnum indicium ad securitatem, obiter dictum est & præter institutū. Sed est verū, nihil mali euenire solere vlceribus à quibus manat humor coctus, & suppuratus. Cutē emolli-
re dicit, obdūrat namque cutis, vti & reliqua à siccitate aut concretionē, aut impletionē quæ potius renitentia, quàm durities dicitur, vtcunq; tamen aqua temperate calida valet aduersus dura, sicca enim humectat, concreta dissoluit, & laxat, impletia discutit calefactione & apertione pororū, sed id facit longiore perfusione. Extenuat crassam cutem, quin & crassos humores qui partē aliquam obsidēt externam. Lenit dolores: quoniam quæ temperata sunt aut in primo ordine calida, ea sunt anodina, talis est aqua calida moderate. Rigores

Aqua calida autem

Aqua cal. dolores lenit.

Bores mitigat. siquidē rigor est totius corporis inæqualis concussio, quæ à causa mordente oritur: hæc verosi frigida fuerit, calore tēperatur: si calida & sicca, ita ut mordeat & ad excretionem irriter, calore moderato & humiditate mitigabitur. Conuulsiones vero & tensiones quā maxime iuuantur calidæ perfusione: quoniā hæc vim habet laxandi & dissoluendi frigidos & crassos humores nervos implentes. Conuulsionem vero à siccitate miro modo persanat, capitis grauitatem soluit simili ratione, quoniam humorē grauāntem dissoluit & extenuat, atque transponit quandoq; in partes inferiores. Præstat itē ad fracturas ossium, maxime ad denudatas, & præsertim ad fracturas capitis cū vlcere. Quantū enim frigidū vlcerebus est aduersum, & ut dixit, mordax, tantum calidum est amicum, & in ossium fracturis quæ cum vlcere fiunt valet ad suppurationem, & perfusa trahit alimentum ad ossis consolidationē, & ipsum ad penetrationē parat. In capitis tamē vulneribus fracto osse & vulnerata carne, cerebrū attemperatur calidæ perfusione, alimentū ossa penetrat, excrementum attenuatur & resoluitur, & vlcus ad suppurationē perducitur. Partes itē à frigore demortuas calidā perfusam sanare generali ratione cōstat, quæ docet contraria cōtrariis curare, idē fiet vbi vlcerebuntur. Solemus autē pñiones aquæ calidæ perfusione sanare. Herpetes exedētes iuuat mitigatione causæ, ne tā valide mordeat & exedat, partim etiā resoluit humorē biliosum. Ad sedē itē valet, pudendum, vterum, & vesicā ea ratione qua exangues partes calore iuuantur & frigore facile læduntur.

Atque ita ad finem colligit, partibus iis calidum amicum & iuuans, frigidum vero inimicum & interimens.

APHORIS. XXIII.

In illis tamē frigida uti oportet, unde sanguis fluxurus est, non supra ipsas unde fluit, sed circa ipsas. Et supra quascumque inflammationes, aut ardores ad rubrum, aut subcruentum recenti sanguine tendentes. Veteres namque denigrat: & supra sacrum ignē non ulceratum, nam ulceratum ledit.

COMMENT.

*Aqua fri.
ad fluxū
sang.*

Rursus redit ad cōmoditates quas affert aqua frigida narrandas. confert enim fluxui sanguinis, si admoueatur, inquit, non quidē parti à qua fluit, sed circa ipsam, siue enim actu fluat sanguis à parte quapiam vulnerata, siue fluxurus speretur, aqua frigida confert admota, non parti à qua fluit, aut fluxurus est, quoniam ulceratas partes mordet, sed circa ipsas ad prohibendā fluxionem, uti manu vulnerata, brachio admouenda, ac circumligandi panni frigida madefacti. Et si ab utero manet, renibus & lumbis admouenda, unde defluit sanguis, non cruribus, ut quidam voluit. neque enim frigida à cruribus admota delapsum sanguinis in uterum compescit, sed potius ad ipsum transmittit eum qui in cruribus continetur. cohibentur enim fluxiones admotis repellentibus membris superioribus, & quæ origini venarum sunt pro-

pin

pinquiora, non extremis. Fallitur quodque qui putat brachiis, aut cruribus repente immisissis in aquam frigidam cohiberi omnem fluxum sanguinis vnde cumque fluat. Nam in fluxu sanguinis ex iccoris imbecillitate, aut vasorum apertione, notum est augeri eam dysenteriam occursum aquae frigidae. supra inflammationes quoque & partes ardore vexatas, quae rubrae sunt, aut subcruentae à recenti sanguine procedentes, frigidam admovent. Quoniam attemperat & repellit, ob idque dixit, recenti sanguine, ut tempus repellendi significaret, nempe principium. Nam inueteratas inflammationes denigrat. Videmus enim post inflammationes, & cum ardore rudores nimium refrigeratos, post prima morbi tempora, partes liuere & denigrari indelebili macula. Valet etiam ad erysipelata quae sine ulcere sunt, quoniam haec attemperat, & utraque obest qualitate. Ulcerata vero laedit, est enim frigida ulceribus mordax.

APHORIS. XXIII.

Frigida, qualis nix & glacies, pectori inimica sunt, tusses mouentia, & sanguinis fluxiones, & distillationes.

COMMENT.

Frigidae aquae in extremo talis noxas scribit. Est autem in extremo frigida qualis est nix aut qualis est glacies. Haec vero mala omnia affert, quae supra dicta sunt de aqua frigida, particulatim tamen nocet pectori. Videmus namque saepe ex potu frigidae incidere homines in respirandi diffi-

*Aqua vi-
nix, quæ
mala af-
fert.*

cultatem, & pulmonis arterias dirrumpi, prius quidem à frigore veluti concretis, quæ deinde ad distensionem coactæ dirrumpuntur. Inde quoque tusses mouentur, conante thorace causam nocentem excernere, atque tussi vasa pulmonis dilacerantur, vbi non cedant. Ad hæc quoque sequuntur sanguinis fluxiones vasis pulmonis ruptis. Præterea cum aqua frigida veluti nix cerebrum refrigeret, distillationes tenuium & crudorū humorum fient, quæ in thoracem descendunt cerebro compresso à frigore, vti à manu spongia. Potest hæc, & multa mala his similia potus aquæ frigidæ veluti nix, aut glacies efficere. nam ventriculum imbecillitat, & intestina, & vesicam, & nervos reddit admodum languidos, & dētibus stuporem infert, & gulam relaxat. Verum neque hæc pertimescūt nostri seculi illustres, & magnates qui non æstate tantum, sed autumnō atque hyeme, vinum & aquā niue gelatā bibunt, & se id facere, vel contradicentibus medicis gloriantur.

APHORIS. XXV.

*Articulorum tumores atque dolores sine
ulcere, & podagricos dolores, & conuulsiones,
horum plurima aqua frigida abunde perfusa
sanat, & extenuat, & dolorem soluit: stupor
enim mediocris dolorem soluit.*

COMMENT.

*Aqua frī.
large per-
fusa quid
facit.*

Aquæ frigidæ large perfusæ scribit commoda, valere dicens, ad sanandos tumores, & articulo-
rum

rum dolores sine vlcere.nam vlceratis nō est ad-
mouenda,vt supra docuit. ὁ δὲ μάλα, dixit,vbi nos
tumores transtulimus. nam vox hæc omnem tu-
morem significat apud Hippo. vt docuimus lib.1.
Prog. in annotationibus supra Comm.25, Poda-
gricos item dolores sanat, & conuulsiones, non
tamen omnia talia, sed plurima dixit sanare & ex
tenuare. Nam supra dixit sanare distensionem si-
ne vlcere, multam, aquam frigidam perfusam, sed
ex accidenti reuocato calore. Quod non in omni-
bus fit, sed inualidis iuuenibus, & quadratis, & æ-
state media. Sanat etiā alia ratione tumores, quo-
niam repellit humorem qui cum cōfluit dolorem
parti infert. Qua ratione eodē extenuare recte
dixerit: sicuti & dolores qui à calida causa fiunt,
ipsam attemperando, & repellendo, & vt dixit,
mediocrem inducendo stuporem.nam mediocris
stupor dolorem soluit. Non equidem negans ma-
gnum stuporem dolorem sedare, sed quoniam a-
qua frigida largè perfusa, sed non supra modum,
mediocrem inducit stuporem:& eo maiorem in-
ducere, aut non erit necessarium, aut non nisi ma-
gno urgente vsu, & caute tentandum, sæpe enim
stupefaciētium vsus membra ad immedicabilem
perduxit frigiditatem.

APHORIS. XXVI.

*Aqua quæ cito incalescit, ac cito refrigeratur,
leuissima est.*

COMMENT.

Vnico indicio docet Hipp. optimam aquam co-
gnoscere, quod sumitur ex facili mutatione ad ca-

*Aqua le-
uissima.*

*Aqua uero
optimariū
nota.*

lorem & frigiditatem. Quæ enim cito incalescit, ac deinde cito infrigidatur, leuissima (inquit) est. Eam autem decet intelligere leuissimam, nō quæ in lance minus ponderat, sed quæ hypochondria minus grauat, ac per eadem citius descendit: foret enim superuacaneum ex facili alteratione uenari leuitatem, quam in trutinâ examinare est facillimum. Agnoscitur item leuissima aqua quam quærimus, quoniam carnes, pisces, aut herbx in ipsa facilius & breuius quàm in alia elixantur. Sed sunt etiam notæ aliæ quas medici tradiderunt ad optimā aquā eligendā, ex gustu. decet enim ipsam esse omni sapore priuatam, quam tamen dulcem appellant, ea ratione, & quoniam gustui gratissima est. Odorem nullum habeat: ea enim est elementorum natura, ut omni sapore & odore careant. quo tamen cœnolæ omnes, & stagnantes, & in quibus fuerint herbx maceratæ, participant. Decet quoque ipsam esse translucentem, & lympidissimam quod ad visum attinet. Foret sanè omnium eligibilior pluuialis, nisi vim quandam adstringendi haberet, ut lib. 2. De arte medendi, sect. 3. cap. 1. docuimus.

APHORIS. XXVII.

*Quicumque vero noctu bibere appetunt:
ijs valde sitientibus, si superdormierint, bonum.*

COMMENT.

Sunt non pauci à cœna sitientes antequam se ad somnum conuertant. Id vero fit, aut quoniam
parum

parum biberunt inter cœnandum, aut quoniam
 vñ sunt vino meraciori, aut quoniam calida me-
 dicamenta, vt piper & zingiberum, cibis immi-
 scuerunt, aut quoniam bilis ad ventriculum per-
 uenit, siue falsus humor, aut ob calorem partium
 adiacentium. Sitis quoque aut est parua aut ma-
 gna: si parua, non est necessum bibere. si quidem
 somnus paruam sitim sedat, coctione ciborum,
 & omnino humectatione ventriculi, potus au-
 tem faciet vt ventriculus non apprehēdat probe
 cibos, autore Gal. lib. 7. De metho. med. Si ta-
 men magna fuerit sitis, bibere, non tamen mul-
 tum, erit ex vsu. Cæterum si sitis excitatur ob par-
 uum potum, quod deest addere oportet, vt cibus
 liquetur & deinde in sufficienti humore elixetur,
 ne coinquinationem potius quàm coctionem pa-
 tiatur. Si is qui valde sitit, vsus est vino meracio-
 ri, aquam frigidam bibere debet, cui deinde dor-
 mire erit vtile. Si medicamenta calida cum cibis
 ingessit, aut vinum valde dilutum, aut aquam fri-
 gidam biber, pro consuetudine sua, à quorū quo-
 uis iuuabitur, & deinde à somno. Bile autem aut
 falsa redundante pituita, potus aquæ, aut vini di-
 luti pro consuetudine est vtilis, & deinde somnus.
 Idem fieret vbi partes adiacentes sitis essent cau-
 sæ suo calore. Non itaque differit Hipp. an bibere
 sit opus eis qui à cœna valde sitiunt, sed docet bi-
 bentibus, aut non bibentibus somnum iuamen-
 tum afferre, & bonum esse in ratione causæ, quo-
 niam coquit, humectat, & mitigat sitim, & quam
 uis caliditatem aut siccitatem, quæ sitis causæ sunt
 attemperat. ¶

*Sitis à
 somno in-
 uasur.*

*Mensium prouocatorium ex aromatibus
suffitus, saepe vero & ad alia utilis foret, nisi ca-
pitis grauedines induceret.*

C O M M E N T.

*Suffitus
aromaticum
ad menses
retentos.*

Hic & sequentes apho. ad 62. de affectibus mu-
lierum scribuntur, in hoc vero mensibus suppres-
sis aromaticum suffitum dicit esse commodum ad
prouocationem. Docet experimentum quamplu-
rimas mensium retentiones suffitum aromaticum
sanare, non tamen omnes. Sanat enim eas quæ à
crassis humotibus obstruētibz vteri venas fiunt,
& eas quæ à pororum clausione, & si vterus à fri-
gore fuerit densatus, pariter ipsum laxat. Aro-
mata enim calidæ naturæ sunt, & siccæ, & tenuis sub-
stantiæ, & adhuc magis in fumum versa, ac pro-
inde penetrant, extenuant, & aperiunt poros v-
teri: laxant autem vterum suauitate quadã, quam
neruosæ partes præsertim internæ amant. Si ta-
men ob calidam & siccam intemperiem eueniat,
aut inflammationem, aut erosionem. non conue-
niet ex aromatibus suffitus, foret autem utilis ad
multa alia, nisi capitis grauitatem induceret. valet
sane ad omnem frigidã vteri & ventris intempe-
riem, & ad vteri præfocationem, & ad flatus vte-
ri discutiendos, & ad seminis retentionem. sed do-
cet intelligere tales suffitus capitis grauitates effi-
cere: implent enim caput per nares inspirato fu-
mo, & odorata omnia calida caput tentant.

APHO

Vtero gerentes purgare, si turget humor, quadrimestres, & usque ad septimum mensem, sed minus has, iuniores autem & seniores vitare oportet.

C O M M E N T.

Hic aphor. idem est cum primo sectionis quartæ, quo loco ipsum abundè enarrauimus: repetitur tamen hoc loco, quoniam de affectibus mulierum agitur.

APHORIS. XXX.

Mulieri vtero gerenti capi ab aliquo acuto morbo, lethale.

C O M M E N T.

Morbi acuti quidam habent febres continuas adiunctas, qui etiam tales proprie sunt, ut pleuritis, pulmonia, phrenitis, lethargus, & causus. Quidam febre carent, ut conuulsio, tensio, apoplexia, omnes autem lethales sunt, si mulieri vtero gerenti eueniant. Significat autem lethale hic, quem admodum & aphor. 2. huius sectionis, idem quod periculosum, & quod sæpius soleat mortem afferre. Quando igitur morbus acutus febrem adiunctam habet, mortem affert, tum ob febrem quæ infantem interimit, tum quoniam quantitas cibi conueniens esse nequit matri & infanti. nam cibus copiosus matrem interimet, quæ morbi ratione eget victu tenui: si tamen tenuis exhibeatur, & qualem morbus exposcit acutus, infans alimenti

*Lethale
quid.*

defectu peribit. Quid igitur in eo discrimine agendum erit, vbi non sine manifesta noxa curari potest mater? Dicemus omni modo esse vtrique consulendum, ita vt victus talis instituat, vt nullū eorum manifestè lædat. Quòd si fieri nequeat quin aut mater pereat cibi copia, aut infans inopia, melius erit matrem saluare, quàm infantem. Nam matre salua possibile foret infantem saluare, pereunte tamen matre perire infantem est necessum. Si veto morbus sit de acutis, qui sunt sine febre, ipsi sua vehementia interiment fœtum, & sæpe matrem. Hæ sunt causæ quare morbi acuti vtero gerentium sunt lethales, quas Gal. quoque in cōmentario refert. Non est tamen lethale, vt quidam putat, vtero gerentem capi acuto morbo, quoniam morbi acuti non aliter curantur quàm sanguinis missione aut purgatione, quorum vtrumque est lethale. nam sanguinē mitti denegat aphor. sequenti, & purgationem supra denegauit Hipp. vtero gerentibus. fallitur tamen aperte: nam multos morbos acutos curat natura insensili discossione humorum, aut coctione, aut crisi in fœminis ipsis vtero gerentibus, maxime bona victus ratione accedente. In illis igitur nullum periculum attulerunt sanguinis missio aut purgatio. Manet quoque verum morbos acutos lethales esse vtero gerentibus, ob causas à nobis traditas pariter & à Gal. in Comm.

APHORIS. XXXI.

*Mulierì vtero gerenti, sanguine missò, ab
ortit*

ortit: & magis, si maior est fœtus.

C O M M E N T.

Vtero gerentes, cum incidunt in acutos morbos à sanguine ortos, sanguinis missione egent. *Vtero ge-
rentibus
quando
sang. mitt.*
hanc vero exercere non licet sine periculo abortus, quoniam fœtus detractò sanguine priuatur alimento, non fert autem infans in vtero vel paucissimo tempore à conuenienti alimentum copia priuari. Quam ob rem recte Hippo. dixit sanguine misso vtero gerentibus, abortum sequi, & magis, si maior est fœtus. Neque tamen putare oportet Hippoc. omnino denegare sanguinis missionem vtero gerentibus, sed eam esse vult de iudicationibus quæ dehortantur à sanguinis missione, & est scopus qui viribus correpugnat, & docet minori copia sanguinem esse mittendum, quàm aliàs. Nos lib. 2. De arte medendi sectio. 5. cap. 2. rem hanc latius pertractauimus, quo loco Auerrois errorem & Fuchsi falsam opinionem confutauimus. Quod vero addit, Et magis si maior est fœtus, ad inopiam alimenti ferendam referendum est, moiores enim fœtus pluri alimento ad conseruationem egent. Videtur tamen huic sententiæ aduersari quod Arist. lib. 4. De generatione animalium cap. 8. dixit, cuius hæc sunt verba. Sed cum fœtus magis magisque perficiatur, plus excrementi superest: minus enim absuitur idque dulcius est, cum non aque detrahatur quod bene coctum sit, non enim insuper ad fœtus formationem consumitur, sed ad incrementum mediocrem, quasi iam fœtus constet, adeptus finem.

*Arist. sententia de
vtero ge-
rentibus.*

suum. His verbis ostendit alimentum minus assumere fœtum maiorem, & iam conformatum. minus igitur nocebit eo tempore sanguinis missio, ob alimenti detractionem. Neque contradicit sibi Aristo. qui eodem lib. cap. 6. vbi causam scripsit quare vtero gerentes ab initio turbationes patiantur, dixit: Principio potius cum concipiunt perturbari solent magna ex parte, conceptus enim purgationem impedit, & præ sua exiguitate absorbere copiam excrementi inter initia non potest. quâquam pòst vbi iam plenius assumere cœperit leuat. In hoc enim loco id râtum vult, fœtus ab initio siue primis mensibus parû accipere. licet enim plurimû augeantur pro quantitatis suæ ratione, totum quod in eo augmêto absorbitur, est pusillum. cap. tamen 8. rursus dicit, parum assumere alimenti fœtus cum maiores sunt, id vero intelligendum est ac si diceret, minus ad portionē corporis quàm vbi erant quatuor, quinque, aut sex mensiû. siquidem his mensibus fœtus conficitur, ac conformatur: postea vero conformatus & cōfectus minori augmento, & minori alimento, ad portionē egebit. Sed quid respondebimus? nam si verum est quod Arist. dixit, minus alimentum ad portionem suæ molis capere fœtus maiores, non ita facile excludentur sanguine misso. Dicemus Aristo. eo loco disquirere causam quare lac vltimis mensibus generari incipiat, & ipsam reiecisse in copiam sanguinis, qui iam ex vtero ad mammas regurgitare incipit. Quod verum est, non tamen est verum, cum sanguinem abundare, quoniam fœtus minus eius absorbit, quando maior est: sed
quoniam

quoniam pluribus mensibus sanguis retentus est, & proinde copiosior quàm prioribus mensibus. Ita vt quamuis multum in alitionem infantis absumatur, multus quoq; supersit, qui ad mammas regurgitet, qua de causa postremis mensibus lac habent. Atque propterea sanguinis missio vtero gerentibus sæpissime utilis est, & nos ipsam quotidie exercemus. Et anno quidem superiori illustrissimæ Principi Ebulensi Dominae Annæ à ^{Princeps} Ebulensis. Mendocæ, octauo gestationis mense bis sanguinem misi, & anno præsentis octauo quoque gestationis mense, ad decem vnciarum quantitatem cum magno eius, & fœtus commodo sanguinem detraxi. Non tamen vult Hippo. esse exercendam sanguinis missionem in vtero gerentibus nisi magno urgente usu, præsertim vbi fœtus est maior.

APHORIS. XXXII.

Mulieri sanguinem euomentis, menstruis erumpentibus, solutio.

COMMENT.

Omnem sanguinis impetum ad partem quampiam, aut qui per viam fiat, quam lædit, conuerrere in partem alteram conuenit. Conuertitur autem reuulsione, aut deriuatione. hæc per proxima, illa vero per contraria exercetur, veluti cum à superioribus ad inferiora cōuertitur. Quo fit, vt Hip. in præsentis apho. docet, menstruorum purgationē soluere sanguinis vomitū. Vbi enim mulier vomat sanguinem, nihil magis conducet quàm ipsum cōuerrere ad vterum, & menses descendere, qui causam reuellent, & eandem vt abundantem

vacuabunt. Idque arte procurandum vbi à natura non fiat statuto purgationis tempore, si tribus aut quatuor anteuertas diebus, aut malcollorum venas secare, aut scarificare crura.

APHORIS. XXXIII.

Mulieri menſtruis deficientibus ſanguinem ex naribus fluere, bonum.

COMMENT.

*Menſibus
detentis.
ſang. fluxus
ex naribus
conueniens.*

Quoties humor aliquis qui vacuari solet retinetur, cursu naturæ aut cōsuetō impedito, bonum erit eundem alia via vacuari, parte ipsa per quam vacuatio fit non manifeste læsa. Quam ob rem si menses retineantur, sanguinem cum alia via vacuari erit bonum, uti sanguinis ex naribus fluxu: quamuis si per hæmorrhoidas vacuaretur, adhuc esset melius. Sed Hippoc. fluxus sanguinis narium meminit, quia sæpe superuenit suppressis mensibus. Quando igitur menses contra naturam retinentur, si sanguis ex naribus fluxerit, erit bonum, aut similis aliqua vacuatio arte procuranda. Si tamen retentio secundum naturam fiat, id non est necessarium: quāuis aliquando conducere soleat, ut in his quæ utero gerunt. Perperam autem quis dixerit (uti Fuchsius) eis quibus menses deficiunt aut ob ætatem, aut quoniam valide admodum exercentur, menses retineri. Quod enim nō est, non retinetur, neque aliquā desiderat alia via factam vacationem. Vetulæ tamen & saltatrices sanguinem abundantem non habent: non ergo retinetur, neque menses earum suppressi recte dicemus.

APHO.

*Mulieri utero gerenti si aluus plurimum
fluat, periculum est abortus.*

COMMENT.

Aluus nimium fluens duo mala affert utero
gerentibus, alimenti defectum, & nimiam lassitu-
dinem ex frequenti surrectione ad deiciendum.
Hoc secundum notum est, sed primum ea ratio-
ne constat, quòd sanguis qui præbet fœtui alitio-
nem ex quatuor humoribus cõstituitur, quorum
si vnus aut plures plus æquo vacuentur, alimētum
fœtui decrit, id verò periculum affert abortus,
vt apho. 31. diximus, cum de missione sanguinis
ageremus.

APHORIS. XXXV.

*Mulieri qua ab uteri præfocatione mole-
statur, vel difficile parit, sternutatio superue-
niens, bonum.*

COMMENT.

De utero præfocatis fœminis præsens est apho.
non de his quibus chorion siue secundæ retinen-
tur, de quibus infra apho. 49. scribitur. Appellat
passionem ὕστερικὰ, & mulier dicitur, ὅτι ὀ ὕστερικῶν ὕστερικὰ.
ἐνοκλουμένη, id est, ab uteri præfocatione molesta-
ta. De hystericis mulieribus Gal. scribit li 6. de lo-
cis pari. cap. 5. Quas dicit trium specierum mor-
bum pati. Quasdam sine sensu immobilesque ia-
centes, cum obscuro & paruo pulsu, ita vt neque
percipi possit. Alias sentientes & moueri poten-
tes, atque integra ratione, verū animi defectio,

ne, & difficili respiratione laborantes. Alias præter hæc crura & brachia contrahentes. Huic affectui si sternutatio superueniant, erit bonum, quoniam humorem, aut flatum qui præfocactionis causa est excutiet, & vterum ad locum suum trudet, ventris valida commotione. Gal. namque lib. 2. de causis sympt. de sternutatione dixit. Porro omnibus quæ dicta sunt, vnum commune habetur, nempe expultricem facultatem ipsam ad vehementissimos motus concitare, quo excutiat ea quæ infestant. Quodd si non superueniat, hoc est sponte accedat, arte ipsum procurare erit bonum. Si tamen sponte superueniat, bonum signum erit, naturam valere, & ad sua munera redire significans. In quibus vero partus difficile in lucem editur, aut retinetur, vnuat maxime sternutatio, partum mouens, quatiens, & prouocans.

APHORIS. XXXVI.

Mulier menses decolorati, neque semper secundum idem tempus venientes, purgatione indigere significant.

COMMENT.

*Menses
decolorati
quare.*

Mulieribus fiunt menses decolorati, id est rubrum colorum & naturalem non seruantes, si pallidi fiant, albicantes, liuidi, nigri, virides, aut pluriū colorum. Id vero pro ratione humoris qui sanguini miscetur, bilis videlicet, aut pituitæ, aut melancholiæ, horum humorum causa præter coloris mutationē, accidit, vt purgationes mensiū

non

non semper eueniāt statuto tempore, sed aut ante, aut post, pariter pro humoris commixti sanguini natura, & copia. Bilis etenim accelerat menses, & pituita eisdem retardat, veluti & melancholiæ crassitudo. Mutant quoque tempus consuetum menses ob vteri frigiditatem aut nimium calorem, & propter obstructionem, aut vasorum nimiam apertionem, qui ad vterum sunt: sed horum causa color non mutatur, nisi temporis processu sanguis detentus putrescat, & in aliam naturam eat. His non debetur purgatio. nam siue calor immodicus, siue nimia frigiditas causa variationis temporis fuerit, attemperantibus est occurrendum, non vacuantibus, sicuti vbi ob clausionem nimiam viarum, aut earundem immodicam apertionem, eueniat. Quam ob rem mira quadam sapientia Hippoc. cum temporum varietate decoloratos menses coniunxit: vt firmum faceret quod dixit, purgatione indigere. Vbi enim colorum mutatio fiat, humorum cum sanguine mixtio significatur, qui purgatione egent. Quòd tamen aliæ mensium suppressiones aliter curari debeant, & quòd purgatis illis quibus purgatio conuenit, deinde aliis medicamentis mouentibus menses sit opus, ac quibus, lib. 3. De arte medendi docuimus. Nos tamen purgationem dicimus conuenire mensibus decoloratis, potius quàm variantibus tempus, decoloratis enim semper conuenit, tempore variatis non semper, vt diximus.

Mulieri utero gerenti si mammae graciles repente fiant, abortit.

COMMENT.

Partus naturalis causa.

Tribus de causis infans secundum naturam prodit in lucem postquam in utero perfectus est, quoniam calor cordis adeo increvit ut amplius sine euertatione & refrigerio inspirato aëre, vivere non possit, & quoniam alimentum, quod à matre sumit, non ei satisfacit, sed cogitur quod deest aliunde disquirere, & autore Hipp. lib. de natura infantis, calcitrat, & acetabula dirrumpit, & matri pariendi initium affert: & quoniam uterus ipsum non capit ob magnitudinem, & loci angustiam. Quando vero causæ hæc aut illarum aliqua accedit, antequam infans ad perfectionem ducatur, pariter in lucem coactus prodire tentat. Quo fit ubi mammae repente graciles fuerint, id est nullo antecedente morbo mammarum, ob quem graciles fieri debeant, ut solent. Tunc enim mammae extenuantur ob inopiam sanguinis, ob quam fœtus alimenti defectum sentit. Siquidem cum alimentum deest mammis, deest quoque & infanti, quoniam mammis & utero sunt communes venæ per ventrem ascendentes, quæ oscula committunt osculis venarum per thoracem descendendum, à quibus mammae sanguinem accipiunt. Cum vero infans inopiam alimenti sentit, calcitrat & dirrumpit membranas, & abortum affert, aut interim moritur, & mortuus excluditur. Mammis itaque repente extenuatis abortus est sperandus.

APHO-

Mulieri utero gerenti si altera mamma extenuetur, geminum habens, alterum abortiet. Et si quidem dextra tenuis fiat, marem: si verò sinistra, fœminam.

COMMENT

Mulieres utero gerentes magna ex parte vnum tantum gestant, sed quandoque duos. Visi etiam tres vno partu in lucem producti, & quatuor, & *Mulieres superfætant.* quinque, & heri ad Carolum principem perducti sunt duo ad umbilicum hærentes, communi cute & carne, qui adhuc viuunt, trigésimo à partu die. Quando tamen plures in utero continentur, quidam magis dextræ parti uteri respódent, quidam sinistræ, atque à venis ei parti respondentibus alimentum suscipiunt, & ubi gemini fuerint, qui dextram uteri partem tenet, alimentum accipit à venis quæ cum mamma dextra cōnectuntur: & qui sinistram, ab iis quæ cum sinistra. Quapropter uti apho. præterito diximus, si mammae graciles fiunt, abortus speratur, ita modo dicemus, si altera tantum extenuetur, & gemini contineantur, alterius sequitur abortus, eius videlicet qui parti eiusdem mammae respondet, quoniam ob alimenti defectû, ut diximus Com. præcedenti, abortus fiunt. Dextra autem parte mares contineri magna ex parte, & fœminas in sinistra, infra apho. 48. dicitur.

APHORIS. XXXIX.

Si mulier quæ non concepit, neque peperit, lac habet, menses ei de fecerunt.

*Sanguinis
ad mamas
fertur à
partu.*

Post partum mirabili quadam naturæ lege sanguis qui ad vterum ferebatur fœtus alendi gratia, is ad mammas transmittitur. Quamvis illico à partu sanguis vitiosus qui retentus fuit, conceptionis tempore per vterum purgetur, qui tamen vitio caret sursum latus in mammis, alteratur & coquitur, & in album colorem & lactis speciem mutatur, ut infanti sit alimentum. Octavo tamen & nono mense conceptionis quibusdam sanguis ad mammas deferretur, qui ab alitione fœtus superest, & is in

*Lac in
mammis
feritur.*

lac vertitur. Fit autem, quamvis raro, simili tamen ratione, mensibus suppressis ob causam præter naturam atque morbosam, ut sanguis delatus ad mammas, coquatur & in lac transeat. In quibus vera est, & experimento probata Hippocrat. sententia. non enim pepererunt, neque conceperunt, quoniam tamen lac habent, significat quod eis menses defecerunt: ob mensium igitur defectum, siue suppressionem fit, citra conceptionem & partum ut lac habeant.

Historia.

Vidimus puellam Burgensem, cui mensibus suppressis lac mammis inerat, Medicus verò cui res fuit commissa (accusabatur enim ab hero) constantissime affirmabat ipsam gravidam esse, quam ego coram hero & aliis defendi, fieri posse dicens, ut lac habeat mulier ex sola mensium retentione, citra conceptionem. Tempore tamen novem mensium transacto manifestè constitit mulierem honeste vixisse, & virginem esse, cui aliquibus postea

postea diebus menses profluxerunt. Quin non tantum in fœminis quibus menses defecerunt lac generari videmus, sine conceptione, sed & in viris visum est lac in mammis geni- Lac in
mammis
vis.
tum, quod infans eius filius sugubat orba-
tus matre.

APHORIS. XL.

Mulieribus quibus sanguis ad mammas in tumorem colligitur, furorem significat.

COMMENT.

Aphorif. hic id docet quod raro fit, quôdque Gal. nunquam vidit, sed forte quod Hippocrat. conspexit, ut rarum sed memoria dignum, nobis ita tradidit. Si sanguis ad mammas in tumorem colligatur, dicens, mammam significare. *συσπέρας*, dixit, & lib. 4. de rat. vict. acu. sect. 22. dixit. morborum *συσσώας*, Galenus verò in *συσσώας* Com. inquit, Verum par est ab ipso dici *συσσώας* morborum, eas quæ fiunt intumescuntibus particulis. Audio enim nunc plurimos in nostra Asia, sic nominantes omnes præter naturam tumores. Et lib. antiquarum Hippocrat. dictionum, dicit *συσσώας*, esse *φύματα*, & *φύμα* omnem tumorem præter naturam significare, ut sect. 4. Comm. 44. diximus. Recte igitur verbum, *συσπέρας*, in tumorem colligitur, vertimus. Quando autem colligitur sanguis in mammis, indicat eam esse eius malitiam, ut ab eis vinci nequeat, quod fit quandoque ob eius siccitatem, & acrimoniam, qualera

habet sanguis melancholicus vltus, qui in mammis collectus, & vapores in caput mittens, suæ naturæ mammas efficit, Gal. id fieri docet ubi sanguis feruens, per totum corpus delatus, caput petit, cuius pars quæ ad mammas deferretur, à temperatura mammarum, temperari ac moderari nequit, quod ad furorem qui per essentiam fit videtur esse necessarium: ad eum tamen qui per consensum fit, satis est si in mammis prædictus humor colligatur, & in caput fumos mittat, quod nos aliquando vidimus.

APHORIS. XLI.

Mulierem si vis scire an conceperit, cum dormitura est, postquam cœnauerit, aquam mulsam eidem potandam dabis: & si tormina circa ventrem patiatur, concepit: sin minus, non concepit.

COMMENT.

Non longe à conceptione, quando venter non admodum tumet, & menses aut nondum videntur detenti, quoniam tempus nondum accessit purgationi statutum, aut quoniam adhuc res est suspecta, aut ob causam aliam supprimantur, vias varias tentare conuenit dignoscendi an mulier conceperit, quarum vnâ scribit præsentia aphoris. qua præcipit, vt mulsam bibat cum dormitura est, sed postquam cœnauerit, *ἐκ ἀδελφῶν* *δοῦσθαι*, id est, postquam cœnauerit. Quæ pars in quibusdam codicibus non legitur, & in aliis legitur sine negatione, & negatiua tamen lectio melior

melior est. Quòd enim vult Hipp. experiri, id melius assequetur, si postea quàm mulier cœnauerit, aquam mulsam bibat. Aqua etenim mulsæ cruda, quam exhiberi vult Hipp. autore Gal. in Comm. flatuosa est, non ita vbi cocta fuerit, absumpro ab igne flatu simul cum spuma. Ex eius potu mulier tormina sentiet, si concepit, vbi ipsam cum se ad somnum conuerterit bibat: si vero tormina non senserit, non concepit. Nam mulieris quæ concepit vterus contrahitur, vt semen contineat, & os eius adeo clauditur, vt neque speculi acumen capere possit. Ad hanc sequitur, vt imæ partes vtero coniunctæ, pariter cum ipso retrahantur, de quibus est rectum intestinum, & paulo longius à conceptione vterus impletur & dilatatur, ac comprimit aliquatenus rectum ipsum intestinum. Ad hanc compressionem sequitur vt flatus ab aqua mulsæ leuatus non inueniat exitum, & devolutus per intestina tormina inferat. Non tamen ita fiet si non concepit, quoniam flatus facile trudetur ima parte non constricta, neque oppressa. Vt igitur id experimentum vim habeat aliquid ostendendi, opus est vt aquam mulsam bibat mulier, & hæc sit cruda, vt conceptionem detegat. Deinde vt eam bibat cum se ad somnum conuertit, quoniam vigilia & motus solent flatum discutere, seruantur autem per somnum & quietem. A cœna verò id accipere conuenit, quoniam ventre pleno, flatus magis distendet ventrem, & tormina magis fient, quàm ventre cibis vacuo. Sed dicēs, vbi vir aliquis lumborum dolore laborare soleat,

*Aquam vel
sa conceptionem
detegit.*

& ventris & intestinorum imbecillitate, bibita aqua mulsa cruda sentiet ventris dolorem, & tormina. igitur & mulier simili modo affecta, ex potu aquæ mulsæ crudæ, sentiet tormina, quâvis non conceperit. Non sequitur sane, quoniam ad experiendum decet prius omnem alium affectum distinguere, & agnoscere causas omnes alias à potu mulsæ crudæ esse reiiciendas, ut verum sit indicium affirmatiuum, si tormina senserit, cōcepisse. Quod si tormina nō sentiat, pariter distinguendum. nam posset calor validus admodum flatum insensibili vacuatione dissolvere, & mulier tormina non sentire, quamvis in vtero habeat.

APHORIS. XLII.

Mulier grauida si quidem masculum gerit, bene colorata est: si verò fœminam, male.

COMMENT.

*Conceptus
mas & fœ-
mina di-
stinguan-
tur.*

Rem admodum difficilem, & quam integre con-
sequi puto fere impossibile, tērat modo Hipp. do-
cere, qua ratione quibuscumque signis cognoscere va-
leamus, an mulier cōceperit marē, an fœminam.
Si enim marē cōcepit (inquit) bene colorata est:
si tamē fœminā, male. Ratio est quoniā mas cali-
dior est fœmina, & mulieres tūc marē cōcipiunt,
quando sunt calidiores: fœminā, cum frigidiores.
At vero calidiores, sunt etiam rubidiores, & vi-
uidiores ac perinde coloratiores. Id tamē intelli-
gendum ubi ad se ipsas cōparantur, non ad alias,
quæ sunt secundum naturā calidiores, & coloratio-
res. Decet quoque conferre mulieres sibi ipsis,
quando

quādo aliās cōceperunt. nam cōceptiō ex sua natura mutat aliquatenus mulieris colorē. Neque tamen id quod Hip. dixit, & facta ut nos diximus collatione, verū est semper, sed ut in plurimum. Nam si maris conceptio reddit mulierē coloratiorē, quoniā mas est fœmina calidior, & plures sunt fœminæ quibusdam maribus calidiores, & robustiores, Apho. erit de his, qui ut in plurimum sunt veri. Quod Gal. in Com. sentit, idem quoque de validis motionibus infantis in utero, quod maris indicium est, & pariter non semper est verum: quoniam sunt fœminæ quādam quibusdam maribus robustiores. Sic etiam & quod Hippocrat. infra aphorif. 48. dicet, mares gestari in dextra uteri parte, vult esse verū magna ex parte. Quam ob rem non tantum hæc signa, sed quæcumque à Medicis tradita sunt, magna ex parte continent veritatem, & ubi plurima ex eis coniungantur, Nunquam tamen ita vera esse existimo, ut vel unum, vel multa simul iūcta possint infallibile facere iudicium. Ponamus enim omnia hæc cōiun- *Conceptus*
gi, intra nonagesimū diem moueri, pulsū dex- *sexus dis-*
træ manus validiorem ac durioresse, in dex- *tinguitur.*
tra parte contineri, mulierem esse bene coloratam, incipere motum crure dextro, ventrem magis prominere, & acuminatum esse, & summatim talia sentire, qualia. aliās cum marem gestabat: non erit satis, ut infallibile sit, si quis dixerit, marem gestare. Sed puto prudentem virum non decere suam ferre sententiā, quamuis sit instantissime rogatus, sed expedire magis, in posterum differre coniecturam.

Si mulieri grauida in utero fiat erysipelas, lethale.

COMMENT.

*Erysipelas
vires le-
thale.*

Erysipelas inflammatio biliosa est, à flaua bile exquisita orta, vel à sanguine tenuissimo effervescente. Hæc ubi in utero grauidæ fiat, notum est quâ tum possit fœtū interimere, cū & febris acuta ipsum interimat. Adde quòd uterus irritabitur ab erysipelate, adeo vehemēter, ut ipsum excludat, aut conclusum interimat. Quin & inflammatio uteri quæ propriè phlegmone dicitur, à sanguine orta, tum calore, tum etiā tumore, aut abortum commouebit, aut fœtum intus conclusum, calore & compressione interficiet.

APHORIS. LXIII.

Quæcumque tennes præter naturam concipiunt, abortiunt mense secundo, priusquam crassescant.

COMMENT.

*Abortiunt
præter na-
turam ex-
tenuata.*

De extenuatione præter naturā, verū est quod dicit, si ita extenuatæ concepian, secundo mense abortiēt antequam crassescant. Quæ namque secundum naturā tennes sunt, sed nō admodū non egēt incrassatione, sed, quales sunt, tales ad partū seruantur, & fœtum seruant. Verum cum tennes sunt, sed præter naturam, restitutione egent, & ad naturalem statū reductione: & tamen cum reducuntur, multo egent alimēto, ut seruari possint, &

aug-

augmentū suscipere. Fœtus quoque secūdo à cōceptione mēse celeriter augetur, & eius augmētum est effatu dignū, ad quod pariter opus est copioso alimento. Difficile autē est mulieri vtero gerenti tantam alimenti copiam conficere, vt ad conseruationē suam, & augmentum suum, & fœtus, sit satis. Vnde fiet vt mater tanquam validior, sibi commodum arripiat, abortus vero sequatur fœtu alimēto priuato. Siue ergo mater sit valde extenuata, siue præter naturam talis, verum est in refectione id mali sequi debere, vt fœtus alimento priuetur, & deinde abortus sequatur, quæ enim valde tenuis est, non valebit fœtum alere, etiam si id fuerit sibi secundum naturam, nisi crassior fiat adaucto sanguine bono.

APHORIS. XLV.

Quæcumque vero mediocri corporis habitu prædita abortiunt, secundo aut tertio mense, sine manifesta occasione, his acetabula plena sunt mucoris, & non valent præpōdere fœtum tenere, sed dirrumpuntur.

COMMENT.

Sunt nō pauce mulieres quas vidimus, quāsque curandas suscepimus, quæ raro perduxerunt fœtum ad perfectionem: quādā etiam ex his nunquam, quarum nonnullæ secūdo, aliæ tertio, aliæ quarto mense fecerunt abortum. Huius abortus causam docet Hippo. in præsentī inuenire, prius habita distinctione, An mulier crassa admodū sit, ita vt cōpresso ab omēto fœtu, cogatur abortire,

*Abortus
cause.*

D. iij.

aut admodum tenuis, ita ut præ imbecillitate fœtum alere nequeat, & si crassior fieri incipiat, ob causam dictam in apho. præcedenti, pariter abortiat, fit tamen mediocri corporis habitu. Sed rursus distinguere docet, an ob causam aliquam euidentem abortus eueniat, siue causa illa sit externa, ut saltus, vociferatio, casus, tenuis victus, magna euacuatio arte facta. Aut causa sit interna ut animi valida turbatio, ira, rancor, læticia, febris valida inflammatio, aut erysipelas vteri, aut tenesmus, aut mensium profluuium, aut magna vacuatio quæuis natura facta: quibus demptis putare oportet, si abortus secundo aut tertio mense fiat, acetabula vteri quibus fœtus est appensus, & per quæ alimentum ab utero defertur, esse plena mucoris, hoc est abundare nimia pituita, quæ ipsa implet, laxat & rupturæ parat, ita ut leui quauis occasione, aut sine ipsa, sed sola fœtus grauitate, deorsum trahente dirrumpantur. Has ego soleo extenuante victu, antequam concipiant, præcauere. Cum enim conceperunt, non ferunt auxilia adeo valida, ut adeo vacuandam pituitam prædictam sint satis. Huius aphoris. veritatem comprobatur Gal. lib. 6. de lo. pa. capite 5. & ipsum citat lib. de vulu. dissectione.

APHORIS. XLVI.

Quæcumque præter naturam crassa non concipiunt, iis omentum os vteri comprimit, & priusquam extenuentur, non concipiunt.

COM-

COMMENT.

Mulieres admodum tenues, ac præter naturam tales abortire dixerat antequã crassescant, modo de crassis præter naturam dicit, non concipere nisi prius extenuentur. Ratio est: quoniam in ad- *Mulieres crasse præter naturã non concipiunt.*
 modum crassis omentum comprimit os vteri, ita vt non admittat semen præ angustia. Quæ vero talem habet corporis habitum, non concipiet, priusquam extenuetur, & cedat proiecto semini. Aristoteles lib. 2. De partibus animalium cap. 5. *Arist. de sterilitate,*
 diuersam adhibet rationem, quare obesa animalia non concipiunt, quæ mulieribus videtur esse communis, dicens: Quin etiam obesa omnia steriliora ea de causa sunt, quantum enim ex sanguine proficisci ad genitutam & semen genitale debebat, hoc in adipem aut seum sumitur: sanguis enim dum coquitur, ad hæc transit.

APHORIS. XLVII.

Si vterus coxæ adiacens suppuretur, necessum est linamentum fieri.

COMMENT.

Cum de mulierũ affectibus agat, hanc quoque sententiam aliis sine ordine inseruit, dicens: Si vterus coxæ adiacens suppuretur, vterus sane quandoque inflammatur, vergitque inflammatio ad coxam, & in inguine fastigiatur, & quandoque suppuratur ac rumpitur. Quodd si fiat, necessum est ἔμμορον fieri: est autem μολὼν, linamentum, quod Hippocrat. lib. 6. de mor. popu. *ἔμμορον.*
 par. 7. appellauit μότομα. An tamen ἔμμορον sit
 D.iiij.

idem quod *μωτὸν*, id est linamentum, aut dicat aliud aliquid, videlicet, aut quod simul cum linamento miscetur, aut linamentum quod immittitur vlceribus, quale est linamentum contortum, non satis constat. Verum autem dixit, supputatis & profundis vlceribus, opus esse *ἐμμότω*, id est medicamento quod cum linamento immittitur, aut ipso linamento, quod immittitur. Sic enim vlcera profundiora, & quæ non omnino parent, curantur: quale erit si vterus in coxam vergens suppuretur, & rumpatur.

APHORIS. XLVIII.

*Fætus mares quidem in dextris, fæminæ
verò in sinistris, magis.*

COMMENT.

*Mares in
dextris v-
teri.*

Similem hic sententiam scripsit lib. 6. de mor. pop. par. 2. ad finem, dicens: Quod in calidiore ac robustiore, dextra scilicet vteri parte, ideo & nigri & ob id extra prominent venæ, & biliosiores existunt. Et rursus ibidē inquit: Validius ideo biliosius, sanguine abundantiore, quod locus animalis calidior sit. Et vt Gal. eo loco testatur, Parmenides dixit: Dextris quidē pueros, sinistris vero puellas. Tota ratio apho. ex tēperatura dextri lateris pender, supposito prius fundamēto à nobis probato, li. 1. de arte medēdi, cap. de tēperamētis, mares fæminis calidiores esse. Quod si calidiores sunt, iure eos in parte vteri calidiore generari dicemus. Est autē dextra pars calidior, quia iecori adiacet, & quoniam sanguinem habet copiosiorē, & quoniam validius exercetur. Verum ad
maris,

maris generationem dextra pars vteri admodum conducit, quoniam Gal. teste lib. 2. De semine, & 14. De usu partium, & anatome, idem docet, Sanguis qui ad dextrum testem fœminæ trahitur, qui etiam ibidem in semen vertitur, & in dextram vteri partem funditur ad generationem, calidior est, & purior, quàm qui ad sinistrum trahitur: quoniam ille à vena caua trahitur, postquam emulgens vena dextra ipsum purgavit, hic tamen ab ipsa emulgente ducitur, impurus. Magis autem dixit, quoniam aliquando, sed raro fit, ut in sinistra parte mares contineantur, & contra.

APHORIS. XLIX.

Vt secunda procidant, sternutatorio adhibito, nares & os apprehende.

COMMENT.

De numero multorum auxiliorum quæ valent ad secundarum propulsiōem, quorum copia à nobis tradita est lib. 3. De arte medendi, vnum hoc tradit modo Hipp. Si enim secunda retineatur à partu, ut solet non raro fieri, sternutatorium adhibere docet: & ut validius quod volumus faciat, opus est nares & os apprehendere manibus, & comprimere, ne flatus libere per hæc loca exeat, sed coactus deorsum pellatur, & compresso vêtre vehementi ac celeri motu propellantur quoque secundæ. Docet experimentum id remedium esse præstantissimum, & opus esse brevi, remediis uti, ne mulieres interim putrefactis secundis febres, deliria, capitis dolores, tremores, & animi deli-

*Secunda
ut procidant.*

quia patiantur, ab ore vero & naribus foetidus odor expiret, scripserat hanc sententiam lib. 2. De mor. pop. par. 5. ad finem.

APHORIS. L.

Mulieri menses cohibere si velis, cucurbitulam quam maximam mammis appone.

COMMENT.

Anatomes peritus Hipp. recte admodum præcipit ad sistendos menses immodice fluentes, hoc uti remedio, cucurbitulam quam maximam (videlicet) ad mammas apponens. Quam maximam dixit, ut validam efficiat ab utero tractionem, per communes venas mammis & utero. Nos sane non unam, sed duas magnas cucurbitulas affigere solemus, non mammis, sed radicibus mammarum, quod est parum infra mammas. Nam mammae eas non ferent absque dolore, & forte afferrent supra positæ, inflammationem.

APHORIS. LI.

Quaecumque in utero habent, harum os uteri conniuet.

COMMENT.

Conceptus
signum.

Conceptionis signum scribit, oris uteri conuenientiam, siue compressionem. quam pariter patiuntur illæ quæ tum os uteri phlegmone, aut schirro laborat, sed distinguitur tumor à conceptione, quoniam in gravidis os uteri comprimitur, ac conniuet, ita ut neque specili acumen capere possit, sed sine duritie, in aliis cum duritie. Attinet autem

id

Id negotium ad obstetrices, quæ digito immisso compressionem agnoscunt sine duritie. Præterea quoniam grauidæ secundum naturam se habent, aliæ dolent per inflammationes, & febrem patiuntur, schirrum vero præcessit phlegmone, aut sensim generatur, menses non descendunt. & ea mala afferunt, quæ solēt pati quibus menses præter naturam retinentur. Sed si verum est os vteri claudi, ac conniuere, quomodo eueniet superfætatio? Quæ enim conceperunt clauso ore vteri, non admittunt in posterum semen maris. Superfætare quidem mulieres non semel, sed sæpius experimentum docuit, & Hippo. de superfætatione *Superfæ-
tare.* librum scripsit: Aristoteles vero, lib. 7. de par. animalium cap. 4. inquit: Mulier & equa omnium maxime animalium grauidæ coitum patiuntur: cætera vbi grauida fuerint, fugiunt mares, ea scilicet quorum natura superfætare recusat, verum equa nunquam superfætatur, sed magna ex parte vnum tantum modo generat. At vero in muliere raro quidem euenit, vt superfætet, sed factum tamen aliquando est. Qui itaque longo pòst tempore sunt concepti, nihilo perfici possunt, sed præmaturius dolorem quo ipsi & primus fœtus intereat, mouët. Iam incidit vt facta corruptione duodecim superfætata puerperia egerêtur. At vero si proxime à primo cõceptu secundus sit factus, absolui edique potest, quod superfætauit, vt quasi gemini nasci videantur. Quomodo Herculem, & Ipliclem procreatos esse fabulantur. Nam id etiam constitit. Adultera quædam quæ alterum suo marito, alterum adultero similem peperit, iam &

cum geminos quædam ferret, tertium superfœta-
uit, & cum tempus pariendi iustum iam instaret,
primos vitales peperit, secundum quinto mense
elisit, qui statim mortuus est. Altera cum primum
septimo peperisset, qui mortuus est, mox duos iu-
sto mensium numero edidit, qui vixerunt. Hæc
Aristo. quæ non repugnât sententiæ aphor. nam
post conceptum uterus constringitur quibusdam
valde, quæ non superfœtant: eis vero quæ super-
fœtant, non valde, dicente Hippo. lib. De superfœ-
tatione, Superfœtant autem mulieres, quarum os
uteri post primum conceptum non clauditur valde.

APHORIS. LII.

*Mulieri utero gerenti si ex mammis lac
plurimum effluerit, fœtum imbecillum signi-
ficat: si vero mamma solida fuerint, fœtum sa-
niores significat.*

COMMENT.

Non primis ipsis, sed postremis mensibus con-
ceptionis, lac in mammis secundum naturam ge-
neratur, quamvis ante id visum sit lac in mammis
& omnino in virgine, cui menses defecerunt. Po-
stremis autem mensibus sanguis copiosior ad mam-
mas delatus in lac transit, non tamen perinde de-
fluit, nisi multum fuerit. Quâdoque vero est adeo
multum, ut plurimum effluat, sed non fit nisi cum
fœtus paucum sanguinem trahit ad suam alitio-
nem. Probe itaque colligit Hipp. si lac plurimum
effluit, fœtus est imbecillus, utque non valeat ali-
mentum trahere, aut superare, & propterea pau-
cum

Lac pluri-
mum ex
mammis
fluit.

cum trahat, multum autem sanguinem relinquat, qui ad mammas confluens, in lac transeat: & cum non possit cōtineri ob multitudinem, defluat plurimum. Quòd si mammæ fuerint solidæ, hoc est modice plenæ, nec tamen obduratæ, sed στεροί, id est solidæ, & firmæ, saniozem fœtum significat: trahit enim quod sibi cōuenit, & mammis relinquit quod satis est ad illarum soliditatē, quæ media dispositio est inter duras, & valde laxas.

APHORIS. LIII.

Quæcumque fœtus corruptura sunt, his mamma extenuantur: quòd si rursus dura fiât, dolor aderit in mammis, vel in coxis, vel in genibus, vel in oculis, & non corrumpent.

COMMENT.

Hoc vnum putat Hippo. perpetuum, estque rationi consonum, si mulier fœtum corruptura est, ante id mammas graciles fieri, siue aborsus sequatur causam prægressam, ut saltū, ictum, laborem, aut animi motum: siue causam materialem & internam, uti phlegmonem, aut erysipelas vteri, aut febrem vehementem. Quoniam ob quamcūque causam fiat, dolores antecedent, & inde sanguinis motus ad partem dolentem, ad quem sequitur ut mammæ sanguine priuentur, atque extenuentur. Dixerat autem supra apho. 37. Mulieri vtero gerenti si mammæ repente graciles fiant, abortit. Modo vero si abortire debet mulier, mamas antè graciles habituram dicit. Cæterum prius vnum de multis signis aborsus scripsit, processitque à

*Mammæ
graciles
ante fœ-
tus corru-
ptionem.*

signo ad effectum. Nūc vero à fœminis ipsi aborti-
tibus, & ab ipso abortu futuro, ad signum pro-
cedit, idq; vt vnicū atque perpetuū statuit. Si mu-
lier abortire debet, māmē ante extenuātur. Quòd
si rursus duræ fiant (inquit) dolor aderit in mam-
mis aut coxis, aut genibus, aut oculis, & non cor-
rumpet. Duplicem sensum habere potest littera
hæc autore Gal. in Comm. aut enim vult hæc eue-
nire, ac non corrumpere fœtum si post graciles
fiant duræ. aut vbi duræ fiāt, quæ dispositio exte-
nuatis est aduersa. Hunc secundum sensum magis
probat, ita vt sensus sit, si fœtus corrumpi debet,
mammæ graciles fient. Duræ vero si fiant, non si-
gnificant fœtus corruptionem, sed dolor accedit
mammis, retenta ibidem copia sanguinis, aut
translata ad coxas, oculos, aut genua: ibi aderit
dolor, & non corrumpet mater fœtum. Quamuis
hæc non tollant quominus aliquando ad vterum
pellatur abundātia, quæ duras efficit mammæ, &
in ipso phlegmonem faciat, aut erysipelas, & inde
fœtus corrumpatur. Verum si corruptio sequi de-
beat, quod fiet sanguinis abundantia ad vterum
transmissa, non item duræ manebunt mammæ,
sed tenues fient, quoniam mammarum gracilitas
abortum omnino antecedit.

A P H O R I S. LIIII.

*Quibuscumque os uteri durum est, ijs ne-
cesse est os uteri conuiere.*

C O M M E N T.

*Os uteri
durū con-
uiet.*

Merito quidem Gal. in Com. teste, is apho. post
51. sequi deberet, ambo enim sunt de uteri conui-
uentia,

uētia : ille quidem de ea quæ secundum naturam est, quæ sequitur conceptionem: hic vero de con-
niuentia, quæ sequitur aut schirrum, aut phlegmo-
nem. Distinguit has tactus: nam quæ conceptionem
sequitur, secundum naturam est, & molli-
tiem natiuam seruat os vteri, quod intra stoma-
chum vteri est. In conniuentia verò præter natu-
ram durities adest, siue phlegmonem, siue schir-
rum sequatur.

APHORIS. LV.

*Quacumque vtero gerentes à febris cap-
piuntur, & valde extenuantur, absque manife-
sta occasione, difficile pariunt, & cum periculo,
aut abortum facientes periclitantur.*

COMMENT.

Vnum duorum accidere docet vtero gerenti-
bus quæ à febris capiuntur, si valdè extenuen-
tur & absque causa manifesta: aut quòd parient
cum difficultate & periculo, aut quòd abor-
sum cum periculo facient. Cum enim prauis suc-
ci in corpore vtero gerentis abundent, aut efficiunt
febrem aliquam vehementem, aut non talem, sed
longam, & quæ sæpe videatur minor esse, & dein
de redire ad maiorem vehementiam: id verò fie-
ri solet, quoniam nunquam satis purgantur eas
febres patientes, cum non tolerant medicamen-
ta pro ratione abundantia, utroque modo fit ut
valde extenuentur in acutis, & validis febris-
bus, ob vehementiam, in aliis ob longitudinem,
& perseverantiam. Idque euenit quandoque

*Pariens cum
periculo.*

sine manifesta causa, cum videlicet solam sequitur morbi magnitudinem aut lōgitudinem extenuatio. Quando verò causam aliquam manifestam sequitur, vt in ediam, vigiliam, fluxum ventris, aut mœrorē, aut aliquid simile, non opus est sequi quod in apho. dixit, nēpe vt cum difficultate & periculo pariant, aut cū periculo abortiant. Sed iam monstremus quātam habeat veritatem aph. vbi namque à febris capiantur vtero gerentes, si vehementes fuerint febres, & valde extenuentur vi febris, non alterius causæ, febris adeo vehemens est, vt ipsas abortire cogat, mortuo fœtu, à febris vehementia: si tamen febris nō fuerit vehemens, extenuatio magna fiet temporis processu, & fœtus seruabitur ad partum. Pariet autem cum difficultate, & periculo: cū difficultate, quoniam fœtus & mater languent, vt docet matris extenuatio lōgo tempore facta: amborum autem vires exiguntur ad pariendum. Pariet autem cum periculo propter eandem rationem, & quia languida non feret vacuationes quæ partum sequuntur sine periculo. Quòd si ob manifestā aliquam causam de dictis, valde extenuaretur vtero gerens, posset breui reparari, & vt Hip. dixit in Prog per diē & noctē, & neque opus esset vehementi neque longa febre ad abortum, neque inde abortus aut partus cum periculo fieret, quoniam restitueretur facilè mulier. Quando tamen vtero gerēs valde extenuatur sine manifesta causa de dictis, necessum est febrem esse vehementem, à qua talis procedit extenuatio, aut lōgam, quorum primum affert abortum secū dum partum, & vtrunque

que cum periculo. Quòd si hæc integra sunt, & luce clariora, quid opus est figmenta quærere, ut fecit Fuchsius, dicens, sine manifesta causa significare id quod, plusquàm ratio postulat? exponit enim quod perspicuum est, nempe sine causa manifesta, per id quod difficile est, & minime verum. Nam quæ extenuantur valde in febre vehemēti, non extenuantur plus quàm ratio postulat, & hæc ita extenuata abortiet cum periculo: & quæ in febre longa extenuatur valde, non extenuatur plus quàm ratio postulat, & tamē ita extenuata & languens pariet difficile & cum periculo. Superuacaneū igitur foret dixisse plusquàm ratio postulat. Vbi diximus extenuantur, Græce habetur, *ισχυαίνονται*. legit autem Philotheus, *σπουδαίνονται*, id est, calefiunt, legitque ita apho. Quacūque vterque gerentes à febribus capiuntur & valde calefiunt, absque manifesta causa. Sed perperam legit, quoniam aph. ita scriptus, de solis febribus validis esset, & quæ valde calefacerent. Verūm, ut diximus, de omnibus nota est sententia explicata; & de magnis, & mediocribus ipsam explicat Gal. in Com. Perperā quoque quidam idem quod Philotheus probat legendum esse, valde calefiunt absq; manifesta causa, esseque periphrasim, qua Hip. significauit febrem putridam ardentem, quoniam ardor absque manifesta causa, nam & in febribus diariis ardor adest, sed à causa manifesta, in ardentibus autem parient cum periculo, aut abortient, non in diariis quæ à causa manifesta habent ardorem. An putat ille nullam ardentem febrem ortum habere à causa manifesta? Habent

*Fuchsius
taxatur.*

*Philo-
theus taxatur
cū
alijs.*

quidem diariæ omnes à causa manifesta ortū, sed non solæ, nā vbi in corpore fuerit morbosus apparatus, à causis prægressis ardētes cōcitātur febres. Quāuis igitur febris cum magno ardore à causa manifesta oriatur, dum tamen valeat mulierem grauidam extenuare, & languidam reddere. Veruserit aph. neque opus esset addere absque causa manifesta, febricitans enim mulier cum magno ardore, siue quæ valde calefit, & languet aut extenuatur valde, cum periculo abortiet, quamuis ad eum calorem vi causæ manifestæ fuerit perducta.

APHORIS. LVI.

In fluxu muliebri conuulsio, & animi deliquium superueniens, malum.

COMMENT.

Omnes immodicas vacuationes, præsertim sanguinis, sequitur animi deliquium, quin & ipsa mors. Sequitur etiam non raro easdem vacuationes conuulsio, quam ex inanitione factā dicimus, fluxus tamen muliebris, siue fluxus menstruum siue albarū humiditatum sit, vbi immodicus fuerit, animi deliquia afferens, & conuulsiones, malum esse dicit, atque ita esse, est euidentis.

APHORIS. LVII.

Mensibus immodice venientibus morbi accedunt, & nō venientibus, ab utero sūt morbi.

COMMENT.

De omnibus iis quæ à corpore vacuari secundū naturam debent aut retineri. li. 2. De arte medendi docuimus, quemadmodum & de omnibus causis

sis quas naturales vocant, cum modum seruauerint naturales esse, & sanitatis cōseruatrices, cū verò modum exceſſerint, cauſas eſſe præter naturam, atque morboſas. In quem modum dictum eſt ab Hipp. ſupra, ſeſtione ſecunda, Somnus, vigilia, vtraque ſupra modum facta, malum: & modo de menſium purgatione dicit: Menſibus immodicè venientibus morbi accidunt, & non venientibus ab vtero fiunt morbi. Innumeri ſanè morbi ſunt, qui fiunt ſi menſes immodicè fluant, nam ſanguine ſupra modum vacuato, calor natiuus languet, & partes nobiles calore priuatæ ſua munera non perficiunt. Vnde aqua inter cutem manat, ventriculi intemperies frigida, & talis capitis & neruorum. Quòd ſi menſes retineantur, morbi quoque innumeri fiunt. Nam ſanguis qui purgari deberet, ſi in toto corpore retineatur, ibi aquam inter cutem oppreſſo iecoris calore faciet, & in cute ſcabiem, lepram & inflammationum omnia genera, & febres putridas. Sed intereſt, quoniam ſi menſes fluant immodicè, id fieri poteſt aut ob vaſorum vteri immodicam apertionem, aut quoniam ſanguis acris eſt, aut tenuis, & ſerolus, qui à toto corpore per vterum purgatur, in quibus morbi non habent ab vtero ortum, ita vt à morbo vteri malum corpori cōmunicetur, verum & morbi per conſenſum fiunt. Si menſes non eueniant, tunc enim ab vtero morbi fiunt. Quoniam menſibus retentis, vterus patietur, vt ſolet ſchirrum, aut inflammationem, aut eryſipelas, aut cancrum, à quibus morbi fiunt, totius corporis, per conſenſum ab vtero. Hac de

*Menſium
immodicæ
vacuationes aut retentiones.*

causa dixit: si menses immodicè fluunt, morbi fiunt: sed si retinentur, ab utero fiunt morbi.

APHORIS. LVIII.

Per recti intestini, aut uteri inflammationes, aut renum suppurationem, urinae stillicidium superuenit. Per iecoris autem inflammationes singultus superuenit.

COMMENT.

Ad plura morborum genera sequitur urinae stillicidium, per quod urina guttatim descendit, aut volentibus nobis, sed nequeuntibus multam urinam mingere, aut ipsa urina descendente, vel nolentibus nobis pariter guttatim. Tres tamen horum affectuum scribit modo, recti intestini inflammationem, uteri inflammationem, & renum suppurationem: ad hæc enim mala sequitur urinae stillicidium. Nam urina strangulatur, ac guttatim descendit, quoniam non continetur, aut quoniam facultas expultrix irritatur intempestiue, aut compresso meatu urinario, ac reddito angustiori. Inflammationem recti intestini dixit, quod ipse appellat ἀρχὸν, teste Gal. li. de vuluæ dissectione, ubi referens quandam Hipp. sententiam addit, ἀρχὸν μὲν ἐν λέγων, τὸ ὅλον ἀπενθυσμένον, id est ἀρχὸν, appellans totum ipsum rectum intestinum. Dicitur autem ἀρχὸς, id est, principium, quoniam ab imo numerantibus intestina, est primum, & dicitur ἀπενθυσμένον, id est, rectum à figura. Huius inflammatio comprimit sua vicinitate os vesicæ, ac perinde cum facultas tentauerit urinam excernere, parum, ac sensim emittet. Intemperies vero quam inflammatio recti intestini inducet vesicæ, mani-

manifestum est imbecillitate posse retinētem facultatem mutato temperamento. Vteri tamen inflammatio simili modo valet immutare temperamentū, loci propinquitate accedente, valet etiam meatum vrinarium angustiores reddere. Quod tamen attinet ad renum suppurationem, constat renum suppuratione rupta, pus mingi. pus autem bifariā efficit vrinæ stillicidium: acrimonia siquidem mordet, ac irritat intempestiue ad excretionem, & crassitudo facit obstructionem, ita ut nobis volentibus vrinam excernere, aut quoniā grauat, aut quoniam mordet, id sensim, ac guttatim fiat. Quod vero in fine aphor. dixit, ad iecoris inflammationem sequi singultum, verum est, vbi inflammatio fuerit magna, tunc enim per consensum tracto ventriculo, aut compresso, concitatur singultus. Sed de hac re sectione 7. Comm. apho. 17. nonnulla dicemus.

APHORIS. LIX.

Mulier si non concepit, velis autem nosse an conceptura sit, vestibis inuolutam de subtus suffias. Quod si tibi videatur odorem per corpus penetrare ad nares, & os, scias ipsam non sui causa prole carere.

COMMENT.

Quando coniugati prole carent, & causa ipsis incognita est, sæpe ad Medicum accedunt, examinare volentes in quem eorum sit culpa reiicienda, ut ad Medicos remittatur curandus. Mulierem tamen ita in examen ducit, vestibis obuolutā præcipiens, ut de subtus suffumigetur aliquo odorato

*Mulierē
an conce-
pitura sit
examinatē
re.*

igni insperfo, quale thus est, aut myrrha, aut styrax. Quodd si odor per corpus penetrans, ad os, & nares perueniat, quod ipsa referet. non sui causa, sed mariti, prole caret. Sumpta est ratio à communi omnium partium consensu, nam est vniuersum corpus nostrum autore Hippo. lib. 6. De mor. pop. transfluxile, & transpirabile. fumus ergo, qui abomatibus eleuatur, penetrans os vteri, (per infundibulum pudendo mulieris immissum, ampla parte carbones ignitos tegente, ne vapor extra permeet, & ad nares ducatur,) ad os & nares perueniet. Tunc enim si mulier vterum & corpus sanum habet, ad nares ascendet odor: si tamen vterus frigidus est, sua frigiditate extinguet odorem: si siccus, aut humore plenus, non peruadet odor, si corpus prauis succis plenum fuerit, pari modo non penetrabit, sed corrumpetur. Quapropter si penetrat, non est sua culpa priuata prole. Quàtum ego coniicio de huius aphor. veritate, bene colligitur quod Hipp. vult à negatione, non tamen ab affirmatione: si enim odor nō penetrat ad nares, mulieris culpa priuantur prole. Non tamen colligitur, si vestibis obuoluta muliere, ita vt non possit per ambientem aërem odor ad nares peruenire, perueniat corpus peruadens, non est sua culpa priuata prole. Possset enim fumus ad nares per corpus penetrare: quia vterus nō est frigidus, neque siccus, neque obstructus: verum quoniam sanguis tenuis est, aut semen ob testium intemperiem frigidam, est frigidum, fieri potest vt inepta sit mulier ad generationē. Præterea vbi vteri os laxum fuerit ob humorem tenuem ibidem infarctum, quamuis vterus nulla affectione interius affliga-

tur, non cōcipiet, quia semen nō retinebīt, quamuis odor penetret per corpus ad nares & os. Quod etiam eueniet eis quæ cū labore magnos pueros pepererunt, quia vteri os non cōprimeretur. Idem etiam euenit his quæ ob intemperiem calidam non concipiunt, quamuis fumus ad nares penetrare valeat. Verūm vt Gal. dicit in Com. totus sermo dicetur post, nempe Comm. apho. 62.

APHORIS. LX.

Si mulieri vtero gerenti purgationes eant, impossibile est fœtum esse sanum.

COMMENT.

Si purgationes eant, dixit, copiam significare volens. si namque copiole & repetito tempore, quod significauit per purgationes plurali numero, sanguis eat, nō est possibile fœtum esse sanum. Quando enim abunde sanguis ab vtero excernitur, necesse est fœtum alimento priuari, & ea ratione sanus non erit. Quod tamen Gal. in fine Comm. addit videtur examine dignum. inquit enim: Verum excretio quæ grauidis fit videtur ex venis quæ in collo sunt apparere. Nam ab interioribus quæ in cauitate vteri sunt secundæ pendent, quare nihil per eas potest in muliebrem sinum excerni. Idem libro sexto, De loc. pat. cap. 5. Verum sane est aliquid sanguinis per eas venas purgari, præsertim in virginibus, in quibus hymen obstare posset sanguinis euacuationi. At vero conceptiones fiunt vbi semen affigatur acetabulis, quæ sunt ora venarum interiora vteri penetrantium, illa quidem continent fœtum, & potest grauida, superfœtare, vt diximus Comm. 51.

E.iiij.

*Purgatio
nibus eūti
bus fœtus
non est sa-
nus.*

*Sang. mē-
struus per
quas ve-
nas man-
nat.*

aliquę igitur venę manēt quę aperiri possunt, quibus semē affigatur, per quas poterit quoq; sanguis purgari, quāvis mulier grauida sit. Quod vero per interiores venas vteri & cōceptus apprehēdatur, & sanguinis purgationes fiant, docuit Gal. lib. De vuluę dissectione, dicens: Chorion vuluę inhærescit hoc modo, vasa vuluę quę interiorē partē penetrant, ex quibus etiā menses expurgantur, cū fœmina conceptura est, ora aperiunt. cōceptionis vero tēpus est vel incipientibus, vel cessantibus mēstruis. Ex his manifeste colligitur vasa eo posse sanguinem purgare, quāvis mulier grauida sit, ea videlicet quę fœtum non continent, nam non omnia per quę menses descēdebant ad intimis vteri partibus, ad fœtum alendum perducunt sanguinem. per alias igitur descendere poterit, vel parum hiantē vteri ore.

A P H O R I S. LXI.

Si mulieri purgationes non procedunt, neq; horrore, neque febre superueniente, cibi vero fastidia incidant, existima hanc in vtero habere.

C O M M E N T.

Praegnantie signum Menses retinentur mulieribus vtero gerentibus, & iis quę aliquo morbo laborant aut vteri aut corporis totius, si retinentur conceptionis ratione, nihil mali sentiunt, aut paruas quasdam mutationes, non morbosas, sed neutras, quamuis quibusdam soleat malum augeri, & nonnulla symptomata afferre, præsertim picam, siue malitiam. ciborum autem fastidium omnibus ferre aduenit, & frequentia sputi: quam dispositionem Hispani appellant conchentos. Quādo vero
reti

retinentur menses morbi causa, horrores accedere solent, & deinde quandoque febres. Quod si retineantur sine horrore aut febre, superueniat autem cibi fastidium, signum est in utero mulierem habere. Appellauit cibi fastidium *ἀσυνία*, qua voce in eadem significatione usus est Gal. lib. 4. De sani. tuen. dicens, Sicut rursus omnino non nutritur, *ἀσυνία δὲ ἐστὶ καὶ κακώϊκόν τῷ στομάχῳ*, quod est, fastidium infert, atque stomachi prauitatem. Significat autem nonnumquam inquietationem, & anxietatem, vt lib. 1. Prog. in annotationibus in Com. 12. ostendimus.

APHORIS. LXII.

Quaecumque frigidos ac densos uteros habent, non concipiunt: & quaecumque perhumidos uteros habent, non concipiunt: extinguitur enim in eis genitura, & quaecumque aridos magis, & percalidos: inopia enim alimenti corrumpitur semen, quaecumque tamen ex utrisque temperaturam habent mediocrem, tales fecunda sunt.

COMMENT.

Quamuis ob multas causas fiat vt mulieres non concipiant quæ in omni genere morborum sunt, vt in compositione, vnitare, & temperatura. De solis intemperatiis quæ steriles efficiunt, scripsit aphorif. Hipp. omnis enim intemperies impedit conceptionem, non tantum in foeminis, sed etiam in maribus, vbi immodicæ fuerint, nam intemperantia quæ non longè à temperamento distant,

contrarietate emendatur. Frigidus itaque vteros, ac densos dicit non concipere, frigidi autem vteri densi sunt, fiunt enim tales à frigore, non admodum paruo. Facit autē frigiditas, vt semen non coquatur, & hebetat vim eius qua alimentum trahere debet. Præter id quod vterus frigidus densus quoque impediet alimenti tractationem. Humidus verò non concipiet, quoniam nimius humor exstinguit semen, vti & terra palustris semina exstinguit, & triticum in terram valde humidam sparsum, quamuis caulem & folia producat, semen non feret. Dixit autem per humidos vteros, quoniam pauca humiditas non efficit mulierem sterilem, sicuti neque frigiditas omnis, sed quæ durum efficit vterum. Frigiditas enim seminis fœminæ si pauca fuerit, coniuncta semini viri, paulo calidiori, emendabitur, sic & humiditas non valde excedens seminis fœminæ, aut vteri ipsius, siccitate seminis viri emendari valet. Eodem modo in sicca & calida temperatura ea ratione dixit. Quæcumque aridos magis, & percalidos, vtrumque excessum significans, cum videlicet qui seminis contrarietate emendari non possit. Valde namque labentes temperaturas seminis, contrarietas non emendat: tum quod seminis viri vis non valet vterum in eo extremo emendare, tum quod calidus vterus vrit semen vtrumque, & siccus alimento priuat semen, sicuti & frigidus. Humidus tamen vtrumque semen tam fœminæ quod continet, quàm maris quod recipit exstinguit, & minime ipsum retinet. Sunt hæc sterilitatis
cau-

causæ quas Hipp. tradit, non additis signis ad earum cognitionem, quæ ex totius temperatura cognoscuntur, & ab excrementis quæ ab utero manant, aut non. Vnum autem signum scripserat aphorif. 59. quem Gal. dicit post hunc fore ordine scribendum, in quo ex suffitu aromatum docuit cognoscere, an mulier sua culpa prole priuetur. Si enim odor suffumigiorum ab imo utero ad nares penetrat, sterilis non est. Quod si obicias humidam intemperiem, quæ laxat os uteri, ita ut semen non contineat: dicemus eam humiditatem extinguere odorem. Si calidam intemperiem obicias, quæ ubi valde talis fuerit, conceptionem impediet, sed non transitum odoris, ac poterit odor ad nares peruenire ex aromatum suffumigio, & ipsa erit sua culpa sterilis. Dicemus calorem validum dissipare odorem, aut in calida intemperie magna ex parte ita fieri, quod ad veritatem apho. est satis. Cæterum quod diximus Com. 59. de uteri laxitate, ob partum magnum qui præcessit, ita ut semen continere non valeat, neque se ipsum colligere, dubium videtur: aut dices Hippoc. loqui de his quæ nondum pepererunt, quas an steriles sint, examinare docet.

APHORIS. LXIII.

Simili modo & in maribus, vel enim ob corporis raritatem spiritus extra fertur, ita ut semen transmitti non possit: vel ob densitatem humor non procedit extra, vel ob frigiditatem non accenditur, ita ut acervetur in hoc loco, vel ob calorem hoc idem fit.

Galeno non placet hic aph. neque putat ipsum esse Hippoc. ob multas rationes quas in Comm. scribit. cum enim dixisset simili modo & in maribus, teneretur similes causas sterilitatis scribere in maribus eis, qua in fœminis scriptæ sunt in præcedenti apho. quod non fecit. siquidem illæ ad temperaturas attinent, ut diximus, quæ sunt quatuor, hic autem non: præter id quod rara corpora sunt, calida & humida, & inde multo semine abundantia, & fœcundissima. Deinde cum dicit ob densitatē non procedere humorem extra, cum loquutus esset de corporis raritate: videbitur accusare quoque corporis densitatem, cum autem raritas ad poros referatur, sicuti & densitas, dixisset rectius angustiam vasorum eum transitum impedire. Quod deinde dixit ob frigiditatem non accendi semen, recte dicitur, sed non aceruari in eo loco, superuacaneum videtur, ac teneretur locum in quo non aceruatur explicare. Ultimo loco videtur error magnus: cū enim dixisset semen non accendi ob frigiditatem, addidit, vel ob calorem hoc idem fit, id vero significat pari modo non accendi propter calorem, quod est aperte falsum. Quidam apho. Hipp. esse affirmavit, & Gal. obiectiones solui posse. At verò quantum attinet ad rationes omnes præter vnam ultimam, Gal. dixit, Et hæc quidem parua sunt. Ac perinde non erunt magnæ solutiones, neque quas inuenire putauerit, Gal. difficile esse. Sed interim consideremus quàm bene respōdeat ad rationes Gal. confutat quod dixit de corporis den-

densitate, respondet ille, ipsum loqui de densitate viarum, ac si densitas dicatur de via. Cum tamen apud eos qui habent vocū peritiam ἀραιότης & πυκνότης, id est raritas, & densitas, ad poros referantur: vti angustia & latitudo ad meatus. Aliās diceres fistulam æneam ampli canalis raram, & densam, quæ angustum canalem haberet, densam, cum tamen nulla facta mutatione raritatis, aut densitatis aëris, fistula ipsa amplior, aut angustior reddi possit. Ampla præterea est vena caua, & nihilo magis rara quàm vena quæuis manus. Cum igitur densitas pororū sit, & angustia meatuum, si de meatibus per quos semen immittitur loquebatur, angustiam dicere deberet. Præterea cum dixit ob frigiditatem non acceruari semen in hoc loco, erravit non explicans locum. Nam si dicas per locum intelligi facile, vasa seminaria, bene quidem, si dixisset, in loco: verum tamen cum dixit hoc, tenetur aliquod dictum referre, quod non fecit. Præterea cum dixit vel ob calorem hoc idem fit, cum dixisset ob frigiditatem non accendi semen, dicet modo ob calorem non accendi, quod est falsum. Dixit autem ille intelligendum ob calorem fieri mares infœcundos, sed prius scrutari teneretur, & advertere, quid est in aphorif. dictum ad quod referri possit quod dixit, hoc idem, non enim meminit infœcunditatis, meminerat autem frigiditatis, cuius causa semen non accendi dixerat. Quapropter mihi videtur aph. partim falsus, partim ænigmaticus, & obscurus. Alius nō omnino cōtemnendam viam sequutus est, qua contendit quatuor partibus

aphorif. ostendisse autorem quatuor intemperies, ob quas mates simili modo ut fœminæ fiunt infœcundi: Corporis raritatem, ob quam feminis substantia diffoluitur in spiritum, aut flatum, hæc est sicca intemperies: Densitatem feminis ob viscidam & crassam substantiam, ob quam non emittitur foras, hæc vero est humida intemperies: Frigiditatem vero impedire feminis aceruationem in loco, (id est in vasis seminaris) dixit. Calorem quoque idem facere dissolutione, & vstione feminis ne aceruetur in loco, id est in vasis seminariis, in quibus secundum naturam aceruari solet. Est verisimilis, sed non omnino vera expositio.

APHORIS. LXIIII.

Lac dare caput dolentibus, malum: malum verò & febricitantibus, & quibus hypochondria sublata murmurant, & sitientibus. Malum autem & quibus in acutis febribus sunt deiectiones biliosæ, & quibus plurimi sanguinis deiectiones factæ sunt. Commodum autem est tabidis, non valde multum febricitantibus, & in febribus longis & parvis, nullo de prædictis signis præsentem, præter rationem tamen extenuatis.

COMMENT.

Si quis prius probe perspectas habuerit lactis vires, tam alimentitias quàm medicamentosas, eiusque ad patiendum facilitatem: quæ omnia
à nobis

à nobis abunde tradita sunt lib. 2. De arte medendi : facile intelliget quàm vera sint , quæ ab Hipp. scribuntur in præsentî apho. quo docet, affectus quosdam quibus lac nocet , & alios quibus conducit : initium à capitis dolore faciens, cum dicit: Lac malum esse eis quibus caput dolet. *Lac cap. doloribus malum.* Quamvis enim facillime in ventriculo coquatur, ita ut ob eam quam habet cum chylo similitudinem ante coctionem à iecore trahatur , & infantes nuper nati , qui nullum alimentum superare valent , lac probe superent : tamen inter coquendum vaporem multum à se mittit , cuius pars in caput ascendens , caput grauat , & sanis ipsis qui non admodum robustum caput habent, capitis dolorem infert. Malum etiam est lac *Lac febri citantibus malum.* febricitantibus exhibitum, intellige per magnas ac validas febres , nam in leuibus ipsum statim concedet . Natura autem lactis & partium diuersitatis (constitutum enim est ex sero, butyro, & caseo) palam ostendit per omnem validam mutationem à causa non natiua , non coquente, sed potius alterante , & validius mutante , corrumpi , ut ab igne in fumum mutari , & ab aëre ambiente frigido acescere sit necessarium. Quod facit in ventre , calido quidem , quoniam amarescit: frigido verò, quoniam acelsit. Per magnas ideo febres amarescet, & in nidorosum saporem transibit. Nocent item hypochondria subblata , id est tumida, habentibus, veluti cum inflammata sunt, aut erysipelas, aut scirrhum patiuntur, quoniam per eas partes non penetrar, sed breuissimo spacio retentum corrumpitur,

*Lac hypo-
chondriis
tumidis
malum.*

accedente mala partis affectæ temperatura. Murmurantia quoque hypocondria palam lædit, quoniam ut diximus copiosus admodum flatus, ab ipso leuatur, qui hypocondria distendit. Sublata quoque hypocondria frigidam significant intemperiem, quæ in acorem lac mutabit. Quæ autem dicantur hypocondria murmurantia, Gal.

Lac sitientibus malum.

4. sect. Com. 73. explicuit, sitientibus quoque nocet, si magna sitis sit. nam naturalem, aut paulo maiorem miro modo sedat, magnam autem non sedat, quoniam à valido calore magnam sitim faciente corrumpitur, maxime verò si bilis in stomacho contineatur, sitim efficiens. Malum præterea esse dicit iis qui biliosa deiciunt per acutas febres, siquidem tum ob immodicum calorem, tum ob bilis abundantiam, facile & corrumpetur lac, & in bilem transibit, & nidorem atque amarorem: utrisque autem nocere notum est, acutis febribus, & iis qui biliosa deiciunt. quibus etiam plurimi sanguinis deiectiones factæ sunt. Huius

Fuchsius notatur.

loci non meminit Gal. in Com. Fuchsius verò conatur probare falsam esse sententiam, siquidem lac deiectionibus cruentis est accommodatum, præsertim aut elixum, aut cum lapillis paratum, quod docet Gal. lib. 3. de alimentorum facultati-

Philothæus notatur.

bus. Verum frustra laborat, sicuti & Philotheus, qui per διακόρησιν, intelligit omnem vacuationem, quoniam Hipp. non negat lac convenire deiectionibus sanguinis, quæ fiunt, sed iis quæ factæ sunt: γίγνεν, etenim dixit. Illi autem qui plurimi sanguinis deiectiones sunt passi, languidum habent nativum calorem, & propterea in eis lac corrumpetur

petur in acorem. Deinde quibus affectibus lac accomodetur scribit. Tabidis etenim conuenire dicit, qui videlicet pulmonis vlcus patiuntur. Miro etenim modo eos iuuat deterfione puris, & vlceris affolidatione. Addit tamē si nō valde multum febricitent, nam tales iam videntur febrem putridam habere adiunctam, ob quam non conueniet lac. Conuenit etiam (inquit) febribus longis & paruis, præter rationem tamen extenuatis tales sunt hecticæ febres. Nam sunt parua & longæ, & corpora per eas extenuantur, & cum febres parua sint & extenuatio magna, erit id præter rationem. His itaque lac conuenire dicit, nullo de prædictis signis præfente, id est vbi non adfit febris vehemens, neque talis fitis, neque hypochondria sublata, neque biliofa deiectiones, neque acutæ febres, neque plurimi sanguinis deiectiones præfuerint. Gal. dicit hanc sententiam videri alienam ab aphoristica breuitate, quoniā iam dixerat capite dolentibus, & sitiētibz, & quibus hypochōdria sublata sunt, & aliis, non conuenire lac. inutiliter igitur additum videtur, cum dixit, Tabidis conuenire & præter rationem extenuatis, nullo ex prædictis signis præfente : saluatque id Gal. quoniam cum ab aliquo magnum imminet periculum, si negligentius audiatur, videtur bis ac ter repetendum. Sed quidam dicit illam partē esse necessariam, quoniā quamuis dixit, prioribus in aph. scriptis, lac nō conuenire, posterioribus conuenire, non tamē dixerat, vbi ambo iungantur, vt hectica febris, & febris alia, aut deiectiones biliofa, an conueniat, vel

Lac quibus conueniat.

non : vt igitur id explicaret dicit, hecticis febribus & consumptis valde præter rationem conuenire lac, non tamen si eis accedant quæ dicta sunt, de quibus fuerat explicatum, illis non conuenire. Cæterum Gal. recte admodum cenſet bis repetitam eſſe ſententiam, cum dixit, nullo de prædictis ſignis præſente: nam cum explicuit affectus priores in quibus non conuenit lac, id citra diſtinctionem dixit, & vt perpetuum affirmauit, illis nempe non conuenire, neque eis dandum eſſe. Quòd tamen illis coniungatur alter affectus cui lac conueniat, nihil mutat, quod vere dictum eſt: non enim illis conueniet.

APHORIS. LXV.

Quibuscumque tumores in ulceribus apparent, ij non valde conuelluntur, neque insaniunt: iis vero euaneſcentibus repente, quibus quidem retro, conuulſiones, & diſtenſiones: quibus vero ante, furor, vel coſtarum dolores acuti, vel empyema, vel dysſenteria, ſi tumores rubri fuerint.

COMMENT.

Ad partem artis quæ futura prædicere docet pertinet præſens ſententia. Ulcera ſi quidẽ ſolent ſæpe cõiuñctas habere fluxiones, ad eas vero ſequitur vt pars ulcerata inflammetur, & tumorem præter naturã patiatur, id enim ſignificat, *ὁ ἰσχυρὰ*, hoc loco, quod tumor præter naturam. Cum verò pars intumeſcit & humorẽ fluẽtem colligit, æger neque conuellitur, quoniã non influit ad neruos, neque

*Tumores
in ulceri-
bus.*

neque insanit, quoniam nō defluit ad cerebrum: Verum cū fieri possit vt humor adeo copiose influat, & vt partē in tumorē eleuet, & neruos, aut cerebrū occupet, aut vtrūque, recte addidit ἐμάλα, hoc est, nō frequēter, aut magna ex parte, nō conuellūtur, aut insaniunt. Quodd si tumores prædicti repente euanesccāt, mala fient, quæ dicētur. Dixit autē, ἀφανισθέντων ἐξαίφνης, Prog. tamen 67. li. 2. dixerat: Si vero abcessus ἀφανίζονται, & Gal. in Com. docet, vocē hāc ἀφανισθῆναι, differre à voce ^{ἀφανισθῆναι} ^{σθῆναι} παύεσθαι, quoniā hęc cessare significat, illa vero repente cessare, quod vnica voce Hispani, vti & Græci significāt, desaparere, cum aliquid repēte ab oculis euanescit, dicētes. Quapropter hoc loco pars ἐξαίφνης, videtur abū dare, nisi maioris claritatis gratia scripta sit. In expositione illius prognostici multa diximus ad hunc locū attinētia, atque ostēdimus, quā mali sint tumores, & phymata, & abscessus, & exanthemata repente euanesccētia. Ante videlicet quā coquātur, & dissoluātur, aut à corpore vacuentur: solent enim talia principes partes infestare. De his autē modo dicit, si fuerint retro vlcera cū tumoribus, & repente euanesccāt, offendēt spinalē medullam & neruos. inde vero conuulsiones nascentur, & tetani. Si tamē vlcera anteriores partes corporis occupabāt, euanesccētibus ipsis tumorib⁹, offendetur cerebrū, & fiet insania, siue alia quæuis delirij species. Aut lædetur thorax, & ab initio fiet dolor acutus costarū, hoc est pleuritis, & deinde ad suppurationē versā empyema, aut læsio pueniet ad intestina humore ad ipsa decurrēte, & fiet dysenteria cruenta sine vlcere

intestinorum, atque ea de causa dixit si tumores fuerint rubri, & à sanguine miti. fit enim ut sanguis à tumoribus ad intestina conuersus, & per ipsa excretus, eam difficultatem intestinorum generet, quam videmus sine vlcere fieri, solo sanguine deiecto.

APHORIS. LXVI.

Si in vulneribus prauis & validis tumor non appareat, ingens malum.

COMMENT.

*Vlcera
magna &
maligna
quæ.*

Vulnera valida dicuntur, à prauis distincta, illa quæ magna sunt ex propria substantia, longitudine videlicet, latitudine, & profunditate. praua autem sunt ob malitiam, ut quæ in parte consistunt præcipua aut prope articulos. Magna igitur si fuerint, atque etiam praua, dolorem habebunt coniunctum, & deinde fluxionem, & ob ipsam tumorem. Quod si tumor non appareat, signum est tumorem in parte aliquam nobilem decumbere, ac perinde ingens malum erit, quemadmodum ubi apparuerint, sed repente euanescat, quod dixit apho. præcedenti. Et quamuis legi posset, ut inquit Gal. in Com. Si in vulneribus prauis, & validis tumor ingens non appareat, malum: alteram eligit lectionem, nempe, Si in vulneribus prauis, & validis, tumor non appareat, ingens est malum. Propterea à quibusdam legitur *ὁ ἰδὴ μαλα*, numero plurali, id est tumores. legi enim debet *ὁ ἰδὴ μα*, id est tumor, uti legitur in Aldinis Hip. codicibus, & in Basiliensibus Galenianis. Si enim numero plurali tumores legatur, non patietur littera priorem

rem constructionē, qua cū voce tumores cōiun-
geretur vox *μεγας*, id est ingens singularis.

APHORIS. LXVII.

Tumores molles boni, crudi vero mali.

COMMENT.

De tumoribus de quibus in præcedenti apho.
dixit malum esse, si non appareant in vulneri-
bus, modo quam naturam habere debeant docet
dicens: Tumores molles bonos esse, quoniam hi
cocti sunt, & non admodum renitentes: crudi
verò mali sunt, renitentes & contrarij mollibus.
Crudi quidem mali sunt, si quidem coctione per-
ficiuntur: molles verò quoniam cocti, boni.

APHORIS. LXVIII.

*Dolenti partem capitis posteriorem, vena in
fronte recta scissa iuuat.*

COMMENT.

Reuulsione ratione docet mederi doloribus
capitis, qui sunt in parte posteriori, scēt vena frō
tis recta, Sunt etenim tres quas in pluribus, vel
leuiter compresso collo videmus, duę obliquę ad
nasum per frontem ducuntur, tertia recta proce-
dit à radice pilorū in nasum: in quibus tamen duę
tantū apparēt, quęuis recta dicetur. Sic enim Gal.
li. 6. De mor. pop. par. 2. Com. 30. exponēs hęc sen-
tentiā dixit, vtrinque rectā confluere. Intellecta
tamen cōtrarietate locorū, quę est ante & retro,
eam secare præcipit, quoniam iuuat in capitis do-
loribus posteriora eius molestātibus. Sunt autē in

*Dolorum
in postero
ri capite
curatio.*

*Locorum
contrarie-
tas.*

nostro corpore quatuor locorum contrarietates, ante & retro, dextrū sinistrum, sursum deorsum, intra & extra. Atque cū antispasīs, hoc est reuulsio, exerceatur per contraria, hanc praecepit quæ fit ad anteriora ducto humore, posteriora capitis occupante. Non tamen id videtur conuenire dolente capite per consensum à toto corpore, siquidem ipso pleno, aut redundante in eodem sanguine, tutius est venam externam secare ab initio. Deinde eā quæ est in fronte, vbi dolor ab humore fiat sanguinis missionem exposcēte. Verum illud

Dubium.

videtur dubium, quòd in præsentī apho. reuulsionem conuenire velit humori qui iam obsedit partem. Nam aut humor confluit à corpore in caput ascendens, aut à iecore: neque enim aliunde venire solet, aut continetur iam in capite. Si fluit à dictis partibus in caput, non conuenit venam frontis secare, sed eam quæ totum corpus euacuet: si continetur iam in capite, non etiam conueniet reuellere, dicente Galeno lib. 4. De metho. med. Ac si perpetuum est, quod ab eo didicimus, incipientem fluxionem ad contraria trahendam esse, fixam verò iam in laborante particula, vacuandam, aut ab ipsa particula quæ affligitur, aut à maxime vicīna. Docet ergo vacuationem deberi humori qui continetur in ipsa laborante particula, ac perinde cum humor in capite continetur, vacuandus erit, non autem reuellendus, cum iam nō fluat in caput. quòd si fluat, alia vena erit secanda. Aut igitur vena frontis non est secanda, aut cum secatur nō secabitur reuulsionis gratia, quoniam non secatur nisi cum humor

humor, iam in parte continetur.

APHORIS. LXIX.

Rigores incipiunt mulieribus quidem ex lumbis magis, & per dorsum ad caput, viris autem magis posteriori quàm anteriori corporis parte, veluti à cubitis & femoribus: verùm & cutis rara: ostendit autem hoc pilus.

COMMENT.

Ad huius apho. intelligentiam id non decet ignorare, fœminas maribus esse frigidiores, quod lib. 1. De arte medendi, cap. de teperamentis probauimus. Decet etiã nosse partes posteriores esse frigidiores anterioribus, & extremas partes intimis. Hoc postremũ notum est: quoniam quo magis pars aliqua secedit ab origine & fonte caloris, eo est frigidior. Anteriores autẽ partes esse posterioribus calidiores constat: quoniã in ipsis sunt venæ, & arteriæ maiores, & plures. Præterea quoniam posteriores sunt ossuosæ, & neruosæ, & à partibus eis nerui originem trahũt. Accedit indicium ab Hipp. traditum cum dixit: Cutis rara, ostendit autem hoc pilus. Nam pilorum copia ostendit calorem, item & raritas, quemadmodum dẽsitas & glabrities frigiditatem. Ex his notus est apho. quo docet, mulieribus rigores euenire magis ex lumbis, quoniam ibi valde sentiunt frigiditatem ob neruorum copiam, & per dorsum ascendunt rigores, qui coniunctam habent refrigerationem in caput, vt membrum exangue, post mulieres quæ natura sunt frigidiores, de

Rigores à posterioribus magis.

viris dixit, pari modo fieri, vt à posterioribus magis quàm ab anterioribus in ipsis incipiant rigores. Adposuit tamen exemplum quo probat à posterioribus tanquàm à frigidioribus incipere debere rigores, quoniam extrema membra vt cubiti, & femora cum sint frigidiora, quia exteriora, ab eisdem quoque rigores incipiunt. De his tamen habuisse mentionē vt de externis membris, constat ex Hippocrat. lib. 6. De mor. pop. par. 3. vbi hanc eandem sententiam ita scripsit: Rigores incipiunt mulieribus quidem magis ex lumbis, & per dorsum, & tunc ad caput, sed & viris à tergo magis quàm ante. Horrentque corporis externa magis, quàm interna, vt cubiti, & femora. Annumerantur igitur cubiti, & femora, vt externa, non vt posteriora.

APHORIS. LXX.

A quartanis capti non valde à conuulsionibus capiuntur. Quòd si prius capiantur, quartana superueniente cessant.

COMMENT.

Conuulsiones quæ à siccitate fiunt, nō curantur superueniente quartana, aut quauis alia febre: sanantur autem quæ fiunt ab humiditate, replentibus neruos crassis, lentis, ac frigidis humoribus. Quod dixit secunda sect. apho. 26. melius quidem esse, febrem superuenire conuulsioni, quàm conuulsionē febre: in eum omnino modū dicit, A quartanis captos non valde, id est non frequenter capi à cōuulsionibus, quia cōtrarium aliquan-

aliquando fit. Quod si à conuulsionibus capti fuerint, quartana superueniente liberari. Quam sententiam lib. 6. de mor. pop. par. 6. ita scribit, Qui à quartana capiuntur, à morbo magno non capiuntur: si vero prius capiatur, & superueniat, liberantur. Habet autem hæc sententia firmissimum fundamentum. Siquidem calor, ut Gal. in Com. dicit, crassos humores coquit, & rigor qui quartanam comitatur, excretionem efficit. Nullo autem alio auxilio opus habet crassus, ac lentus, & pituitosus humor, qui conuulsionem efficit, præterquam excretionem, & coctionem, rigor excernit, calor tamen febrilis coquit. Quorum utrumque quartana facit, & melius multo quàm febris alia (quamuis & alia idem facere valeant) quandoquidem quartana præter id quod rigorem habet adiunctum, calor est non admodum validus, sed diutinus & securus. Qua ratione Hippo. li. 1. De mor. pop. par. 3. dixit: Securissima autem omnino, & facillima, & longissima est quartana. Hæc siquidem non solum ipsa per se talis est, sed etiam ab aliis magnis morbis vindicat. Vocat autem Hippo. magnum morbum epilepsiam, quam appellant morbum puerorum, & morbum Herculeum, non quod ipsam passus fuerit Hercules, (quamuis id Aristo. affirmet problemate. 1. sectionis 30. sed quoniam ita voluerunt eius magnitudinem significare. At vero quemadmodum epilepsia à crassis humoribus fit, ita & conuulsio de qua modo agimus; utrumque tamen morbum prædictis rationibus sanat quartana, excretionem quæ rigore fit, & coctionem quæ fit calore febrili. Neque dubium videtur

*Quartana
à conuul.
liberat.*

*Quartana
diutina
est non le-
thalis.*

*Calor fe-
brilis co-
quit.*

calorem febrilem coquere posse crassos ac lentos humores, quandoquidem calor natiuus coctiones perficit, & à similibus iuuatur. Cæterum nihil tollit quominus etiam à dissimilibus iuuetur. Quod hinc constare poterit, nam calor non omnem humorem superare valet, neque enim superat nisi raro humorem qui continetur in scrofula, neque eum qui continetur in scirrho pituitoso, neque superabit ipsum adiutus à calore simili temperato, vt constat experimento. Si tamen admoueamus morbo piper, aut radicem piretri, videmus calefacta valde particula, humorem incallescere, & attenuari, & deinde vinci à calore natiuo, & suppurari. Iuuant igitur quæ dissimilia sunt. Neque vetat quidpiam quominus temperatum à distemperato iuuetur aduersus distemperatum, & valde obsistens. Talis est apho. ratio quoties crassus est ac lentus humor, qui conuulsionem, aut comitiale morbum efficit, & qui non suppuretur à calore natiuo, calor præter naturam & validior naturali iuuare valebit ipsum. Ille vero qui putauit falso quartanam liberare ad epilepsia, quoniam epilepsia fit à melancholia, quandoque respiciens ad humorem quartanam efficientem, non ad calorem quem diximus coquere humorem, confusus sua imaginatione cogitur dubitare, ac non videre, quare quartana liberet ab epilepsia pituitosa, & parum modeste dicere Galenum tradidisse causam quandam frigidam, & obscuram. Cum tamen, Commen. Galeni tam huius aphor. quam illius sententiæ quam adduximus ex lib. 6. De morb. popu. sit perspicuus, & euidens. Quod aperte

per te indicat eodem loco Gal. Comm. ultimo, ubi postquam Hippo. dixit: Pro quibusdam, quoniam morbi, inquit. Nempe ut quartana epilepsiam sanat, & febris quæcumque conuulsionem, non equidem quoniam omnis febris fit ex humore faciente conuulsionem, sed quoniam omnis febris est calor qui coquit, & discutit crassos ac lētos humores. Atque ita quartana sanat conuulsionem, non quoniam conuulsio & quartana ab vno humore fiūt, sed quoniam quartana, febris est, & calor facilis & diuturnus, & qui coctionem ac discussionem iuuet.

APHORIS. LXXI:

Quibuscumque circumtenditur cutis arida & dura, ij sine sudore moriuntur: Quibuscumque vero laxa & rara, cum sudore moriuntur.

COMMENT.

Quam plurimi sunt qui iuxta mortem sudant, languente retinente facultate & accedente raritate cutis: in his tamen cutis humescit, & laxa fit. Sunt autem alij, quorum cutis ob densitatem non est peruia humori, neque humescit, sed arida, dura & circumtensa est. Cum tamen morbi ratione morituri sunt, quibus cutis est circumtensa, dura, & arida, ii sine sudore moriuntur. Quibus vero cutis est laxa & rara, ij moriuntur cū sudore. licebit autem ex hac sentētia sudorem prædicere in his qui morituri sunt, ubi prius probe perspectū habuerit Medicus, an habeat æger cutis raritatem & laxitatem, aut densitatem & duritiem.

Sudor iuxta mortem.

Habetur hæc sententiâ lib.6.de mor.pop.par.6.

A P H O R I S. LXXII.

Morbi regio laborantes, non valde fiunt flatuosi.

C O M M E N T.

Platus ge
neratio.

Flatus à calore præter naturâ fit, sed non multum intenso. Non tamen generatur ex omni materia, sed ex humida & lenta magis. Morbus tamen regius ab humore bilioso fit, qui in iecore aut vesica fellis adeo abundat, ut ad cutem cum sanguine delatus ipsam inficiat bilis colore, & auri colore. Quando tamen bilis adeo abundat, calor validus est, qui non generat flatum, & materia generationis deest, quæ solet in flatum transire, uti pituita. At vero fit nonnunquam ut simul cum morbo regio adsit pituita abundantia, à qua calor valebit flatum leuare, ac propterea non protulit absolute sententiam, sed cum additione dicens, non valde: siquidem raro habent abundantiam pituita, qui morbo regio laborant.

HIPPO.



HIPPO. APHORISMORVM
sectio sexta, Christophoro
à Vega interprete &
expositore.

APHORIS. I.

E*M diuturnis leuitatibus intestinorum,
ructus acidus superueniens, qui prius
non erat, signum bonum.*

COMMENT.

E*ausas leuitatis intestinorum eiusque na-
turam late explanauimus lib. 3. De arte
medendi. Descendunt sane alimenta per
ventrem aut omnino immutata, aut parum, sed
suam speciem referentia. Aut quoniam intestina
irritantur ad celerem excretionem, aut quoniam
languidam habent retinentem facultatē. Præter-
ea acidus ructus ubi non sequatur acidam pitui-
tam in ventriculo cōtentam, sequetur coctionem
imperfectam, sed non omnino ablatam. quod in
sanis quotidie experimur. estque par modus gene-
rationis ructus acidi in agris. In leuitatibus vero
intestinorum quæ ab acida pituita fiunt, ab initio
ructant acidum agri. In quibus nihil boni aut ma-
li indicat, quoniam est de assidētibus, non de mox*

*Lysteria
cause.*

apparentibus, aut superuenientibus. Ac perinde Hippoc. dixit: In longis leuitatibus intestinorum ructus acidus superueniens, qui prius non erat, signum bonum. Indicat etenim coquentem facultatem non nihil agere, & ex parte coquere ac mutare cibos, neq; omnino otiosam esse, & retinentē aliquandiu retinere cibos, nec sui muneris omnino oblitā. Quandoquidē ructus acidus qui ante non erat, ob extremā cruditatem iam superuenit. Non adesset tamen, nisi coctio aliqua ex parte fieret, quæ ante nulla ex parte fiebat. Quod bonum est, & ab acido ructu significatum.

APHORIS. II.

Quibus nares natura sunt humidiores & genitura humidior, insalubriores degunt: quibus vero contraria, saniores.

COMMENT.

Humidiores insalubriores.

Ab excrementorum abūdantia ad securiorem sanitatem & magis firmam probādā, recte admodum Hipp. procedit, humiditatū & excrementorum abundantiam agnoscere docēs, ex narium & feminis humiditate. Quibus enim nares sunt humidiores, cerebrū humiditate abundat excrementosa. Quib⁹ vero genitura humidior iusto est, totum corpus abundat excrementis, & humores non sunt probe cocti, neque tenue insensili vaporatione dissoluitur. qui vero tales sunt nō adeo integravaletudine fruūtur, sed degūt insalubrius. Quibus tamen cōtra fit, ita ut nares siccae sint, & genitura siccior, caput & vniuersum corpus min⁹ abundant excrementis, & sanguinis atq; omnium humo

humorū meliores fiunt coctiones. Nā per coctiones tenue dissoluitur, & reliquum crassius manet & minus humidum. Hi vero magis tuta sanitate fruuntur. Licet enim morbi nonnulli fiāt ex sicca intēperie, innumeri sunt qui fiunt ex humorū abundātia, & putredine, ad quos natura humidior est quoque paratior. Natura tamē, dixit, humidiores, quoniā qui aliqua occasione tales sunt, nō per inde insalubres degunt. Similem huic sentētiā scripsit li 6. De morb. pop. sect. 6. apho. 19. verūm est deprauata in Græc is codicibus, sed est ad hanc normam restituenda, ὅισι ῥίνες ὑγρόταται φύσει, καὶ ἡ γονὴ ὑγρότερη, καὶ πλείω, ὑγιαίνουσι ἔτοι νοσιρότερον ὅισι δὲ τὸναντία, ὑγεινότερον. quod est, quibus nares humidissimæ natura, & genitura humidior, & copiosior, ij degunt insalubriores: quibus vero contraria, saniores.

APHORIS. III.

In longis difficultatibus intestinorum ciborum inappetentia, malum, & cum febre peius.

COMMENT.

Difficultatibus intestinorū superuenit quādoq; ciborum inappetētia, aut ab initio, aut postquam morbus factus est diutinus. Ab initio quidem, vt Gal. in suis Commen. testatur, quoniam bilis quæ morbum efficit deterfione intestinorum, abrasione & vlceratione aliqua ex parte ad ventriculum defluit, bilis autem appetitum ciborum deiecit. Contingit tamen vt morbo diutino facto cibos auersentur: quoniam demoritur animalis facultas quæ cibos appetit, ore videlicet ventriculi

Diff. intest. cum inappetentia.

consentiente malo reliquorum intestinorum, aut quoniam vlcera intestinorum diutina sordibus implent ora venarū, per quæ alimētum in corpus diducitur, impleta autem non tantum nō trahunt à ventre & intestinis alimentum, verū cupiunt quod in ipsis continetur reiicere in ventrē. Quod cum ita sit, fieri nequit vt naturalis ciborum appetentia exciteretur, quæ suctione eget, vt nos lib. De arte medendi docuimus, & Gal. lib. De causis symptomatum primo. Cum febre vero ea ratione deterius est, quòd febris inflammationē & putredinem intestinorum significat. Lib. 6. De mor. pop. par. 6. habetur hic apho.

APHORIS. IIII.

Vlcera circumglabra male morata sunt.

COMMENT.

*Vlcera
mali moris
qua.*

Maligna siue mali moris vlcera sunt quæ difficile ad cicatricem perducuntur, quod multis de causis euenit, aut quoniam habent intemperiem coniunctam, aut fluxionem. Quamuis vlcera maligna siue male morata cū magnis confundat Gal. lib. 4. De metho. meden. Quādo igitur vlcera circumglabra fiunt, & pili qui in ea parte nasci solebant corrumpuntur, maligna vlcera sunt, & quæ fluxionem habeant adiunctam succorum prauorum, aut intemperiem quæ succos ipsos corrumpat, ita vt deinde pilos destruant eo modo quo in alopecia fit, sic enim & plantæ lixiuius, vrina aut aqua salita irrigatæ percunt.

APHO.

*Dolores in lateribus, & pectoribus, & alijs
membris si valde differant, considerandum.*

C O M M E N T.

Dolorum differentias considerare admonet Hippoc. rem sane vtilissimam ad dignotionem, præfagium, & curationem. Agnoscimus in dolori ^{Doloris} ^{species &} ^{mag.} bus speciem & magnitudinem, in specie vero an sit punctorius dolor an grauens, an distēdens, aut pulsans, an percutienti, an stimulantī similis, & præterea an continuus, an intermittens, ita vt remittat, aut omnino desinat, & iterum redeat. Magnitudo vero intensiōem maiorem & minorem dicit. Ex doloribus tamen quemadmodum ex actionibus, excrementis, & corporis affectibus, & tumoribus cognoscimus passionem, & partem patientem, atque causam passionis, veluti cum dolor pūgit in partibus capitis, agnoscimus membranas infestari, atque causam esse calidū humorem, frigidus enim membranarum sensum obtundit. Cognita quoq; doloris specie, agnoscim^r quòd morbus vigilias & phrenitidem minatur aut præsentem ostendit. Notum autem est hinc totam curationis rationem pendere. Præterea dolor grauens carnem & musculos laborare ostendit, & causam esse multitudinem, crassitudinem, lentorem, & frigiditatem humorum. Dolor distēdens nō grauens ostendit flatum. Pulsans obstructionem, aut compressionem arteriarum indicat. Magnitudo ostendit magnitudinem causæ, acrimoniam, & acrem sensum: paruitas contraria. Repetentia
G.

per interualla causam mittentem, aut generātem esse, quæ generat, aut transmittit. Magna igitur interest nosse quātum differant dolores laterum, pectorum, aut aliorum membrorum. Hippo. lib. 6. De mor. pop. par. 7. similem huic sententiam scripsit, quæ sic habet: Dolorū in lateribus, & pectore, & aliis, tempora an multum differant considerandum. Nam cum melius habuerint, rursus deterior habebunt, non delinquentes. Non est tamen eadem hæc cum aphoristica sententia, vt quidam putauit. Nam hæc est particularis, qua admonet Hippo. considerare differentias dolorum per tempora. Sunt enim quidam dolores qui certis quibusdam tēporibus augentur, & aliis minores fiunt. At vero in apho. præfenti non tantum has temporum differentias, sed omnes in vniuersum cōprehendit, quas diximus, quas etiam Gal. in Comm. commemorauit.

APHORIS. VI.

Renum passiones, & quicumque circa vesicam fiunt dolores, in senioribus difficile sanantur.

COMMENT.

Renum passiones. Renum passiones sunt lapis, obstructio, abscessus, vlcus, & inflammatio. dolores in vesica fiunt ob vlcera, lapides, & vrinæ ardores, ac retentiones & inflammationes. Hi omnes morbi difficile sanantur, præsertim qui ex ipsis fiunt diuturniores. In senioribus autem, id est in senibus, nihil enim refert dicere iuuenes, aut iuniores, senes & seniores: sunt autem qui quinquagesimum annum

num attingunt. Sanantur quidem difficile morbi renum & vesicæ, quoniam per has partes perpetuo deferuntur excrementa, quæ easdem irritant & laborare cogunt, sic etiam & imbecillitas earundem idem facit, in senibus præsertim, li. 6. De mor. pop. par. 7. dicit se non vidisse renum passiones curatas post quinquagesimum annum.

APHORIS. VII.

Dolores atque tumores qui circa ventrem sunt, qui quidem sublimes sunt, leviores: non sublimes vero, vehementiores.

C O M M E N T.

Galenus apertam & firmam effecit Hippoc. sententiam, dicens. per sublimes tumores non significari eos qui sunt in partibus ventris supra umbilicum, sed eos qui sunt externi. Appellamus autem externos qui ad externam vergunt superficiem, qui etiam extra peritonæum sunt. Non sublimes vero erunt, qui intra peritonæum continentur. Constat autem hos infestare ventriculum aut iecur, aut lienem, aut intestina, aut vesicam, aut renes, aut uterum, aut etiam eisdem annumerabis peritonæum ipsum. Nullus autem tumor in his locis vacat periculo, quantum qui extra peritoneum consistunt.

APHORIS. VIII.

Aquam intercutem patientibus, ulcera in corpore facta, non facile sanantur.

G.ij.

COMMENT.

*Vlcera
fiunt in
ascite, con-
tra Fuch-
sium, &
difficile sa-
nantur.*

Vlcera facta videmus in toto corpore, maxime in cruribus eorum qui aquam inter cutē pariuntur, non in anasarca tantum, de qua sola aph. esse intelligendum putat Fuchsius. In ascite namque quotidie conspicias in cruribus cutē quasdam bullas pati, quæ disruptæ in vlcera transeunt, fere immedicabilia. Quoniam tamen in anasarca tota caro humida est & in ascite aqua ex vëtre in crura delabitur, vlcera fiunt, quæ deinde tum ob partium intemperiem, tum ob fluxionem acrem difficile sanationem admittunt, quæ exsiccatione perficitur.

APHORIS. IX.

Lati a pustula non valde pruriunt.

COMMENT.

Hanc sententiam scripsit lib. 6. De mor. popu. par. 2. quam Simonis exemplo probavit. causam non est difficile inuenire, quare lati tumores minus pruriant, siquidem calidi humores efficiunt tumores magis in acutum fastigiatos, & frigidi magis latos, & humiliores. Quapropter cum pruritus excitetur ab humoribus intra cutem detentis, qui exitū petunt, & calidi ad id magis urgeant, calidi quoque maiorem concitabunt pruritum, & frigidi minorem. Tum etiam quoniam lati tumores maiorē habent transpirationis locū. Docent id variolæ & morbilli, qui morbi in genere sunt exanthematum. de quibus supra tertia sectio. Com. 20. diximus.

APHO.

Laborante capite & circumdolente pus, vel aqua, vel sanguis defluens per nares, vel os, vel aures, soluit morbum.

C O M M E N T.

Labores capitis qui intra caluatriam sunt significauit cum dixit, *πονέοντι*, id est laborante. Eos autem dolores qui sunt extra significauit cum dixit, *καὶ περιδυνέοντι*, hoc est, & in circuitu dolēti. Constat autem hos labores, aut læsiones, atq; dolores, fieri cum humore, aut aqua, aut cū flatu, aut à sola intemperie. Intemperies non curatur vacuatione, sed alteratione, flatus discussione. Humores tamē & aquam eorum vacuatione curamus. Bilem sane purgatione, sanguinem, pituitam, & aquam curat sæpe natura vacuatione, quæ fit per eas vias per quas solet natura succos caput infestantes vacuare: viæ sunt nares, aures, palatum, & os. Aqua & pituita curantur aquæ euacuatione per dictas vias. Sanguis tamen quādoque manet intra vasa, quandoque efficit inflammationem. Si intra vasa continetur curatur sanguinis vacuatione per nares. Si extra vasa fecerit inflammationem, ea suppurata, atque euacuato pure per loca dicta soluetur morbus. Gal. partem eam, vel sanguis, & illam, & os, non legit, quoniam in Commenta. referens quod Hippoc. dixerat inquit: Verū ipse non hoc tantum dicit, sed simpliciter quòd pus, aut aqua fluens per nares, vel aures, morbum soluit. Non meminit autem vacuationis sanguinis, neque eius quæ per os fit. Præterea infra cum dixisset,

G. iij.

suppurata inflammatione, & humore excreto solui dolores, qui fiunt ab inflammatione, aut eos qui fiunt ab humore crudo, addit: Si vero propter spiritum flatuosum, aut sanguinis multitudinem, aut bilem mordacem, aut omnino ex intemperie dolor acciderit, per alia sanabitur. Notum autem est quòd si ipse legisset partem illam, vel sanguinis, non dixisset dolores capitis à sanguine ortos per alia sanari. Sanantur enim sanguine de naribus fluente, quàm optime, cuius ipse meminerat.

A P H O R I S. X I.

Melancholicis & renum morbis laborantibus, hæmorrhoides superuenientes, bonum.

C O M M E N T.

Melancholia quid.

Melancholia delirium est sine febre ab humore melancholico occupante cerebrum: Nephritis morbus est renalis, quem aliàs renum lapidem apellamus. His duobus morborum generibus miro modo auxiliantur hæmorrhoides, siue sanguinis vacuationes per ora venarum quæ sunt ad anum. Quoniã per hanc vacuationem humor eos morbos efficiens expellitur: is vero est sanguis melancholicus, crassus & sæculentus. Euacuant autem hæmorrhoides à renibus cum deriuatione quæ per proxima fit, à capite vero in melancholia fit reuulsio cum vacuatione.

A P H O R I S. X I I.

Hæmorrhoidas sananti antiquas, si una non seruetur, periculum est superuenire aquam inter cutem & tabem.

COM,

*Hæmor-
rhoidas
antiquas
sanare.*

Hæmorrhoidas recentes sanare, funditus absque periculo fit: Antiquas vero sanare nō sine periculo, quod ab Hip. scribitur. Id vero est, incidēdi in aquam inter cutem, aut in tabem. Humor enim melancholicus crassus, & sæculētus, qui in iecore genitus per ipsas expurgabatur, clausis omnibus, atque neque vna aperta seruata, necessum est natiuum calorē iecoris opprimi à multitudine crassi humoris retenti, & ipsum sanguinis generatione frustrari, & inde aquam intercutem sequi, fuso humore in vētrem, aut in totius corporis ambitum. Quod si fiat, vt solet, vt ad pulmonem transferatur, putrescens ibidem ipsum exulcerabit, & tabem efficiet. Ac proinde lib. 6. De morb. popu. par. 3. à multis malis liberare hæmorrhoidas scribit, & importune curatas eadem afferre mala, cum inquit, Qui hæmorrhoidas habent, neque pleuritide, neque pulmonia, neque phagedena, neque forunculis, neque terminthis, forsan neque lepra, & forsan neque aliis. Curari vero importune, multi subito his correpti sunt, & grauissime. Cæterum vt lib. 3. De arte med. docuimus, Aetius non putat esse necessarium vnam seruare hæmorrhoidam ex antiquis, neque id voluisse Hipp. sed ipsum in aquam inter cutem, aut in tabem incidere dicit, si ab antiquis hæmorrhoidibus curetur, & deinde non seruetur. Vbi tamen seruetur, tum purgationibus, tū sanguinis missionibus oportune adhibitis, & debita victus ratione, & iecoris atēperamento, nullū tale imminet periculū. Quem admodum si quis antiquam quamuis aliam cu reruacuationem, atque eandem omnino supprimat,

vbi probe regatur, non perinde mala succedent.

APHORIS. XIII.

A singultu habito sternutationes superuenientes liberant à singultu.

COMMENT.

*Singultus
curatio-
nes.*

Singultus ab inanitione siue siccitate eo modo quo conuulsio sicca nō admittit curationem, qui vero fit ab humore, aut à sola frigida intemperie, curari potest, eiusque curationem late docuimus, li. 3. De arte medendi. Sternutationes autem, has singultus species curare docet modo Hippoc. Vbi enim quis singultu laboret ac molestetur, sternutationes superuenientes à natura, vel arte factæ causam si fuerit humor excutient: si tamē intemperies, notum est commotione & agitatione ventriculi incalescere. Sunt etiam singultus quidam à siccitate, hoc est à causa sicca adstringente & acerba, quod facere videmus mala cotonea, aut pyra acerba deuorata quæ singultum commouent: sanantur autem esu zucchari, aut potu aquæ tepidæ.

APHORIS. | XIII.

Ab aqua inter cutem habito, si aqua à venis in ventrem fluat, solutio.

COMMENT.

Non in omnibus speciebus, aquæ inter cutem aqua continetur in venis, sed in ascite exudat à icore intra peritonæum, in hac quoque & timpania ventre tumente venæ inanitæ sunt, & vniuersum corpus veluti tabe consumptum, in quibus
non

non est sperandum aquam confluxuram in ventrem ex venis, ut sanentur. Nam ut vides quamuis venæ omnes euacuentur per ventrem in ascite, & timpania, non perinde æger sanus fiet, manente adhuc aqua intra peritonæum, aut flatu. Si tamen in anasarca, aut hyposarca pituita, aut serosus humor, à venis retrocedens in ventrem vacuetur, morbi sequetur solutio: id verò Medicum imitari conuenit arte.

APHORIS. XV.

A diuturno ventris profluuiio habito, vomitus sponte supervenieniens, soluit ventris profluuium.

COMMENT.

Pari modo, ut in superiori Com. diximus, Medicum decet imitari vacationem hanc sponte factam, id est à natura sine ope Medici. A contraria etenim reuellere impetum fluentium humorum, vnum est de præceptis Hipp. contrarius autem est vomitus ventris profluuium, siquidem in contrarium ducit humores qui impetu quodam deorsum feruntur. Et quamuis vomitus valeat sanare fluxum ventris recentē, diuturni fuit exemplum Hipp. quoniam hanc curationis speciem voluit Medicum imitari, quod facere non conuenit in recentibus, sed in antiquis, hoc est, qui diu iam durant & hominem male habent, ob enim dixit *ἐξουέτω*, id est, vexato, & molestato. Diuturnum etenim quis recte dicet, quod durat longo tempore.

A pleuritide aut pulmonia habito, fluxu ventris superueniente, malum.

C O M M E N T.

*Fluxus
ventris in
pleuritide.*

In pluritide aut pulmonia quandoque superuenit fluxus vētris, valente adhuc ægro & signis coctionis apparentibus in vrina, & sputo: & nihil mali significat. Superuenit autem quandoque cū æger male habet, & à malo affligitur, de quo dixit Hipp. ἐχομένης, id est conflictato & molestato. quod signum malum est: significat enim per consensum laborare iecur, & sanguinem non conficere, neque distribui. Non consentit tamen iecur, & in eam imbecillitatem deducitur, ob læsionem instrumentorū respirationi seruientium, nisi magna sit. Duas igitur adponit conditiones Gal. ad apho. veritatem, vt sit æger à morbo conflictatus, & molestatus, & vt non eueniat prædictus ventris fluxus à causâ prægressâ, aut alia à morbo ipso, pulmonis, aut thoracis. Verus autem est aph. etiam si pleuritis, aut pulmonia nondum sint ad suppurationem perductæ. Nam cum non suppurantur ob humoris malitiam, & facultatis imbecillitatem, fluxu ventris superueniente, malum erit, & consensum iecoris significabit.

A P H O R I S. XVII.

Eum qui lippitudine laborat, à ventris fluxu capi, bonum.

C O M M E N T.

Euacuationes bonas sponte factas Medicum imitari

ad initium quartæ sectionis docuerat: sic & præsentem vtiliter imitabitur Medicus, si fluxū ventris procurauerit medicamento quopiā ventrem subducente, vbi æger lippitudine laborauerit. id namque natura probe facit, quoties laborantes lippitudine, hoc est inflammatione adnatæ membranæ, sponte fluxum ventris commouet.

APHORIS. XVIII:

Vesica discissa, aut cerebro, aut corde, aut septo transuerso: aut aliquo tenuium intestinorum, aut ventriculo, aut iecore, lethale.

COMMENT.

Refert modo Hip. vulnera quædam exitialia, *Vulnera lethalia.* quæ ea ratione talia sunt, quod ab eis nemo liberetur, aut quoniam pauci admodum visi sint liberati. sunt autem vulnera penetrantia quæ ipse discissiones appellat. Vesica etenim discissa non curatur si in cavitatē ipsius penetrat vulnus, quia tenuis & exanguis est, & vrinam perpetuo cōtinet, collū autē eius quotidie discindimus ad lapides extrahēdos, & post sanantur. Vulnera autem *Vulnera cerebri* cerebri si ad ventres perueniant, nō curantur, sed *quæ sanantur.* alia multa vidimus sanata, quæ ad cerebri substantiam perueniebant, & amissa cerebri ipsius *int.* portione, Galenus in Comm. dicit se vidisse sanatū vulnus effatu dignum in Smyrna Ioniz ciuitate, lib. tamen 8. de vsu partium dicit, id vulnus penetrasse alterum cerebri ventrem, nempe anteriorem, sed dei voluntate sanatum. Corde

vulnerato nemo liberatur, nam si vulnus penetrat ventres, pereunt effuso sanguine, & spiritu: si non penetrat, concitato dolore & deinde inflammatione pereunt. Si tamen septum transuersum discindatur, tum ob naturam suam quæ excarnis est, tum ob frequentem & perpetuum motum, nō cōsolidabitur. Tenuia præterea intestina perforata non consolidantur, ob frigiditatē, & naturam exanguem, & ob excrementorū perpetuum descensum per ipsa. Ventriculus summa parte vulneratus curatur, discissus ad profundum, non assolidatur, ob officium, & quoniam medicamenta nō superponuntur ipsi, quāuis bibātur, sed hæc necessario cibis miscentur, & ideo non profunt.

Historia.

Chirurgus tamen quidam fide dignus iurabat se curasse hominem, qui fauciato ventriculo non longe à cibo assumpto per vulnus chylum reiecit. Iecoris vulnera curantur quæ non transfixerunt venam aliquam mentione dignam, tales enim sanguinis effusione intra peritonæum moriūtur, sicuti & venæ cauæ vulnus celerrimam mortem affert, lib. 4. De usu partium. Neque refert modo dicere quòd vulnera cerebri & iecoris visa sunt ad sanitatē perducta, mirabili ac diuino auxilio, & nos sane vidimus Compluti mulierem vteri procidentia laborantem, cuius vterus extra computruit. Chirurgus tamen totum abscidit, ad collum vsque, & non paucis deinde annis vixit. Aui-cenas totum vterum abscissum refert, & iecoris partem, & vixisse. & Gal. li. 4. De usu partium refert, se abscidisse totum fere omentum, sed hoc non adedò graue est.

APHO.

*Quum discissum fuerit os, aut cartilago, aut
neruus, aut buccæ pars tenuis, aut præputium,
neque augetur, neque consolidatur.*

COMMENT.

Catalogum vulnerû lethalium scripsit in aph.
præcedenti, in præsentī vero vulnerum quæ dif-
ficilem admittunt curationem, aut nō integram.
Ea sunt discissiones ossium, cartilaginum, neruo-
rum, buccæ tenuioris partis, & præputij. Hæ enim
partes discissæ non augentur, si pars earum fuerit
amissa, neque consolidantur: etiam si vulnera fiât
sine partis amissione. Causa in promptu est, nam
mollia corpora facile vincuntur: & ubi partem
carnis amissam velit quis refarcire, id facile eue-
niet suppetēte sanguinis copia, ut materia. Qua-
propter si pars ossis amissa fuerit, nō recreabitur:
quoniam nullibi suppetet copia materiæ semina-
lis, à qua os primam habuit generationem, sicuti
& cartilago, & nervus, & buccæ, & præputium.
Præter id quòd interim dum pars aliqua de his
generatur, copia sanguinis occurrente, caro loco
partis amissæ accrescit. De agglutinatione & cō-
solidatione interest quidem: nam agglutinati
possunt ossa non consolidari. Agglutinātur enim
callo adnato, tanquam glutine, non tamen soli-
dantur per aliquid, quod sit de ossis ipsius sub-
stātia. Præterquam si ossa mollia admodum fue-
rint, qualia puerorum, quorum ossibus seminaria
materia suppetit multa, & consolidandi facultas
valida, & partes consolidandæ humidiores, quàm

Ossū, ner-
uorum &
præputij
discissio-
nes.

aliarum ætatum. Hanc sententiã scripsit Gal. li. 5. De metho. meden. Et lib. 2. De tempera. ossa puerorum adeo mollia esse dixit, vt nutrices ea conforment, & caseo recens coagulato similia sint. De cartilaginibus idẽ dicemus. Nerui vero præcisi præter alia hoc habent peculiare, quod partes refugiunt, & contrahuntur ad principium, aut finem membri. Deest quoque illis materia & facultas valens, & inseritur interim caro. Idem de tenuis buccæ parte, quæ membranæ est, & fibrosa. Neque minus dicendum de præputio, pars enim amissa, non recreatur, & discissa non consolidatur, sed agglutinatur.

APHORIS. XX.

Si sanguis in ventrem effundatur præter naturam, necessum est suppurari.

COMMENT.

Si sanguis effusus fuerit extra proprias cavitates, in ventrem quemuis, alium ab iis in quibus secundum naturam contineri solet, necessum est ipsum suppurari, hoc est corrumpi. ita enim exponitur vox ἰμπυρῶναι, à Gal. in Comm. Ventres tamen in quibus secundum naturam continetur sanguis, sunt venæ, arteriæ, cordis ventres, & cerebri lacunæ. Extra verò funditur, in ventriculum, thoracem, vterum, intestina, vesicam, & in cavitatibus muscolorum, in inflammationibus & in enchymosi, in poris sensum effugientibus. In quibus omnibus corrumpi sanguinem est necessum.

APHO-

APHORIS. XXI.

*Insanientibus varices, aut hæmorrhoides
superuenientes, insania solutio.*

COMMENT.

Melancholicus humor est qui insaniam, siue melancholiam morbum facit. Per varices tamen in venis colligitur sanguis melancholia multa mixtus, præsertim autem in his quæ sunt ad furas. Hæmorrhoides sanguinis vacuationes sunt ad-
Hæmor-
rhoides.
 pertis venis ani. Purgatur quoque per eas sanguis melancholicus. Iure igitur insaniam curabunt varices conuerso humore à capite in crura, aut hæmorrhoides reuulsione vacuantes eundem humorem. Atque eadem ratione hæmorrhoidas aperire ad melancholiam siue insaniam curandam, erit artificiosum.

APHORIS. XXII.

Quæcumque rupta à dorso in cubitum descendunt, venæ sectio soluit.

COMMENT.

Gal. in Com. docet per rupta dolores esse intelligendos. Dolente autem dorso & ceruice, & quâdoque musculis qui sunt ad omoplatas lassitudinis speciem patiētibus, dolor per brachium ad cubitum, descendit, & nonnumquam ad manum usque. Conuenit autem in eo affectu, venam cubiti secare. Ducendi siquidem sunt humores & sanguis vacuandus per eā partē qua natura vergit. Non equidē per eam in qua figitur, & quam obli-
 det, sed per eam quæ nobis indicat quò vergit

sponte natura. Quæ tamen ad euacuationem humoris lassitudinem facientis, & inde ex parte excurrētis ad cubitum est accommodata. Ea verò est in cubiti flexu externa.

APHORIS. XXIII.

Si tumor & tristitia multo tempore perseuerent, melancholicum significatur.

COMMENT.

*Timor
quid,*

Timor opinio est mali futuri, tristitia vero opinio mali præsentis. In has opiniones quidam incidunt ob causam aliquam euidentem, quidam sine ipsa. Qui sine causa cognita timeret atque tristatur, causam habet internā quæ mentē eius perturbet, & in eos affectus deducat. Qualis est humor melācholicus qui cerebrum occupat. Aut certe quod sæpius fit incipiente morbo humor cor occupat, quod est origo turbationum animi: vt li. i. De arte med. docuimus. Inde vero ascēdit vapor in cerebrum qui ducit animā rationalem in consensum.

*Timor &
tristi. me-
lancho. si-
gni.*

Ac perinde recte dixit: Si timor & tristitia adsunt, melancholicum, hoc est melancholia morbus, significatur. Quòd si causa adsit quæ verè possit hominem in timorem & tristitiam adducere, diu ipsis perseuerantibus melancholiam inferēt, & propterea melancholicum significatur. Generant enim & in circuitu se ipsa iuuant, & augent timor, tristitia, & melancholia. Nam melancholia infert timorem, & tristitiam, & hæc duo generant melancholiam, quamuis à causa euidenti originem trahant. Vnaquæque tamen earum effectum

*Tristitia
& melan-
cho. seipsa
generant.*

effectum sibi debitum producit, citius aut tardius, pro ratione causæ generantis, quæ aut valida est, aut imbecilla, & pro corporis præparatione. Sunt enim quidam prompti facile incidere in tristitiam & timorem, quidam minime. Parat autem ad hæc non parum pusillanimitas & cordis languor, siue facilitas ad patiendum, aut compatiendum. Ac de omni rãdem timore atque omni tristitia, siue causam habeat euidẽtem, siue non, recte dictum est: Si timor & tristitia longo tempore habent, melancholicum significatur. Quoniam ad hæc, si perseuerauerint, omnino sequetur, si non adest. Si tamen adest, melancholia per hæc eadem, ut præsens ostendetur.

APHORIS. XXIII.

Si aliquod tenuium intestinorum discissum fuerit, non consolidatur.

COMMENT.

Quoniam hic apho. in 18. continetur, frustra repetitur modo, sed foret ab hoc loco expungendus, ut inquit Gal. in Com.

APHORIS. XXV.

Erysipelas exterius effusum, si intus vertatur, non bonum: ab interioribus verò extra, bonum.

COMMENT.

Hic apho. adeo notus est, ut non videatur eger expositione. siquidem notissimum est melius esse conuerti extra erysipelas quàm intra, & o-

inne malum melius est occupare externas, quàm internas partes, præsertim si ante occupabat internas, & ad externas mutetur. Verùm voluit hic Hipp. admonere nonnihil ad partem artis curati-
uam pertinens, videlicet ne Medici temere erysi-
pelata refrigerent, & valide repellant. Solet enim morbus deferere externas partes & ad internas conuerti, quod malum est. Nam & lib. 3. Prog. anginam salubriorem dixit, si ceruix & pectus contraxerunt ruborem: dum tamen erysipelas ita factum non conuertatur intro.

APHORIS. XXVI.

*Quibus in febribus ardentibus tremores
fiunt, delirio soluantur.*

COMMENT.

Exemplum hoc esse videtur earum quæ fiunt permutationum: aliàs inutiliter dixisset, in febribus ardentibus fieri, quod in omnibus eam habet eueniendi promptitudinem. Docet autem humores transponi quâdoque à vasis in nervos, & inde tremores fieri. Commotis nervis à causa grauante aut mordente ad expulsionem, vel nequeunte parte seipsam continere præ multitudine grauata. Cæterum illud non videtur reprehensione carere, quod Gal. in Comm. aduertit cum dixit: Delirio solui, ac si delirium esset sanitas, aut dispositio melior tremore. Propriè enim morbus solui dicitur, cum aut transit in sanitatem, aut in morbum minorem, ac minus periculosum. Delirium autem fit trasplato humore à nervis in originem
& præ-

& præcipuam particulam, nempe cerebrum. solui igitur, improprie dictum est.

A P H O R I S. XXVII.

Quicumque suppurati aut aquam inter cutem patientes, vruntur aut secantur: si pus aut aqua confertim effluerit, omnino moriuntur.

C O M M E N T.

Quando aliis remediis suppurati, aut ascitem patientes curari nequeunt, expedit (quod etiam erat Medicis in usu) eos secare aut vrere, neque enim aliter fieri posse putandum, ut pus quod intra thoracis cavitatem continetur, aut aqua quæ intra peritonæum vacuentur, quàm facta v-
stione, aut sectione, si multum abundant. Quidam autem magni momenti modo docet Hipp. ut facta apertione, aqua aut pus sensim educantur, & per intervalla, ut interim vires roborentur. Si namque confertim euacuatio fiat, omnino ægri moriuntur. Effluet etenim multus spiritus ab osculis arteriarum, quæ adaper-
ta sunt ob magnam distensionem, ab aqua aut pure factam. Præter id quod in ascite aqua, uti fulcrum, continet iecur durum, (id enim solet aquam inter cutem adducere) quod deinde vacuata aqua trahit secum viscera alia. Poteris quoque ab hoc præcepto ad alias vacuationes omnes, maximè quæ sunt in longis morbis transferre usum, & in omnibus in quibus vires non valde constant, euacuationes per partes facere. Nam & suppurati & aquam intercutem patientes aliis iam

Pus aut aqua sensim educi debent.

tentatis remediis, numquam satis valent, neque aliquam confertam ferunt vacationem. Qua tamen ratione vri aut secari debeant suppurati & qui aquam inter cutem patiuntur, Paulus li.6. probe docuit.

APHORIS. XXVIII.

Eunuchi neque podagra laborant, nec calui fiunt.

COMMENT.

*Eunuchi
qui sunt.*

*Testium
attritio.*

Eunuchi Græcis dicebantur, quoniam lectum seruabant mulierum, quas custodire oportebat, uti principes & virgines. Verum castrati ita appellabantur, quibus genitalia erant abscissa. His si soli testes desint, venerem tamen appetunt. Dicebantur etiam thlibæ eunuchi qui attritos habeant testes, & ea ratione erant ad generationem inepti. Atteruntur autem testes pueris laxatis ipsis prius in balneo, deinde manibus compressis donec euanescent, aut ipsis contortis valde, donec via sanguinis interclusa tandem contabescant, quo modo equos & mulos generationi reddimus ineptos, & minime coitum appetentes. Sunt etiam eunuchi quos Gal.lib. de usu partium ὑποσπαιδιόους, hoc est subuulsos appellat, Latini vero spadones, qui quodam veluti freno interposito coguntur semen non eiacularē recta via intra uterum, ac propterea non generant. Eunuchi igitur qui abscissis genitalibus, aut attritis testibus sunt, venerem non appetentes, effæminati, molles etiam & humidiores fiunt, ita ut hac in re cum fæminis contendant. Quapropter sicuti

fæminæ

fœminę non caluescūt, ita neq; illi. Podagra vero non laborant, sed raro & rarius Hipp. tēporibus. erant enim eunuchi continētes, parce viuebant, & à venere abstinebant. Quorum omnium contraria podagram adducunt. Non tantum enim imbecillitas articularum quam quisquam habere potest, aut ex morbis, aut à generatione ad podagram est satis, sed opus est mittentem esse particulam aliquam, aut totum corpus excrementis redundare, quod illo tempore non eueniebat eunuchis probè admodum & cum omni moderatione viuentibus. Sed nunc & Gal. temporibus cum immodicè viuant in otio, & epulis, & veneri indulgeant: non pauci sunt ex eis qui incidant in podagram. Illud vero in animo semper habere debet, qui antiquorum dogmata enarranda suscepit, vt ea amice magis definiat, quàm morose redarguat.

APHORIS. XXIX.

Mulier non laborat podagra, nisi ipsi menses defuerint.

COMMENT.

Hęc quoque sententia veluti & præcedēs cum moderatione legenda. nā videmus mulieres non paucas podagra laborare, nōdū detētis mēstruis, cum non sit vnica tantum causa ob quam soleant abundare excrementa. nam & ob vitam otiosam & in victu omnimodā intemperatiam, accedēte articularum imbecillitate podagra euenire valet, auctis excremētis. Temporibus tamen Hipp. cum

*Podagra
causa.*

nullum horum adesset mulieribus, non aderant abundantia excrementorum nisi cum mensium purgatio cohibebatur, ac proinde non laborabāt podagra, nisi ob mensium defectum.

APHORIS. XXX.

Puer nō laborat podagra ante veneris usum.

COMMENT.

Quamvis pueri à prima ipsa generatione habere possint articulorum imbecillitatē, hæc tamē non se ostendit, donec laborent, & exercitentur. Neque tamen ad podagram id est satis, sed opus est redundantia cruditatum, & excrementorum. Quam tamen pueri non habent propter coctricis vigorem, & quia in alitione omnia absumentur, prius superata. At verò cum primū veneri uti incipiunt, non tantum absimitur in alitionem, & articuli languent, venerē id efficiente, atque ita quod superest, ad articulos trāmissum efficiet podagram.

APHORIS. XXXI.

Oculorum dolores meri potio, vel balneum, vel fomentum, vel sanguinis missio, vel purgatio solvit.

COMMENT.

Quod de oculorum doloribus docet Hipp. hoc loco, de omnibus doloribus ferē docere posset eadem ratione: & quādoquidem cuiusvis partis dolores eas habent causarum differentias, quas dolores oculorum, & curandi viæ à causis desumuntur,

muntur, & distinctionem accipiūt. Non enim aliter Hipp. curationes oculorum distinxisset, dicens, oculorū dolores curari meri potione, & reliquis. Prætermittamus modo dolores qui à nuda *Oculos eu-
rands me-
tho.* intemperie nascuntur, quos contrarietate curare ars medica docet. Cum materia verò facti potissimam habēt curationem, euacuationē. Si in toto corpore humor abundat, & fluxionem in oculos committit, redundante sanguine, venam externam cubiti secabimus, & sanguinem ducemus pro virium robore, & causæ morbi copia. Quòd si fuerit qui abundat prauus aliquis succus, purganti medicamento ipsum ducemus. Si tamen deposita redundantia aliquid causæ prioris in oculos fluere videatur, balneum commodum erit aquæ dulcis. Quòd si in oculis tantum causa doloris contineatur, si crassus fuerit, sanguis vini potione attenuabitur, & discutietur, vti & flatus. Si tamen fuerit tenuis, acris, ac mordax, optimum erit remedium fomentum, vacuato quidem corpore tutum erit eo vti: non præuacuato tamen experiundi gratia ad mouendum, nam si dolorem non in totum mitigauerit, credendum est in corpore subesse copiam, quæ trahetur ad partem ipsam dolentem. *πυρίν*, dixit, quam *πυρίν* vocem Marcellus Vergilius in Dioscoridis interpretatione cap. De oleo transfert, fomentum siccum, sed malè. nam ad oculorum dolores commodius est humidū fomentū. Thomas verò Linacrus li. 12. De meth. med. trāsferit fomentū calidū, sed non malè, nam id fert vox Græca, & res ipsa. Quoniam vero Hip. hunc apho. sine distinctione

H.iiij.

scripsit, ut vult quoque Gal. in Cō. neque ut rationalis, neque ut empiricus, li. 6. De simpli. med. fa. cap. de abrotono, ipsum excusavit, dicens, Sane Hipp. cum in apho. scripsit: Dolores oculorum meri potio, vel balneum. vel fomentum, vel sanguinis missio, vel purgatio soluit, neque adiecit quosnam dolores vini potio, quos balneū, quos fomentum, quos sanguinis missio, & quos purgatio. Ignoscendum forsam quis arbitretur, tribus ut puto de causis, siquidem aphoristicam scribebat doctrinam, in qua propter breuitatem & compendium pleraque ita dici concessum est. Et omnia quæ dolores solunt enarrauit, tametsi non diffiniuit ad quem dolorem quodnā ex illis congrueret. Tum multis in locis aliorum librorum occasiones nobis præstitit, distinctiones in his quæ hoc pacto dicuntur inueniendi.

APHORIS. XXXII.

Balbi à longo alui profluuiio maximè capiuntur.

COMMENT.

Balbi.

Traul.

Balbos Latini appellant eos qui lingua sunt impediti, & blæfos, quos τραυλίζεν Græci dicunt, ab eo quod τ, & ρ simul proferre nequeunt, & inde traulos. Ceterū qui lingua impediti sunt, quidā literas aliquas proferre nequeūt, ut diximus, quidā detenti tandem confuse & cum trepidatione loquuntur. Quorū vitium ad linguæ cōpositionem attinet, quæ ob breuitatem nequit firmari dentibus anterioribus, qualis dispositio pariter contingit iis qui imbecillam habent facultatem mouen-

mouentem linguam. Redditur autem imbecilla ob siccitatem, idque raro, quandoque ob humiditatem quæ à cerebro in musculos & nervos linguam mouentes defluit. Deinde quoque in ventrem, atque id frequentius. Cum verò in linguam descendit, efficit hominem balbum: cum in ventrem, adducit fluxum vètris prædicta humiditas. Est autem is longus: quoniam balbi qui tales à natura sunt, longo tempore aut tota ipsa vita humiditatis abundantia laborant, sic & eorum ventres. Dixit autem, Maximè, quoniã magna ex parte balbi fiunt eb prædictam humiditatem, quamuis ob malam compositionem, & ob siccitatem aliquãdo fiant: qui tamen ad ventris profluvium non sunt parati.

APHORIS. XXXIII.

Qui acidum ructant, non valde capiuntur morbo laterali.

COMMENT.

Non est difficile inuenire causam veritatis huius apho. iis qui nouerunt, acidum ructum significare in ventriculo acidam pituitam, aut cibos ibidem corrumpi in acidum saporem. Acida sanè pituita frigida est, & acidus ructus frigiditatis soboles. Morbus autem lateralis quamuis ab omnibus humoribus fieri possit, quos ostendit sputum, quod si spumofum fuerit, ostendit pituitam: flauum, bilem: rubrum, sanguinem: subnigrum, melancholiam, sæpius fit à calidis humoribus, rarius à frigidis, qui difficile membranæ substantiam perua-

Acidi ructus cause

dunt. Probe igitur admodum dixit, eos qui ac-
dum ructant, raro à morbo laterali capi.

APHORIS. XXXIIII.

*Quicumque caluitio laborant, ijs magne
varices non fiunt. Quibus verò caluitio labo-
rantibus varices superueniunt, ijs rursus capilli
nascuntur.*

COMMENT.

φλακροί.

Non vitur Hippo. in hoc apho. voce φλακροί,
id est qui caluitio laborant, proprie, sed eam mu-
tuat pro μαδαροί, id est pilorum defluuiū patien-
tes. Nam in propria significatione falsum est, va-
rices liberare homines à caluitio, (si quidē caluis
non amplius pili nascuntur) sed illos qui morbi
ratione pilorum defluuiū sunt passi. Euenit autem
pilorum defluuium, vt li. 3. De arte medendi do-
cuimus, aut ob inopiam alimenti pilorum, aut ob
eiusdem malitiam, atque id frequentius. Hunc au-
tem affectum non patiuntur qui magnas habent
varices, prauis succis ad crura reuulsis. Quòd si
fiat vt pilorum defluuium præcedat, superueniāt
tamen varices, pariter cute liberata à prauis suc-
cis aliò traslatis, liberabitur à profluuiio pilorum,
redibúntque pili vt ante.

APHORIS. XXXV.

*Aquam intercutem patientibus tussis
superueniens, malum.*

COMMENT.

Aquam intercutem patientes possunt etiā pati
tussim

tussim ob causam quāuis, sicuti & reliqui, neque tamen inde malum aliquod coniiciendum. Quòd si morbi ipsius ratione tussis fiat, id enim significat vox ἐπὶ τῷ ἐνδομύελῳ, id est superueniens, malum adeo graue significat, vt aquæ copia ventrem implens septum transversum comprimat, & instrumenta respirationi seruientia in consensum adducat. Hoc quidem frequētius fit, minus frequenter verò quod Gal. dicit significare tussim, humiditatem aquosam in tantum fuisse adauctam, vt asperas arterias occupet.

APHORIS. XXXVI.

*Difficultatem vrinæ venæ sectio soluit,
secare verò interiores.*

COMMENT.

Duabus de causis Gal. visum est aph. hūc esse de adiectis, siue spuris. Prima, quoniā dixit, venæ sectionem soluere vrinæ difficultatē. Non enim est vnica via curationis eius. oportet autē ita apho. scribere: Difficultatē vrinæ, & venæ sectio soluit. Quoniā hoc est vnū de remediis soluētibus difficultatē vrinæ. Nam vbi ab inflāmatione malum habeat ortū, venæ sectio malū curat. Secunda ratio Gal. est, quoniam præcipit secare venas, interiores: cū tamen nihil referat earum quæ in malleolis sunt internam aut externā secare, siquidem ambæ ab vna oriuntur, quæ ad popliteum est, siue ad genu curuaturam, non sicuti in brachio, in quo interna & externa, non oriuntur ab vna & eadem. Hæc voluit Gal. quamuis experimento constet connexionem partium non parum

*Diffi. vri-
na soluit
vena sect.*

*Auicenas
de scheati-
ca sectio-
ne.*

indicare ad curationem. Cum autem malleolus externus maiorem habeat cum coxendice connexionem, quàm internus, & is magis quàm externus cū vtero, in morbis vteri secamus venam internam malleolorum, & in morbis coxëdicum externam. Atque ita Auicenas, fen. 22. tertij libri, ad coxendicum dolores dixit cōferre missionem sanguinis de vena scheatica, quæ externa est. Et li. 1. fen. 4. cap. De phlebotomia dixit: Et ratio quidam facit oportere vt scheatica & safena similis existant iuuamenti: sed experimentū facit vt operatio scheaticę plurimum conueniat dolori schiæ, sicut si hoc esset debitum. Quāuis igitur Gal. contendat, ratione sumpta ex anatome, nihil referre hanc aut illam seccare, & ob id aph. non esse Hipp. experimentum docet non esse parē vsum sectionis ambarum, neque apho. esse reiiciendū. Quod verò vnicum tantum remediū, nempe missionem sanguinis scripserit, & vnā tantum speciem difficultatis vrinæ curare docuerit, parū interest. Quidam tamen aliter saluare nititur Hipp. sentētiam dicēs, ipsum præcepisse secare venas intra cutem, non scarificare eas quæ sunt ad cutē. nam hæ sunt externæ, & cutaneæ, aliæ internæ & sub cute. Inflammata autem vesica, non oportet (inquit) educere serosos humores, quales educuntur scarificata cute, sed crassos, quales educūtur vena secta, quæ interior est, & addit, Quod non intelligens Gal. negauit facile apho. esse Hipp. turpe sane mihi semper visum est hominem in litterarum studio nutritum, viris sapientissimis esse cōtumeliosum, præsertim magistris artis, & suis ipsorum præ-

præceptoribus, autore etenim Cicerone, omnis animaduersio, atque castigatio omnis contumelia carere debet. Sed iam perpendamus quàm verum sit, & quàm ingeniosum quod nobis nouum attulit. Ipse vult per externas venas intelligi, quæ sunt ad cutem: & per internas, quæ sunt sub cute. At dicat si placet quando inuenit apud Hipp. hanc appellationem internæ venæ pro ea quæ est sub cute? nam li. 2. De ratio. vict. acu. sect. 10. in laterali morbo præcepit venam cubiti internam secare, vt ipsam ab externa distingueret, vt Gal. in eius loci Comm. docet, non sanè vt sectionem eam ab scarificatione separaret, sed à sectione venæ quæ per humerum & partē externam brachij ad curuatutā ipsius fertur, in crure quoque venę duæ sunt ad malleolos, quarū altera est interna, id est, in malleolo interno, & altera externa, in malleolo externo. Cum igitur dixit interiores, notissimū est quas significauit, cū venæ secandæ sint in malleolis, laborantibus partibus infra iecur, & non nunquam in poplite. Præterea Hippo. neque alius vnquā scarificationē appellauit phlebotomiam. Cum igitur Hippo. in præsentī dicat difficultatem urinæ soluere phlebotomiam, frustra addidisset, secare vero interiores, quia per phlebotomiam nūquam secantur exteriores, id est curanæ, facta scarificatione, quod ille voluit. Atq; Hip. cū scarificare præcipit, non φλέβα τέμνειν iubet, sed vt li. De medico dixit, κατὰ πρόουεν, quod est, κατὰ σφίγγειν, κατὰ πρόουεν vt Gal. inquit li. De antiquis dict. Hipp. & idē Phuorinus. Sed sumus venia digni, quòd in huiusce modi erroribus cōfutandis toties immoremur, si-

quidem nullus est error adeo magnus, quem non inferat præceptor animis auditorū, si veritas defensore careat, & addiscentes admonitore.

APHORIS. XXXVII.

Ab angina moleſtato, tumorem fieri in collo, bonum.

COMMENT.

Qui anginā patiuntur, ſuffocationis periculum incidunt, niſi humor qui internos gutturis muſculos occupat, exterius conuertatur. Quod fiet ſi in faucibus tumor aliquis effatu dignus appareat, tales enim anginae & ſi exitioſæ ſint, morbū lōgiorem oſtendūt. Magis verò liberantur ſi fauces & ceruix ruborem cōtraxerit, & ex iis maxime quibus pect⁹ & ceruix rubēt, niſi ſacer ignis intro recurrat. Tumor igitur in collo, de ſignis eſt quæ liberār ab angina, alioqui lethali. Docuit hæc Hip. *Angina-
rum diſſe.* li. 3. Prog. ſeſtione, 16. dicens: Anginae autem grauiſſimæ ſunt, ac celerrimè interimunt, quæcumque nihil conſpicuum faciunt in faucibus, neq; in ceruice, plurimum verò dolorem inferunt, atque orthopnæam. Hæ enim eodem die ſtrāgulant, & ſecundo, & tertio, & quarto. Quæcumque verò dolorem alioqui alteri ſimili modo inferunt, atolluntur autem, & in faucibus rubores efficiunt, valde quidem lethales, cæterum præcedentibus diuturniores, ſi magnus fiat rubor. Quibus verò fauces & ceruix ſimul rubent, hoc ſunt diuturniores, & maxime ex iſtis liberantur, quibus ceruix & pectus ruborem traxerint, niſi ſacer ignis intro recurrat.

APHO.

APHORIS. XXXVIII.

Quibus cancri occulti fiunt, hos non curare melius est: curati enim pereunt celeriter, non curati vero, longiori tempore durant.

C O M M E N T.

Cancros occultos non curare docet hæc sententia, & causam adiecit, quam non omnes in apho. legebant, autore Gal. in Comment. quoniam curati cito pereunt, & non curati longiori tempore durant. Sunt cancri tumores ab humore atrabilia rio geniti, duri, dolentes aut semper, aut per intervalla, nigri, quique venulas quasdam nigras in circuitu habent, melâcholico sanguine plenas, ita ut totus ipse tumor cum venis cancrum & ipsius brachia referat. Cancros occultos nō curare. Fiunt hi quandoque in partibus internis, uti palato, utero, intestinis, & intra anum, quidam in partibus externis, ut mammis, facie, & aliis externis membris. Omnes autem hi sunt aut ulcerati, aut sine ulcere. De internis voluit curationem non esse tentandam, siue cum ulcere, siue sine ipso sint. Cancer. Quamvis enim omnibus cancris levia remedia, uti mitigatoria, sint adhibenda, & purgationes, aut sanguinis missiones, hæc omnia potius præservare, & dolorem sedare, quàm tumorem curare dicemus. In quem modum internos cancos ulceratos ablucere, & detergere ichores, aut saniem præcipimus. Si tamen cancri externi sint ulcerati, detergi, & mitigari & attemperari exposcunt: non ulcerati, pariter attemperari, & mitigari desiderant, utriusque tamen manus opera conducit, si eo loco siti

sint vt omnino ferro, aut igne extirpari cum radicibus possint. Id quod Chirurgis facere sæpius præcepimus cum felici successu, potissimum si vlcerati non fuerint.

APHORIS. XXXIX.

Conuulsio fit aut à repletione, aut ab inanitione: sic autem & singultus.

COMMENT.

*Conuulsio
nū. 3. species
tres.*

Confert Hipp. modo conuulsionem singultui, dicens vtrumque fieri bifariam, ex repletione videlicet, & inanitione. Quemadmodū enim nerui contrahuntur ad originem nobis nolentibus, cum impletur humore, & cum siccantur arecentes: ita ventriculus, aut humore in fibris eius infarcto, aut substantia arefacta, concutitur ad causam nocentem expellendam, fitque singultus. Quamuis tamen duarum tantum specierum Hippo. meminerit, tres esse nos abunde probauimus aliàs. Est enim tertia quædam species quæ consensu fit, quæ non est de his quarum Hipp. habuit mentionem, quæ primogenia fiunt affectione, & neruis in essentia laborantibus, sed ipsis punctis, aut cōmorsis. Qualis conuulsio fit iis qui bilem porraceam vomunt, aut ærugineam, aut aliter vellicantur. Dicit autem quispiam hanc per consensum factam conuulsionem, non esse veram conuulsionem, siquidem conuulsio autore Gal. li. 2. De causis sympto. à solo morbo fit, & inuoluntarius motus est. At cum neruus mordetur, aut pungitur, sensus antecedit, ac sequitur voluntas contrahendi parti-

particulam, fallitur sane, nam quum neruus aliquis pungitur, aut mordetur, verum est sensum tristem antecedere, falsum autem imperium voluntatis sequi. Nam cum semel bilis eruginea momorderit os ventriculi, sensus tristis adest, conuel litur autem ventriculus vel nolentibus nobis, vt constat. Sic etiam & vniuersum corpus si malum increseat, & puncto neruo cōuulsio fit, quam nos vitare non possumus adhuc volentes. Tres igitur sunt & conuulsionis & singultus species, quas nos abunde probauimus lib. 3. De arte medendi, cap. de conuulsione, & quæ ibidem de conuulsionibus dicta sunt, ad singultus trāsferre licebit.

A P H O R I S. XL.

Quibus circa hypochondrium dolor fit absque inflammatione, ijs febris superueniens, dolorem soluit.

C O M M E N T.

Dolor circa hypochondrium ab eisdem causis fieri solet à quibus & cuiusuis partis dolor, nempe ab intemperie cum humore, aut sine ipso, & à causa soluente continuitatē. Causa verò soluens, aut est flatus, aut humor: atque is aut facit tumorem, aut non. Dolor tactus ab intemperie calida non sanatur febre superueniente, sanatur tamen qui fit ab intemperie frigida. Si humor adsit frigidus, siue obstructionem faciat, siue non, atque tumorem efficiens in hypochondrio, vel non, febre superueniente, humor is attemperatur coquitur,

*Dolores
qui à fe-
bre curan-
tur.*

& discutitur, flatu quoque à calore febrili dissipatur. Humor autem calidus, si morsum efficiat, aut erysipelas aut inflammationē, non curatur febre superueniente, sed calor atque morsus augeatur, & inflammationis calor augeatur, atque ob id dixit absque inflammatione. Significat autem hoc loco phlegmone, id est inflammatio, omnem inflammationem, adhuc humore carentem.

APHORIS. XLI.

Quibus pars aliqua corporis pus continet, quod non ostendit, ijs aut ob puris, aut loci crassitudinem non innotescit.

COMMENT.

Solent Medici pus in parte quapiam cōtentum tactu dignoscere, fluctuat enim quodam modo digitis cōprimētis cedens, quandoque vero non agnoscitur tactu, (licet aliis viis possit innotescere,) & ratio est, quā scribit Hipp. quæ sumitur aut à natura puris, aut à natura partis ipsum cōtinentis. A natura puris, quoniam crassum est, & ea ratione non fluctuat, sed speciem præbet carnis partis ipsius quæ laborat, aut diuturnioris. A natura vero partis, quoniam pars dura est, cutis eius crassa, & ita tactui occultat puris notitiam: id vero magis eueniet si ambo coniungantur.

Pus occultatur quare.

APHORIS. XLII.

Morbo regio laborantibus, iecur durum fieri, malum.

COM.

Morbus regius multis de causis euenit, nā quandoque fit ob durum iecoris tumorem, quandoque iudicationis ratione, natura excernente excrementum ad cutem. Hac postrema ratione si eueniat morbus regius, non est malum, si ab obstructione meatus qui tendit à vesica fellis ad intestina, vel eius qui tendit à iecore in vesicam fellis, malum est. Verū magis malum est, si eueniat ob iecoris duritiem, quæ duplex est: aut enim redditur durū sine dolore, estque is scirrhus, ad quem facile sequitur aqua inter cutem. Si verò cum dolore fiat, erit phlegmone, quæ quantum afferat periculi, non refert modo dicere.

APHORIS. XLIII.

*Quicumque lienosi difficultate intesti-
norum capiuntur, ijs superueniente longa difficul-
tate intestinorum, vel aqua inter cutem, vel læ-
nor intestinorum superuenit, & moriuntur.*

C O M M E N T.

Fit nonnunquam, natura valente, vt is qui lie-
nis antiquum tumorem patitur, qui à Gale. & *Lienosus
quis.* Hippoc. lienosus dicitur, liberetur, melancholico
sanguine transmissio ad intestina. Superuenit au-
tem difficultas intestinorum non exquisita illa
quæ cum vlcere fit, sed alia quæ cruēta dicitur, id
est quod aphorif. 48. sequenti docet. Prorogatur
autem talis intestinorum difficultas, & perducit
ad vnum duorum malorum, aut enim iecor com-
patitur lieni, & ex euacuatione languet, & inde
I.ij.

fiet aqua inter cutem, vt solet, aut imbecillitas ex nimia fluxione aduenit intestinis atque ventriculo, & inde sequitur leuor intestinorum. Ad quoduis tamen horum sequi mortem facile est, quoniam post antiquum malum, aliud non contemnendum sequitur.

APHORIS. LXIII.

Quibuscumque ad vrinae stillicidium ileos superuenit, in septem diebus pereunt, nisi febre superueniente, vrina abunde fluat.

COMMENT.

*Ileus cum
vrinae stil-
licidio.*

*Gal. defen-
ditur.*

Quamuis Gal. agnoscens causas stillicidij vrinae, & causas ilei, dixerit, atque abunde probauerit, ileum cuius symptoma est faecum retentio, non euenire ab inflammatione vesicae. Non tamen ignorauit, ileum posse fieri à crassis humoribus. Quòd si crassi humores possunt ileum efficere, & illi occupantes vesicam, efficiant quandoque vrinae stillicidiū. totus aphor. erit verus, atque à Gal. probè enarratus: etiam si videatur dubitare ansit Hip. propterea quòd nō admodū probabile putat ileum fieri à crassis humoribus. Verū hoc concesso, vt Gal. concedit ad finem Com. verus videri posset apho. & à nemine accusandus erit Gal. qui eam inuenit enarrationem, quam quidam sibi arrogat, autorem reprehēdens. Ponamus itaque aliquem pati vrinae stillicidium ob crassos humores, qui vesicam atque eiusdem ceruicem occupant, quorū pars ad tenue intestinū transferatur: is simul patietur vrinae stillicidiū, & ileum, quem
intra

intra diem septimum moriturum ob morborum grauitatem & acutiem est existimandū. Si tamen febris superueniat, spes salutis habetur, vbi vrina abunde fluat. Quoniam febris crassos humores coquit, & extenuat, & liquat, quos etiam per vrinam abunde fluentem euacuare solet.

APHORIS. XLV.

Vlcera quacumque annua sunt, vel longiori tempore vexāt, os abscedere est necessum, & canas fieri cicatrices.

COMMENT.

Non in omnibus vlceribus annuis, aut longius durantibus, antequam curentur, & cicatrix obducatur, opus est os abscedere, aut natura pellente, *Vlceribus annuis os abscedere.* aut arte ipsum radente. Nam in vlceribus malignis quæ fluxionem prauorum succorum habent adiunctam, aut malam temperaturam ex præcedentibus fluxionibus cōtraxerunt in carne, id non est necessarium: sed opus est fluxionem prohibere, & carnem ipsam attemperare. Cæterum hæc non sunt propriè vlcera, autore Gal. in Comm. sed qualia herpes, phagedenæ, & anthraces. Quando verò sine aliquo horum fit, vt vlcus annum attingat, Medicis non delinquentibus, neque ægris in curatione: ossis dispositionē causam esse, intelligere oportet, quā etiam emēdare est opus. sæpius etenim in vlceribus quæ adeò prorogantur, cicatrix obducitur, & rursus decidit, & vlcus redit, quo tempore detegere oportet os, & ipsum abradere, siquidē ab eo manat sanies, siue ichor,

I. iij.

qui impedit vlceris integram sanationem. Annua autem dixit, aut diutius prorogata, vt certum faceret prælagium, quamuis & ante id tempus, in quibusdam sit vetum quod dixit.

APHORIS. XLVI.

Quicumque gibi ex asthmate, aut tussi fiunt, ante pubertatem, moriuntur.

COMMENT.

σκληρότης.

Gibi cum
tussi & a
sthmate.

Vertebræ luxantur extra, & qui hanc dispositionem patiuntur, appellatur gibosi, & dispositio gibositas, Græcis κύφωσις, aut ad interiora, & appellatur repanditas, Græcis λοῖρδοσις, aut ad latus & appellatur, diuaticatio, Græcis σκολίωσις. Verū hæ luxationes quādoque fiunt à causa quapiā manifesta, vt casu, aut ictu, quādoq; à causis internis, vt tumoribus, & relaxatione efficientibus humoribus. Nam gibositas fit, vbi duo tumores occupēt membranas duarū vertebrarum, quæ nō sunt immediate, tūc etenim conuulsis mēbranis trahūtur distātes vertebræ ad se ipsas, & mediæ retrorsum pelluntur, & gibum efficiunt. Hunc effectum comitatur difficilis spiratio quam vocat asthma, & & quandoque tussis, si tumor serosam aliquam partem à se mittat in pulmonem. Nam si crassi ac tenaces fuerint humores tumores efficientes, suppuratio non speratur, & non tussunt, aut raro: si tamen tenuiores fuerint, maturari possunt, & tussim mouent. Hi sunt gibi, qui asthmate, aut tussi fiunt, hoc est, cum asthmate, aut tussi, aut simul vtrisque. Solet autem mortem asferre, si ante pubertate-

bettatem eueniat præsens affectus, siquidem pulmo & cor nondum habent perfectam magnitudinem, sed adhuc augentur: spina autem non augetur in prædictis, autore Hippo. lib. 3. de articulis attestante experimento. Quapropter si interna membra augentur & externa, non necessum est interna in loco angustiori concludi, & minime euentari, & inde febres oriri, & cum difficili spiratione interire. Hoc est quod dixit, si ante pubertatem fiat, moriuntur. Gal. in Comm. hæc omnia à parte docet.

APHORIS. XLVII.

Quibuscumque sanguinis missio, aut expurgans medicamentum conuenit, ijs vere sanguinem mittere, aut ventrem purgare expedit.

COMMENT.

De iis qui præseruationis ratione vacuantur, præsens scribitur sententia. Sunt autem pluri-
mi in quibus hyberno tempore prauis succi con-
geruntur, quos vacuare conuenit bibito purganti
medicamento, ne vere incidant in morbos quos
solet ver adferre, ea ratione quæ tradita est su-
pra sectio. tertia. Quotum morbi qui aliàs sole-
bant eos molestare, purgatione, adhibito pur-
ganti medicamento, non inuadunt. Sunt & qui-
bus talis purgatio conuenit, cum medicus agno-
scit neutram dispositionem, & præparationem ad
eos morbos, quorum gratia præcauentes purga-
mus incipiente vere, ne tales eueniant, quamuis
in eosdem nūquam inciderint. Præbemus autem

*Vacuatio
præseruati-
ua quibus*

*Præuisum
purgatio.*

vnique tale medicamentum quale debetur humoribus abundantibus per singulas species. Aliud etenim medicamentum debetur bili, & ei qui timet tertianam, & aliud melancholix, & timenti quartanam, aut cancrum. Aliud timenti anasarcam, aut leucophlegmatiam, aut quotidianam febrem. Si tamen sanguinem bonum abundare intelligamus, quem dilatari accedente veris calore est necessum, ac perinde in morbos solitos incidere, siue ipsis aliquando laborauerint, siue non, iure secta vena sanguinem minuemus, qui aliàs calore veris adueniente effundetur, & morbos à sanguine ortos pariet. Conueniet quoque eis qui malos humores per æstatem aceruarunt, autumno incunte, purgare, timentes morbos. Quod nos eo tēpore facere solemus, extremas temporum temperaturas fugientes, & morbos futuros præcauentes. Vt enim dicet aphor. 55. Podagrici morbi vere & autumno magna ex parte mouentur. Hæc sunt duo genera remediorum, quæ magna vocantur, de quibus est aph. præsens, ad partem artis prophylacticam pertinens, sanguinis missio & purgatio. Nobis vero latissimam ad dicendum materiam aperuit Hippoc. Verùm hæc abunde tradidimus lib. 2. De arte medendi, singularibus capitibus docentes, quibus corporis affectibus, præsentibus & futuris, quo tempore, qua quantitate conueniat sanguinem mittere, aut ventrem purgare. Quapropter hoc in loco superse-
dendum duximus.

APHO

APHORIS. XLVIII.

Lienosis difficultas intestinorum superueniens, bonum.

COMMENT.

Suprà, Comment. 43. huius aphoris. sententia à nobis exposita est. ac perinde non erit opus eadem hic repetere.

APHORIS. XLIX.

Quicumque morbi podagrici fiunt, inflammatione sedata, in quadraginta diebus subsistunt.

COMMENT.

Podagrici morbi fiunt, sanguine ad pedum articulos fluente, aut solo, aut simul cum bile, aut pituita, aut utroque humore, rarò etiam secum defert melancholiam. Humores ij occupant articulos & ligamenta ossibus affixa, vnde distensione tendones & musculos proximos comprimentes, dolorem mouent, etiamsi eosdem non tentet inflammatio. siquidem vbi inflammarentur, fieret vt quandoque conuulsio sequeretur, quod non videmus. At verò cum dictæ inflammationes finiri debeant, dissoluto humore ipsas faciente, humor autem sit in alto loco fixus, tempore longo erit opus ad dissolutionem. Quod Hippocr. definiuit, quadagesimum diem esse dicens. Is enim est terminus morborum acutorum ex decidentia. Nisi enim loci natura impediret curationem, inflammationis ratione, diebus 14. finiretur, vti & aliæ inflammationes, quæ in car-

*Podagra
causa.*

*Podagra
terminus.*

ne fiunt. Statuit autem limitem diem 40. quem-
admodum & morborū acutorum terminū dixit
diem 14. atque vti dies 14. non ita est acutorū ter-
minus, quin possint multi acuti ante ipsum fini-
ri (nam est is terminus postremus,) ita ad 40. diē
prorogantur podagrici morbi & reliqui acuti ex
decidentia, ita vt ob humorum tenuitatem, ægri
temperaturam, temporis, & victus, ante id finiri
valeāt. Estque 40. dies postremus terminus, si ni-
hil peccetur à medico, aut ægrotante. Nos sane
quam plurimos podagricos morbos & alios ar-
thriticos (de omnibus enim est sententia) sæpius
suprà 40. diem productos vidimus, nullo errore
commisso, quoniam plurimi ac crassissimi inerāt
humores, quos nostra tempestate acervant ho-
mines gulosissimi, veneri ab ingluvie indulgen-
tes, ab omni exercitationis genere abstinentes.
Subsistunt autem diximus, quoniam Græcè habe
καθίστημι. tur, ἀποκαθίστανται, & libro De crisibus hanc eā-
dem sententiam scribēs, καθίστανται, dixit. Proba-
uimus tamen contra multorum falsam opinionē,
in expositionib⁹ Prognostici, & lib. 1. De arte me-
verbum καθίστημι, idem significare, quod Latinis,
subsistere. Neque video quempiam adeo rerum,
& vocum ignarum, qui putet verbum καθίστημι,
hoc loco, aut aliis illic citatis, posse aliud quàm
subsistere significare. Consistere autem, aut con-
stare, nullatenus affirmabit.

APHORIS. L.

*Quibuscumque cerebrū discissum fuerit, iis
necessum est, febrē, & bilis vomitū superuenire.*

COM-

Quemadmodum causis præsentibus solemus effectus futuros prænoscere, & prædicere: ita præsentibus effectibus agnoscimus à posteriori causas. Propterea vulnerato capite, ab effectibus venamur, an vulnus ad cerebrū & eius membranas peruenierit, an secus. Si enim hæc duo quæ ab Hippoc. traduntur adfuerint, vulnus ad mēbranas, atque ipsum cerebrum peruenisse putandum est, quāuis neque id perpetuū sit, quando vnus effectus plures causas habere potest. Sunt autem prædicti effectus febris, & bilis vomitus. Consentit enim cerebro per communes arterias soporiferas, per quas cerebrū plus æquo incalescens, cor in consensum ducit, ac febrem affert. Quod non eadem die semper euenit, sed tertia, quinta, & sæpius vndecima. Consentit quoque eidem ventriculus per neruos à sexta coniugatione ortos, atque cerebro patiente inflammationem, bilis, ac sere⁹ humor ad ventriculū mouetur, & inde vomitur. Mouetur autem bilis ad ventriculum, per mœrorem, dolorem, & timorē, atque omnem subitam animi turbationē. Illud quoque memoria dignū, quod Hippocrat. in præsentī aphorismo non docet, ex bilis vomitu & febre colligere cerebri vulnus, aut membranarum, quod faciunt nostri Chirurghi, sed iis vulneratis febrem ac bilis vomitum sequi debere. Vidimus enim non paucos, à capitis vulnerib⁹, qui solam carnem occupabant, non vulnerato pericraneo, minimè verò perforata, aut discissa caluaria, febrem pati, & bilem vomere, facta ab ictu, aut casu cerebri,

*Vulnus e
rebrī, an
mēbrana
rum.*

*Vulnera
to cerebro,
an semper
febrī, &
bilis vom
itus sequan
tur.*

& totius corporis cōcussione. Quòd si cerebrum, aut eius membranæ vulneratæ fuerint, bilis vomitus, & febris necessario superuenient, quod dixit Hipp.

APHORIS. LI.

Quibuscumque sanis capitis dolores repente fiunt, & statim obmutescunt, atque stertunt, septem diebus pereunt, nisi febris apprehenderit.

COMMENT.

Obmutescere.

Febris quam apoplexiam soluat.

Vidimus non paucos, alioqui sanos, subito, nulla occasione præcedente capitis dolore primum molestari, deinde obmutescere: quod significat non tantum vocem amittere, sed omnem à voluntatis imperio ortam functionem. Deinde stertere ob impotentiam mouendi thoracem, & dilatandi laringem. Hos Gal. in Com. dicit forti apoplexia laborare. Tales autem ob acutiem & vehementiam morbi, intra limites morborum peracutorum mori contingit, nisi febris superueniat. Solet enim hæc crassos, & lētos humores, apoplexiam efficientes coquere, & discutere. At verò si verum est quod Gal. in Com. dixit, Hipp. videlicet loqui de magna apoplexia, nō satis constans videtur, qui adueniente febre vult eos liberari, cum tamen li. 2. dixerit, Apoplexiam fortem curare impossibile est. Præterea si apoplexia levis est, non habebit stertorem adiunctum, quoniam apoplexiæ magnitudo siue vehementia, ex respirationis specie agnoscitur. Est autem praua
admodum

admodum respirationis species, quæ cum stertore fit. At verò si talis est, quæ fiet ut febre superueniente curetur? Nisi dixeris Hipp. non voluisse superueniente febre eos sanari, sed non mori intra septimum diem. Accedente etenim febre aliquatenus morbus reddetur leuior, & ea ratione facultas eundem diutius feret. Quod significauit, dicens: Septem diebus pereunt, nisi febris superueniat. Hæc ratio potest Hipp. à contradictione saluare, non autem Galen. qui in Comm. dixit: Atque idcirco febris superueniens soluit dispositionem. Decet tamen febrem hanc non esse leuem, quoniam leuis nihil proficiet ad crassos admodum humores breui extenuandos, & calefaciendos. Ac propterea Hipp. lib. 2. De morbis, hanc scribens sententiam dixit: ἢν μίμιν πύρ ἐπιλάβῃ, id est, nisi ipsum febris validaprehendat. πύρ enim, id est, ignis, validam febrem significat apud Hip. ut lib. 3. de mor. pop. par. 1. in historia Hermocratis, ubi dixit: Ignisprehendit, Gal. in Com. inquit, Hoc loco πύρ, id est ignem, vehementem febrem appellauit. Et lib. 1. par. 3. in Com. historiæ Sileni, dixit: Primum itaque (inquit) corripuit ignis. ita tamen febrem appellare consuevit, quæ vehementissima est.

APHORIS. LII.

*Considerare autem oportet & oculorum
susceptiones per somnum: si enim aliquid de
albo oculi apparuerit commissis palpebris, non
ob fluxum ventris, aut purgantis medica-*

menti potionem, malum signum est, & lethale valde.

COMMENT.

In Prognostico septimo, libro primo, similis huic sententia scribitur, sed paulò integrior, quo loco nos hunc aphorismum abunde exposuimus.

APHORIS. LIII.

Deliria, quæ quidem cum risu fiunt, securiora sunt: quæ verò cum studio, periculosiora.

COMMENT.

*Delirii
causæ, spe-
cies, & pe-
ricula.*

Delirant ægri, imaginibus quibusdam internis facultatibus sentientibus oblati, quarum gratia, quæ non sunt esse putantur. Has imagines mutât vapores humorum, unus quisque pro sua natura, sanguis enim grata præsentat, ac inde risum commouet. Melancholia rerum tristantium imagines offert. Bilis flaua aut atra iram mouent, atque furorem. Propterea ex delirii specie Hipp. periculû agnoscere docet, siquidem quando deliria fiunt cum risu, morbus à sanguine ortus significatur, ac magis securus, quoniam pendet ab humore benigniore. Quando verò cum studio, aut solitudine, & pertinacia fiunt deliria, bilem flauâ, aut atram, aut fæcem ipsam sanguinis, siue melancholicum humorem ostendunt, quod multo est deterius, & cum maiori periculo fit: siquidem ab eis morbis minus liberantur ægri, ac tardius. Si bilis atra fuerit causa, minus liberabûtur: si melancholia, tardius.

APHO

APHORIS. LIIII.

*In acutis passionibus quæ cum febre sunt,
luctuosa suspiria, malum.*

COMMENT.

Multæ sunt difficilis respirationis differentiæ, *Respiratio num inæ-qualiū differentia.* de quibus Gal.li. De difficultate respirationis egit, & nos de ea re multa diximus in expositionibus nostris in li. i. Prognosticorum. Sequuntur autem eam diuersitatem differentiarum, quæ in pulsib⁹ reperitur. In pulsibus tamen differentiæ quædam sunt systimaticæ inæqualitates, quæ in diuersis cōtingūt pulsibus, quædam in vno tantum ictu sunt, sic etiam & in respirationibus, quædam sunt inæqualitates in diuersis distensionibus, aut contractionibus thoracis, à naturalibus, & inter se diffidentes, quædam in vnica tantum inspiratione, aut expiratione inæquales, & ex iis quædam intercisæ, aut intersectæ, quarum Hippocrat. meminit. in præsentī etenim aphorismo meminit eius inspirationis quæ in medio est intercisæ, de qua *Respiratio intercisæ.* dixit: Luctuosa suspiria. Sunt enim hæc inspirationes intercisæ, quatenus lugētes, pueri præsertim, medio tempore interfecant inspirationem, & rursus ad inspirandum redeunt. De hac respirationis specie libro sexto De mor. pop. parte tertia, dixit, Dupla intro reuocatio veluti superinspirantibus. Significat autē aut viriū imbecillitatem, quæ nequeunt vno impetu thoracem eleuare & respirationē ad finem perducere, aut instrumentorum duritiem, quæ aut à frigore, aut siccitate fit. Id acutis sane passionibus, quæ aut continuæ

febres sunt, aut continuas febres habent adiunctas, non eueniet inobedientia instrumenti à frigore, sed à siccitate, quod malum est ferè immedicabile. Quandoque tamen spiratio interfecatur in aëris emissione, siue expiratione. De qua differentia lib. 2. De ratio. vict. acut. sect. 44. dixit: Spiritus offendens in ea quæ fit aëris fursumlatione, quam dicit fieri ubi à nimio cibo ægrotaantes opprimuntur. Fuchsius verò hanc respirationis speciem quæ in expiratione cōtingit, cum ea quæ difficilis inspiratio est, de qua in præsentia apho. loquitur, confundit in huius apho. Comm. suprà verò apho. 67. sect. 4. utrâque speciem cōprehendit, & significationem explicuit, dicens: In febribus spiritus offendens malum, conuulsionem enim enim significat. Offendit autem spiritus, siue illidit, siue interfecatur, aut in tractatione, aut in emissione aëris.

*Fuchsius
notatur.*

APHORIS. LV.

Podagrici morbi vere & autumnino moriuntur magna ex parte.

COMMENT.

Podagra vere, & autumnino quare moriuntur. Quod de morbis podagricis dixit, de omnibus articularibus est intelligendū: siquidem vere, & autūno magna ex parte eos fieri videmus. Ratio nē tamen facilè inueniet, qui legerit quæ à Gale. in Com. traduntur. Vere etenim morbi fiunt, diffusis humoribus qui concreti cōtinebantur hyeme. Accedit autem robur virium pellentium ea, quæ aut quantitate grauant, aut qualitate molestant, vtriusque tamen generis excremēta hyeme gene-

generantur: vere autem pelluntur à nobilioribus in minus nobiles particulas, quales articuli sunt. Autumno item morbi tales mouentur, trusis ad articulos excrementis mordacibus, quæ æstate generantur, autumno verò continentur, & ab ambientis frigiditate coërcentur. His igitur temporibus podagrici morbi mouentur ob prædictas causas magna ex parte, quoniam quandoque fit, ut articulares morbi generentur aliis temporibus, ut æstate aut hyeme.

APHORIS. LVI.

In morbis melancholicis, ad has partes sunt decubitus periculosi: aut enim apoplexiam corporis, aut conuulsionem, aut furorem, aut cæcitatem significat.

COMMENT.

In morbi melancholicis hæc solent sperari, si morbi non absoluantur omnino, dissoluta & vacuata causa, sed fiat eius in partem aliam transpositio: quod in longis morbis euenire non raro videmus. Transfertur autem humor aut à liene obstructo, aut inflâmato, aut à venis per quartanas febres, aut à capite ipso per melancholiam morbum. Succedunt autem morbi quorum meminit Hipp. in apho. atque hi periculosi, quoniam aut difficilè, aut nunquam sanantur. Aut enim transit in ventres cerebri, atque substantiam ipsius occupat melâcholia, & fit apoplexia. Quamuis à pituita ferè semper fiat, aut sanguine pituitoso. Dixit autè apoplexiâ corporis, quasi dicat totius corpo-

Melâcholicorum morborum transmutatio.

ris dissolutionem, & relaxationem. Aut transponitur humor in nervos, & efficit convulsionem. Aut ubi melancholia vstione genita fuerit, in cerebro existens mutat temperamentum, quod est ad animam cōverti, & efficit furorem. Aut ad oculos conuertitur, præsertim ad meatus optico-
rum nervorum, & eos obstruens efficiet cæcitatem. Notum autem est quàm difficile curentur morbi à melancholia pendentes.

APHORIS. LVII.

Apoplectici verò maximè sunt in ætate qua est à quadragésimo in sexagesimum annum.

COMMENT.

*Apople-
xia qua
ætate ma-
ximè fit.*

Cùm dixisset in apho. præcedēti, eos qui laborant melancholicis morbis, ad quosdam morbos facere transmutationes, & inter eos narrasset apoplexiā, modò refert in qua ætate ad ipsam maxime sunt parati, dicens eam esse à quadragésimo in sexagesimum annum. In qua ætate maximè viget melancholicus humor, eadem omnino ratione qua inter anni tempora in autumno. Nam quemadmodum in autumno humor vstione genitus æstate cohibetur ab ambientis frigiditate, ne dissoluatur. Ita humorem in iuventute genitum vstione ex flava bile, ætas à quadragésimo anno sequens, frigiditate sua servat, & ita abundat melancholia à quadragésimo anno usque in sexagesimum. Iure igitur cum de apoplexia ab humore melancholico loqueretur, de eadem

eadem dixit, maxime fieri cum is humor abundat, quod est à quadragesimo anno vsque in sexagesimum.

APHORIS. LVIII.

Si omentum excidat, necesse est ipsum putrefieri.

COMMENT.

Omentum Latinis dicitur ea pars quam Græci Omentū. dicunt ἐπίπλου, Arabes Zirbum, Hispani Redano. Pars pinguis intra epigastriū, siue abdomen. Hæc vulnerato abdomine quandoque excidit extra vulnus, & ibidem refrigeratur, idque plus aut minus, pro aëris ambientis temperatura, & Omentum quod li-
net aut de-
nigratur,
secūdum. pro ratione moræ. Quòd si refrigeratum omentum inde liueat, aut denigretur, non licet ipsum reducere antequam pars ita mutata secetur: quoniam, ut inquit, necessum est ipsum putrefieri. si verò nō mutetur adeo manifestè, ut mutet colorem modo dicto, non necessum est ut putrescat, neque partem aliquam eius secare oportet. Neque Hipp. sententiā de his est, quæ perpetuā continent veritatem, sed de iis quæ magna ex parte vera sunt, & ita eueniunt, quoniam non semper cum excidit, valde mutatur.

APHORIS. LIX.

Quibuscumque à coxendicis malo diuturno molestatis, coxa excidit, ac rursus incidit, iis mucrores insunt.

COMMENT.

Si quis coxendicis malum diuturnum patiatur

*Ossifemoris excide-
re causa.*

ita vt coxa excidat, & rursus insidat, signū est mū-
cores eam partem relaxare, ita vt facile ob liga-
mentorū laxitatē os femoris, quod coxæ cōmit-
titur, excidat ex cavitāte sua, ac rursus facilē redu-
catur. Constat autem viscidum, ac mucosum hu-
morem in ea parte contentum posse dicta ligamē-
ta relaxare, non alterum. Præter mucosum, iuuat
maximē ad excidentiam, & reincidentiam ossis
femoris, extenuatio, ob quā cutis quoque laxior
redditur. Exempla sunt boues apud Hip. li. De ar-
ticulis, sect. 25. & 26. vbi Homerum quoque citat:
Boues etenim finiente hyeme, ob pastus inopiam
extenuantur, quorū os femoris facile excidit, &
incidit. Ad quod nō parū iuuat quod ob inopiam
caloris ipsorum & frigiditatē ambientis multam
aceruant pituitam, eāque viscidam in articulis,
quam mactaris ipsis, videmus, ad facilē luxatio-
nem & reditū ossis parantē, quod in apho. habe-
tur. Dixit autem ἰσχίον, id est, coxā, excidere, cum
tamen coxa ipsa excidere nequeat, verūm appel-
lat articulū coxæ, coxam, cuius articuli os femo-
ris, quod coxā ingreditur, excidere potest, & rur-
sus incidere. Vuitur autē articuli nomine pro osse
articulum ingrediente hīc, & li. 1. De arti. sect. 1.
dicens: Humeri articulum vno modo luxari noui
ad vlnā constat autem nō luxari articulum ad vl-
nam, sed os, quod articulo inseritur, veluti li. eo-
dem, sect. 25. dixit: Bobus enim tunc maximē ex-
cidūt femora ἐκ τῆς κοτύλης, id est, ex cotyle, & re-
ctē quidem. Est autem cotyle pars caua, quæ ca-
put femoris recipit. Hanc lib. De ossibus, cap. 21.
appellat coxendicem, Græci ἰσχίον, qua voce Ho-
merus

rus Iliados quinto, non totum articulum, ut Hip. in hoc apho. significauit, sed ipsam coxam, siue cauitatem prædictam, cum dixit, τῷ βάλειν Ἀἰνείαο κατ' ἰσχίον ἐνθά τε μικρὸς ἰσχύϊ ἐντρέφεται, κοτύλλω δὲ τέμιν καλέουσι, quod est, Hoc percussit Aeneam in coxa, qua parte femur in coxa vertitur, cotylē autem ipsam vocant. Erítque idē apud ipsum coxa, & cotyle, à qua os femoris excidit, & incidit, per longos eius articuli morbos,

APHORIS. LX.

Quibuscumque à coxendicis malo diuturno molestatis, coxa excidit, uis cruris contabescit, & claudicant, si non urantur.

COMMENT.

Rectè admodū Gal. in huius apho. Com. docet hunc præcedenti esse annectendum. Loquitur etenim in ambobus de malo coxendicis diuturno, in quo coxa, id est, os coxam ingrediēs, excidit. Duo enim autore Hip. inde sequuntur mala, alterū est contabescere crur, nā tum ob pituitæ frigiditatē, tū ob defectū exercitationis, alimentū nō suggeritur parti, & ob atrophiam τήκεται, id est, colliquatur, aut uti in aliis legitur, φθίνει, id est cōtabescit. Alterum malum est claudicatio: siquidem nullam habet os cruris firmitatē, cū facilē excidat. Quod si vratur, non perinde claudicabit, quoniam vltio mucres absorbet, & cutē duram ac firmā reddet, quæ deinde non facilē cedit ossis luxationi. Parat enim ad id cutis laxitas quàm maximē, autore Hipp. li. i. De articulis, quo libro eadem de causa humerum docet vrere,



HIPPO. APHORISMORVM
sectio septima, Christophoro à Vega interprete &
expositor.

APHORIS. I.

IN acutis morbis frigus partiũ extremarum,
malum.

COMMENT.



Quoniam in expositionibus nostris libri
1. Prog. & rursus supra sectione 4. Com.
48. hanc sententiam abunde enarraui-
mus, hoc loco id ad memoriam reuocare placet,
quod non tantum ob visceris alicuius inflamma-
tionem conringit in acutis morbis extremas par-
tes refrigerari, vt vult Galenus in Commentario,
etiam si cum hoc & interiora vrantur, vt dixit se-
ctione quarta, aphorismo citato: sed fit quoque
ob innati caloris imbecillitatem, qui nõ valet ex-
tremas partes attingere, etsi febris adsit. Fit quo-
que vt extimæ partes refrigerentur ob nimiam
crassitudinem & multitudinem humorum calo-
rem opprimentium. Et fit quandoque ob dolo-
ris alicuius vehementiã, ob quam videmus ægro-
tos rigere, & in toto corporis ambitu refrigerari.
Id verò

*Extremo-
rum frigi-
doris cau-
sa.*

Id verò quàm malum sit, notum est. Pertinet autem ferè tota hæc sectio ad prædicendi artem.

APHORIS. II.

In osse ægrotante caro livida, malum.

COMMENT.

In expositione octaua, li. 2. Prog. docuimus liui *Osse ægro*
di coloris significationes, aut enim significat inter *tante li-*
nā inflammationem, ob quam extimæ partes liuere *uor.*
contingit retracto calore, aut natiui caloris extre
mā fere imbecillitatē & mortificationē. Cum igi
tur os ægrotat, si malū carni adeò graue cōmuni
cetur, vt liuescat, malum est, significat enim ma
lam in osse putredinē: quæ calorē natiuum extin
guit, aut quæ ad ipsius extinctionem sequitur.

APHORIS. III.

A vomitu singultus, & oculi rubētes, malū.

COMMENT.

Si præcedente vomitu singultus maneat, & ru *Singultus*
bor oculorum, indicat inflammationem vetricu- *post vom-*
li, aut cerebri. si enim singultus humores mor- *tum.*
dentes sequeretur, vomitus cessasset, si à nimio
vomitu sicca intemperies manens singultum effi
ceret, oculos rubeos non efficeret. Propterea
si duo ab Hipp. dicta à vomitu adsint, inflamma
tio erit in causa, ventriculi aut cerebri. Nam ven
triculus inflammatus singultum affert, & oculo
rum ruborem. Cerebro vero inflammato oculi
rubent, & ventriculus per consensum singultit.
Malum autem est alteram harū partium inflāma
ri. Nec dubito sæpe fieri, vt post vomitū biliosorū

humorum mordētium , quorum pars non potuit vomitu reiici, singultus maneat, & ob vehementiam motus & conatum ad vomendum, oculi ru beant, nec perinde adesse inflātionem alicuius dictarum partium, esse necessarium. Erit autē malum vomitum fuisse finitum, & affectum non fuisse curatum. Quod ad veritatē sententiæ Hippocrat. est satis.

APHORIS. IIIL.

A sudore horror, non bonum.

COMMENT.

*Horror à
sudore.*

Quemadmodum in aphorif. 56. secti. 4. dixit, Febricitanti si sudor superueniat, febre non deficiente, malum, prorogatur enim morbus, & multa significat humiditatem: ita modo horrorem qui à sudore sequitur, dicit non esse bonum. Eadem enim est sententia. Causa namque ob quam malum esse dixit, non deficere febrem à sudore, est, quoniam significat magnam causam, & vires non admodum valentes, & inde morbi longitudinem. Decretoria siquidem, quæ non decernunt, quædam difficulter decernunt, & quædam lethalia sunt. Ita etiam ac pari ratione, si sudore finito ager horrere incipiat, indicium est imperfectam fuisse indicationem, & multam adesse causam, & inde longum futurum morbum, quod bonum non est. Malum autem dicere potuisset iure, vti in aphorismo citato.

APHORIS. V.

*A furore, difficultas intestinorum, aut aqua
inter*

inter cutem, vel magna mētis turbatio, bonum.

C O M M E N T.

Sunt multorum morborum, alij morbi curationes. De quibus duos scribit in præsentī aphor. *Furores quibus curantur.* Hippo. qui furorem curant. Alter est difficul. intestinorum, non ea quæ proptie talis est, cum intestinorum vlcere, sed ea per quam sanguis melancholicus per intestina deiicitur. Sanat autem maniam. reuulsionis & vacuationis ratione. Præterea aqua inter cutem liberat & furore translato humore in lienem & iecur, & deinde intra ventris cauitates & peritonæum. Addit etiam symptoma quoddam, quo curari aut in meliorē statum transferri furibundos vult: id vero est, *ἔκστασις*, siue magna mentis turbatio. *Ἐκστασις.* Hæc enim maniam ea ratione significat in melius mutari, quoniam iuxta indicationes solent magna symptomata superuenire, ac significant paulo post futuram sanitatem, aut in melius mutationem. hæc vult Gal. in Com. Quòd tamen *ἔκστασις*, de magnis mentis turbationibus sit, constat ex Gal. li. 3. De mor. pop. par. 1. in Com. Histor. Pithionis, quāvis eo loco in numero magnorum deliriorum statuatur, *ἔκστηναι*, & *μανῆναι*. Cæterum modo maiorem mētis turbationem dicit significare, *ἔκστασιν*, quàm *μανίαν*, id est, furorem. Posses etiam dicere, *ἔκστασιν* significare hoc loco, *φρενῶν ἀλλοίωσιν*, id est, mētis alienationem, & *θαυμάσµον*, id est admirationem, nam id significat, teste Phauorino, atque ita fiet vt mutatio à mania in *ἔκστασιν*, tanquam in minus malam mentis turbationem, sit bonum..

A P H.

In morbo diuturno, ciborum inappetentia, & deiectiones syncera, malum.

COMMENT.

Ciborum inappetentia in morbis longis. In morbis longis in quibus salus speratur, ciborum appetentia adesse solet, quoniam affectus frigidus est, & frigiditas ventriculi appetitum ciborum commouet, nisi forte ad mortificationem natui caloris, & sensus magnam hebetudinem perducantur, quorum alterum adesse significabit ciborum inappetentia. Deiectiones item synceras in morbo longo significant periculum, siquidem tales deiectiones non tantum non coquuntur, sed intensam admodum caliditatem, aut vehemens frigus ostendunt, sola enim bilis, ac syncera, affatione generatur, absumpta natia humiditate, quæ in singulis humorum est ipsorum serû, & nimia frigiditas inest syncera pituita, quæ nullam habet alterius humoris mistionem. Serum autem ipsius nimia frigiditate exprimitur relicta pituita crassiori. Quamuis Gale. in præsentis aphorif. Commen. de solis biliosis & melancholicis deiectionibus exemplum apponat, quas dicit synceras, & impermixtas, quoniam carent tenui aquoso humore, qui inest ipsis à natura. Fallitur autem qui putat synceras deiectiones esse malas, quoniam longis morbis variæ deiectiones sunt familiares, ac si non fierent morbi longi à pituita, & melancholia solis, & id frequentius, quàm à variis & mixtis humoribus. Neque minus fallitur putans synceris deiectionibus opponi variegatas.

gatas. Quasi verò quæ variegatæ non sunt, synceræ esse debeant, cum tamen deiectiones bilis *Deiectio* pallidæ solius, neque variegatæ sint, neque syn- *nes varie-* ceræ. Non sunt enim variegatæ, vt constat: sync- *gata.* ræ verò nō sunt, quia natiuam humiditatem permistam habent, vt Gal. docet in Comment. & infra Comm. 23. Et rursus. lib. 2. Prognost. Comm. 38. inquit. Itaque flauam bilem, intueri licet interdum crassam, ac summè flauam vomitione reiectam, & rursus deorsum deiectam, quam quidam vitellinam nominant. Sæpe verò humidiorē ac minus flauam, quæ magis proprie pallida nominatur, permistum habens in se tota, pituitosum humorē tenuem, aut aquosum quoddam excrementum. Quo loco synceram deiectionem dicit eam, quæ flaua est & impermixta cum alia materia: Non synceram verò, quæ permistam habet tenuem pituitam, aut aquosum humorem, quem serum ipsius diximus. Neque tamen ex horum commistione variegata fieret deiectio nec syncera.

APHORIS. VII.

Ex multo potu rigor & delirium, malum.

COMMENT.

A multo potu vini de quo Gal. vult intelligendam sententiā, delirare solēt homines turbata ac *Rigor à potu vini.* confusa mēte. Non rigent autē nisi cum ad id mali peruentum sit, vt vasa immodice repleantur, & natura tentet abundantiam trudere quod in rigoribus fit. Malumque ideo significare dixit,

quoniam nimia oppressio per vini potationem, aut extinctionem natiui caloris, aut apoplexiam minatur.

APHORIS. VIII.

A tuberculi intus ruptione exolutio, vomitus, & animi deliquium fit.

COMMENT.

Φύμα. Φύμα hoc loco significat tumorem omnē præter naturam qui celeriter tendit in suppurationem. Hunc contingit introrumpi ad vētriculum quod significat vomitus in præfenti dictus, ad hanc rupturam duo sequi solent, dissolutio & animi deliquium, quorum alterum ad vitalem, alterum ad animale faculatem attinet. Exsolutio enim vitalis facultatis ideo fit, quoniam cor ventriculo compatitur & puris fumus aut fœtidus vapor spiritum vitalem corrumpit. Deliquium animi fit consentiente animali facultate medio corde, ac per nervos sextæ coniugationis.

APHORIS. IX.

A sanguinis profluuiio delirium, aut etiam convulsio, malum.

COMMENT.

Delirium à proflu. sang. Ad sanguinis profluuium multa mala atque mors ipsa sequi solet, ut apho. 16. sect. 5. dixerat. Sanguine enim immodice fluente natiuus calor dissolvitur, vniuersum corpus refrigeratur, & pulsus languet ac deficit. Animalis quoque facultas laborat,
tum

tum sentiens, tum loco mouens. Sentiēs sane quæ interna est cum non habeat spiritus animalis copiam, non valet formas rerum componere, sed singula confundens, delirare cogitur. Cum minime constet ad aliquid componendum & agnoscendum. Laborāte facultate quæ loco mouet, ob inopiam sanguinis & spiritus neruorum cōuulsio fit, quæ siccitatem & inanitionem sequitur. Delirium malum est, sed quod per refectionem sanguinis facile curetur. Conuulsio maius malum est & fere immedicabile, siue quod difficile curetur, ut inquit Gal. infra Comm. 13. Quòd si ambo iungantur, deterius erit.

APHORIS. X.

Ab ileo vomitus, vel singultus, vel conuulsio, vel delirium, malum.

COMMENT.

Ileos inflammatio est in intestino ileo: quæ di- Ileus.
spositio lethalis est, & magna ex parte interimēs. Affert autem quandoque praua symptomata de quibus est vomitus, conante natura causam mordentem, aut eam quæ dolorem efficit atque inflammationem deorsum pellere: facta autem compressione quod deorsum non cedit cogitur sursum repelli vomitione. Solet quandoque concitari singultus mordentibus excrementis ad os ventriculi ascendentibus. Consentiente autem cerebro, si malum animale facultatem sentientem offendar, fiet delirium: si mouentem, conuulsiones quandoque fient.

flammationis, & cerebri per cōsensum lēSIONEM. Quòd si de vera phrenitide loquatur, hæc mala est superueniens pulmonæ, ita vt comprobatione non egeat sententia.

APHORIS. XIII.

Ab ardoribus vehementibus conuulsio, aut distensio, malum.

COMMENT.

Ad vehemētem calorem aut ardorem fortem non solent conuulsiones, aut distēSIONES superuenire, nisi ob nimiam ariditatem. talis autē dispositio aut immedicabilis est, aut difficile admodum curatur, & ita, malum recte dixit.

APHORIS. XIII.

A capitis ictu stupor, vel delirium, malum.

COMMENT.

Cum caput percussum fuerit valido ictu, lapide, aut ligno, aut ferro percutiente, contundente potius quàm scindente, aut homine ab alto cadente, solent percussi mente turbari, & attoniti manere perterritorum instar, animali facultate in totum soluta, & à suo munere cessante. Talis est quam Hippo. modo ἐκπληξις, nominat. Solent etiam ad se redeuntes delirare, aliqua ex parte restituta animali facultate, fiunt quoque attoniri percussi, vulnere ad membranas & cerebrum ipsū penetrante, & caluaria fracta, atq; ossē aliquo fracto cōprimēte cerebrū. Sed hi sopore detinētur alto, & oculos claudūt, nō omnes. Attoniti quoq; manent & toto corpore stupidi, ob magnā

Stupor à
vulnere
capitis.

Ἐκπληξις,

Attoniti
qui fiunt.

cerebri concussionem, & conquassationem sine vulnere effatu digno. Quod ex alto loco cadentibus euenire conspeximus multoties, quos etiam non multo post restitutos vidimus. quod non euenisset si vulnus aut fractura effatu digna ipsis contigisset. Id quoque euenisse vidi cuidam cuius caput alter subito à tergo culcitra percussit, is enim me præsente cecidit attonitus, & intra horam ad se rediit. Solent autem hi antequam in torum restituantur delirare. Quapropter non opus est ab accidentibus scriptis in aphor. colligere vulnus capitis caluariam penetrasse, aut cerebrum ipsum violasse.

APHORIS. XV.

A sanguinis sputo puris sputum, malum.

COMMENT.

Sanguis spui solet rupta vena quapiam in pulmone, pus vero spuitur ab inflammatione rupta, aut vlcere pus generanti. Quoniã vero per inflammationes sanguis non spuitur, de eis non est aph. sed de vlcere pulmonis à quo primum manat sanguis resudatione, aut vulnere, aut exesione. Puris vero sputum significat non fuisse vlcus consolidatum, sed opus esse deterfione, & mundificatione vlceris, & deinde consolidatione, antequã phthisis fiat, quod malum esse constat.

APHORIS. XVI.

A puris sputo tabes, & fluxus: quum vero pus retinetur, moriuntur.

COM.

C O M M E N T.

Si sanguinis sputum in sputum puris eat, à puris sputo tabes speratur, nisi cito pus repurgetur. *Tabes fit ab sputo puris.* Nam ad pulmonis vlcera totius corporis sequitur consumptio cum febre habituali, sequitur quoque fluxus capillorum, aut fluxus ventris, vt Gal. in Comm. testatur, vocem, *ῥύσις*, dicens alterum *ῥύσις*. horum significare, quæ duo Hippoc. vt signa mala tabidorum scripserat sectione 5. aphor. 11. & 12. fallitur autem aperte qui putat prædictam vocem significare fluxum sputi, & non proprie dici capillorum fluxum. Cum tamen nullus vnquam dixerit sputum fluere, sed reiectari, & à pulmone pelli tussi. Capillos autem sponte decidere dicunt & fluere, qua dicendi forma Hippo. ipse vsus est, cum loco citato aphor. 12. dixit, Quibuscumque tabidis capilli de capite *ῥέωσι*, id est fluxerint. *ῥύσις* igitur, id est fluxus, de capillis dicitur apud Hippo. Quod si sputum retineatur morientur sane. nam sputi purgatione seruant respirationem & vitam, retento vero sputo strangulatur, citius quum aut ventre, aut capillis fluentibus, quamuis & ad hæc non longe mors sequatur.

A P H O R I S. XVII.

A iecoris inflammatione singultus, malum.

C O M M E N T.

Malum esse dicit si quis iecoris inflammatione laborans singultiat, significat enim magnam esse inflammationem, quæ secum in consensum ducat ventriculum per communes nervos sextæ

coniugationis. Huic rationi Gal. addit bilis generationem, quæ inflâmato iecore augetur, feruén- que ad ventriculum missa mordens, singultum mouet. Quemadmodum & ob magnitudinem comprimens ventriculû singultum mouere posse non est dubium.

APHORIS. XVIII.

A vigilia conuulsio, vel delirium.

COMMENT.

Gal. in Comm. testatur huic aph. in quibusdâ codicibus additum esse, malum, etiam si sine ipso cognita sit apho. sententia, & conuulsionis & delirij malitia. In quibusdam quoque inquit, absque parte illa delirium, scribi apho. quoniam conuulsio magis mala est quæ vigiliam sequitur, & quod magis malum est id scribit. Conuulsio tamen ad vigiliam sequens sicca est, & delirium biliosos ostendit factos humores; siquidem vigilia siccat & bilem auget.

APHORIS. XIX.

Ab ossis denudatione erysipelas.

COMMENT.

*Osse nuda-
to erysipe-
las.*

Apho. hic vnum duorum significat, aut ab osse nudato sequi erysipelas, quæ passio carnis est: aut ab osse nudato, vbi sequatur erysipelas, malum significare. Hoc secundum verum est, quoniam malum significat graue, & quod rursus tegi carne os non possit, nisi curato erysipelate. Si vero primum significet, verum non erit, siquidē id non est
de

de his quæ magna ex parte eueniunt, aut semper fiunt, qualia solent in apho.scribi.

A P H O R I S. XX.

Ab erysipelate putredo, aut suppuratio.

C O M M E N T.

Magnam corruptionem significat adesse vbi cum erysipelate putrescit caro, ad putrefactionem vero sequi suppurationem quandoque, notum est. Putredinem autem & suppurationem carnis quæ erysipelate molestat, intelligendum est. Hæc coniungi erysipelatibus videmus, si phlegmonem coniunctam habeant. Quod anno superiori vidimus Carolum Principem nostrum passum fuisse in facie & palpebris. Idem passus est in fronte Magister equestris disciplinæ, illustris admodum Ludouicus Quixada. Illi quoque qui cum bile commixtam habent melancholiam, phagedenam & cancerum patiuntur, in quibus cum erysipelate adest putredo & puris effusio.

*Caroli
Principis
morbis.*

A P H O R I S. XXI.

A vehementi pulsu in vlceribus, sanguinis fluxus.

C O M M E N T.

Vlcera patiuntur inflammationem aliquando adeo magnam, vt pulsus in ipsis sentiat, ut vehemens. Sentiri sane pulsus contingit, quoniam caro ab arteriis comprimitur, ad quarum pulsus manifesta compressio fit partium, quæ alioqui inflammationis ratione sunt oppressæ.

*Pulsus in
inflammatione.*

L.ij.

αἱμορραγία.

Malum autem est partem ulceratam magna inflammatione vexari, & inde in ea parte vehementem pulsum sentiri. Sanguinis autem αἱμορραγία, sequi quoque testatur. est autem αἱμορραγία, sanguinis fluxus ex naribus, teste Gal. lib. I. De morb. pop. par. I. Comm. 9. dicente, Vocat autem Hippo. αἱμορραγία, vbi non adiecerit partem ex qua sanguis vacuatur, sanguinis ex naribus fluxionem. Hæc autem iure sequitur ad vehementes pulsus in ulceribus, quæ nihil mali significat.

APHORIS. XXII.

A dolore diuturno partium quæ sunt circa ventrem, suppuratio.

COMMENT.

Quamuis Gal. Comm. 18. dixerit Hipp. hoc loco, id est in his aph. adponere pessima quæ superueniunt, in hoc non tantum malum nullum superuenire diuturnis doloribus partium quæ sunt circa ventrem scribit, sed bonum potius, suppurationem dicens. Hæc autem sequitur prædictos dolores, vbi à flatu non fiant, neque ab acris humoribus, sed ab inflammatione. Perseuerante enim dolore si mors non præueniat, suppuratio fiet. Colliges autem dolorem cum ab inflammatione fieri, si adhibitis remediis oportune non curetur attemperamento, aut dissolutione. Attemperamento enim curatur distemperies, dissolutione vero flatus, & tumor, qui dissoluentibus cedat: qui vero non cedit, & à calidis humoribus dolorem facientibus fit, inflammationem facit, quæ suppu-

suppurabitur, non præueniente morte suppurationem.

APHORIS. XXIII.

*A syncera deiectione difficultas intesti-
norum.*

COMMENT.

Suprà Com.6.explicuimus quas appellare conueniat synceras deiectiones : Galenum quoque melancholicas aut biliosas eas intelligere. Verum tales synceræ cum fuerint, & humiditate priuatæ intestina detergentes & abradentes, dysenteriam facile inducent.

APHORIS. XXIII.

*In ossis discissione delirium, si vacuū pre-
hendat.*

COMMENT.

Fieri sane potest vt discissio ossis capitis de qua præfens sermo est, (vt Gale. vult) ad cauitatem perueniat, neque tamen æger deliret. quod sæpe fieri videmus adhuc membrana ipsa dura læsa, verum Hippoc. quod magna ex parte fieri vidit, id docuit.

APHORIS. XXV.

*Ex medicamento purgantis potu conuul-
sio, lethalis.*

COMMENT.

Est hic apho. generalior primo sect.5. quoniam hic de conuulsione sequente purgationem à quo-uis medicamento purgante factam, ille de sola

ea quæ ab elleboto fit, scribitur. Vt cumq; tamen magnæ euacuationes siccas cōuulsiones afferunt, quæ fere immedicabiles sunt.

APHORIS. XXVI.

In vehementi dolore partium quæ circa ventrem sunt, extremarum partium refrigeratio, malum.

COMMENT.

*Extremo-
rū refriger.
à dolore.* Dolor omnis naturam commouet, ipsa vero sanguinem & spiritum ad dolentem partem trāsmittit, veluti auxiliares copias, interim tamē cum hæc partes alias deferant, necessum est ipsas refrigerari. Dolentibus itaque partibus quæ ad ventrem sunt, extremæ, vt manus, pedes, caput, & cutis vniuersa frigida relinquentur. Sed & fit vt partes extremæ refrigerentur ob caloris natiui languorem, & nimiam eiusdem oppressionem, & ob animi deliquium, aut ob visceris cuiusuis inflammationem, de qua aphor. 1. huius sectionis diximus.

APHORIS. XXVII.

Mulieri utero gerenti si tenesmus superueniat, abortum facit.

COMMENT.

Experimentū docet veram esse aph. sentētiā, neque tamen ratio est inuentu difficilis: nā si mulier dolet ob recti intestini inflammationem, & causam doloris in vanū conatur expellere, ex vehementi labore, ad imas partes compresso vētre, fiet vt fœtus quoque impellatur, & excludatur.

APHO.

*Quodcumque os, aut cartilago, aut nervus
abscindatur in corpore, neque augetur, neque
consolidatur.*

COMMENT.

Hic apho. abunde expositus est supra sect. 6. est-
que decimus nonus.

APHORIS. XXIX.

*Si ei qui ab alba pituita molestatur vehe-
mens diarrhæa superueniat, soluit morbum.*

COMMENT.

Quod fluxus ventris quem diarrhæam vocant,
leucophlegmatiam sanat, ut in hoc habetur apho.
atque omnem malorum succorum redundanti-
am, notissimum est, verum quod in hoc apho. specia-
tim significare voluit, id est non tantum diar-
rhæam esse conuenientem ad curationem eius
speciei hydropis, sed vehementem esse debere, si-
ue diuturnam. Quoniam adeo magnam abundan-
tiam ut possit vniuersum corpus in tumorem œ-
dematosum eleuare, non nisi magna vacuatio
sanare valet.

APHORIS. XXX.

*Quibus in ventris profluvio spumosa sunt
deiectiones, ijs à capite pituita defluit.*

COMMENT.

Spumosa deiectiones fiunt vbi in ventre spu-
ma generetur, aut à vasis ad ipsum transfun-
L.iiij.

*Spumosa
deiectiones.*

datur aut à capite descendat. Quapropter cum spumosa deiectiones fiant à causis pluribus, recte Gal. dixit indistincte loquutum fuisse Hippo. Nec saluat ipsum, quodd quidam dixit aphor. esse de his quæ magna ex parte eueniunt. Nam spumosa deiectiones maiori ex parte fiunt à calore ventris, aut venarum agentium in lentam pituitam. spumæ autem generatio motu fit, vt in patientibus comitalem morbum, & in mari ventis agitato. Fit etiam à calore subiecta pituita, vti in colico morbo deiectiones apparent, & in febribus pituitosis, & in leberibus effruescentibus succis. Ambæ causæ coniunguntur, in equis ex celeri cursu. Spumosum autem à pulmone in ventrem defluere posse Gal. in Comm. docet, & lib. 6. De lo. pa. cap. 4. de pulmonis abscessu.

*Spuma
generatio.*

APHORIS. XXXI.

*Quibuscumque febricitantibus in urinis
sedimenta fiunt farina crassiori similia, longum
morbum significat.*

COMMENT.

*Sedimen-
tum refe-
rens spe-
ciem fari-
na crassio-
ri.*

Sedimentum referens speciem farinæ crassioris damnatur hic, & lib. 2. Prog. hic sane longitudinem morbi significare dicens, illic malum, siue mortem. In quibus enim facultas valida est & quæ morbum ferre possit, prorogabitur morbus, quoniam crassus humor qualis qui sedimentum prædictum facit, non nisi longo tempore vincetur, vt æger liberetur à morbo. Languentibus autem viribus morbus cito finietur, & ad malum. Quapropter
non

non videtur eundem terminum habere morbus ad salutem, & ad mortem, cuius contrarium docuit Hipp. Prog. 1. libri. 3. sed eo loco nos dubium hoc solvimus. li. vero secundo in expositione 28. hunc apho. abunde enarrauimus, ad quam lectores remittimus.

APHORIS. XXXII.

Quibuscumque vero biliosa subsidentia, superius tenues, acutum morbum significant.

COMMENT.

Bifariā legi posse hunc apho. Gal. in Com. testatur. aut enim significat acutum fore morbum, si in vrinis fuerint hypostaseis biliosæ, & ἀνωθεν, id est superiori parte tenues, hoc est aquosæ, aut ita ut, ἀνωθεν, temporis superioritatem, non loci, significet, eritque sensus: Si in vrinis hypostaseis fuerint biliosæ modo, & ante tenues, siue aquosæ, acutum morbum indicant. Primum sensum reprehendit, dicens: Ego autem numquam vidi vrinam cuius subsidentia in ipsa sit biliosa, quod vero supernatat aquosum. Sed dices, ut quidam, parum modeste, Gal. falli, & Grāmaticam syntaxim ignorasse, qui partem illā, λεπτα, id est tenues, quæ habetur in apho. ad vrinas referre voluerit, cū tamen, ἔρον, generis neutrius sit, λεπτα, vero adiectiuū fœmininū. Cæterum ut multa alia prætermittamus, nullus est in Gal. monumentis versatus, præsertim si. li. de vsu partiū legerit, qui non facile intelligat neminem in Græcia aut Latio, in dicendi peritia eo fuisse superiorē, nedū ut in nominū syntaxi credatur errasse. Cū enim dixit, Pars autem illa, ἀνωθεν δὲ λεπτα, id est su-

*Gal. à ca
lūnia vris
dicatur.*

perius tenues, hoc est a quosæ (ita enim assuevit Hipp. uti appellatione tenuis) videtur nō recte dici, quoniā vrina aquosa cruda est, & diuturna. In hac oratione partē λεπτα, nō refert ad vrinas, sed ad hypostaseis, vult autē vrinā quæ continet superius tenues hypostases crudum ac longum morbum significare, uti & vrinæ aquosæ. Vrinā vero dicit se non vidisse, quæ biliosas habeat hypostaseis, & quod supernatat aquosum. Appellat autē aquosum Gal. quod Hipp. tenue. Et his verbis aperte constat aquosum quod significare dixit vocem λεπτα, id est tenues, non referri ad vrinas, sed ad hypostaseis supernatantes, quas dicit se nō vidisse tenues, hoc est aquosas, cum subsidentibus biliosis. Non tamē negat se vidisse vrinas aquosas suprema parte, cum biliosis subsidentibus. Improbe enim collegisset aduersus eos qui partem illam, ἀνωθεν referebant ad superiorem partem vrinæ, reddens rationem, quoniam non essent visa supernatantia tenuia, siue aquosa, cum biliosis subsidentibus. Si enim tenuia & tenues ad vrinas referre vellent, ad veritatem opinionis illorum id non esset necessariū. satisfaceret enim si vrinæ aliquæ essent suprema parte tenues, cū bilioso sedimento. Ex lectione tamen Gal. qua tenues ad cōtēta vrinarū refert, optime reprobatur primus sensus apho. Cū inquit Gal. Quæ talia sunt crudum ac longū morbum significāt, id est cōtēta aquosa, crudū ac longū morbum significant. Quæ si esse possent cū sedimento bilioso, falsū esset quod Hipp. dixit, acutum morbum significare. Quod si apho. falsus non est, sensus illorū quorū Gal. meminit

primo loco non erit verus. Alter sensus est facilis ac verus, quo docet si post contenta tenuia supernatantia sequantur hypostaseis biliosæ, morbum acutum significari, quatenus biliosi acuti sunt, & maxime si ex crudis cocti iam appareant. Vult igitur Gal. partem λεπτα, referre ad hypostaseis in utroque sensu, sed in priori ἀνωθεν, significat locū superiorem, quo continetur contentum tenue, id est aquosum, quo ibidem apparente vrina dicitur aquosa & cruda, quæ nō significasset acutum morbum, ut vult, Hipp. sed longum. In secunda vero lectione ὠνωθεν, id est supra, temporis significat differentiam, ob quam hypostaseis primum tenues apparent, & postea biliosæ, acutum morbum significantes: quod verum est.

APHORIS. XXXIII.

Quibuscumque vrinae dissidentes fiunt, ijs magna perturbatio in corpore adest.

COMMENT.

Magna turbatio atque confusio adest in corpore quoties, quosdā humores coquit ac superat natura, alios superare non valens. Quod ostendunt vrinæ dissidentes, colore videlicet, substantia, aut contento diuersæ: Differentes humores ostēdentes tēperatura, atque substātia. Hinc quoque morbi longitudinem prædicere licebit, siquidē tēporis longo spacio erit opus, si natura omnes eos ad vnam formam & speciem reducere debet, & quoniam interim cum multis est pugnatura.

Vrinae dissidentes quæ.

APHORIS. XXXIII.

Quibuscumque in vrinis bullæ supernatant

morbos renum significant, & longum futurum morbum.

COMMENT.

In morbis renum pendentibus à crassis humoribus bullæ solent in vrinis supernatare, generationem quidē habentes à crasso humore, præsertim tenaci & viscido, qui à calore in bullas vertitur intercluso flatu. Supernatāt autem ob leuitatem, quoniam à flatu subleuantur. Crassi autē humores quique frigidi sunt, longū efficiunt morbum: tales etenim sunt omnes morbi qui à simili pendent causa.

APHORIS. XXXV.

Quibuscumque autem pingue est quod supernatat, atque accumulatum, iis renum morbum acutum significat.

COMMENT.

Si in vrinis appateat pinguedo, notū est ipsam esse supernatantem, ex pinguedinis natura, verū si hæc sensim descendat, quod fiet vbi febris aliqua vehemēs membrorū pinguedinem colliquauerit, acutus morbus erit, sed non renalis. Cum autē accumulatū pingue descēdit, id vitiū renum est, atque acutum. Prog. tamē 35. li. 2. colliquationem dixit significare vrinam cui supernatant pinguedines similes telis arachneorum. Quo loco illam & præsentem sententiam late exposuimus.

*Pinguedo super
natans.*

APHORIS. XXXVI.

Quibuscumque morbo renali laborantibus prædicta signa contigerunt, & dolores circa dorsales

dorsales musculos fiunt, siquidem circa externa loca fiāt, abscessus quoque extra futuros spera: si tamen dolores magis circa interna loca fiant, abscessus quoque intus futuros magis spera.

COMMENT.

Si apparuerint signa in duobus præcedentibus. apho. scripta, quæ renum morbos ostendunt, præterea etiam accesserit dolor dorsalium musculorum, abscessus futuros sperare docet, sed cum distinctione quæ ad locum patientem pertinet. Sūt enim musculi dorsales quidā interni, qui ad renes pertinent, quidam externi siue extra dorsum aut post dorsum. In qua parte tamē dolor fuerit, in ea est abscessus sperandus. Solet enim per cōmunes venas renum & lumborum humor in eos musculos transfundi, & à renibus distrahi in partē aliquam de dictis, in qua abscessum facit. Id vero magna ex parte dixit fieri, nam sæpe accidit ut qui talia patiuntur liberentur à morbo renali, humore per urinam excreto, aut in aërem dissoluto.

APHORIS. XXXVII.

Quicumque sanguinem vomunt, si sine febre quidem, salutare: si vero cum febre, malū. Curare autē oportet adstringentibus, & refrigerantibus.

COMMENT.

Prima pars apho. ad prædictionē spectat, secūda ad curationem. In prima docet sanguinis vomitū sine febre esse bonū: cū febre vero malū, verum, cū apho. 25. dixerit, sanguinē qualem cūque supra

malum esse, & id circa distinctionem dictum sit: reliquū est ut bonū siue salutare hoc loco idē sit, quod minus malū. Nā minus periclitantur qui sine febre sanguinē vomūt, atque plures ab ea dispositione liberantur, cū qua febris nō iungitur: quāvis cum febre & sine febre sanguinē vomere, sit malum. Docet autem vlcus ventriculi curare vbi cū febre non fiat, quia id non habet coniunctā inflammationē, adstringentibus & refrigerantibus. Talia etenim sunt quę valent ad assolidanda vlcera, & sanguinis emanationem compescendam.

APHORIS. XXXVIII.

Defluxiones ad ventrem superiorem, in viginti diebus suppurantur.

COMMENT.

Terminū præfinit quo suppurari solent defluxiones quę fiunt ad pulmonē, & thoracem. Cavitas enim thoracis hic superior venter appellatur. Quòd vero tumores, & humorum collectiones quę defluctione fiunt ad thoracē, in 20. diebus supperētur, ideo fit, quia locus calidus est, & morbus eorū locorū acutus, terminus vero dies quartus decimus, ex his quę ab Hipp. aliàs dicta sunt. Est autem. 14. terminus internus morborum acutorum; externus tamen, ut nos quoque docuimus, 20. est, intra quem limitem solent suppurari tumores qui morbos faciunt acutos, quales sunt qui ad superiorem ventrem spectant.

APHORIS. XXXIX.

Si sanguinem minxerit, & grumos, & stillicidium vrine patiatur, & dolor incidat in
inter

*interfæmineum, & imum ventrē, & pectinē,
quæ circa vesicam sunt agrotare significant.*

COMMENT.

Hic apho. expungendus esset alibi scriptus, nēpe
sect. 4. ordine 80. quo loco à nobis expositus est.

APHORIS. XL.

*Si lingua subito incontinēs fiat, aut pars ali
qua corporis resoluatur, hoc melancholicū est.*

COMMENT.

Subitam incontinentiam linguæ, & partis alicuius resolutionem dicit significare melancholicū humorē. Quod si crassum humorem in causa esse dixisset, in vniuersum vera esset sententia. Nā in temperies subito non euenit, & tenues humores non solent obstructiones efficere, à quibus incōtinēs fit lingua, & parti alicui aduenit resolutio, nisi inflammationē efficerēt. Sed hæc non fit repente. Crassi vero humores quidam sicci sunt, quidā humidi: vtrique facere possunt prædictas passiones. nam pituita non tantum solet subito facere linguæ incontinentiam, qualem affectū ebrij patiuntur, sed & resolutiones, & apoplexias. Res hæc plana est & vera, cui nullus hucusque cōtradixit. Humorem vero melancholicum hæc eadē facere posse, non est dubium, sed non adeo frequenter, vti pituita.

APHORIS. XLI.

*Si senibus supra modum purgatis singultus
superueniat, non bonum.*

COMMENT.

Quamuis Hipp. apho. 4. sect. 5. dixerit malum

esse ex superpurgatione aduenire cōuulsionem, aut singultum: hoc in loco non immerito repetit de senum singultu sentētiā, ibidem etenim didixit malum, hīc vero non bonum. Nam etsi in vniuersum malum sit, vt eo loco dictum est, singultum purgationi immodicæ superuenire: senibus tamen non est adeo malum, qui naturali temperatura sicci sunt, & malum sequens immodicas vacuationes facile sentiunt. Ideoque cum non adeo malum sit, vt in aliis ætatibus, in quibus tardius ad ariditatem quæ singultū adducat peruenitur, recte non bonum esse dixit, & senum particulatim meminit.

APHORIS. XLII.

Si febris apprehenderit non à bile, aqua calida plurima superfusa capiti, soluit febrem.

COMMENT.

Gal. in huius apho. Com. conatur (vti solet) veram facere Hipp. sententiā, qua docet in febribus aliis ab iis quæ à bile fiunt, multam aquam calidam capiti perfusam curare febrem. quod de balneis in vniuersum intelligit. Conuenit enim febribus hecticis quibus non est coniuncta inflammatio, aut alterum febris genus, & febribus diariis quæ fiūt ex lassitudine, obstructione, refrigeratione, aut exustione: non conuenit tamen eis quæ à bile putrescente fiunt, siue flaua siue atra fuerit, nisi oportune adhibeatur coctis humoribus, & pro maiori parte purgatis. Hipp. namque sine hac distinctione absolute loquitur. Neque contradicit huic sententiæ, quod febribus
ortis

ortis ab inflammatione iecoris, lienis, pulmonis, & similibus balneum noxium sit. nam cū Hipp. dixit in febribus, solas eas intellexit quæ non sunt aliorum morborum symptomata, siue febres accidentes, quales sunt quæ sequuntur partium inflammationes. Febres autem à sanguinis putredine ortas, vt alibi docuimus, iam quodam modo biliosas esse, recte quis affirmauerit. In his vero quæ à pituita putrescente fiunt, non videtur apho. verus, nisi pituitam quoque putrescentem in bilem verti dixerit, quod mihi non satis placet. Sicuti neque illud quod docuit li. 6. de mor. pop. par. 5. cum inquit, Elleborum bibentem citius purgare si velis, lauare atque comedere. Cui sententiæ subscribit Gal. in Com. dicens: Quo itaque modo quibus est sanguis crassus lotis, his sanguinem detrahi præcipit, ita & quos purgaturi sumus, lauacris esse vtendum, vt tum citius, tum citra molestiam magis expurgentur. Placet sane lauare eos qui crassis humoribus abundant, non tamen valde multis, sed ipsis alia ratione prius attenuatis, & magna parte purgatis. Lauabat autem Hippo. eos qui multos ac crassos humores congefferant, quos videlicet ad eam quæ per elleborum purgationem parabat. Hanc nostram sententiam comprobatur Gal. infra Com. 46. cum inquit: Neque enim vinum, neque balneum tolerat plètorica dispositio, & infra: Si vero multitudo fuerit, recte quidem venæ vtentur sectione: non recte autem lauabunt, & vinum dabunt.

*Febris a-
pud Hipp.*

*Apho. ve-
ritas exa-
minatur.*

Mulier ambidextera non fit.

COMMENT.

*Mulier
ambi-
dextera
non fit.*

Gal. in huius apho. Com. vocis huius, ambidexter, significationem exponit, & apho. rationem reddit quæ tota ad naturam seu temperaturam maris & fœminæ refertur, vt enim lib. I. De arte medendi cap. de temperamentis docuimus, Mares fœminis in omni genere sunt calidiores ac robustiores. Quapropter & si robur viris adesse possit tantum, vt ambas manus dextras habeât, hoc est vt ambabus manib⁹ vti ad exercitationes & validas actiones, liberaliter, & facile valeant: non propterea ad idem valebunt fœminæ, quibus mollior est musculorum constructio, & paucior calor natiuus, cum spiritu, tum vitali, tum animali. Experimentum quoque suscribit huic rationi, ac comprobât apho. veritatem.

APHORIS. XLIII.

Quicumque suppurati vruntur, aut secantur, si pus purum effluxerit, & album, liberantur, si vero subcruentum, cœnosum & fœtidum, moriuntur.

COMMENT.

*Empyicos
vni Hipp.*

Apho. hic sicuti neque 27. sect. 6. docet an empyici secari aut vri debeant, neque qua parte. docuerat autem id. lib. de internis passionibus dicens: Si tamen pus in pectus erumpit, qua parte
tibi

tibi videtur significare ea vrens aut secans, detrahe parum imprimis. Docet tamen in præsentī ex puris natura & eiusdem conditionibus, prædicere an æger saluari, an mori debeat. Si enim pus album & purum, id est vnius formæ fuerit, non ex diuersis naturis commixtum, liberabitur. Quod si pus fuerit suberuētum colore, cœnosum substantia, fœtidum odore, morietur. Id est quod dixerat Prog. vltimo lib. 1. his verbis, Pus autē optimum albū esse debet, æquale, ac læue, & quàm minime fœtidum. Huic vero maxime contrarium, pessimum est. Hunc apho. scripserat Prog. 70. lib. 3. cum inquit: Quicumque vero ex empyicis vruntur, quibus pus purum, album & sine prauo odore fuerit, seruātur: quibus vero subcruentum, & cœnosum, moriūtur. Cuius loci expositionem à nobis traditam legēt, qui voluerint huius apho. habere integram enarrationem.

APHORIS. XLV.

Quibuscumque iecur suppuratum vratur aut secatur: si pus purum effluxerit, & album, liberantur, in membrana enim pus continetur. Si vero amurcæ simile effluxerit, moriuntur.

COMMENT.

Exēplo docet quod in apho. 44. dixerat. iecur enim si inflātionem patiatur, & suppuretur, vbi secetur, aut vratur (quod raro facere cōuenit, nisi prius rumpatur, & pus intra peritonæum fluctuet) si pus album effluxerit & purum, validam

significat coëtricem facultatem iecoris, & pus, ut inquit Hipp. in membrana contineri, neque substantiâ iecoris læsisse, id vero salutare est. Quod si cœnosum effluxerit, & amurcæ simile, id est faci olei, morientur, quoniam inualidam significat naturalem coëtricem iecoris, & pus ipsius substantiam penetrasse, & putrefecisse.

APHORIS. XLVI.

Dolores oculorum, postquam merum potandum dederis, & aqua plurima calida laueris, venæ sectione curato.

C O M M E N T.

Apho. hic adscriptus est, ut ex eius doctrina constet, siquidem integer est & verus 3. sect. 6. quo loco fuit à nobis enarratus. Male autem docet curare dolores oculorum primum meri potu, & balneis, deinde sectione venæ. si enim adfuerit humorum copia in corpore, balneum & meri portio non conuenient ab initio: si vero ea abundantia non adfuerit, sanguinis missio non conueniet.

APHORIS. XLVII.

Si eum qui aqua inter cutem laborat, tu sisprehendat, desperatus est.

C O M M E N T.

Hic apho. est 35. sectionis 6. quo loco est à nobis expositus.

Apho-

APHORIS. XLVIII.

Stillicidium urinae atque eius difficultatem, vini potio, & sanguinis missio soluit, secare vero interiores.

COMMENT.

In Com. 36. sectionis 6. hunc apho. exposuimus, quātum attinet ad venæ sectionem. Quod veto de vini potu meracioris dixit, ad nonnullas urinae distillationes & mingendi difficultates valet, ad eas nempe quæ fiunt à crassis, aut frigidis humoribus, aut ab spiritu flatuoso, aut frigida intemperie.

APHORIS. XLIX.

Ab angina molestato tumor & rubor in thorace superveniens, bonum: extra enim vertitur morbus.

COMMENT.

Hunc apho. exposuimus Com. 36. sectionis 6. & iste videtur additus.

APHORIS. L.

Quibuscunque cerebrum sphacelo laboraverit, in tribus diebus pereunt: si vero hos effugerint, sani fiunt.

COMMENT.

Σφακελισμός, de corruptione dicitur, qualis quæ sequitur γάγρανᾱ, & de ea corruptione quæ adhuc corrigi potest, sed est veluti incipiens corruptio, quo modo hic ab Hipp. accipitur. Talem

Σφακελισμός.

enim corruptionem, qualis in demortuis particulis inuenitur, quæ obfciſſione & vſtione egent, non dixiſſet in cerebro fieri, & poſſe ſanari, vbi tertium excēſſerit diem. Quando igitur cerebrum mortificationi ſimilem diſpoſitionem patitur, ob morbi magnitudinē & vehemētiam, citiſſime mors ſequetur, aut deinde ſalus ſperabitur, tanquam ab acutiſſimo morbo cuius terminus eſt dies quartus. Quòd ſi tertium effugerit

σφακελί-
ζεν.
σφακέλις.

æger, vires habere valentes eſt coniiciendum, & ſalus ſperanda ab ſphacelo. σφακελίζειν quoque oſſa dicit, in libris de articulis tertio, & de fracturis ſecundo, ſæpe, & Ariſto. de plantis quæ à nimia frigidityte, aut vehemēti æſtu ſuperantur, libro de iuuentute & ſenectute loquens, prædicta vtitur voce Sphaceli. præterea varias ſignificationes li. 2. de lo. pa. ca. 2. tradit & pro magno dolore, & gangræna accipi dicit, & li. 6. de morbis, curandis, ſphacelum appellat cariem oſſis & totius ſubſtantix corruptionem.

APHORIS. LI.

Sternutatio fit ex capite, calefacto cerebro, humectato eo quod eſt in capite inani. effunditur enim extra ær intus contentus: ſonat autem, quoniam anguſtus eſt ei exitus.

COMMENT.

Gal. hunc aphoriſ. abunde declarat in iſtis Comm. atque ea de cauſa ad eum locum lectoris remittens, ab enarratione abſtinuiſſem, niſi
dubium

dubium mihi videretur quod de sternutamento Gal. dicit, copiam humoris in cerebro sternutationem non facere, nisi in flatuosum spiritum conuertatur, argumento sumpto ab iis qui multum humorem à capite purgant, non tamen necessario sternutant. Cum enim nares intus penna irritamus, sternutatio sequitur: non tamen quoties id facimus conuertimus in flatum humorem. Præterea si humor aliquis aëris internam narium membranam momorderit, sternutatio commouetur, etiam si nullus commouetur flatus. Quod verò ad excretionis tempus attinet, in quo flatus à pulmone sursum fertur, & à capite alter expellitur: dicemus flatum excerni per nares & os. Verum is totus à pulmone pulsus impetu magno per nares & palatum mittitur, & pars eius caluatiam penetrat, per palatum & per nares, qui exiens, secum defert humorem qui caput grauat, atque eum qui mordet.

Sternutamentum sine generatione flatus fit.

APHORIS. LII.

Quibuscumque iecur circumdolet, iis febris superueniens, soluit dolorem.

COMMENT.

Cum dolor aliquis vehemens, iecur vexauerit, is aut ab inflammatione procedet, aut à flatu: si ab inflammatione, febrem habebit coniunctam, ac proinde Hip. non loquitur de eo dolore, cū dixerit febrē superuenire, doloribus autē

M.iiij.

à flatu febris superuenit, hæc tamen soluit dolorē vehemētē. Sic enim Gal. exponit vocem *περιοδουέστα*. flatum autē à calore febrili dissipari notum est.

APHORIS. LIII.

Quibuscumque conuenit sanguinem à venis detrahēre, iis conuenit vere venam secare.

COMMENT.

Hic apho. integer scriptus est supra, atque est 47. sect. 6. quo loco ipsum enarrauimus.

APHORIS. LIIII.

*Quibuscumque inter septum transversum & ventrem, pituita concluditur, & dolorem, præbet, non inueniens exitum, nec in aliam cavitatem, iis pituita à venis in vesicam cōuer-
sa, solutio morbi fit.*

COMMENT.

Hac parte docet Hipp. vnū de naturę miraculis. vbi enim pituita concludatur inter septum transversum & ventrem, quæ pars intra peritonæum est, & ibi dolorem efficiat, morbi solutionē fieri posse dicit, trāslata pituita in vesicam. Id sane difficilimum videtur. nulla enim est via cognita, qua humor contentus intra peritonæum trāseat in vesicam, aut prius in venas transferatur. Verū, vt Gal. in Com. inquit, Valenti naturæ non est impossibile inuenire viam materiebus, & omnino

Naturæ
valētis via
patent.

no per vias, non naturæ rātum, sed & peritis quoque Medicis incognitas, excrementa transmittit, & ossibus alimenta demandat, & excrementa ossium defundit, & euacuat. Quod lib. 6. De morb. pop. par. 5. ita scripsit Hippoc. Natura per se impetus, motionesq; citra intellectum reperit, ut tum nictare, & ea quibus lingua subseruit, & quævis alia similia, indocta existit natura, & citra disciplinam quæ oportet facit. Sunt sane multa non tantum in humano corpore, sed extra ipsum quæ nobis in frequenti usu sunt, & eadem quotidie inspicimus, portenta maxima, quæ ea ratione in miraculorum censu non habentur, quod eadem quotidie videamus. Exemplo sunt in nobis musculorum motus, quos mouemus, ut membra ipsa pariter moueamus. Nullo prius docente nos, aut eos musculos, aut eorundem usum ad motum corporis. Et infans ad lac trahendum ex mammis, statim natus mouet linguam, & labia, nunquam eius rei doctus. Et ut summatim dicam, nihil magis videtur miraculosum, quàm quod rationalis anima sua libera voluntate imperat motum secundum locum cuiusvis partis, ipsa vero statim subaudit, voluntatis imperio. Præterea motum corporeum ab anima rationali procedere, quæ tamen incorporea est, nec valens musculos, aut nervos comprehendere admirationem mouet. eget enim quod aliud apprehendit & trahit, apprehensorio instrumento, quo rationalis anima caret, nervos apprehendens & musculos & per eosdem membra contrahens, atque distendens.

*Miracula
natura.*

Quibuscumque iecur aqua plenum in omentum erumpit, ijs venter aqua impletur, & moriuntur.

C O M M E N T.

Vidimus sæpe iecur non in nobis tantum, sed etiam in animalibus occisis plenū aqua, quoniam in mēbrana ipsum obuolvente continetur, plures efficiens vesicas. Hæ quoque rumpuntur, & aqua defluit intra peritonæū, cui omentū est adiūctum. Hac ratione aqua inter cutem quæ ascites dicitur generatur. impleri autem ventrē dicit, id est eam cauitatem quæ intra abdomen est, continēs iecur, lienem, ventriculū, intestina, vterū, vesicā, renes. Ab hoc affectu dicit mori ægros, lethale scribens affectum, per quem multi, quin & plures, moriuntur, quāuis multi quoque liberētur, purgatione, & vrinæ prouocatione, & iis quæ humorē resoluūt.

*Membra
intra peri
toneum.*

A P H O R I S. LVI.

Anxietudinen, oscitationem, horrorem, vinū aquali aqua mixtū potum soluit morbū.

C O M M E N T.

*Anxietas
in causa.*

Anxietatem patiuntur ægri quandoque ob humorem aliquem qui grauat, & molestat os ventriculi, & quandoque ob febrium malignitatem, quādo videlicet humor malignus est, qui febrem facit. Exemplum est li. 3. de morb. pop. par. 2. in historia, Mulierem ex abortiuo fœtu. cum enim Hippo. dixit, ἀνῶδης, id est anxia, Gal. in Comm. inquit: Verbum Anxia malignitatis febris est indicium

cium. Cuius vocis significationem nos in expositione Progno. 12. lib. primi aperuimus late. ἀλύν enim hic dicitur, quæ illic ἀν. Significat etiam anxietas imbecillitatem facultatis, quam ostendunt languentes nimiam passi vacuationem sanguinis, qui quieti manere nequeunt, sed se à capite in pedes lecti proiiciunt, ab ossium pondere grauatibus musculis. ipsisque tentantibus meliorem figuram, & cum minori labore inuenire. vinum autem modice temperatum valet abluens & dissoluens malum humorum ventriculi. Malignis febribus obest, & causas attemperat ob aquæ missionem, & vires languentes post vacuationem, miro modo reparat. Oscitatio præterea à flatu fit, *Oscitatio.* musculis temporalibus, & iis qui maxillas mouent, inserto. hunc dissoluit vini potus. Horror fit à prauis succis cutem attingentibus, & ipsam mordentibus, cum leui quodam motu. Vinum vero modice attemperatum, quia vinum est, excrementa dissoluit: quia vero aquam defert, causæ acrimoniam attemperat. *Horror.*

APHORIS. LVII.

Quibuscumque in vrinaria fistula tubercula fiunt, ijs suppuratione ac ruptura soluitur labor.

COMMENT.

Hic aphor. fuit 82. sectionis 4. & ibidem est à nobis enarratus.

APHORIS. LVIII.

Quibuscumque cerebrum ab aliqua ma-

nifesta causa concussum fuerit, necessum est statim sine voce fieri.

C O M M E N T.

Cerebri A causa manifesta cerebrum concutitur, veluti
concussio- à casu ex alto, aut ictu præsertim cum lapide, aut
nis causa. ligno, potius contudentibus, quàm secâtibus. Ex
 tali cōcussione cerebrum commotum patitur deuolutionem spirituum, & subitam animalis facultatis turbationem, ob quam veluti perterrita se ipsam colligit, vnde instrumenta motus & sensus facultate animali priuantur. quod est mutos fieri, & quasi toto corpore stupentes, vt Gal. in Com. docet, & supra sect. 6. Comm. 51. Accidit quoque id magis quibus cerebrum pro caluariæ amplitudine est paruum, aut ætatis ratione inaruit, vt senibus. Quòd si præterea fibra aliqua membranarum cerebri fuerit auulsa, aut dirrupta, aut neruus aliquis, qui à cerebro habeat exortum, prædicta repente & maiori cum incremento fient. His quæ diximus subscribit quotidianum experimentum.

A P H O R I S. L I X.

Corporibus humidis carnes habentibus, famem adhibere conuenit. fames enim corpora exsiccat.

C O M M E N T.

Fames Quemadmodū cibus quæ cibus est humectat,
exsiccat. quoniam reficit: ita inedia siue fames, siue modica quædam abstinentia à cibus, corpora siccatur. Ex accidenti vero, quoniam non humectat, vel quoniam

niam non reficiuntur corpora. Notum autem est omnem abundantiam ablatione emendari, & contrariorum contraria esse remedia, & ita humidarum carniū remedium est exsiccatio, quæ fame dicta perficitur. Calor præterea noster per alimentum inopiam acrior redditur, bilem quadamtenus augeat, & pituitam absumat, quæ posset coctione & sua propria natura carnes aut humiditas reddere, aut humiditas seruare. Valet autem calor auctus atque acrior redditus per inediam, carnes ipsas siccare dissoluta humidiori ac tenuiori parte, aquea & pituitosa. Hæc de moderata fame dicta sint, nam maior hac imbecillitas natium calorem, & ventriculum implet pituita.

APHORIS. LX.

Et ubi in toto corpore mutationes, & si corpus in frigidetur, ac rursus calefiat, aut color alter ex altero fiat, morbi longitudinem significat

COMMENT.

Est hoc apho. 40. sectionis quartæ, quo loco ipsum enarrauimus, & hoc loco videtur adiectus.

APHORIS. XLI.

Sudor plurimus calidus aut frigidus semper fluens, humoris abundantiam significat. Abducere igitur oportet, robusto quidem sursum: imbecillo vero, deorsum.

COMMENT.

Hic est apho. 42. sectio. 4. quo docuit, sudorem

plurimum siue calidum, siue frigidum, indicare morbum, & calidum minorē, hoc est breuiorem, frigidum maiorem, id est longiorem. Quoniam tamen in præsentī curationem adiungit, videtur fuisse ex adiectis, non enim semper verum est humorum abundantiam quam sudor ostendit, in robustis esse vomitu curandam, & in languidis per ventrem inferiorem. Nam sunt multi valentes quibus non conuenit vomitus, aut ob compositionem, aut quia ipsum difficile ferunt, aut quoniam humoris peccantis natura potius exposcit ventris purgationem.

APHORIS. LXII.

Si quis febrienti cibum dederit, sano quidem robur, laboranti vero morbum.

COMMENT.

*Febricitā
ti cib⁹ quid
assert.*

Quamuis Gal. videatur hic aph. de interpositis, & autorem eius male emulari Hippo. doctrinam, mihi non videtur falsus, neque à ratione alienus. Est autem eius sententia talis: Si quis cibum obtulerit febricitanti, ita ei morbum adiiciet, ut sano homini adiiceret robur. Ut enim sanis robur præstat cibum, ita ægris siue febrientibus adauget morbi causam, & inde morbum, si quidem non pura corpora quo magis nutries, eo magis lædes. Male autē Fuchsius apho. sententiam reprehendit: quoniam dixit, Si febricitanti cibum dederis, sano robur, & laboranti morbum: cum tamen febricitās sanus non sit, neque ipsi febricitāti adiiciat robur. Nam non vult Hip. sanū esse febricitātem, sed ut febricitāti addit morbum, ita sano si offeratur ad-

*Fuchsius
notatu.*

dit

dit robur, quod verum est & ab Hip. scriptum, febricitati quoque cum sanus fuerit, robur adiiciet.

APHORIS. XLIII.

Quæ per urinam excernuntur inspicere oportet qualia sanis secedunt, quæ enim ijs minime similia sunt, hæc sunt morbosiora: quæ vero sanis sunt similiora, minime morbosa.

COMMENT.

Quum Gal. intelligeret verã esse hanc sententiam, & in Prognosticis probatã sapius, ea esse sana quæ talia sunt, qualia sanis eueniunt, & ea ægra quæ à sanis recedunt, & pessima quæ sanis maxime contraria sunt. Decreuit formam dicendi reprehendere, siquidem (inquit) cum dixit : Quæ enim ijs minime similia sunt, hæc sunt morbosiora, dicturus esset, morbosissima. eo enim aliquid magis morbosum est, quominus est sanis simile, & quod minime simile est, erit morbosissimũ. Ceterũ ego de hac realiter sentio, nã cum aph. verus sit, loquẽdi modus nõ est inusitatus. Differt enim non parũ aliquid dici maxime contrariũ sano, & esse ei minime simile. Urina enim quæ à naturali differt colore, substantia. & contento, quoniam ruffa est, & crassa, & contentum habet rubrum, & non subsidens, minime est sanis similis. Quæ vero nigra est, & contentum nigrũ habet, maxime contraria est. Prima quidem urina, morbosa est, non morbosissima: secunda vero vt maxime cõtraria, ita & morbosissima. sic itaq; puto sententiã aph. posse defendi, neq; esse intolerabile peccatũ, si quod

*Sana simi
lia sanu.*

in apho. commissum est, quoniam non statim si quid simile non est, erit & maxime contrarium.

APHORIS. LXIII.

Et quibus deiectiones si stare permiseris, & non moueris, subsident veluti ramenta: & si pauca fuerint, paruus erit morbus: si vero multa, magnus: ijs conuenit deorsum ventrem purgare: si autem non purgato sorbitiones dederis nocebis: quãtò vero pleures dederis, magis nocebis.

COMMENT.

Hic apho. de adiectis est & minime legitimus, vt Gal. late in Comm. probat. Neque enim recte de deiectionibus dicitur, si stare permiseris & nō moueris, nam id ad vrinas inspiciendas solemus præcipere: falsum etiam est purgationem conuenire ijs quorum deiectiones ramentosæ sunt. Præter id quod eisdem sorbitiones dare non est malum.

APHORIS. LXV.

Excretiones in febris non intermittentibus liuidæ, & cruentæ, & biliosæ & fætidiæ omnes malæ: quæ verò bene excernuntur, bonæ, & per ventrem, & per urinam: & ubi id quod secedere deberet, steterit non purgatum, malum.

COMMENT.

Suprà sectione 4. fuit is aphor. scriptus 47. &
ibidem

ibidem fuit integer & verus, à nobis enarratus.

APHORIS. LXVI.

*Corpora ubi quispiam purgare voluerit,
fluida facere debet, & si sursum ventrem siste-
re, si vero deorsum fluidum facere ventrem.*

COMMENT.

Aphorif. hic in 2. sect. fuit à nobis enarratus, nam quod in secunda parte additum est, cum dixit, Si sursum ventrē sistere, & si deorsum fluidum facere ventrem, primum non conuenit, ventrem sistere ad vomendum, secundum autem quamuis facere conueniat, non est id quod Hippocrates intendit, cum dixit, fluida corpora facere, videlicet ventrem humectare, sed meatus omnes laxiores reddere, & humores fluxibiliores, quod Galenus illic exposuit, & nos patefecimus late.

APHORIS. LXVII.

Somnus, vigilia, ambo modo magis facta, morbus.

COMMENT.

Hic aphorismus fuit tertius sectionis secundæ, quamuis illic melius scriptus sit, & à nobis est enarratus.

N.

In febribus non intermittentibus si exteriora frigida fuerint, interiora vero urantur, & febrem habeant, lethale.

COMMENT.

Hic est apho. 48. sect. 4. & si in hoc pars illa, & febrem habeant, abundet, dixerat enim in febribus non intermittentibus.

APHORIS. LXIX.

In febre non intermittente si labrum, aut nasus, aut oculus, aut supercilium peruertatur, si non videat, si non audiat debili existente, quodcumque horum fiat, mors proxima est.

COMMENT.

Fuit hic aphorismus 49. sect. 4.

APHORIS. LXX.

AB alba pituita aqua inter cutem superuenit.

COMMENT.

Hoc vnum docet Hippoc. in hoc aphorismo albam pituitam in venis aceruatam aliquando leucophlegmatiam afferre posse.

APHORIS. LXXI.

A diarrhoea difficultas intestinorum.

COM-

COMMENT.

Non omnis diarrhæa affert intestinorum difficultatem, sed ea quæ à syncero fit humore, qui facultatem habeat abradendi intestina, & vlcerandi, de quo scriptus est 13. aphorismus supra & ibidem enarratus.

APHORIS. LXXII.

A difficultate intestinorum laeior intestinorum superuenit.

COMMENT.

Hic apho. in 43. sectionis sextæ continetur, & ibidem est enarratus.

APHORIS. LXXIII.

Ab ossis corruptione abscessus.

COMMENT.

Si os corrumpatur, carnem proximam abscedere docet, aut quoniam secedet ab osse, aut quoniam abscessum patietur, corruptos ichores recipiens.

APHORIS. LXXIIII.

In sanguinis vomitu tabes & puris purgatio supra, fluxus à capite, à fluxione diarrhæa, à diarrhæa retentio inferna purgationis, à retentione mors.

N.ij.

Hic aphorismus spurius est, & falsus.

APHORIS. LXXV.

Qualia & in quibusdam per urinam & per ventrem descendunt, & quibus per carnes, & sicubi aliter corpus naturam excesserit, si parum, parvus erit morbus, si multum, magnus, si valde multum, lethale hoc est.

COMMENT.

Hic apho. quamvis quædam doceat quæ vera sunt, non videtur Hippocratis scripturas imitari. Docet autem considerare urinas, deiectiones, & sudores, & præterea quantum ab his quæ secundum naturam sunt distent. nam si parum, parvus erit morbus: si multum, magnus: si valde multum, lethalem esse affectum dicit.

Finitis Comm. illud ad finem dicere non gravabor: quòd in hoc opere multa taxantur quæ dicta sunt ab eo qui controuersias scripsit loco differentiarum Conciliatoris. Sed vereor ne cum hos nostros Commentarios legerit, quædam oblitteret, & quædam surripiat. quod fecit in secunda editione controuersiarum cum legit librum nostrum De arte medendi. Quod si fecerit, laudabo hominis ingenium. quòd si tertiam quoque fecerit editionem quæ cum prima & secunda nil habeat commune, argento fuerit fuluo

fuluo æquiparandus, & auro, vt inquit Theognis
Poëta Megarenfis.

*Christophorus à Vega, Complutensis, huic
operi finem imposuit, suæ ætatis anno quin-
quagesimo secundo.*

N.iiij.




LECTORI.

ERRATA, PARTIM EX LIBRARII negligentia, partim ex impressione, commissa sic corrigito.

Prior numerus paginam, posterior versum, ubi vitium emendandum est, indicat.

Pagina 5. versu 18, lege ferunt. 6.2, καταφύσσας. 10.29, ἀποταυτμάται. 12.12, temperatura. 23. in margine, consilium. 37.2, nam. 42. in margine, Refectionis usus. 45.13, in ediam. 47.22, subsistentes. 57.17, repetito. 80.26, parte. 100.26, metu. 103.23, magnis. 104.3, esse. & 64, concitatore. 108. 25, excrementorum. 120.24, ab. 121.15, morborum. 127. in margine, Signa infida. 142.3, hypochondrium. 148.25, ad rem, esse-ne falsa. 152.5, palpitabat & 6, aliter. 154.21, intelligenda. 159.3, Siquis. 164.26, quidam. 177.20, bene. 183.22, fauces. 186.30, turbatis. & 32, instabiles. 190.27, Græcè. 197.13, ita. 202.30, stillicidia. 223.29, ætate. 229.20, ita. 249.8, septum. 271.23, quenuis humorem. 278.13, deiectionibus. 279.27, decretoriis. 283.30, quæcumque. 291.20, seruariet. 297.6, partis. 305.17, suppurationem. 309.5, vt. 318.15, sponte. 328.6, paucas. 357.21, συμψύχουται. 372.32, abundantem. 373.23, ætatum. 394. in margine, cutem emollit. 397.14, rubores. 410.3, superueniat. 422.23, ad euacuandam. 423.19, suppuretur. 433.26, ardor adest. 438.8, ab aromatis. 440.14, ab intimis. 460.23, morbo. 473.27, ob id enim. 479.19, scitio. 502.21, affectum 507.29, quæ solam carnem occupabant. 513.17, morbis. 539.12, ἀναδιν. 550.2, abscissione. 551.9, acris.

INDEX VERBORVM AC RE- rum quæ in hisce Christophori à Vega in Hippocratis Aphorismos Com- mentariis continentur.

A		ex Adenum inflammatione fe- bres 322
 torsus quid 193	Aborsus causæ. 424	Aegrotantibus gratiæ à medico præstandæ 145
Abortiunt præter naturam exte- nuatæ 420	Abcessuum futurorum definitio 284	Aegros delinquere in viâ te- nui, quo pacto 21
Abcessus in febribus cum lassi- tudine 283	Abcessus in conualescentibus 284	Aestatis morbi 214
ab Abcessibus euacuationes li- berantes 354	Abstinentum in accessiõibus 31	Aestate purgare ventres superio- res 247
Ακατάσφατος quid 187	Accessiones & constitutio mor- bi vnde 36	Aestatis initio pueri 206
Accessionum tempora. 31 uni- cam periodum constituunt. 32 docentur à pulsu ibidem	Accessio iudicatio est dura 99	Aestus vehemens ventriculi & morsus, malum 341
in Accessione cibû offerre quan- do conuenit 33	in Accessionibus abstinentum 31	Aetatum diuisio 43
Acidi ructus causæ 489	Ακροτον quid 161	Aetatum ordo in ferenda fame 44
Αριχ παόνec. 222	Acutorum terminus 119 371	Aetas temperata in omnibus temporibus modice se habet 180
		Αγρυπία quid 84
		Αιμαρρία quid 67. 532
		Alimentum quid 106
		Alimenta insuauia 146
		in Alimentis quæ coniicienda 108
		Alimentorum exhibitio per tem- pora 56
		Alimento pluri quibus tempori- bus ventres egent 42
		Alimenta quæ citò nutriunt 108
		Alimentorû quantitas ex quibus perscribenda 16
		Alimenta quædam citò coquun- tur, & tardè descendunt 110

INDEX.

Alimentum plus partem ingre-	383		
diens	106	Aqua calida cutem emollic	
Ἀλφειά	213	394	
Ambidexterum Galeno quid		Aqua calida suppurat	ibidem
546		Aquæ. frigida incommoda	
Ἀμβλαπία	231	387	
Ἀναφύσειν quid Hippocrati	154	Aqua frigida ad fluxum sangui-	
Anaxion non fuit decimo quar-		nis	386
to die suppuratus	374	Aqua frigida mordet	390
Angina quid	212	Aqua mulla conceptionem dete-	
Anginarum differentia	494	git	417
Angina saluberrima	378	Aqua aut pus educi sensim debet	
Angina in pulmoniam	ibidem	483	
Angina ex vertebræ luxatione		Aristotelis opinio de sterilitate	
388		423	
Anginæ lethales quæ	286	Aromatum suffitus ad menses re-	
Animi deliquij causæ	73	tentos	402
ad Animi deliquium euacuatio		Ἀρωσία	135
quando conuenit	73	Ars medica longa	3
Anni partes	49	Ἀρτία Hippocrati quid	64
Anxietatis causæ	554	Articuli quare senibus dolent	
Ἀνισθῆναι quid Hippocrati	231		
451		in Ascite sunt vlcera contra Fu-	
Apoplexia qua ætate maxime fit		chsum, & difficile sanantur	
514		464	
Apoplexia magna quare non cu-		Ἀσθῆ quid	441
ratur	153	Assistentium officium	4
Apoplexia quæ à febre soluitur		Assuescunt naturales facultates	
508		163	
Apoplexia periculosa est	552	Assuescere contrariis	167
Ἀπολυτομῆτι quid	359	Asthma quid	221
Aphthæ quid	218	Athletæ, illorumque exercitatio	
Aquarum optimarum nota	11		
400		Athletarum corpora statim va-	
Aqua leuissima quæ	ibidem	cuanda	13
Aqua temperata calida dicitur		Athletas vacuare	ibidem
384		Athletarum fames	14
Aqua calida dolores lenit		Ἀσφία Hippocrati quid	108
394		Atræ bilis notæ	269
Aquæ calidæ incommoda		Attoniti qui fiunt	127
		Auicenas	

INDEX.

Auicenas de seheaticæ venæ sectione 492
Austri & boreæ temperatura 182

Australes constitutiones quotidianæ 205

Αυτίκας Hippocrati quid. 26

Αυτοματίας quid Hippocrati. 9

Autumnus pessimus. 188

Autumnus cohibet humorum effluxum. 215

Autumno & vere podagra quare magis. 512

ab Autumno tabidi læduntur. 189

Autumnales morbi. 180.187.& 215

Autumnales morbi quando spectandi. 180

Autumnales morbi inconstantes. ibidem.

Αυχμὸς quid. 185

Axioma artis. 389

B

B Albi qui 488
Balneum apud Hippocratem 259

Balneum ante purgationem 95

Bilis atræ notæ 269

an Bilis vomitus & febris sequantur vulnerato cerebro 507

Boreas hyeme flat 190

Boreæ & austri temperatura 182

Boreales constitutiones quotidianæ 204

Bubo quid 322
Bulimos quid 116

C

C Alidum innatum quid 47

Calidum innatum seipsum absumit ibidem

Calida cutem emollit 394

Calida dolores lenit ibidem.

Calidæ incommoda 383

Calida suppurat 394

Calor paucus parum dissolvit & paucam refectiorem valet efficere 47

Calor natiuus quid aduersus falsò opinantem 50

Calorum differentia 46

Calor febrilis coquit 458

Calor in somno intus colligitur 79

ex Calore aut frigore morbus constat 298

Cancer quid 495

Cancros occultos non curare ibidem

Caniculares dies 250

Canis maior & minor 242

Capitis dolores, illorumque confideratio 197

Capitis doloribus lac malum 447

Capitis posterioris dolorum curatio 413

à Capitis vulnere stupor 527

Carbonibus sputum superfusum probatur 372

Carnes sanas habentibus purga-

INDEX.

tio periculosa	163	Cibos accipere non debent siti	
Caroli Hispaniarum principis		vacantes dum purgantur	
historia & morbus	67.281.&		267
531		Cibo vti, quomodo intelligen-	
Carunculae mictæ quid docent		dum	144
357		Ciborum inappetentia in mor-	
Causæ sudoris	299	bis longis	522
Causæ ventris sicci	114	Ciborum inappetentia superue-	
Causæ ventris humidi	113	nit intestinorum difficultati-	
Cerebri concussiones causæ		bus	463
556		Costa purgare	69
Cerebri aut illius membrana-		Costiones à somno iuuantur	
rum vulnus	507		80
Cerebri vulnera quæ sanantur		Codex Græcus aliquando cor-	
475		rigendus	200
Xospidæ quid	222	Comitiales morbi	212
Cibos intelligit Hippocrates		Comitali laborantes	156
per ea quæ offeruntur		Conceptionem impediencia	
137			441
Ciborum partitio per anni tem-		Conceptionē detegit aqua mul-	
pora	62	sa	417
Ciborum partitio per ætates		Conceptus signum	426
57		Conceptus sexus distinguitur	
Ciborum partitio, ad vires facta			419
collatione	58	Conceptus maris à fœminæ con-	
Cibi & potus consueti qui		ceptu distinguitur	418
166		Conceperitne mulier quomodo	
Cibus febricitanti quid affert		cognoscendum	416
558		Concepturane sit mulier quo-	
Cibū in accessione offerri quan-		modo examinandum	437
do conuenit	33	Concussionis cerebri causæ	
Cibos paulo deteriores in ægro			556
torum gratiam aliquando e-		Consilium salubre	23
ligendos	145	Constantia temporum	186
Cibus ab exercitatione quomo-		Constitutiones australes quoti-	
do sumendus	105	dianæ	205
Cibis non adnumerat siropos		Constitutiones boreales quoti-	
Hippocrates	259	dianæ	204
Cibum accipere Hippocrati &		Constitutio & accessiones mor-	
Galeno quid	93	bi vnde cognoscendæ	36
		Con	

INDEX.

Constitutio morbi humida	126	Corpora elleboro purganda	
202			
Constitutio morbi sicca ibi-	257	Corpora athletarum statim va-	
dem		cuanda	13
Constitutio sicca laudatur, hu-		Corpora ad purgationes fluida	
mida damnatur	201	facere	22
Consuetudo adcrititia natura		Corpora sana purgari non de-	
163		bent	143
Consuetudo quantum valeat		Corpora permanere plus quam	
ibidem		ratio postulat	129
Consuetudo seruanda	20	Corpora mouere bibito ellebo-	
Consuetudo somni	166	ro	259
Contemplatorij dies	110.	Corporis refectio per cibos, po-	
122		tus, & odores	96
Continuæ febres bifariam		Corpora impura quæ	94
302.		Corpora impura nutrire non	
Continuarum febrium lethalis		conuenit	93
nota	311	Coxæ excidentis mala	117
Contraria bifariam occurrunt		Coxæ vñtio	ibidem
50		Craffi admodum natura	155
Contrariis assuescere	167	Crafsitudinem habent partes	
Contrarietates locorum	454	circum vmbilicum	142
Conualeſcentium tardæ refectio		Crisis ; & eius confideratio	
nis cauſæ	92		
Conualeſcentium tumores	306		
in Conualeſcentibus abſceſſus		Crisis ex quibus conſtat	
284			
Conuulſio quid	366		
Conuulſio duplex	125.	Cruda non mouere quomodo	
cui &		audiendum	74
tertia ſpecies addi poteſt ibi-		Curandi indicationes	54
dem		Curatio extremis morbis debi-	
Conuulſionis tres ſpecies	125. 325	ta	24
366. & 496		Curationes ſingultus	452
à Conuulſione quartana liberat		Cute contracta ac coſtipata, quæ	
457		intus continentur quomodo	
Conuulſio quæ curatur, & à qua		ſe habeant	387
cauſa	125		
Conuulſiones & timores in fe-			
bribus	343		
Conuulſis febrem mouere			

D

Decretiorum dierum vis
291

Index.

Deiectiones nigrae trifariam.	269	Differentia rigorum.	327
Deiectiones nigrae extenuatis lethales.	272	Difficultatis intestinorum causae.	194
Deiectionum mutatio in fluxu ventris.	101	Difficultas intestinum cum ciborum inappetentia.	643
Deiectiones spumosae.	535	Difficultas respirandi & delirium cum febre, lethale.	315
Deiectiones syncerae in morbis longis.	512	Difficultatem urinae soluit venae sectio.	491
Deiectiones variegatae.	513	Dignotiones à quibus desumuntur.	107
Delicta maxime vitent qui tenui utuntur cibo.	22	Distinguere per se & per accedens.	391
Deliquij animi causae.	73	Dolor causam doloris quandoque significat.	87
ad Deliquulum animi quando euacuatio conuenit. ibidem.		Doloris species & magnitudo:	465
Delirij causae, species & pericula.	510	Dolores duo non sunt in eodem loco exquisitè.	158
Delirium & respirandi difficultas cum febre lethale.	315	Dolorem infert mutatio subita ad naturalem dispositionem.	
Delirium à profluvio sanguinis.	524	Dolores capitis.	197
Densitas & raritas.	445	Dolores duos non in eadem parte patientes, quare minorem minus sentiunt iusto.	158
Dentes cum edunt pueri, quibus morbis laborant.	220	Doloribus capitis lac malum.	447
Dentium mucores in febribus.	319	Dolores lenit aqua calida.	394.
in Dextris vteri mares.	424	Dolorum in posteriori capitis parte curatio.	433
Didaci à Mendoça morbus, & eius curatio.	261	Dolores qui à febre curantur.	497
Dies caniculares.	250	à Doloze extremorum refrigeratio.	1534
Dierum decretorum vis.	291	Dolor insuperabilis quomodo fit.	391
Dies intercidentes.	123	quae Ducere conuenit.	66
de Diebus iudicialibus & contemplatoriis.	120	Δύσπντα.	42
Dies non omnes sunt iudicia rij.	123	Dysenteria.	273
in Diebus paribus iudicia.	329		Ebriij
Die quarto sudores.	293		
Diei sextae natura.	280		

INDEX.

E

E Brii periculosi qui.	370
Εκδυματα.	213
Εκλυσις.	151
Εκπλιξις.	127
Εκσπρις.	121
Elixa ab initio dura.	386
Elleboro bibito corpora moue-	259
re	
Elleboro purganda corpora.	267
Εμμητοι quid.	423
Επιδιδυμις quid.	136
Επιπλου quid.	115
Επισπιμυξις quid.	32
Επομβρι quid.	190
Errores in tenui victu commissi.	28
Erysipelas osse nudato fit.	530
Erysipelas vteri, lethale.	410
Etesia venti, illorumque natura	192
Euacuandorum vnde quantitas	
definenda.	71
Euacuationes quæ sponte veniunt	
bonæ, & quæ malæ.	6
Euacuatio ad animi deliquium	
quando conuenit.	73
Ευδιδυς quid.	123
Ευλαβειδαι quid.	136
Eunuchi qui sunt.	489
Ευσπρις quid.	155. 252
Εξαιδιδυματα quid.	253
Excretiones sanguinis bonæ &	
malæ.	274
Exercitatio, illiusque considerā-	
tio.	105
Exolui sæpe & valide sine occa-	
sione manifesta.	151
Experimentū periculosum qua-	

re.

Extenuationem efficiantia.	3
Extenuationes breui factæ. ibi-	90
dem.	
Extenuatis nigræ deiectiones le-	
thales.	172
Extenuatæ præter naturā abort-	
tiunt.	420
Externis exustis, refrigerari ex-	
trema vnde fit.	312
Extremorum frigidorum causæ.	
518	
Extremorum refrigeratio à do-	
lore.	534
Extremis morbis quæ debeatur	
curatio.	24

F

F Acultates naturales assuefi-	
unt.	163
Facultas cibos appetens non est	
naturalis.	137
Fames quid.	104
Fames quam soluit vini potio.	
115	
Fames exsiccat.	556
in Fame ferenda ætatum ordo.	
44	
Farinæ crassioris speciem refe-	
rens sedimentum.	536
Fascinos falso opinatur vulgus	
14	
Fauces quid.	287
Fauces laborantes quid signifi-	
cant.	103
Febres apud Hippocratem quæ	
342. 545	
Februm tres differentiæ.	30
Febres continuæ bifariam.	302

INDEX.

- Febrium continuarum lethalis ante Fortus corruptionem mam
nota. 311 mæ graciles. 429
Febbris quos dolores curat. 497 Frigidæ incommoda. 387
Febres ex adenarum inflamma-
tione. 322 Frigida mordet. 390
Febres mouere conuulsis. 126 Frigida ad fluxum sanguinis.
in Febribus abscessus cum lassitu
dine. 283 396
Febbris quam apoplexiam soluit.
508 Frigore aut calore morbus con
stat. 298
Febres senibus non similiter a-
cutæ. 47 Fuchsius notatur. 152. 174. 184.
an Febris & bilis vomitus se- 188. 190. 209. 296. 303. 340.
quantur vulnerato capite. 375. 433. 447. 512. 559
507 à Furfuribus squamæ quo diffe-
rant. 363
Febbris color coquit. 458. Furores. 212
Febriticanti cibus quid affert. 558 Furor quibus curatur. 520
558
Febriticantibus omnis victus hu-
midus est offerendus. 54
Febriticantibus lac malum. 447
à Ferino tussis quæ. 321
Femoris os qua causa excidat.
516
Fines longorū morborum. 224
Firmitas inentis quid indicat.
137
Flatus generatio. 460
Fluxus sanguinis veris proprius.
212
Fluxus sanguinis è naribus, mē-
sibus retentis, conuenit. 408
ad Fluxū sanguinis frigida. 396
Fluxus ventris deiectionum mu-
tatio. 101
Fluxus ventris in pleuritide. 474
Fœtus nō est sanus cunctibus per-
gationibus. 439
Fœtus trimestres an magis re-
sistant. 236

G

- Calenus ab iniuria vindica-
tur. 116. 207. 500. 537
Gibi cum tussi & asthma. 502
Γλαυκίαι & τὰς. 232
Graciles natura. 155
Graciles qui vomere debent.
250
Gratiæ agrōtis à Medicis ali-
quando præstantur. 145
Grauedines, illarūque curatio.

H

- Habitus bonus. 12
Hæmorrhoides. 479
Hæmorrhoidas antiquas sana-
re. 471
Hippocratis sententia à Galeno
oppugnatur. 59

INDEX.

Hippocratem oppugnat Plinius.	Impura corpora quæ.	24
333	Impura corpora nutrire non cõ-	
Horror quid.	uenit.	23
Horror a sudere.	Inappetentia ciborum in mor-	
Humida constitutio dānatur.	bis longis.	522
Humida morbi constitutio.	cum Inappetentia ciborum in-	
Humidiores insalubriores.	testinorum difficultas.	463
Humoris peccantis cognitio.	Incidens rigor quis.	308
quibus Humoribus purgatio de-	Indicationes curandi quæ.	54
betur.	Indicia in diebus paribus.	329
Humores vonitu egentes.	Indicia surditatum.	329
Humores coctos prægnantium	Infantium vigilæ.	218
purgare.	Inflammationum generatio &	
Hydrops sicca.	tempora.	160
Hyemis morbi.	Inflammationum pulsus.	531
Hyeme quomodo pituita multa	Inflammationes umbilici.	215. 229
generetur.	Innatum calidum.	45
Hyeme somnus longior.	Innatum calidum seipsum ablu-	
Hyeme boreas flat.	mit.	47
Hypochondrium.	Intestinorum difficultatis causæ.	
Hypochondrii tumidis lac ma-	194	
lum.	Intestinorum lætioris causæ.	286
Hysterici sternutatio bonum.	Intestinorum difficultas cum ci-	
410	borum inappetentia.	463
ῥῆσις quid.	ῥῆσις.	516
409	Intercidentes dies.	123
I	Iudicium difficile quare.	4
(Iudicationes in quibus diebus, &	
Icterus.	quare.	292
Icterus quando malus.	Indicatio dura, accessio.	92
Ieiunium qui facilius, quique dif-	Indicationes in diebus accessio-	
ficilius ferunt.	num.	294
Ieiunium quare facilius ferunt	Indicata perfectè quæ.	64
senes.	Iudiciales dies & cõtemplatorii.	
Illeus morbus quis.	120	
Illeus cum urina & stillicidio.	Iudicarii dies non omnes.	123
Impetigo morbus quis.	Iuvenes frequentius ægrotant.	
ex Impletionem & vacuationem mor-	147	
bi fientes contrariis curantur.	Iuuenum morbi qui.	226
118	Iuuenibus quare tabes.	377

INDEX.

K

K <i>καρδία</i> quid Hippocrati.	186.506
<i>καρδιαλγία</i> quid.	264
<i>καρδιαγμός</i> quid.	ibidem
<i>κατακρίειν</i>	493
<i>καταχέειν</i> quid Hippocrati.	453
<i>κένωσις</i> quid Hippocrati.	6
<i>κοιλία</i> Hippocrati quid.	ibi-
dem.	
<i>κόπος</i> Hippocrati quid.	86
<i>κόπυλη</i> quid	517
<i>κόφως</i> quid.	502
<i>κόμα</i> quid.	84

Lienosus quis.	499
<i>λιμός</i> quid	85
Lippitudinis sicca causa.	194
Livor osse ægrotante.	519
Locorum situs.	182
Locorum contrarietates.	454
Loca vacuationi conferentia.	67
<i>λόδοσις</i>	502
Lumbrici.	222
Lumbi.	217
Luxatio vertebræ.	221
Lyentericæ causæ.	461
Lypiria quibus euenit.	342

M

L

L Ac plurimum ex māmīs flu-	
ens.	428
Lac in mammis virginis.	414
Lac in mammis viri.	415
Lac quibus conueniat	449
Lac febricitantibus malum.	447
Lac hypochondriis tumidis ma-	
lum.	ibidem.
Lac quibus caput dolet, malum.	
ibidem.	
Lac sitientibus malum.	448
Lacrymæ sponte venientes.	318
Læuoris intestinorum causæ.	256
Lapides.	221
Lassitudines absque manifesta	
causa quid indicant.	86
Lassitudinis terminus.	161
Laterali morbo superueniēs pul-	
monia.	526
<i>Λεπτοθύμια</i>	151
Lepra morbus quis.	212
Lethale quid.	403

M Agnitus de quo dicitur.	302
Maledictorum quorundam re-	
prehensio.	178
Malitiam maiorem non habent	
signa mala, quàm bona boni-	
tatem.	138
Mammæ graciles ante fœtus	
corruptionem.	429
ad Māmas fertur sanguis à par-	
tu.	414
è Mammis lac plurimum fluens.	
	428
in Mammis viri lac.	415
in Mammis virginis lac.	414
Maris conceptus quomodo di-	
gnoscat.	418
Mares in dextris uteri.	424
Materiæ duplex spiritus.	97
Medica ars quare longa.	3
Medici quidam taxantur.	70.171
Medicamenta purgantia.	234
Medicamentum purgans an per-	
fecerit opus.	266

Melan-

INDEX.

Melancholia quid.	470	Morbi autūnales incōstantes.	181
Melancholia timore & tristitia significatur.	480	Morbi autumnales quando sperandi.	180
Melancholia & tristitia seipsa generant.	ibidem.	Morbis extremis curatio quæ debetur.	24
Melancholicorum morborum transmutatio.	513	Morbo incipiente ac non turgente quid agendum.	76
Membranarū cerebrivulus.	507	Morbi eorum qui ad pubertatem accedunt.	223
Membra intra peritonæum.	554	Morbos faciunt temporum mutationes.	176
Mensura vacuationis.	13	Morbi hyemis.	217
Menses decolorati quare.	410	Morbi ex impletione & vacuatione fiētes cōtrariis <i>curantur.</i>	118
Mensium immodicæ vacuationes aut retentiones.	435	Morbi iuuenium.	226
Mensibus retentis sanguinis fluxus è naribus conuenit.	408	Morbo laterali superueniens pulmonia.	226
ad Menses retentos suffusus arotum.	402	Morbi longi aut breues quare sunt.	124
Menstrua per quas venas manant.	439	Morbus longus futurus.	281
Mentis firmitas quid <i>iudicatur.</i>	137	Morbi longi signa.	298
Mictus sanguinis sponte.	359	in Morbis longis synceræ deiectiones.	522
Mictus sanguinis aut puris non docet locum vlcera.	356	in Morbis longis ciborum inappetentia.	ibidem
Minoratiuum.	69	Morborum longorum fines.	224
Minoratiua purgatio.	132	Morbi magna ex parte salubres sunt.	101
Miracula naturæ.	553	Morborum melancholicorum transmutatio.	513
Modum excedens vigilia quæ mala affert.	84	Morbi principium.	132
Morborū & victuum schema.	18	Morbi puerorum cū prope sunt vt dentes edant.	200
Morbi accessiones & constitutio vnde dignoscuntur.	36	Morbi puerulorum.	218
Morborū acutorū terminus.	119	Morbū partis quomodo sudor ostendit.	297
Morbus ex calore aut frigore constat.	298	ad Morbos quales vires.	17
Morbi constitutio humida.	202	Morbi similes minus periculosi.	
Morbi constitutio sicca ibidem.			
Morborum tres differentię.	30		
Morbi ætatis.	214		
Morborum diuiso.	17		
Morbi autūnales.	180. 187. 215. 521	Morbus similis.	139

INDEX.

quibus in Morbis somn ⁹ lædit	80	Nesc.	156
Morbi tempora artificiosa.	40	Nervorum, osiũ & præputij dis-	
Morbi senum.	230	cissionses.	477
Mobi veris.	211	Nigræ deiectiones trifariã.	169
Moris mali vlcera quæ.	464	Notæ aquatum optimarum	400
Mortis proximæ præfagia.	313	Notæ atræ bilis	ibidem
iuxta Mortem sudor.	459	Nox non significat vigioti qua-	
Mucorea dentiũ in febribus.	319	tuor horarum spacium	100
Mulier ambidextera.	546	O	
Mulier an conceperit nosse.	416	Obmutescere	379. 508
Mulier conceptu. ane sit quomo-		Occasio præcept	3
do examinare oportet.	437	Occatio cessandi ab auxiliis	64
Mulieres superfortant.	413	Oculos curandi methodus.	487
Mulieris conceptus quomodo		Orax, ar	107
dignoscatur.	418	Offerendi verbo intelliguntur	
Mulieres crassæ præter naturam		proprie cibi Hippocrati	137
non concipiunt.	423	Orax	287
Mulsa quomodo conceptionem		Omentum	515
detegit.	417	Omentum quod liuet aut deni-	
Musa taxatur.	214	gratur, secundum	ibidem
Mutatio deiectionum in fluxu		Opinio falsa refutatur	147. 164
ventris.	101	Orax	188
Mutationes subitæ vituperantur.		Oraculum	69
158		Os vteri durum conuiet	430.
Mutatio subita ad naturalem di-		Os vlcerib ⁹ annuis abscedere	501
spolitionem dolorẽ infert	169	Osis femoris excidentis causa	
Mutationes temporum morbos		516	
faciunt.	176	Osse ægrotante linor	519
N		Osse nudato erysipelas	530
Natura adicitia sit à cõsue-		Osium, nervorum & præputij	
tudine.	163	discissionses	477
Natura diei sextæ.	280	Oscitatio	555
Naturæ miracula.	553	Oxymeli non alit	158
Naturæ modum excedentia bo-		P	
na non sunt.	85	Paços	75
Natiuus calor quid aduersus fal-		Παμπερ	111
sõ opinantem.	50	Paribus in diebus iudicia	319
Nauigationis vis.	261	Partus cum periculo	431
Nebula in die quarto quid indi-		Partus naturalis causæ	411
cat.	348	à Partu fertur sanguis ad mam-	
		mas.	

INDEX

mas	414	Praegnantium coctos humores	
Palsiones renura	486	purgare	235
Pauli Aeginetę locus emendatus		Praegnantis signum	440
232		ante Praeparationem purgatio-	
Periodi tempus	318	nes quales	96
<i>Περίοδος</i>	221	Præputij, neruorum & ossium	
infra Peritonæum membra	554	discussiones	477
Φαλακρός	490	Præfagia mortis proximę	313
Φάρυγξ	103	Præseruatiua purgatio quibus	
Φθίσιος qui	189	conuenit	503
Φθίσις	377	Præuisiua purgatio	ibidem
Philotheus notatur	448	Principis Ebulensis morbus eius-	
Philotheus taxatur cū aliis	433	que curatio	407
Φίλα Τίμωνα	493	Principium morbi	132
Φράζεν Hippocrati quid	86	Προκύων	250
Phrenitis	315	à Profluuiio sanguinis deliriū	524
Φύσις, eiusque consideratio	103	Προσταγασίαι	111
222.305.524.		Πτυαλίς	41
Φύσις	177	Πτίσμα	ibidem
Pinguedo supernatans	540	ad Pubertatem accedētium mor-	
Pituita quomodo multa hyeme		bi	223
generatur	52	Puerulorum morbi	218
Πλησμονή quid	85.118	Puerulorum in somnis timor	218
Pleuritidis generatio	217	Puerulorum tussis	ibidem
in Pleuritide fluxus ventris	474	Puerulorum vomitus	ibidem
Pleuritici in decimo quarto die		puerorū morbi cū propè sunt	
purgantur	374	ut dentes edant	220
Plus quā ratio postulat quid	130	Pueri ætatis initio & vere	206
Pluuię tempus ad purgationem		Pueri minime omnium ferūt ie-	
expectare	96	iunium	44
Podagrę causę	485.505	Pulmonia superueniens laterali	
Podagrę terminus	505	morbo	526
Podagra vere & autumnō quare		Pulsus docet tempora accessio-	
magis	512	num	32
Φοκατὴ Ποῦ Hippoc. quid	170	Pulsus inflammationum	531
Πόσις Hippocrati & Galeno		Purgare cum bona præmedita-	
quid	80.87.305	tione quare	76
à Posteriorib* rigores magis	455	Purgare æstate ventres superio-	
Potus & cibi consueti	166	res	247
Prædictiones pō omnino tutę ut		Purgantia medicamenta	234

INDEX.

Purgans medicamentum an per-	227.266.270.274.307.317	R	
fecerit opus	266		
Purgationes ante præparationē		R	Aritas & densitas 445
quales	951		secundum Rationem fa-
Purgatio quibus humoribus de-			ctum vnde cognoscendum 172
betur	6		Rauedines & grauedines 150
de Purgatione aduersus Medicos			Recidivas faciunt quæ relinquin-
*75			tur ex morbis 98
ante Purgationem Balneum	95		Refectio corporis per cibos, po-
Purgatio minoratiua	132		tus & odores 96
ad Purgationem tempus pluuie			Refectiois vsus per ætates 42
expectare	96		Refrigerari extrema externis ex-
ad Purgationem corpora fluida			ustis, vnde fit 312
facere	95		Refrigeratio extremorum à do-
Purgatio præseruatiua quibus			lore 534
conuenit	503		Renum passionēs, illarūque
Purgatio præuisiua	ibidem		curatio 466
Purgationibus euntibus fœtus			Respirandi difficultas & deli-
non est sanus	439		rium cum febre, lethale 315
Pus aut aqua sensim educi debet.			Respiratio quid ibidem
483			Respiratio intercisā 511
Pus occultatur, & quare	498		Respirationum inæqualium dif-
Puris aut sanguinis mictus non			ferentia. ibidem
docet locum vlceris	356		Rigor quid 280.338
Pus vesicæ quare fœtet	364		Rigorū differentia 327
Πύρ quid Hippocrati	509		Rigor incidens 308
Πύρ quid declarat	487		Rigores à posterioribus magis
			455
Q			Rigor à potu vini 513
Valia Medicis quid signifi-			Ructus acidi causæ 489
cent	7		Rupturæ terminus suppurationū
Quantitas alimentorum ex qui-			383
buis perscribenda	16		Pύρ quid 529
Quantitas eorum quæ vacuan-			S
tur vnde definienda	71		Alubre est non viuere in con-
Quartana à conuulsione liberat			stituta mensura. 23
457			in Salubribus vim habent longo-
Quartana incipiente sudor non			rum morborum signa. 325
conuenit	67		Sanguinis excretiones bonæ &
Quarto die sudores	193		malæ. 274
Quidam taxatur	200.203.224.		San

INDEX

Sanguinis fluxus à naribus men- sibus retentis conuenit. 468	Signum conceptus. 426
Sanguis menstruus per quas venas manat. 439	Signa longi morbi. 298
Sanguinis fluxus veris proprius. 212	Signa longorum morborum in salubribus vim habent. 325
Sanguis ad mammas fertur à partu 414	Signa mala non habent maiorē malitiam, quàm contraria bo- nitatem. 138
Sanguinis aut puris mictus non docet locum vlceris. 356	Signum prægnantis. 440
Sanguinis mictus sponte. 359	Signa vetric læsæ 361
à Sanguinis profluvio de iriū. 524	Similis morbus quis. 139
Sanguis quando mittendus vte- ro gerentibus. 405	Similes morbi minus periculosi. ibidem.
Sana quæ sunt purgari nō debet. - 143	Singultus quid. 367-472
Sanis purgatio periculosa. 263	Singultus species. ibidem.
Sana sanis similia. 552	Singultus post vomitum. 519
Sarpullido Hispanis quid. 214	Singultus curationes. 472
Saryriasis quid. 222	Sitiosos non appellat cibos Hip- pocrates 218
Scheatica vena quæ. 492	Sitientibus, lac malum. 448
Scheaticæ venæ sectio quibus prodest. ibidem	Sitis à somno iuuatur. 40
Schema morborum & victuū. 18	Siti vacantes dum purgātur, cibos accipere non debent. 267
Σκωρ 222 quid. 52	Situs locorum. 182
Scopus institutionis victus. 25	Somnus quid. 72
Sectio venæ difficultatem vrinx soluit. 491	Somni consuetudo. 166
Secundæ vt procidant. 425	Somnus & vigilia supra modum, mala. 85
Sedimentum speciei farinæ cras- sioris referens. 536	Somnus longior hyeme. 51
Senibus febres non similiter a- cutæ. 447	Somnus symptomata mitigat. 82
Senibus quare articuli dolēt. 231	Somnus quibus nocet tempo- ribus. 80
Senes quare facilius ferunt ieiū- nium. 43	Somnus coctiones iuvat. 80
Senum morbi. 230	in Somnis puerulorum timor. 218
Sextæ dici natura. 280	Sonus lōgus quæ mala affert. 83
Sexus cōceptus distinguitur. 419	à Somno titis iuuatur. 40
Signa quæ. 127	in Sono calor intus colligitur. 79
	Sonus in quibus morbis lædit. 80
	Sorbitio febrienti quādo dada. 33
	Σφακίος quid. 550
	Σφακίσις quid. ibidem

INDEX.

Σοφιστὴς quid.	459	Sudor non conuenit in quartana	
Spiritus duæ materiæ.	27	incipiente.	67
Spiritus offendens.	344	Sudor iuxta mortem.	459
Sponte quid Hippocati.	9.242	Sudores vnde euacuant.	291
Spumæ generatio.	536	Sudores ex quibus iudicant.	292
Spumæ causæ.	554	Sudor plurimus semper fluens.	302
Spumosa deiectiones.	153	Sudor in quarto.	293.
Sputum, bonum & coctum sputū		Sudores vere multi.	184
significat.	490	Suffitus aromatum ad menses re-	
Sputū carbonibus superfusum		tentos.	402
probatur.	379	Superfœtare.	427
Sputa varia.	310	Superfœtatio etiam mulieribus	
Squamæ à furfuribus quo disse-		accidit.	ibidem
runt.	363	Superpurgatio.	369
Squamulæ à vesica.	ibidem	Suppurari quid.	374
Status futurus quomodo præno-		Suppurationis principium.	382
scendus.	39	Suppurationū terminus, rupturæ.	
de Sterilitate Aristotelis opinio.	382.		
423		Surditatum iudicia.	329
Sternutamentum sine genera-		Symptomata à somno mitigan-	
tione flatus fit.	551	tur.	82
Sternutatio hysterica, bonū.	410	Symptomaticæ vacationes an	
Stillicidium vrinx ad quæ sequi-		noceant.	243
tur.	436	Symptomatica vacuatio bifariā.	
Stillicidium vrinæ cū illeo.	500		246
Στραγγουρίαι.	222	Synceræ deiectiones in morbis	
Στρίσις quid.	268	longis.	522
Strumæ quid.	222	Συνήκεις δὲ Hippocrati quid.	130
Stupor à vulnere capitis.	257	Συσπορῆς quid.	415
Subitæ mutatiōes vituperant.	168		
Subsistentium temperies.	219	T	
Sudamina.	214	Tabes fit ab sputo.	529
Sudoris causæ.	299	Tabes iuuenibus quare.	377
Sudores boni qui	293.323	Tabidi ab autumno læduntur.	189
Sudor optimus quis	323	Temperatura boreæ & austri.	182
Sudor plurimus	300	Temperies subsistentium.	229
Sudor quomodo partis morbum		Tempora accessionum.	31
ostendit	297	Tempora constantia.	186
à Sudore horror	520	Tempora inflammationum.	160
Sudores frigidi quid indicāt.	295	Temporū mutationes morbos	
		faciunt.	376
		Tem	

INDEX.

Temporibus omnibus ætatem-	435	tiones.	435
perata modicè se habet.	180	Vacuatio præseruatua quibus	
Tempus periodi.	328	conuenit.	503
Tempus pluuiæ ad purgationem		Vacuatio symptomatica bifariâ.	
expectare.	96		245.
Terminus acutorum morborum		Vacuationes symptomaticæ an	
119. 371.		noceant.	243.
Tertiana exquisita quæ.	327.	Variegatæ deiectiones.	523.
Tertianæ exquisitæ terminus.	328.	Venæ sectio difficultatem vrinæ	
Testium attritio.	484.	soluit	491.
Tetanus quid.	371.	Venæ scheinicæ sectio quibus	
Θεμπόρευς quid.	116.	prodest.	492.
Θεμπόρεως quid.	ibidem	Venter quid.	50
Timor quid.	480.	Ventres quibus humescunt.	777
Timor in somnis puerulorum.		Ventres superiores purgare æ-	
218.		state.	247.
Timores & convulsiones quibus		Vētris mutationes per tēpora.	113
eueniunt.	343	Ventris fluxus in pleuritide.	474.
Timor & tristitia melancholiam		Ventris humidi causæ.	113
significant.	480.	Ventris sicci causæ.	114
Trauli qui.	488.	Ventres quibus temporibus egēt	
Trimestres fœtus an magis resi-		pluri alimento.	49
stant.	236.	in Ventris fluxu deiectionū mu-	
Tristitia & melancholia seipsa		tatio.	101.
generant.	480.	Ventriculi æstus vehemens, &	
Tuberculus.	213.	morbus, malum.	341.
Tumores conualescentium.	306.	Venti etesicæ.	192.
Tumores in vlceribus.	450.	Ver austrinum & pluuiosum.	190.
Tusses non à ferino.	321.	Veris morbi qui.	211.
Tussis & asthma gibis.	502.	Vere & autumno podagra quare	
Tusses puerulorum.	218.	magis.	512.
Tympaniæ causæ.	255.	Vere pueri.	106.
V		Vere sudores multi.	184.
VAcuare athletas.	13.	Veris proprius sanguinis fluxus.	21
Vacuare nō vniuersim.	170.	ex Vertebræ luxatione anginæ.	
Vacuationi loca conferentia.	67.		288.
Vacuationes ab abscessibus li-		Vertebræ luxatio.	221.
berantes.	354.	Vesicæ lxx signa.	361.
Vacuationis mensura.	13.	Vesicæ pus quare fœtet.	364.
Vacuationes immodicæ & reten		Victus institutionis scopus.	52

INDEX.

Viſtum & morborū ſchema. 18	circum Vmbilicum partes craſ-
Viſtus humidus febricitantibus	ſtudinem habere. 142
eſt offerendus. 54	Vomitu qui humores egeāt. 265
Viſtus rationes propriæ ſingulis	Vomitur puerulorum. 218
morborum generibus conue-	poſt Vomitum ſingultus. 519
niunt. 27	Vrina alba perſpicua. 351
Viſtum in vigore attenuare &	Vrina craſſa quæ. 345. 357
ad ipſum & prope. 29	Vrinæ craſſæ & grumofæ à pi-
Viſtu tenui vtentes delicta vitent	tuita. 345
maximè. 22	Vrinæ diſſidentes 539
in Viſtu tenui & gros delinquere	Vrina noctu miſta 365
quo pacto. 21	Vrinarum conturbatarum diſſe-
in Viſtu tenui errores cōmiſi. 28	rentiæ 346
Vigilia modum excedens quæ	Vrinæ difficultatem ſoluit venæ
mala aſſert. 84	ſectio 491
Vigilia & ſomnus ſupra modum,	Vrinæ pituitofæ coſtio 345
mala. 83	Vrinæ ſtillicidium ad quæ ſequi
Vigilæ infantium. 218	tur 436
Vigor ſummus quis. 134	Vrinæ ſtillicidium cum illo 500
in Vigore viſtum attenuare & ad	Vrinæ turbatæ capitis dolorem
ipſum & prope. 29	ſignificant 347
à Vini potu rigor. 523	Vitio coxæ 517
Vires quales ad morbos. 17	Vteri dextri mares 424
Viri mammis lac. 415	Vteri eryſipelas lethale 420
Virginis mammis lac. 414	Vtero gerentibus quādo ſanguis
Viſcera quæ. 341	mittendus 405
Vlceribus annis os abſcedere.	Vteri os durum conuiet 430
501	Vti cibo 444
Vlcera magna & maligna quæ.	Vulguſ falſo opinatur ſcſcinari
452	homines 14
Vlcera ſunt in aſcite cōtra Fuch-	Vulnerato cerebro an ſemper
ſium, & difficile ſanantur. 468	febris & bilis vomitus ſequan
in Vlceribus tumores. 450	tur 50
Vlceris locum non docet mi-	à Vulnere capitis ſtupor 527
ſtus ſanguinis aut puris. 356	Vulnera cerebri quæ ſanātur 475
Vlcera mali moris quæ. 464	Vulnera cerebri cuiusque mem-
Vmbilici inſtāmationes. 415. 419	branarum 507









